

Libreria Antiquaria
ANGELO GANDOLFI
BOLOGNA

Materia

Scienze VIII

Ubicazione

XL F

Volumi

1

Prezzo L.

2

1910

A. XXX.m

38156/E

01451

Scanzia

5

Casella

6

N.° d'ordine

4

D. CAROLI
MUSITANI
PHILOSOPHI, AC MEDICI
Experientissimi atque Celeberrimi,
PYRETOLOGIA
SIVE TRACTATUS
DE FEBRIBUS.

In quo, Hippocratis serie servatâ,

NOVUM SYSTEMA DE FEBRIBUS

Singulisque earundem Speciebus, aperitur; Antiquâ Galenicorum
Doctrinâ ad TRUTINAM revocatâ, penitusque eversâ.

Cum INDICIBUS Capitum, Rerum & Materialium locupletissimis.



COLONIAE ALLOBROGUM,

Sumptibus CHOUET, G. DE TOURNES, CRAMER, PERACHON,
RITTER & S. DE TOURNES.

M D C C I.



30702





PRÆFATIO.



ATTO veluti quodam fuisse factum videmus tantoperè à nobis vitam expeti præ cæteris, quæ desiderari contingunt, adeò ut ipsimet Philosophi, qui libellos de contemnendâ morte scripserunt, iidem illam, quia inevitabilem, malorumque omnium finem, meliorisque vitæ adeptionem, patienter ferendam, non tamen exoptandam docuerunt, quinimò ut quâ possit parte immortalitatis quâdam specie hominum memoriæ vivant, eorum nomen inscripserunt. Fato, inquam, veluti quodam factum in tantâ re tamque exoptatâ, artem fuisse inventam, quâ juvari valeret, sed adeò dubiam, obscuram, difficilem, & penè captiosam, ut parùm, quin verius nihil hominum industriâ contulerit, quod veritatem evincere potuerit, perfectâque rerum notitiâ potiri, quâ tutò sanitas, vitæque ratio instituatur, cùm contrà reliquis in rebus, quæ minùs ad vitam conferre videntur, propriâ sit adinventata ars, eaque veluti cælo divinitùs prolapsa ad majora semper indies evehitur. Ad gloriam namque & divitias parandas, quibus post vitam homines potissimum vacant, Virtus, Labor, & industria omnia docuit, atque per ipsa pericula, per mortes viam facillimè stravit. Quot incognita maria, supra omnem hominum spem inaccessibleia perdomuit tandem novosque orbes orbi peperit, tam felici ausu, ut quondam mortalium cupiditati invida, & obstantia freta, nunc quæstiosa mercimonia ultrò exerceant, dorsumque illis revectandis supponant? Ad viscera usque terræ, ad profundi, immensique Barathri sinus penetravit audacia, effossisque naturæ thesauris, penitissimisque ejusdem rimatis loculis, eò pervenit, ubi ulterius progredi natura ipsa nequivit. Præterea cælum ipsum tam longo intervallo à nobis, no-

strâque cogitatione diffitum penetravit unius tubi ope, adeò ut penè manu tangatur, quod priùs àpertis oculis tandiù nos latuerat. Quot in Sole sunt deprehensa? Quot in Lunâ admiranda, cœterisque planetis? Quot in stellis, atque in ipsâ Cœli materiâ, & structurâ? Et quodtandem negotium faceffere videtur universam cœli machinam, & cœlestium orbium motus parvo in Orbe perstrinxit, quos nostro arbitrio uno digito moderari nunc licet. Itaque (ne longiùs protrahatur sermo) ad ardua quæque manu, menteque pertingenda, virtus, obstinatusque labor profuit tandem, peculiaremque sibi artem adscivit, qua necessaria, vel utilia humano usui accomodarentur. Ad vitam autem, sanitatēque comparandam, vel tuendam, quis affirmare auferit tanto sæculorum cursu, tanto ingeniorum nisu vel quicquam certi fuisse repertum? Hæc potius, vel illa statâ lege procedere, suosque authores, longamque experientiam sæpesæpiùs non frustrantur, longâ temporum serie in meliora res evadere compertum est; tempus siquidē maximarum rerum author, opifex, & repertor, quod verò ad medendi normam spectat nil ipso deterius, quandoquidē tanto nobilium ingeniorum molimine, tot novis eorundem inventis, & cogitatis res in pejus abiisse conspeximus; quamquàm multis, & propemodum sexcentis medicina illustrata videatur, & ut res est, jure merito nostra ætas gloriatur de tantâ sæculi ubertate, magnarumque rerum accessione, attamen cū ad rerum usum, & morbis medicinam faciendam ut plurimū non satis aptè cohærere rationabiliter inventa visum fuerit, illud certè innotuit indefinitas esse morborum causas, nec veri quicquam per nos statui posse in tantâ varietate, ac naturæ ipsius multiplicitate, sed solū ejusdem vastitatem, & magnitudinem admirari licere, quandoquidē præconceptam priùs, & per experientiam probatam rationem tanto-perè sensus nostros eludere observavimus. Itaque procul omni dubio affirmare oportet novis inventis, nova ingenia maximam hujuscè rei difficultatem indicasse, & obscuritatem detexisse, ut quilibet ex ingenuo illorum cœtu liberè fateatur se nescire quid primum, quidvè postremum sit in morbis. Siquidē compertum est illis interdum vetita mederi, interdum quæ aliàs profuere, dein obesse, nunc cum Hippocrate, & Galeno tutiùs committenda esse negotia, quàm cum novâ, & exactiori medicina, eventus sæpè docuit, & tot, tamque
varia,

varia, & miranda, quæ indies se exhibent spectanda. Ex hac tantâ
miftione, formarumque mutatione facile effectum est, nonnullos
five spe lucri, five gloriosâ nominis vanitate ductos, ad imposturas,
ad captiosas artes, & his similia, quibus hominum vulgus facile deti-
neatur, confugisse. Quot igitur in nostris editis commentariis anti-
quorum, Neotericorumque dissertationes protulimus? Quot ipsi
vel ad meliorem formam redegimus, vel de novo comperta adauxi-
mus? Non ausimus tamen affirmare hanc huic morbo medicinam
potius, quàm illam esse adhibendam, & postquàm illam adhibue-
ris, certè ægrotantium valetudini præstò fuisse. Non nostra igitur
culpanda opera, sed naturæ potius malignitas; siquidè pro virili
enititur optatam metam contingere, omnesque nervos contendi-
mus ad unum scopum cuncta dirigere, illamque uti metam, & ducem
proponimus, sed sæpè post tot labores naufragium in portu facimus.
Quapropter ex his, quæ quotidie conspiciamus, decreveramus satius
esse nostræ scriptioni modum ponere, quàm tantis ineptiis effutien-
tes, sareinam pergravare. Sed propter ea, quæ scripsimus, deside-
rari, sæpiusque postulari cœpit tractatiuncula aliqua de Febribus, &
præ cœteris quæ in Medicinâ tractantur hanc omnium præcipuam
esse. Profectò ità se habere fateri licet, quandoquidè nec ætati,
nec regioni, nec tempori parcit, sed per universum orbem grassando,
vel sola hæc Cæmeteria tristi, & exitiabili epulo saginat, hinc sub
tantâ familiaritatis specie inter omnes versari videtur, ut domesti-
cum vitæ nostræ infidiatorem potius vocaverimus, quàm hostem.
Quippè nativus calor nobiscum nascitur, nobiscum alitur, & vivit,
nobiscum tandè moritur, ab hoc febris sua trahit incrementa, quæ
vel si tantisper vitalem ignem præoccupaverit, multa nostræ vitæ
exitianda parabit. Itaque de Febribus aliqua edisserere incipiemus,
quamquàm præter animi sententiam, attamen cùm morem gerentes
de reliquis morbis verba fecissemus, nunc etiam aliorum genio ad-
blandientes de Pyretologiâ unicum librum instituamus.



IN PYRETOLOGIAM

*Viri Excellentissimi, Celeberrimi, Medicina, simul
atque Chirurgia Restauratoris,*

D. CAROLI MUSITANI EPIGRAMMA.

E' prelis tandèm Methodus certissima prodit,
Quâ dignoscantur, deficientque Febres,
Magnas Authori grates debebitis, ægri,
Condidit hoc præstans qui sapienter Opus.
Plurima prisca ætas febrium produxit in æstus
Scripta; deditque recens, & dare plura studet.
Ulla quidèm profunt, at inania pleraque turgent,
Quinimmò ipsorum dogmata multa nocent.
Hac methodo intereà MUSITANI extinguitur ardor
Febrilis, fusâ ceu perit ignis aquâ.

JOSEPH PRISCO
In Neapolitano Archigymnasio
Iatrias Professor.

ALIVD

Postquàm flammigero ferax à Sole Prometheus
In terras ignis semina rapta tulit.
Incubuerè ipsis latè feralia Terris
Agmina morborum, præcipuéque Febres.
Ex quo tu lumen, MUSITANE, medentibus affers,
Instar qui nitidi Solis in Orbe micæ;
Ecce salutifero pereunt medicamine morbi,
E' venis fugiunt, visceribusque Febres.

INDEX

INDEX CAPITUM.

- CAP. I. **C**ognitio perfecta constitutionis corporis viventis cognitionem cuius-
cumque morbi precedere debet, quem Febrem communiter ap-
pellant. Pag. 1
- II. Corporis viventis divisionem in continentia, contenta, & impetum facientia
ab Hippocrate traditam optimè fuisse institutam, multumque ad cognitionem
constitutionis ejusdem viventis corporis conferre, è contrà Galenum in hoc
fuisse sophisticum, illumque veritatem deseruisse demonstratur. 2
- III. Id, quod in vivente corpore est motionum omnium causa, quam vitam, ani-
mam, naturam plerique appellant, & Hippocrates impetum facientem di-
xit, nullo modo ex temperamento primarum qualitatum resultat, ut Gale-
no placuit. 5
- IV. Id, quod vita, anima, sive natura in viventibus corporibus functiones
exercet, est substantia simplex per cuncta corporis organa equaliter diffusa,
quam Hippocrates spiritum impetum facientem appellavit, & Aristoteles
principium motus, & quietis, ejus in quo est per se, & non per accidens. 11
- V. Spiritus impetum faciens spermaticis partibus inexistens, movendo eas pro
organi dispositione, ad quod constitutum est, exercitium functionis illius or-
gani causat. 13
- VI. Quomodo intelligi debeat spiritum impetum facientem, sive vitam liberè
moveri debere, ut inculpatum sanitatem in vivente corpore producat? 15
- VII. De partibus corporis, quæ continentur ab Hippocrate appellata fuere, & quo-
modo ipsæ esse possint occasiones motus depravati in spiritu vita impetum fa-
ciente? 16
- VIII. De speciebus, sive differentiis contentorum in corpore viventium, quæ
februm occasiones esse possunt. 19
- IX. Quomodo ingesta in ventriculum ante separationem utilis ab inutili possint
esse morbi occasiones? 21
- X. Quomodo humida superfluitates, quæ ab ingestis cibis in ventriculum ope
Lienis separantur, possint esse februm occasiones, & cujus generis? 22
- XI. Quomodo excrementa, quæ per pylorum in intestina descendunt, occasiones
februm esse possint? 22
- XII. Quomodo pars utilis à cibis in ventriculo, & intestinis separata, & in
eorum villos recepta, quæ nutrimentum vocatur, possit esse februm, &
quarum occasio? 23
- XIII. Quomodo pars illa nutrimenti, quæ per universam corporis peripheriam
insensibiliter resolvitur, possit esse februm occasio, & quarum? 26
- XIV. Quomodo liquor nutritivus, qui à cerebro, & spinali medullâ elabora-
tur. 27

INDEX CAPITVM:

- tus per fibrarum substantiam ad sustentandum corpus descendit, febres producat, & cujus generis?* 27
- XV. *Quomodo sanguis in venis, & arteriis contentus possit esse occasio februm, & quarum?* 28
- XVI. *Quomodo serum, quod separatur à sanguine, & in urina formam excernitur, possit esse occasio februm, & quarum?* 29
- XVII. *Quomodo liquor felleus in folliculo contentus esse possit causa occasionalis februm, & quarum?* 30
- XVIII. *Quomodo aqua pericardij possit esse februm occasio, & quarum?* 30
- XIX. *Quomodo enumeratae causae occasionales in diversis corporis partibus, degenerationem, & indolem præter naturam nactæ, depravant cordis motum, & quamvis in certo corporis loco degenerent, morbum tam universalem producant?* 31
- XX. *Periodorum in febribus causa investigatur.* 35
- XXI. *De iis, quæ medicus attentè animadvertere debet in februm quarumcumque curatione suscipiendâ.* 39
- XXII. *De Curatione februm, quæ à cibis, & potu quantitate, vel qualitate peccantibus excitantur.* 40
- XXIII. *De Curatione februm, quæ ex degeneratione serositatum, quæ à ventriculo per vasa brevia à liene alliciuntur, proveniunt.* 43
- XXIV. *De Curatione febris, quæ ab excrementis per intestina descendentibus concitari solet.* 67
- XXV. *De Curatione februm, quæ à degenerato partium nutrimento foveantur.* 75
- XXVI. *De febribus ex aëris mutatione.* 138
- XXVII. *De februm curatione, quæ ex prohibitâ transpiratione originem ducunt.* 141
- XXVIII. *De februm curatione, quæ ex humido radicali fibrarum partium solidarum degenerato originem ducunt.* 144
- XXIX. *De februm acutarum ex humido radicali depravato curatione.* 145
- XXX. *De febre Hecticâ.* 145
- XXXI. *De Curatione februm, quæ à sanguine, vel in motu, vel in substantiâ depravato producuntur.* 173
- XXXII. *De Curatione februm, quæ à sanguinis motu intercepto producuntur.* 195
- XXXIII. *De Curatione februm, quæ ex sero urinario in massâ sanguinis stagnante originem ducunt.* 201
- XXXIV. *De Curatione februm, quæ ex liquore felleo fermentescente susciuntur.* 203
- Ultimum. *De Curatione februm, quæ ab aquâ pericardij ortum habent.* 213



D. CAROLI
MUSITANI
IATRIAS PROFESSORIS
PYRETOLOGIA
S E U
DE FEBRIBUS
LIBER UNICUS.

CAPUT PRIMUM.

*Cognitio perfecta constitutionis corporis viventis cognitionem cujus-
cumque morbi precedere debet, sed illius præcipuè,
quem Febrem communiter appellant.*



MORBUS si pro eo sumitur, quod sanitatis integritatem tollit, præterquam in vivente sano suum habere ortum, progressum, & terminum non potest; Quippè corporibus, quæ vita sensitiva carent, si aliquid accadat, quod eorum substantiam lædat, & ab actuali statu removeat, eam morbum pati

non dicimus, sed alterationem, corruptionem, degenerationem, transmutationem, uersionem, quampluraque similia accidentia in ijs nos animadvertere pronunciamus, ipsa tamen neque talia accidentia sentire, neque animadvertere scimus. Verùm morbus non pullulat nisi in agro vivente, in quo solo ejus semen ipsum excludit, & extra quem nullibi reperitur;

D. Car. Musitani de Febris.

A

ritur; in ipso suæ productionis exortu ipsa viuenti sensibilis usque in ejus terminum, vel per ejusdem morbi cessationem, vel per soventis morbum vitæ extractionem: est sanè morbus in vivente sensitivo, non secus ac viscum in arbore vegetante, in quâ suum nascitur semen, suam exclusionem agnoscit, ab ipsâ vim vegetatricem, & succum vegetabilem exhaurit, ac tandem ipsius arboris vitâ vivit, qua-ermonticè, & ipsum viscum emoritur, & emori ipsum viscum potest, integrâ manente arboris vegetatrice: sic morbus in sensitivis semen nanciscitur in eorum vitâ, excluditur in ipsa, & ex ipsa augetur, in ipsa minuitur, denique vel per successivam diminutionem in ipsa cessat, eamque in sua integritate relinquit, vel per successivum incrementum omnimodè illam subjicit, & simul cum vita ipse morbus extinguitur, quod etiam visco accidit, quod sæpè undequâque suam arborem occupat, ad se omnem ipsius arboris succum trahit, quo in arbore deficiente, & arbor siccescit, simulque cum ipsa iniquum viscus arefcit.

Cum ergo morbus in viventibus sensitivis semen exortum, progressum, terminumque ejus fuerit in naturâ fortitus, sive passio sit viventis, ut inadaquatè communiter dicitur; ad hoc ut ipsius naturam, atque essendi, agendique modum clarè, distinctèque cognoscere possimus naturam viventium sensitivorum ex integro prius cognoscere cogimur, tunc enim præterquamquod per cognitionem naturæ viventium, ipsam quoque morbi naturam cognoscemus; Innotescat etiam nobis, quibus præ-

sidijs sit in naturam viventium adius, ut ipsis communicata morbum tanquam monstrum quoddam in ipsâ naturâ perimat, & extinguat.

Sanè si claram, distinctamque naturæ viventis cognitionem quilibet particularis exigit morbus, ut per illam cognitionem & ipsa innotescat febris, quæ rectè morborum omnium morbus dici potest, quippè cum omnes facultates lædat, morbos ferè omnes complectitur, huic de febribus libro cognitionem constitutionis viventis corporis plusquam alijs medicæ facultati pertinentibus convenit; utrisque enim naturis cognitionis, viventis scilicet, & febris: facile cuique erit reliquorum morborum naturam comprehendere, & ex fundamento intelligere, cæterum si sanitatis, & morbi prolixas quasdam tractationes desideratis, *Galenum* consulite *lib. de diff. morb. de causis morb. de sympt. causis*, illiusque alios.

CAPUT II.

Corporis viventis divisionem in continentia, contenta, & impetum facientia ab Hippocrate traditam optimè fuisse institutam, multumque ad cognitionem constitutionis ejusdem viventis corporis conferre, è contra Galenum in hoc fuisse Sophisticum, illumque veritatem deservisse demonstratur.

Cum aliquid, quod nos læter, investigare volumus, vel in investigatione decipiemur, vel finem frustabimur, si per occultiora, obscurioraque eo quod investigamus, opus aggre-

aggredi tentabimus; huiusmodi *Galenum* fuisse comperimus, qui cum naturam viventis corporis in operationibus, & affectibus nobis patentissimam, in ejus verò essentiâ, causis, & principiis obscurissimam, & occultissimam investigare, & cognoscere vellet, res omnino ab ipso vivente corpore remotas, quæ, an in ipso sint, & quomodo inesse possint, penitus latet, suæ investigationis initium fecit.

Equidem ipse, ut naturam viventis comprehenderet, pro fundamento tractatum de elementis primò stravit; deindè logismum de temperamentis apposuit; tertio, hæc in causas, & principia facultatum naturalium adiecit; quarto, has humorum quatuor elementis numero, & qualitate respondentium fabricatrices effecit; quintò, tandè ex his reliqua omnia, quæ in corporibus sunt, vel fiunt, sic ille obscurum per obscurius, ignotum per ignotius, incerto semper pede venari visus est, & claudicanti veritati per rhetoricæ, & logicæ peritiam suppetias exhibere.

Ecce nunc ad sensum demonstrarunt rectè philosophantes elementa concreta esse corpora, non autem simplicia, elementum ignis in universitate rerum non esse; calorem, & frigus esse in elementis prout in reliquis concretis, non autem elementis; aërem, & terram nullo modo concurrere ad corporum mixtionem, sed ea tantum ex elemento aquæ concrecere; temperamenta ex quatuor qualitatibus resultantia non esse in naturâ, sed motum, formas, vitam, & animam sensitivorum ab ipsâ naturâ pendere, quæ corporibus inest per se, non per

accidens, ut benè *Aristoteles* dixit, quæ natura, sive motus principium non solum in mixtis, quæ vocant, corporibus inest, sed elementis ipsis, quippe natura prior ipsis elementis est, illisque universalior. Ex his quid verè contineri possit in *Galen*i theorijs constitutionem viventis corporis docentibus, quisquam perpendere potest, cum tot figmenta pro constantissimis fundamentis substituerit.

At *Hippocrates*, ut naturalem Philosophum, sensatumque medicum decet, minimè quidem remota, & extranea, sed ipsum vivens corpus contemplandum suscepit, & ne de eo aliquid temerè pronunciaret, cum compositum, non autem simplex illud esse animadvertisset, dividere prius illud, ac deindè, quid esset, definire nos docuit, undè de vivente verba faciens, sic illud divisit: *Corpus vivens constat ex continentibus, contentis, & impetum facientibus*, quod nec clariùs, nec æquiùs dici poterat, quippe nil corpus vivens constituit, quod sub illis tribus divisionis membra continent, quod in vivente non inveniatur.

Est tamen in hac divisione primò notandum, quòd pro impetum faciente intelligit *Hippocrates* id, quod in vivente corpore dicimus esse animam, vitam, naturam, & quicquid aliud, quod supponitur in vivente esse principium motus, facultatum, actionum, & operationum, quodque in corpore organico vitæ functiones exercet, & sine quo corpus merum cadaver manet, ut cum extincta vita sensitiva in equo, vel separata anima immortalis ab homine, quod remanet corporeum, licèt eandem

retineat structuram, quam ante mortem habebat, neque amplius ab intrinseco movetur, neque in organicis facultates exercentur, neque in eo penitus ulla est actio, cum in ipso amplius non sit principium illud impetum faciens, à quo omnia in organis fiebant.

Notandum secundò, quòd primo intuitu Hippocratem non benè remegisse ab aliquo existimari posset; enimverò sufficiens videbatur esse, si author corpus vivens in continentia, & contenta tantum dividisset: nam impetum facientia pro ijs, quæ continentur, intelligi poterant, quippè vitam, animam, naturam, & siquid aliud his synonymum dicimus, quod impetum faciens denotet, intra corporis ambitum contineri, non videtur, qui ambigere possit; sed in hoc tanti viri non solum errorem non emendare, sed summam sapientiam admirari licet, enimverò vita viventis, quæ ab impetum faciente pendet, in extrema cutis superficie sensum tactus exercet, ità ut à cute contineri vitam rectè dici non possit, imò quia ea, quæ extra nos sunt, sentimus, potius vitam continere corpus, quàm illud vitam dicere congruè possumus, & cum vita corporis machinam erectam sustineat, illamque ad varios motus peragendum adigat, ipsam corpus, quod movet sub suâ authoritate continere lucidè apparet; cum aliquin cessante vitâ illicò corpus corruat, & ut ad motum adigatur, externo impulsu indigeat. Præterea vita in corpore vivente intra tubulos, & argines non coërcetur; non enim ut medulla continetur in ossibus, ut sanguis continetur in venis, & arte-

rijs, ut liquor alimentitius in fibris; liquor sellæus, & urina in vesicis, uti cibi, & recrementa in ventriculo, & intestinis, & tandè uti aër continetur in thorace; sed ipsa à medulla cunctarum partium æqualiter diffunditur per totum, ut inculpatum continuum, partesque omnes pervadendo, æqualiter vivificet, ità ut illas in continuâ suâ diffusionem contineat, & foveat; saltè vitam neque contineri à corpore, neque eam continere corpus certissimum est, cum idem terminus sit utrisque ubi enim in superficie cutis terminatur corpus, ibi & terminatur vita, & quibus æqualis est terminus, neutrum ab altero contineri rectè pronunciamus; sit hujus exemplum ferrum ignitum, in cuius ultimâ superficie, & ferrum, & ignis æqualiter terminantur, imò quodammodò cum ignis ultra suam superficiem calorem diffundat, & ferrum non ultra suum corpus ferat, potius ignem continere ferrum, quàm hoc illum fateri cogimur; si continens contentæ rei est terminus, quod etiam in corporibus viventibus accidit, in quibus calor vitalis ultra cutem diffunditur suum esse non habet.

Verùm hæ rationes non moverunt Hippocratem ad sanciendo, quòd impetum facientia enumerari inter contenta non debebant, sed illum ea sola ratio movit, quòd impetum facientia ejusdem non sint naturæ cum ijs, quæ in viventibus contenta, adhuc post viventis mortem in cadavere perseverant; etenim cum impetum facientia toto cælo sint naturâ diversa, atque distincta ab ijs, quæ continentia, & contenta, adhuc in cadavere perse-

perseverant, Hippocrates existimavit alterius considerationis, & speculationis esse impetum facientia, & alterius continentia, & contenta, quas considerationes, & speculationes cum Galenus confundisset, utriusque naturam penitus ignoravit, credidit enim ex mixturâ continentium, & contentorum, in quæ elementa concurrisset, resultare temperamentum quoddam, quod animam, vitam, naturamque appellavit, ut *lib. de natural. facult. lib. de temperam. lib. An animi mores temperamenta corporum sequantur. Lib. de substantiâ facult. natural.* in quibus rem ex professo tractat, & animam nil aliud, quam temperamentum primarum qualitatum esse obstinatè defendit.

Cum ergo ex serie huius unici libri notum fiet, in viventibus corporibus impetum faciens spiritus non solum febrium, sed omnium morborum sit causa efficiens effectiva; contenta verò possint esse causæ occasionales, à quibus impetum faciens spiritus excitari potest ad morborum productionem; tandem continentes partes sint subiecta, in quibus facultatum læsiones, symptomatum procellæ, & quæcumque affectiones ex morbo producuntur, sentiuntur. De impetu faciente prius, deinde de contentis, postremo de continentibus doctrinam trademus, ut febris essentia penitus innotescat.

CAPUT III.

Id, quod in vivente corpore est motuum omnium causa, quam Vitam, Animam, Naturam plerique appel-

litant, & Hippocrates impetum facientem dixit, nullo modo ex temperamento primarum qualitatum resultat, ut Galeno placuit.

INesse viventibus corporibus, id quod mover, nemo negavit, hoc enim fuisset negare sensum; verum quid sit, quod in viventibus movet, non est facile determinare, & hætenus non solum inter philosophos, & medicos non convenit, sed res est maximè omnium controversa, & secundum sectarum dogmata agitata: Galenus lib. 5. de natur. facult. cap. 12. in hac re duarum sectarum, quas non ignobiles vocat, sententias magnificiendas affert, reliquas ut ignobiles respuit nullâ memoriâ dignas; primam dicit esse illius sectæ, quæ substantiam eam, quæ generationi, & internicioni est subiecta, totam tum unitam esse, tum alterari proponit; alteram dicit esse alterius sectæ, quæ vitam viventium immutabilem, inalterabilemque & in tenuia dissectam, tum vacuitatibus quibusdam interceptam statuit. Primam dicit esse Hippocratis, alteram Epicuri; & illum sectantium, at cum neutram illæ contentaretur tertiam addidit sententiam suam, quam adeò veram existimavit, ut Platonem, & Aristotelem irrideat, qui de animæ hominis immortalitate sentire videbantur; lib. enim in quo probatur animi mores corporum temperaturas sequi cap. 3. hæc ait: *Quamobrem animæ essentia erit quodammodo temperatura quatuor, seu qualitatum dicas, humiditatis, siccitatis, caliditatis, sive corporum humidi, calidi, frigidi, ac sicci, facultates autem ex anima substantiâ sequi;*

si deinde quoque actiones proveniunt, probare convenit: Si igitur pars, quæ ratiocinatur, animæ species sit, mortalis erit; siquidem ipsa quoque est quædam cerebro temperatura, atque ita omnes animæ species, ac partes habebunt suas facultates temperaturæ consequentes, talisque erit animæ substantia. Hæc Galenus, qui postquam Platonis, Hippocratis, & Aristotelis de animâ refutavit sententias, ex iis aliqua transcripsit, quæ licet animam temperamentum esse non pronuncient, eam tamen temperaturam corporis sequi quodammodo insinuant. Conatur deinde suadere animam ab eo ideò temperamentum dici, quia discursus, sive ratio à vino, à cicutâ, ab aliisque medicamentis intrâ assumptis subvertitur, & alienatur. Item quòd à nimium refrigerantibus, nimiumque calefacientibus anima exstinguitur, quod totum ratione moti, & alterati temperamenti fieri contendit.

Verum nos paulò post & alterari, & moveri posse animam sensitivorum, & pati, quæ patitur, & agere, quod agit, demonstrabimus, atamen ipsam non esse tunc ulterius temperamentum aperiemus, & nunc contra Galenum id assequi conabimur.

Primò contra ipsum hæc ponimus: Elementa non sunt quatuor: ergò ruit integrum Galeni ædificium de qualitatibus, de temperamentis, de humoribus, scilicet tota sua doctrina. Antecedens probatur, nam ignis non est elementum, non solum quia suâ spherâ caret, sed etiam quia suum esse habet in reliquis elementis solitarium, & absolutum; calorem enim, & ignem non in aliquâ mundi parte,

in aëre, aquâ, terrâ, & in corporibus concretis, quæ mista appellantur, in universitate rerum tantum invenimus. Aër verò licet sit elementum ratione suæ simplicitatis, & constantiæ, tamen sui corporis commistionem reliquis elementis non permittit: nunquam enim naturæ, & arti possibile erit aëris partes cum partibus aquæ per minima misceri, nam summa ejus levitas, & summa illorum gravitas negant id assequi posse, & destinatio aëris in naturâ non est, ut concretis se commisceat, sed ut illis præbeat locum, & motus libertatem; quinimò ut cœlestia corpora cum terrestribus communicent, sine enim aëris perspicuitate id fieri non posset.

Præterea terra virgo licet elementi proprietatem habeat ob ejus constantiam agentibus naturalibus invictam, tamen nullo modo concreta corpora ingreditur, ut mechanicè per plantarum, & arborum nutritionem probatur, estque terra tantum uterus, in quo rerum semina suos nanciscuntur motus; neque frigida, & sicca dici meretur, cum ipsa per artem in sal reducatur, quòd igne liquefcit, & ignescit, quod evenire non posset, nisi terra in suâ radice humorem, & ignem foveret.

Demum aqua, quæ sola est concretorum omnium materia, ut in nostrâ Pyrotechniâ demonstravimus, verum est elementum propter suam simplicitatem, & substantiam, tamen positivè frigida dici nequit, quippè igne calefcit adhuc sub formâ aquæ, quod fieri non posset, si frigiditas esset de essentia aquæ, nam res eadem essentialiter calida & frigida esse nequit, &
aqua

aqua fervens talis esset; porro aqua nunquam ex seipsâ in positivam frigiditatem abit, sed ad loci ambientis temperiem ea componitur, undè in loco calido calefcit, in tepido tepescit, in frigido frigescit &c.

Cœterum *Galenus* indecisam relinquit qualitatem, an formę tantum elementorum, an integra elementorum corpora concurrerent ad mistorum productionem. Cognovit enim, quod quocumque modo rem evenire decernebat, ruebat miftionis elementaris suppositum; quippè si tantum elementorum formas ad id destinabat, præterimus, quòd rem impossibilem dixisset, nam formæ non subsistunt extra suppositum, certè ex illis nulum materiale corpus resultare poterat, quippè illis formis deficiebat materia; Si verò pronunciaffet elementa materialiter ad corporum miftionem concurrere, jam nullum corpus ex ipsis elementis conflatum fuisset unum per se, sed unum per accidens, & per diversa simul aggregata, ut contra *Empedoclem* disputavit *Aristoteles*, & illi occasio data sua constituendi principia physica, quæ materiam esse dixit, non autem quatuor elementa.

Prætereà cum non sit in rerum naturâ concrerio, cujus radix non sit humor, siccitatis positivè qualitas in nullo coheretorum reperiri potest, undè dicimus os esse siccum, habito ad carnem, quæ humidior est, respectu, sed os non minùs ex humore seminali, quàm caro concrevit; eodem modo in animalibus actu calidis asserere adesse frigus pro constitutione miftionis est in physicis negare sensum; quòd enim ad sensum calidum

est, dicitur respectu alterius calidi magis, vel minus calidum, rectè quidem, sed quod ubi actu calor est, positivum frigus manere imaginari volumus, dementiæ criminari possumus; ità cum ferventi aquæ frigidam injicimus, & minus calida evadit, remissio illa caloris temperamentum dici non potest ex frigido, & calido factum, sed evenit ex eo, quòd ubi ante miftionem calor in aquâ excitatus ferventes reddebat decem aquæ libras, simul atque additæ illi fuere tres aliæ libræ ex frigidâ, calor illarum decem librarum additas tres libras excalfacere urgebatur, ac propterea in tredecim libris minor nobis, quàm in decem apparet.

Hæc obiter de quaternario elementorum, eorum mifturâ, & temperamento tetigimus, quæ largiùs à recentioribus in mille voluminibus inculcantur, ut innotesceret quàm frivolis fundamentis *Galeni* doctrina nitatur, perpendamus nunc quatuor humorum suppositionem quatuor elementis in viventium corporibus respondentem, ex quorum temperamento vitam, seu animam oriri *Galenus* asserit, & ex eorum intemperie, vel putredine morbos omnes sine febre, vel febres ipsas fieri docuit. Ultrò in hoc obmutesceremus, ne per tot sæcula receptam *Galeni* doctrinam è suis fundamentis evertere videremur, sed quia in magistri *Galeni* verba non juravimus, solidam, veramquæ doctrinam suggeremus. Parcite *Galeni* manes, & vos ejus procuratores, qui per epistolam illius causam tuemini, si pro veritate vestigandâ evidentem ejus doctrinæ falsitatem deregemus; nostro enim mu-

neri non faceremus satis, si falsam doctrinam propinarem; id, qui vult, faciat vel deceptus, vel decipiens, nos, qui hanc profitemur facultatem, læderemus potius, quam quæ vera non sentimus, ut vera doceremus.

Galenus ergò in multis suorum voluminum locis, & ubique sibi constans insinuat ab hepatis facultate quatuor humores generari ex chylo in venam portæ per meseraicas ab intestinis attracto, equidè ex temperato calore jecoris sanguinem, ex illius excedente bilem, ex illius remisso phlegma, ex eodem magis pigro melancholiam generari asserit; & cum sæpè humoris tum biliosi, tum melancholici quantitas aliorum symmetriam excedat, ut quod eorum superfluum erat, excerneretur, vesicam felleam jecori apposuit, pro flavâ bile, lienem verò in sinistro hypochondrio pro bile nigrâ, reliqui deinde humores uno in sanguine simul commistos à jecore in venam cavam transire, per quam pars ejus per universum corpus fluens, pars verò per cor in arterias transiens pro suâ temperie nutritionem, & vitalitatem animali suppeditaret; cum verò per aliquam causam eveniret, ut unus ex quatuor humoribus in sanguine contentis exorbitaret, vel corrumpere, illicò temperiem dissolvi asserit, & oriri morbum pro conditione, & proprietate humoris exorbitantis, vel corrupti. Hæc est fundamentalis totius Galenicæ artis doctrina, super quam tot suorum voluminum machina innititur; Videamus, quomodò in naturâ subsistat

Est ipsius *Galen*i placitum per co-

ctionem in ventriculo generari ex cibis chylum, substantiam homogeneam, & in suis partibus similem, qui deinde à suis facibus separatus in intestinis, suggeretur à venis meseraicis, qui cum essent venæ portæ surculi à jecore prodeuntis, per eas ascendens versus hepar, in ipsis venis, tum in ipso hepate ab ejus facultate transmutaretur in quatuoriam assertos humores, hoc posito, argumentamur sic:

Ubi agentis actio est uniformis in materiâ homogeneâ, & similari, in eodem loco, & eodem tempore necesse est, ut id, quod ex materiâ producit, sit uniforme, & homogeneum: sed actio hepatis est uniformis in chylo homogeneo, & similari eodem loco, & eodem tempore: ergò quod ex chylo producit virtute hepatis agentis erit homogeneum, & uniforme, non quadriforme, & ætherogeneum.

Major adeò patet, ut probatione non indigeat, quippè agentia naturalia non sunt libera, sed necessaria, nec possunt ex arbitrio producere ex materiâ id, quod illis placet, sed id, quod materia est ad producendum apta, sic ex tritico triticum, ex fabâ fabam, ex cicere cicer produciunt agentia naturalia, non ex fabâ triticum, neque ex cicere fabam: facultas ergò hepatis cum sit univoca causa, in materiam dispositam agit, non potest producere ex eâ, nisi quod est ad producendum apta, & cum chylus sit homogeneus, non potest dici aptus ad producendum aliquod ætherogeneum, sed è contrâ.

Minor constat ex eodem *Galeno*, nam in humorum generatione supponit

ponit facultatem hepatis chylum generantis homogeneum, in venis mēseraicis conclusum, ex quo eodem tempore quatuor humores generari afferit. Consequentia oritur ex prēmīssis.

Argumentum adversariis est insolubile, neque hactenus aliquem eorum reperire potuimus, qui aliquid, quod satisfaceret, responderet; recurrunt aliqui ad assertionem ejusdem *Galenī*, qui in hepate supponit diversitatem calorem, cum quibus agit: sed quæso, quis in hepate caloris gradus pendit, & nunc illum temperatum pro sanguinis generatione exerceat, nunc alium vehementem pro bilis generatione moveat, & sic de aliis duobus. Si hepar per calorem agit in chylum, calor iste resultat à totius hepatis constitutione, qui in eo erit gradu, quem illius constitutio producit, & ad placitum *Galenī* augeri, minui, vel temperari nō potest.

Fuerunt, qui responderunt in chylo licet homogeneo esse commista quatuor elementa, quæ virtute hepatis in quatuor humores transeunt: sed hoc contra *Galenum* directè pugnat, qui homogeneitatem in chylo requirit, & humorum productionem, non chyli homogeneitatis, sed agentis hepatis effectum esse expressè profitetur, & hoc cautè fuit ab eo dictum, nam si hepar chylum in quatuor elementa resolveret, humores non produceret, sed ipsa elementa simplicia, ac deindè necesse esset, ut hepar simplex unumquodque elementum in unum ex quatuor humoribus transmutaret, quod à *Galenī* mente, & ab ipsâ rei veritate est longè alienum.

D. Car. Musitani de Febris.

Præterea si quatuor sunt humores, cur bili superflua, & excrementitia, quam vocant, natura destinavit suum receptaculum, fellis scilicet vesiculam, reliquis verò tribus illud denegavit? An reliqui tres suis superfluitatibus carebunt? Cur lienem bilis nigrae receptaculum factum est, cum ille cavitatem non habeat pro continendo? An humor ipse melancholicus in arteriis, quibus abundat lien stagnabit?

At respondent *Galenistæ*, cur nos humorum quaternarium non admittimus, si oculis illud in sanguine è venis extracto, & coagulato conspiciamus? Videmus enim humorem subflavum coagulato sanguini supernatare, quis erit, qui negabit illum esse bilem? Videmus deindè florentem sanguinem coagulatum, inter cujus partes fibras quasdam albas conspiciamus, nonnè pars una est, quarta substantia, quam sanguinem dicimus, alterum verò phlegma pro sua parte sanguini commistum? Et si coagulum illud sanguinis subvertamus, nonnè in illius coaguli fundo nigram bilem animadvertimus, quæ quaternarium complet? Itaque ipsa in fundo tanquàm gravior, & terrea, in medio stat sanguis, & phlegma veluti humores medij, in superficie verò fluctuat bilis, utque calidior, & tenuior sursum semper fertur.

Commentum hoc veluti irrefragabilem demonstrationem pro quaternatio humorum stabiliendo adducunt *Galenī* Sectatores, sed falluntur.

Primò, quia nunquàm observarunt, cujus naturæ esset liquor ille sanguini coagulato supernatans, nam

si illum gustassent, neque amarum, neque acutum comperissent, ac propterea pro bilioso humore illum non reposuissent.

Secundò, cogitare debebant, quod liquor ille supernataus sanguini, quia levior est fibroso sanguine, non autem quia bilis est, ita ut si decantato liquori illi à sanguine suo loco substitueretur aqua fontis, ipsa adhuc sanguini supernatabit.

Tertiò, advertere debebant, quòd sanis hominibus per venæ sectionem educitur aliquandò sanguis omnimodè liquore illo carens, & integrè grumescens, ex quo dicere cogerentur, quòd homo ille bile carebat, & tribus tantum humoribus sanus vivebat.

Quartò, phlegma, quòd sanguini interspersum supponunt, illud non mereret locum, sed sub coagulatione sanguinis situm habere deberet, nam nullibi videmus aquam aëri commistam; videmus tamen aquam tellurem permeantem: ergò phlegma pro quarto humore commistum esse debebat cum melancholiâ in sanguinis fundo.

Quintò, animadvertere quoque debebant, quòd si cum sanguis grumescere incipit, illum in aliud vas ita transmutarent, ut superficies, quæ primi vasis fundum tangebatur, sit suprema in altero, completâ tali grumefactione observavissent, quòd superficies fundi sanguinis, quæ in priori vase apparuisset nigra, in secundo eam vidissent floridam, & prima superficies, quæ in primo vase erat florida, in fundo secundi vidissent nigram, scilicet quòd nigredo

in fundo sanguinis non arguit humorem melancholicum, sed tantum aëris negationem, cujus commercium in superficie superiori floridum colorem effecit. Hæc, & innumerabilia alia afferri possent contra imaginatum humorem quaternarium, quæ si quis discere desiderat *Helmontium* adeat in libro cuius titulus: *Scholarum humoristarum passiva deceptio*. Hoc tantum addemus nostræ inventionis argumentum.

Demus hominem in optimâ sanitate constitutum, certum est, si vera esset quatuor humorum doctrina, talem hominem tum in quantitate, tum in qualitate æquilibratos in corpore quatuor humores habere, certumque quoque erit, quòd si tali homini alicujus humoris quantitas, vel qualitas dematur, quòd temperamentum sanitatis dissolvitur, & infirmus evadet; propinamus tali homini rhabarbari drachmam, & evacuat sinceræ bilis libras duas, at tamen homo ille in pristina salute perseverabit, licet humori bilioso duæ deficiant libræ, cum quibus prius sanitatis temperamentum complebat: ergò alibi, quàm in humorum temperamento consistit animantium sanitas. Idem arguere potes, si cum pilulis de Mezereon viginti libras phlegmatis à sano corpore evacuas, nam absque eo quod infirmetur, integro ferè humore phlegmatico caret.

CAPUT IV.

Id, quod vita, anima, sive natura in viventibus corporibus functiones exercet, est substantia simplex per cuncta corporis organa aequaliter diffusa, quam Hippocrates spiritum impetum facientem appellavit, & Aristoteles principium motus, & quietis, ejus in quo est per se, & non per accidens.

Galenus veritati non satisfecisse suppositione elementorum, humorum, & temperamentorum, pro constitutione vitæ animalium, jam satis superque capite præcedenti demonstratum est; operæ pretium nunc erit videre, si id, quod ab Hippocrate pronunciatum est, ut fuit ab Aristotele confirmatum in hac re, sit magis veritati consonum, quam quod à Galeno fuit prolatum.

Postquam Hippocrates consideraverat perfectorum animalium corpora organica esse, & ex partibus differentibus certo ordine, & situ unitis constare, sancivit in ipsis organis, & diversis partibus unum corpus constituentibus esse consensum unum; consensus iste unus, & conspiratio una à substantiâ quadam, quæ etiam esset una, ac simplex, caussari necessarium erat, nullo enim modo in differentibus organis produci poterat consensus ille unus nisi cunctis ipsis organis aliquid inexistere commune, quo uniformiter ea regens, unumquodque eorum operaretur id, ad quod suis dispositionibus esset ordinatum, quod evidens est in machinis, & præcipuè in horologiis, in qui-

bus omnes eorum partes in unum conspirant finem, scilicet in temporis horarii designationem: Id sanè in horologiis non eveniret, nisi tot diversæ rotulæ, & aliæ partes, ex quibus componuntur, ab uno simplici, & uniformi motu regerentur, qui à violenter contortâ chalybis zonâ producitur, & est omnibus horologii partibus, quæ moventur, communis; ita à paricū corpus animale ex diversis componatur organis, quæ omnia in unum sint directâ finem, scilicet ut corpus illud vivat, & sibi destinatas à naturâ functiones exerceat, uno simplici, uniformique motu indigeat, qui omnibus est communis, ut unumquodque organum moveret pro suarum dispositionem exigentiâ, nam re ita dispositâ, cuncta fierent, quæ in corpore à naturâ essent destinata.

Hippocrates ergo ab adductâ horologii similitudine non discedens, hunc motum organis corporis animalis communem vocavit Spiritum impletum facientem, non secus ac in horologio contorta Zona chalybea, ut ad suum revertatur situm, impetum facit, & in rotulis horologii motum inducit, eâ tamen differentiâ, quod motus horologio exterius advenit, & dicitur motus per accidens, in animalium verò corporibus est per se, & suis principiis à naturâ implantatus, & omnino ab intrinseco.

Hanc Hippocratis sententiâ de Spiritu impetum faciente animalium corporibus inexistente clarioribus verbis confirmavit Aristoteles, dùm definivit Naturam, dixitque eam esse principium motus, & quietis ejus, in quo inest per se, non autem per accidens, & cū quid esset hoc motus principium,

pium, alibi investigaret, protulit: *Illud esse spiritum in corporibus propositione respondentem elemento stellarum.*

Hinc quisque discat, an temerè, & per arrogantiam nos Galeni sententiam deseramus, an ingenuè, & propter veritatis amorem? Cùm saniorum Philosophorum judiciis hæreamus, qui ab ipso Galeno tanquàm magistri venerantur; mens enim Galeni ab elementorum quaternario præjudicata præceps in errores ivit, sed Hippocratis, & Aristotelis mens veritatem proximius attigit, quippè in utroque gliscebatur veritatis amor, ut nulli præjudicio addicti, sed Galenam elementorum præjudicio addictum errare necessariò contingit.

Hippocratis igitur, & Aristotelis consensu asserere licet *functionum omnium, quæ in organico corpore sunt, causam, & intrinsecum principium esse substantiam quandam simplicem, tenuissimam per universum corpus diffusam, habentem in se principium motus, & quietis, ea peragentem, quæ organorum dispositiones requirunt.*

Diximus, *Principium intrinsecum functionum esse substantiam quandam,* nam per accidens esse non potest id, quod per se est principium, & per se corpori inest.

Diximus, *Per universum corpus diffusam,* nam nulla est corporis integri pars in sanitate constituti, quæ ab hac simplici substantiâ vitalitatem non accipiet, in qua re est advertendum, quòd hæc substantia simplex per corpus non est diffusa, ut aqua diffusa manet per pannum madidum, absque eo quod aqua in fibris ipsius panni infixas habeat suas radices; sed hæc substantia simplex radicata est in

fibris corporis organici, ac mediantibus ipsis fibris per corpus diffunditur, & quibus in organis major concurrunt fibrarum numerus, in iis majus est hujus simplicis substantiæ robur, & functiones majoris momenti exercentur.

Præterea diximus, *Habentem principium motus, & quietis,* nam motus quicumque accidunt corpori, tam passivi, quàm activi, hujus sunt simplicis substantiæ, nam ejus extincto motu, licet reliqua sint in cadavere, quæ prius illi aderant, non propterea movetur, est etiam quietis principium, nam quoties illa feriat, actualis organi functio cessat, quæ à voluntate dependet.

Diximus, *ea peragentem, quæ organorum dispositiones requirunt,* ut ex hoc constet erroneam, ac falsam Galeni sententiam substantiam animæ inter tres principes facultates dividendam, unamquamque earum ab aliâ distinctam certo visceri tribuentem, nam si ita se res haberet, impossibilis esset in vivente consensus unus, si tria distincta principia in vitæ integritatem concurrerent; non enim animadvertat Galenus se eadem manu tractare posse calamum ad scribendum, gladium ad feriendum, frænum ad regendum equum, penicillum ad pingendum, & similia instrumenta, quæ secundum eorum varietates, & dispositiones in variis peragendis exercentur, unicâ eademque manu ea dirigendo: nam si id animadvertisset, potius quàm trium facultatum inventum confusum, & multis absurditatibus refertum Hippocratis sententiæ accomodasset, quæ per unicum impetum facientem spiritum pro organorum

rum dispositione omnia in vivente fieri determinavit. Concedimus libenter cor, cerebrum, & hepar corporis partes esse quibus ferè tota corporis œconomia regitur pro earum functionum diversitate, sed id à diversitate principij moventis pendere simpliciter negamus; non enim vita, quæ in cerebro, est principio distincta à vitâ, quæ est in corde, & vita, quæ est in corde est principio distincta ab eâ, quæ est in hepate, & sic ab his vita, quæ est in reliquis organis, sed unica est vita, simplex, & uniformis in qualibet corporis parte; verum quia ad cerebri, hepatis, & cordis constitutionem multus fuit partium spermaticarum concursus, multum quoque illius simplicis substantiæ, & plusquàm in aliis partibus, in illis stabulatur, textura verò eorum, & partium, & figuræ dispositio exigunt, ut quoties ab ipsâ vitâ moventur, cerebrum eas functiones exercet, quas exercere aptum natum est, sic cor suas, hepar suas, & eodem modo reliquæ corporis partes. Concipienda mente ergò est in animali corpore natura, unus spiritus impetum faciens, unumque motûs principium, cujus ope partes omnes ipsum corpus integrantes sunt in motu, & vita unaquæque pro proprio suæ compositionis, & texturæ modo; ubi advertendum est, quòd spiritus iste impetum faciens, seu motûs principium ità est fibris, particulisque corporis omnibus intrinsicum, ut nihil in vivente corpore sit illo profundius, neque errabundè per corpus vagatur, sed particulis, quas spermaticas, & primæ conformationis vocant, est inclusum, ac pertinacissimè alligatum, undè est,

quod illa viscera magis vitalia dicimus, quæ ad earum compositionem spermaticarum particularium numerum majorem meruere.

Cœterum si exemplum quæritis, quo naturam hujus moventis spiritûs pervium corpus diffusi apprehendere possitis, imaginamini Crystallum Luce illuminatam, & in illâ consideratis non esse particulam, quæ illuminata non sit tam æquali diffusionem, ut apprehendi crystalli atomus non possit, quia simul latis atomis non apprehendatur: eodem modo spiritum impetum faciens, ità est per spermaticas corporis particulas diffusus, ut atomus illarum apprehendi non possit, quin atomus inexistentis spiritus non apprehendatur.

CAPUT V.

Spiritus impetum faciens spermaticis partibus inexistens, movendo eas pro organi dispositione, ad quod constitutum est, exercitium functionis illius organi causat.

CUM jam determinaverimus secundum Hippocratis, & Aristotelis sententiam, naturam, sive vitam in animalibus esse substantiam tenuissimam habentem in se principium motûs, spermaticis particulis inexistentem; operæ pretium nunc erit ostendere, quomodò se habeat hæc tenuissima substantia ad exercitium functionum, quæ in, & à corporis partibus organicis fiunt.

Quid pro functione intelligatur, interpretatione prolixâ non est opus; est enim functio actio alicujus corpo-

ris secundum proprias dispositiones effectum aliquem produciens, sic calami functio est actus scribendi, cuius effectus est scriptura, functio penicilli est actus, sive actio pingendi, cuius effectus est pictura, functio oculi est actus videndi, cuius effectus est apprehensio rei visæ, functio narium est actus odorandi: cuius effectus est apprehensio odoris, functio cordis est actus pulsandi, cuius effectus est ipse pulsus, est sic de reliquis. At quia motus ab *Aristotele* definitur, ut sit *Actus rei in potentiâ, quatenus in potentiâ*, scilicet quod res, sive corpus aliquod, quod est in potentiâ ad peragendam actionem aliquam, quoties potentia illa reducitur ad actum, sive est actu, toties corpus illud moveri, vel in motu esse dicimus; unde secundum *Aristotelem*, & secundum ipsam veritatem idem est dicere, corpus aliquod esse in actu, sive in actione sui motus. Præterea cum functiones viventis corporis sint actiones ipsius corporis, partiumque illius, & actiones non sint aliud, nisi motus vitæ, sive illius tenuissimæ substantiæ, quæ in fibris spermaticis stabulatur, sequitur inde, quod nos tunc inculpatâ sanitate fruimur, cum vita liberè, & absque ullo impedimento particulas spermaticas movet, toties functiones illius partis perfectissimæ erunt, & absque ullâ culpâ; hinc generaliter loquendo dicimus, quod *Sanitas inculcata consistit in motu libero vitæ, quo organa corporis exercentur ad fines eis à naturâ destinatos.*

Diximus, quod *sanitas inculcata consistit in motu libero vitæ*, nam ipsum vivere moveri est, & vitæ radix in eo, quod ex se movetur, sita est, ut ta-

men ita moveatur, ut motus ejus omni vitio careant, necesse est, ut partibus, in quibus movetur, liberè moveri possit, scilicet ut in ijs nullum inveniat obstaculum, nullum offendant impedimentum, etenim ab eo, quod liberum ejus motum impedit, statim vitatur motus, vitatur actio, depravatur functio, & tandem oritur morbus.

Diximus etiam in definitione, *Quo organa corporis exercentur ad fines eis à naturâ destinatos*, nam motus ille vitæ directus est ad movendum organum, sine quo actio succedere non potest, quippè actio non est solius vitæ, sed vitæ simul, & organi; unde hinc aliqua distinctio concipi potest inter motum, & actionem, scilicet quod motus sit solius vitæ moventis organum, actio autem sit exercitium organi à vitâ moti; Apposuimus quoque particulam illam, *exercentur*, nam necesse non est, ut organum semper sit in actione, sed sufficit, ut quoties requiratur ejus exercitium ad finem à naturâ sibi destinatum, toties promptum sit illud ad exequendum, ut v. g. Venter destinatus est à naturâ ad promovendam coctionem, sive ciborum fermentationem, verum si ventriculus sit cibus vacuus, ab actione promovendi fermentationem quiescit, ac statim atque in illum cibaria immittuntur, actio illius quiescens ad suum munus exercendum excitatur, & si liberè in ejus membranis vita moveatur, actio illius inculcata erit, & functio promovendi fermentationem perfecta.

In hoc capite tria hæc attendenda, & memoriæ mandanda, *functionem*, scilicet, *actionem*, & *motum*; functio est

est opus ab actione resultans; actio est liberi motus effectus; motus est solius vitæ, quæ ex seipsâ movetur. Rursus motus est solius vitæ organo inexistentis, actio est organi à vitâ moti, functio tandem est opus actionis organi se exercentis.

Diximus, ut tria mente concipiuntur, & memoriæ servantur, ex eo quia vera, tuta, & infallibilis theoria tum sanitatis, tum morbi, tum medelæ in perfectâ intellectione motus, actionis, & functionis consistit, & qui hæc clarè, ac distinctè intelligit, certus esse potest, quod non solum febrium theoriam, de quibus in præsentia agimus, sed omnium morborum infallibilem theoriam secum habebit, quod quomodo eveniet, in sequentibus capitibus prosequemur.

CAP. VI.

Quomodo intelligi debeat spiritum impetum facientem, sive Vitam liberè moveri debere, ut inculpatam sanitatem in vivente corpore producat?

Iam secundum Hippocratis, & Aristotelis sententiam decrevimus animalium vitam esse spiritum, sive substantiam tenuissimam impetum facientem, & se moventem in organis, quibus inexistit; atque etiam insinuavimus hujus substantiæ tenuissimæ motum causam esse actionum, quæ ab organis, quæ movet, fiunt. Verum subjunximus, quod ad hoc, ut actiones organorum inculpatæ fiant, requiri, ut vita liberè moveatur, erit nunc operæ præmium aperire, quid necessarium sit, ut vita in corpore se liberè

moveat, & ut in suis peragendis motibus omnibus careat obstaculis, eoq; modo moveatur, ut solum id agat, quod est illi conveniens.

Ut id lucidè innotescere possit, distinctionem Hippocratis, quam supra memoravimus repetere oportet, dixit enim ille, quod integrum corpus vivens in tria dividitur, in continentia, contenta, & impetum facientia. Jam naturam, & essentiam facientium impetum patefecimus, probavimusque quod illorum est munus movere remanet nunc, ut videamus, quod munus à naturâ sint sortita continentia, & contenta.

Itaque cum munus impetum facientis spiritus sit movere, cum ille inexistat cum in continentibus, tum in contentis, necessarium est horum, ut munus sit ab illo spiritu moveri; nam quoties aliquid intus habet id, quod movet, id moveri necesse est, sed tam continentia, quam contenta intus haberi impetum facientem spiritum: ergo tam continentia, quam contenta debent moveri: moventur sanè continentia, quæ spermatica necessario sunt, ad hoc ut suas actiones edant, ut supra notavimus; moventur quoque contenta, ad hoc ut disponantur ad fines naturæ cognitos, ad quos disponi non possent nisi per motum: ergo si integro vivente corpore spiritus impetum faciens movet, contenta, & continentia necessario ab illo moventur.

Hoc cognito, sequitur, ut ad hoc movens vita, sive spiritus impetum faciens liberè movere possit id, quod movere debet, & dirigere hos motus ad illos fines, qui illi à rectè operante

rante naturâ sunt constituti; requiritur, ut tùm continentia, in quibus movere debet, tùm contenta, quæ movere debet, ita sint disposita, ut illas habeant proprietates, quæ moventi vitæ omninò parere, & obedire possint, nam si aliquid in ijs est, quod moventi vitæ parere non potest, illic vitæ adimitur movendi libertas, ac tunc movebit minime quidem, ut suum institutum requireret, sed ut illam cogit id, quod in continentibus, & contentis existens, suis non paret motibus, tunc enim depravati erunt vitæ motus, & per consequens depravata erunt tùm actiones, tùm functiones, quæ morbum in vivente constituerent cum suis symptomatibus, signis, alijsque annexis.

Quod ut clariùs elucescat, imaginamini digitum sani hominis, in quo vita ordinatè moveatur, ex eo quia tùm partes continentales, tùm contentæ in digito ita sunt dispositæ, ut perfecta eorum sanitatis requirit; fingite deindè in talem sanum digitum spinam ingredi, nam tunc quia partes digiti continentales à suæ continuitatis unione lacerantur, vitæ digito auferitur sui motus libertas, & circa spinam libertatem sui motus impediens depravatè agitur, producitque in vicinis continentibus partibus dolorem, & quia per dolorem depravatur motus, qui digiti nutrimentum resolvebat, illud nutrimentum non resolvitur, sed circa spinam coacervatur, hæc nutrimenti coacervatio, cum à continentibus tùm particulis capi non possit, & vita in ijs suos motus omninò depravatos exercent, inflammationem tùm ratione distensionis parcius, tùm ratione furentis vitæ

producit, huic tandem suppuratio succedit.

In hoc exemplo spinæ digito infixæ clarè dignoscitur, quod depravata vitæ motus à lacerante continuo spinâ, priùs dolorem, deinde nutrimenti coacervationem, tertio inflammationem, tandem suppurationem producit, spina verò est occasio, ut talia cuncta accidentia fiant; quippè motus vitæ depravatus œconomiam digiti subvertit per ejus indebitas actiones, quæ à motu immediatè dependet & à subversa œconomia omnes digiti functiones subvertuntur quoque; Undè vobis sint in documentum, quod morborum omnium radix, & fomes situs est in vitæ motu depravato à præsentia causæ occasionalis intra corpus productæ, vel in ipsum introductæ libertatem se moventis vitæ impediens.

Prætereà ut motuum vitalium elucescat tùm libertas, tùm impedimentum, tùm in partibus continentibus, in quibus movetur, tùm in contentis, quas movet, operæ pretium erit priùs de continentibus partibus, de contentis verba facere, ut jam quod cognovistis principium motus in viventium corporibus, cognoscatis occasiones, propter quas suos motus depravatos edere illud cogitur.

C A P U T V I I.

De partibus corporis, quæ continentales ab Hippocrate appellata fuere, & quomodo ipsæ esse possint occasiones motus depravati in spiritu vitæ impetum faciente?

Partes continentales corporis organici, ut unâ voce assignentur, sunt

sunt omnes illæ solidæ, quæ ad corporis constitutionem fuerunt ex semine productæ, quæ omnes reduci possunt ad tres species, scilicet ad ossa, & cartilagines, reliqua omnia solida in corpore ex fibris constant, hinc membranæ, nervi, venæ, arteriæ, muscoli, tendines, ex quibus totum corpus, & illius partes constantur, ex exilissimis, albisque constant fibris vario, diversoque modo contextis, pro organi, quod constituunt, exigentiâ.

Est tamen primò notandum, quòd dictæ partes solidæ ex semine productæ continentur dicuntur, non solum quia destinatae sunt ad continendum excrementa, nutrimentum, sanguinem, & alios humores in corpore contentos, sed etiam quia in ijs continetur principium illud motûs impetum faciens, de quo sumus supra locuti; nam principium illud motûs, si-ve spiritus imperum faciens, si-ve vita, si-ve anima, si-ve substantia tenuissima simplex, voca illud, ut lubet, penitissimè in ipsis spermaticis partibus gliscit, quas per motum ad actiones peragendas dirigit. Itaque possunt primò vitæ motum depravare partes continentur, si non rectè in generationis fluxu fuerint conformatae, sic enim monstra fiunt, & partium deformitates eveniunt in situ, in figurâ, in magnitudine, quos morbos ad unam *Galenus* reduxit speciem, quam malæ conformitatis appellavit.

Secundò, depravari possunt vitæ motus à partibus continentibus per solutionem continuitatis eorum; enimverò cum vita circularis sit in toto corpore, nec terminatur nisi à seipsâ continuas requireret partes

eam continentur, ut ipsa quoque sibi ipsi semper continua esset: quoties ergò pars aliqua continens à suâ continuitate solvitur, illicò vita suos depravat motus, nam necessariò inter extrema solutæ, vel laceratæ partis aliud intercedere corpus necesse est, à quo vita tanquàm sibi hostili se retrahit, & motûs rectitudinem subvertit, eveniuntque ea; quæ supra de spinâ digito infixâ notavimus.

Tertiò, depravari possunt vitæ motus à partibus continentibus, si violenter à situ distrahantur, ut in luxationibus, fracturis, alijsue similibus accidentibus evenit; continens enim pars, ubi suum situm non servat, ut requiritur moveri nullo modo potest.

Quartò, depravari, imò aboleri potest vitæ motus, quoties continentes partes gangrænam, sphacelum, vel mortificationem concipiunt, nam ab illis in aliquâ corporis parte mortificatis veluti aufugit vita, & tandem extinguitur.

Quintò, tandem depravari potest vitæ motus in continentibus, quoties id, quod continent, secundum earum exigentiam non est dispositum, tunc enim vita ipsis inexistentis à præsentia rei illi hostilis à rectè movendo avertitur, & partes continentur depravatè movere cogitur. Nunc ad contenta nobis eundum est, quæ cum varia, ac diversa sint in corpore viventium, & non uno, eodemque modo contineantur, prolixiori indigent examine, & eò magis qui motuum depravationes vitæ rarò à continentibus, & frequentius, imò frequentissimè à contentis exoriantur.

Verùm antequàm ad contentorum

examen accedamus, ex hactenus dictis colligere debemus.

Primò, quòd corpus animale constat ex continentibus, contentis, & principio movente.

Secundò, quòd sanitas corporis animalis consistit in actione, sive motu principij moventis secundum naturam.

Tertiò, Quod actio, sive motus est principij moventis secundum naturam tam continentium, quam contentorum.

Quartò, Quòd morbus consistit in motu principij moventis depravato à continentibus, & contentis dispositiones secundum naturam non se habentibus.

Quintò, Quòd morbus efficienter, & effectivè fiat à vitâ in illo tunc, quod non moveretur secundum naturam, seu liberè, sed præter naturam, seu depravatè.

Sexto, quòd tam continentia, quam contenta occasiones esse possunt morborum, non autem ipsi morbi, nec eorum efficientes causæ, cum materia morbi sit ipsa vita se movens, forma verò sit actualis depravatio sui motus secundum naturam: subsistitque in vivente morbus per modum aliorum entium naturalium per materiam scilicet, & suam formam.

Septimò, quòd vita cum alia sit insita partibus, alia influa, quoties depravatur motus vitæ insitæ, particulares morbi fiunt, quoties verò depravatur motus vitæ influæ, tunc universales morbi fiunt.

Octavò, Cum fons influi spiritus sit cor, quoties motus cordis depravatur, toties universalis morbus producitur, nam ubique corporis vitæ

motus depravantur, lædunturque actiones; morbus iste universalis totum corpus crucians, febris à medicis nuncupatur, ex eo quia ferè semper calorem habet conjunctum.

Nonò, Hunc morbum, quem febrem appellant, nos definimus, quòd sit *motus cordis, & partium sibi continuarum à materiâ præter naturam in corpore productâ depravatus, calorem naturalem aliquandò usque ad frigoris sensum imminuens, aliquandò usque ad igneum gradum adaugens.*

Apposui in hac definitione, *Motus depravatus*, loco generis, quilibet enim morbus motus est depravatus, ex eo quia sanitas est motus, sive actio corporis secundum naturam, ut Galeno quoque placuit: ergò morbus erit motus præter naturam, sive depravatus, estque motus simpliciter tam sanitatis, quam morborum genus.

Apposui deinde *Cordis* ad differentiam reliquorum morborum, qui febres à medicis non appellantur, ex eo quia in ipsis cor secundum naturam se movet, licet aliqua corporis pars proprio morbo laboret, ut oculus cæcitate, auris surditate &c.

Apposui *continuarum sibi partium*, ut connotaremus depravatum motum cordis morbum esse universalem, totius scilicet corporis, non tamen sui ipsius, nam cum venæ, arteriæ, membranæ, & sanguis sint partes corporis cum corde continuæ, & quæ à corde motum habent; depravato cordis motu, & motus partium etiam depravatur, at quia venæ, arteriæ, membranæ, & sanguis univèrsim ferè corpus componunt cum reliquis partibus sibi continuis: ergò depravato motu

motu cordis, universi corporis motus depravatur, quod idem est, ac universum corpus ægrotare.

Apposuimus *A materiâ præter naturam in corpore productâ*, ad connotandum occasiones, propter quas motus cordis secundum naturam efficitur præter naturam, & depravatus; nam cum in naturâ quicquid movetur, ab alio moveri necesse sit, ut cor, quod secundum naturam movetur, depravatè, & præter naturam moveri possit, necesse est, ut in corpore producat causa præter naturam, ut quod movetur secundum naturam, præter naturam deinde moveatur.

Apposui demum *Calorem secundum naturam, aliquando usque ad frigoris sensum imminutum, aliquando usque ad igneum gradum adaugens*, ut connotaremus symptomata, quæ alternatim hunc morbum semper comitantur, nam utrumque symptoma à relatione causæ præter naturam moventis ad motum cordis pendet, ut infra.

CAPUT VIII.

De Speciebus, sive differentiis contentorum in corpore viventium, quæ Februm occasiones esse possunt.

Quicquid animantia, ut vivant, in eorum corpora ingerunt, & quod contineri in ijs dicere rectè possumus, in duplici primò haberi potest differentiâ; vel enim utile illud erit, vel inutile: utile quidem est illud, quod separatum ab inutili, semper in intimiores viventis corporis lares se

insinuat; inutile verò est illud, quod ab utile segregatum, quam celerimè potest, per destinatos ductus foràs extra corpus egreditur: hoc quod inutile est, communiter excrementum appellatur, utile verò nutrimentum, quamquàm id, quod utile est, & nutrimentum appellatur, postquam vitam recreavit, per cutem tandem excernatur, & excrementi nomine non esset indignum: utamur itaque nos his nominibus, inutilis scilicet, & utilis pro majori rei intelligentiâ, & claritate.

Quæ ab animalibus ingeruntur itaque cibaria in ventriculum primò reipiuntur, in quo per fermentationem prima fit utilis ab inutili separatio, inutile excrementum à liene serosum, cœnosum, & terrestre attractum per renes in vesicam cum urinâ excernitur; habet lien magnâ vasorum Sympathicorum copiam; utile ab ipsâ solidâ ventriculi substantiâ excipitur; inutile verò crassum, & consistens per pylorum in intestina descendit, verum quia non integrè, quod utile erat, ab eo fuerat in ventriculo separatum, residuum utile à solidâ intestinorum substantiâ excipitur, reliquum omninò inutile tandem foras excernitur opportunis temporibus, si integrè valeat animal.

Utile verò, quod à substantiâ solidâ ventriculi, & intestinorum fuit exceptum per fibrarum intercapedines in uniuersum corpus diffunditur celeri quodam motu, recreatque famelicam cunctarum partium indigentiam, ac tandem in spinalem medullam, cerebrumque fibrarum omnium per corpus dispersarum in radices successivè se recipit, ubi veluti crassescit,

devenitq; liquor quodammodò spermaticus, qui per fibrarum substantiam iterum in universum corpus refluens, intra canales venarum, & arteriarum à fibris decidens cum sanguine in ijs stante commiscetur, & in ipsius sanguinis augmentum cedit. Interea dum utile per intercapedines fibrarum in cerebrum, & spinalem medullam fluit, & post elaborationem per fibrarum substantiam in ipsum corpus refluit pars illius tenuior, & aquosior per cutis poros aliquandò insensibiliter aufugit extra corpus, aliquando sudoris formâ.

At pars illa perfectior, quæ in fistulas venarum, & arteriarum simul cum sanguine se commiscuit, per venas in dextrum cordis ventriculum fluens, deindè per venam arteriosam in pulmones, postea per arteriam venosam in sinistrum cordis ventriculum, demùm per sinistrum ventriculum in arterias fluens, ultimam perfectionis entelechiam acquirit; quippe excitatur in illo fomes, & tenuis spiritus, qui totum corpus penetrans, illud in assiduo, & æquali calore conservat, reliquum verò sanguinis excitato illo à corde spiritu in arterijs privatum à venis excipitur, per quas iterum in cor fertur, iterumque excitato in eo spiritu, iterum arterias ingreditur, sic in circuitum actus perfectiorum animalium vitam corpora fovet; interim si aliquid ferri inutilis per circuitus deponat sanguis, per vasa lymphatica in renes transmittitur, à quibus in vesicam descendens, foràs egreditur. Separatur etiam à sanguine in hepate liquor, quem felleum appellant, ad necessarios quosdam usus destinatus,

ut diximus, qui liquor etiam inter contenta habetur, & per intestina excernitur.

Itaque contentorum in corpore viventium differentia sunt, prima cibi in ventriculo ante ullam separationem. Secunda excrementa, quæ per intestina descendunt. Tertia humiditas cœnosa, quam aliqui à ventriculo lienem fugere credunt, ut eam in renes, & vesicam transmittat. Quarta alimentum, quod per intercapedines fibrarum in totum corpus diffunditur, & in spinalem medullam, & cerebrum fertur. Quinta hujus nutrimenti serosa humiditas, quæ per corporis peripheriâ insensibiliter effluit, estque sudoris materia. Sexta ipsa substantia nutrimenti à spinali medulla, & cerebro elaborata & per substantiam fibrarum iterum in corpus reflua. Septima sanguis à dictâ substantiâ in cerebro elaboratâ in venis, & arterijs productus. Octava serum sanguinis, quod in renes, & vesicam transmittitur, differtque hæc urina sanguinis ab alba, quam retulimus, quæ est ciborum. Nona liquor felleus, qui in hepate separatur, & in intestina fluit. Decima addi potest aqua pericardij, quæ ab alimento ipsius cordis producitur, differunt sanè hæc decem, quæ in corporibus continentur tum substantiâ, tum loco, ac quoties per degenerationē à statu naturali occasiones morborum fiunt, toties pro contentæ substantiæ, & continentis loci differentiis morborum differentia proprium instituemus, ut scrutemur, quid ex ijs degeneribus eveniat.

CAPUT IX.

Quomodo ingesta in Ventriculum ante separationem utilis ab inutili possint esse morbi occasiones.

Ingesta in ventriculum triplici modo esse possunt morborum occasiones vel ratione multitudinis, vel ratione pravæ qualitatis, vel ratione non rectè operantis ventriculis.

Ratione multitudinis, si ita vis ventriculi obruatur, ut resistantem multitudinem superare non possit, corrumpuntur tunc ingesta, non fermentantur, & multitudo corrupta nisi vomitu, vel diarrhœa evacuatur, suo nidore principium illud motus, quod actionum ventriculi est causa ita conturbat, & irritat, ut omnes ventriculi actiones depravatas & inordinatas efficiat, quibus depravatis non solum id, quod in suâ cavitate retinet ventriculus, sed etiam alimentum, quod in suis fibris continet, degener efficit; quod si eo sit obstinata alimenti ventriculi degeneratio, ut a continentibus illud partibus ad pristinum naturalem statum restitui non possit, jam in fibris ventriculi producta est causa occasionalis pessimi moris, quæ prius in corde, deinde in toto corpore manifestatur, eo modo, quem infra, ubi de febre ex nutrimento degenerare agemus.

Ratione verò pravæ qualitatis ingestorum non solum actio ventriculi à promovendo in ijs fermento desistit, sed principium motus ipsius actionis à pravâ qualitate ad depravatè movendum adigitur, totamque

ventriculi œconomiam subvertit & consequens, proprium nutrimentum degener reddit, quod si citò ad statum secundum naturam non redigitur, occasio erit febris, de qua paulò infra, ubi de nutrimento degenerare agemus, læsionis modum aperiemus, poterit tamen ventriculi vis vel per vomitum, vel per diarrhœam pravæ qualitatis ingesta ejicere, & tunc ab imminente febre liberatur.

Ratione non rectè operantis ventriculi vel fermentatio ciborum, vel separatio utilis ab inutili depravatur, undè congeries fit in illo superfluitatum, quibus assuefactus ventriculi rector spiritus non adeò vehementer in suis motibus turbatur, undè est, quod superfluitates illæ potius chronici morbi, quàm acuti occasiones esse possunt; obstructions enim, inappetentiæ, affectiones hypochondriacæ, ariduræ, tabes, hydropes, & similes morbos inducere solent, quorum dignotionem, & curationem alibi tradidimus.

Cùm his tribus traditis modis ingesta in ventriculū ante utilis ab inutili separationem possint esse acutorum morborum causæ, de quorum curatione capite proprio suo agemus. Videndum nunc nobis est, quid evenit, cum dicta tria secundum naturam se habuerint, & ingesta in separationem utilis ab inutili properent.

Fuit Hippocratis sententia lientem à ventriculo attrahere serosas, & cænosas superfluitates, quod an verum sit, de *Anatomicâ lienis Historiâ* examinavimus; enimverò putavit superfluum potum fermentationem ingestorum in ventriculi impedire, nisi opportunè separaretur, & hæc separa-

cio necessarium supra pylorum in ventriculo fieri deberi, nam si superflua humiditas per pylorum dependeret, nimium lubrica essent intestina & continuo ferè excernerent, ut avibus evenit, quæ vesicâ carent. Itaque cum in ventriculo fieri deberet superflui potius separatio, à nullo viscere hoc opus peragi poterat, nisi à liene per multiplicia vasa breviter fundo ventriculi connexa, qui in renes haustam humiditatem transmittens, & per vesicam excerneretur, hinc lege nature sancitum est animalia omnia, quæ liene carent, renibus & vesicâ carere, & contra, sit itaque

CAPUT X.

Quomodo humida superfluitates, quæ ab ingestis cibis in ventriculum ope lienis separantur, possint esse Februm occasiones & cujus generis?

Lien spongiosum habet corpus ex arteriolarum multitudine contextum, & copiosis vasis lymphaticis rebus instar donatum, ideoque quod affatim potatur, postquam in ventriculum descendit statim à liene per ipsius vasa lymphatica, quæ in ventriculo continentur, fugitur; id quod lien fugit, ut nature leges servet, transmittere debet ad renes, quod si propter sui imbecillitatem, vel propter copiam non transmittit, turgidum & durum ipsum lienem fieri conspiciamus, ex eo quia in eo remanet id, quod attrahit: hæc humida superfluitates in liene stagnantes, chronicorum morborum sunt occasiones & inter febres eam, quam quartanam ap-

pellant, producant, quippè earum præsentia motus totius visceris, quo ejus actiones fiunt, depravatur, à qua motus depravatione in illis arteriis viscus componentibus aliquid etiam depravatum producit, quod quarto quoque die se fermentescens, occasio erit, ut visceris natura quarto etiam die depravate moveatur, oriturque quartanæ paroxysmus, de cujus periodo & depravationis modo infra loquemur, nunc sufficiat dixisse, quæ febris species à fero lienis ope è ventriculo educto producat. Nunc sit

CAPUT XI.

Quomodo excrementa, quæ per pylorum in intestina descendunt, occasiones februm esse possint?

VT in ingestis cibis utilis ab inutili separatio in ventriculo succedat, fermentatione opus est; utile est id, quod æthereæ naturæ est, inutile verò quod fœculentæ & terreæ crassitudinis est. Itaque separato à liene humido superfluo, ventriculi calor cibos fovens, efficit, ut pars ætherea in ipsis clausa moveatur, ad hoc ut per motum à crassis fœculentijs se explicet, motus iste fermentatio dicitur, cujus opus quicquid æthereum est in cibis, fœculentias relinquit & in ventriculi amplexantes vellos se recipit, ut deinde per fibras per totum corpus dispergatur. Interim fœculentum, quod remanet, per pylorum in intestina descendit, quod fellei liquoris auxilio, si aliquid ætherei in ventriculi fermentatione in eo remansit, omnino in ip-

sis intestinis se separat, & in fæces omnino corpori inutiles transit.

Nunc notandum est, quod si fæces istæ, dum per intestina descendunt, vel ob nimiam moram, vel ob pravorum ciborum, quorum sunt fæces, proprietatem, vel ob defectum facultatis separatricis intestinorum, quæ ab eis non fugit, quod fugere debet, vel ab eis attrahit, quod non debet, degeneres fiunt, acquiruntque indolem intestinorum naturæ hostilem; statim principium motus œconomiæ intestinorum gubernans suos motus depravatos edere cogitur ob præsentiam degeneratarum fæcum, depravaturque per consequens nutrimentum in fibris intestinorum degens, quod deinde motus depravationem proximius sustentat & fouet, usque dum cordi fit particeps, ut infra exponemus exoriturque continua febris.

Possunt etiam fæces in intestinis degeneres diversos concitare morbos, ut diarrhœam, dysenteriam, lienteriam, cœliacam, & alios quam plures, ex quibus quoties febris etiam concitatur, eodem modo, quo supra occasionaliter ab humoribus degeneratis concitatur; scilicet quod materia naturæ intestinorum inimica eorum motum depravat, depravatio motus depravat nutrimentum in fibris eorum existens, nutrimentum depravatum deinde proximius fouet febrem.

CAPUT XII.

Quomodo pars utilis à cibis in ventriculo, & intestinis separata, & in eorum villos recepta quæ nutrimentum vocatur, possit esse februm, & quarum occasio?

PArs illa ciborum æthereæ naturæ, quæ per fermentationem in ventriculo & intestinis à fæcibus separatur, utilis dicitur & nutritioni totius corporis destinata, hanc excipiunt primo villi tum ventriculi, tum intestinorum, & quia tenuissima est inter fibrarum spermaticarum texturas per universum corpus se diffundit, non secus ac oleum per ellychij fibras ascendit, ut accensam flammam sustentet; pars ita ciborum utilis à motu continentium eam fibrarum regitur, & ad maiorem semper perfectionem adigitur per separationem ab eâ illius, quod aqueum est, & serosum, ut purius remaneat spiritus volatilis, salsus, & vitæ sensitivæ dispositionibus proximus. Interea dum passim depuratur in intercapedinibus fibrarum alimentitius iste liquor, paulatim in cerebrum, spinalemque medullam, à quibus fibræ spermaticæ omnes corporis originem ducunt, fertur ad illum finem, quem sequenti capite explicabimus; nunc de eo agemus, ut præter naturam fieri possit eo tempore, quo à ventriculo & ab intestinis usque in cerebrum, & spinalem medullam per fibras fertur.

Liquor iste alimentitius, ut jam prædiximus, regitur à motu fibrarum, in quas recipitur, qui motus, si se-

cuh-

cundum naturam fiat, sic quoque ipsum alimentarium liquorem disponit, si verò præter naturam fibræ moveantur, & ipse liquor præter naturam dispositiones adipiscetur.

Moveri præter naturam fibræ possunt, cum ijs adhæret materia aliqua præter naturam; estque tunc materia illa occasio, propter quâ fibræ motus depravetur, depravatio verò motus efficienter non producitur ab illâ materiâ præter naturam fibris adhærescente, sed à principio motus ipsis fibris inexistente, id est actiones in morbis non læduntur à materiâ præter naturam fibris adhærescente, sed tantum occasionaliter, efficienter verò læduntur actiones à principio motus fibris inexistente, quod ut natura requirit, non movet, sed longè aliter.

Materia ista occasionalis præter naturam multiplex esse potest, & in diversis locis, ut jam supra innuimus; esse enim possunt cibi in ventriculo tum quantitate, tum qualitate peccantes; esse potest potus à liene educus, si non transmittatur in renes, vel præter naturam disponatur; esse etiam potest excrementum in intestinis quomodocumque præter naturam affectum: attamen hæ causæ occasionales fugacem, & extemporaneum morbum producerent, si depravatio motus fibrarum, quibus adhærent, contentum liquorem alimentitium non depravant; quippè notatæ causæ occasionales licet sint intra corpus, sunt tamen extra substantiam partium, adhærentque superficialiter partibus, non tamen illis infixæ, unde est, quod faciliter ab ijs amoveri possent cum morbi quiescentiâ, verum

quia cum ex causâ occasionali superficialiter adhærescente depravetur motus fibrarum illius partis, & per consequens depravatur, quoque nutrimentum in ipsis fibris contentum, quod per illas est intrinsicè dispersum; licet causa occasionalis abstergetur, morbus non cessat, sed sustentatur, à nutrimento inter ipsas fibras depravato.

Hac occasione operæ prætium est notare, quod non omne id, quod est intra corpus viventis, est ipsi viventi intrinsecum; ita cibi in ventriculo sunt intra corpus, sed non sunt ipsi viventi intrinseci: ventriculus enim suam habet cuticulam, qua suas fibras tegit, & cum qua cibos amplexatur. Ita etiam excrementa in intestinis & vesicâ sunt intra corpus, non tamen sunt ipsorum intestinorum substantiæ, & vesicæ intrinseca. Ita sanguis est intra corpus, dum est in venis & arterijs, sed intrinsecus non est ipsius venæ, & arteriæ substantiæ. Nutrimento vero illud, quod à ventriculo & intestinis versus cerebrum, & spinalem medullam per intestitia fibrarum ascendit, tum illud, quod ab ipso, & spinali medullâ per substantiam ipsam fibrarum in corpus distribuitur, intrinsecum viventi ritè dici potest, nam dictæ fibræ ultimæ sunt, & profundiores totius corporis partes, neque ipsi viventi aliud est intimius ipsis spermaticis fibris, quæ sunt sui corporis fundamentum.

Hac distinctione positâ, sciendum est, quod non eodem modo lædit id, quod est viventi intrinsecum, ac id, quod est ipsi externum, licet intra corpus quomodocumque præter naturam; nam id, quod est viventi externum

ternum, neque illum crudeliter torquere potest, neque assiduò, quippè cum tantum adhæreat, soliditatem partium lacerare non potest, & naturæ moribus abstergi, vel resolui non est difficile, experimur id in partibus externis nostri corporis, quibus si acus adhæreat, ita ut eas leniter pungat, non tamen cutem lacerat, nos punctiorem illam sentimus, neque nimiam dolemus, ac si partem retrahamus a puncturâ, illicò liberamur: verum si acus trans cutem adigatur, ut ibi infixâ remaneat, & maximos causat cruciatus, & non ex eo quod manus retrahatur, vel moveatur, acum à se reijcit, perseverabitque uniformiter in eo dolor, usque dum aliquâ vi externa educatur acus.

Ab hoc exemplo nunc discite, quod omne id, quod intra corpus in cavitatibus, ductibus, & meatibus residet, quoties à proprietate naturali degenerat, est quidem naturæ partium inimicum, & hostile, & eo modo, quo acus cutem pungens, & illam non lacerans, est cuti inimica, & hostilis, scilicet quod neque assiduò, neque vehementer illam cruciet, quod abstergi, & separari facillimè potest, cum non sit intrinseca, huiusmodi adhærescentes parietibus partium degeneratæ materiæ, dummodò ad maximum pravitatis gradum non sint exaltatæ, ephemeræ febres aliquandò producere solent, concitant enim earum præsentia in principio motus illius partis, cui adhærent vehementiam & impetum movendi cum rigore, & horrore prius, deindè cum calore, quibus motibus, si concitans materia omninò abstergetur, post vigin-

ti quatuor horarum spatium principium motus à movendo quiescens, in naturali suo remanet movendi modo.

Verum si vehementibus suis motibus adhærescens materia occasionalis, vel non vincitur, vel omninò non abstergitur, si cum ad quietem se recipere satagit principium motus iterum ipsam materiam parti adhærere animadvertit, iterum ad eosdem motus recurrit & ad expulsionem præsentis nocui assurgit & hoc modo à præsentia materiæ degeneratæ alicui corporis parti adhærescentis occasionaliter concitatur, & febres, quæ successivis accessionibus fiunt, excitantur.

Interea si dum à pertinaciâ adhærescentis causæ occasionalis febres per accessiones fiunt, & principium motus in assiduâ sui motus depravatione perseverat, liquor alimentitius, qui inter fibras stagnat, à naturali indole degenerat, & præter naturam fit. Jam febris, quæ à simplici materiâ occasionali adhærescente concitata, mitis apparebat, & absque symptomatum pravitate, pessimi fieri incipit moris inualescunt symptomata, vires languent, facultates omnes labefactantur, accessiones ante remissionem præcedentium superveniunt, & tandem omnia malè se habent, quæ cuncti ex eo pendent, quod liquor alimentitius degeneratus intrinsecus est ipsis partium substantijs, & principium motus, quod eas regit partes, ex continuâ præsentia degenerati illius nutrimenti continuò depravatè movere cogitur, atque ad naturalem motionem se componere prohibetur, non solum ab eo liquore

D aliment-

alimentitio priùs degenerato, sed etiam ab eo, qui successivè degeneratur per sui motûs depravationem.

Febres itaque quæ sub tertianæ duplicis nomine militant communiter apud medicos, quæque quotidie sensibile incrementum habent absque notabili præcedentis accessionis remissione, à nutrimento in fibris degenerato dependent, & præcipuè in fibris partium intra abdominis cavitatem contentarum; quippè cum nutrimentum illud degeneratum sit in ipsis fibris intrinsecum, intermissio motûs depravati expectari non potest, ut evenit in materijs tantum adhærescentibus, quæ per accessionis motum, saltem à superficie, cui adhærent, remonentur, & per illud saltem spatium, quo adhærere cessant, intermittitur depravatus motus, & natura suo motu gaudet, at cum nutrimentum degeneratum est in causâ depravati motûs, sive febris, cum illud semper fibris adhæreat, & removeri non possit, post accessionis cursum, in quo motûs principium laboravit, ut materiam à se removeret, cum perseverare eam ibidem animadvertat, absque eo quod tantillum interquiescat, iterum ad pugnam accingitur, & depravationes suorum motuum vehementius sollicitat; Interea semper magis confunditur, semper magis à recto aberrat, semper depravati alimenti copiam, & qualitatem adauget, unde semper in pejus ruere has febres observamus.

CAPUT XIII.

Quomodo pars illa nutrimenti, qua per universam corporis peripheriam insensibiliter resolvitur, possit esse februm occasio, & quarum?

DUm nutrimentum à ventriculo, & intestinis inter fibras, ad cerebrum, spinalemque medullam fertur, motus fibrarum semper illud purius reddere satagit, separatque ab illo aliquid, quod ejus perfectionem impediret, id, quod à nutrimento separatur in circumferentiam corporis in specie halitus partium natura transmittit, à qua continuo, insensibiliterque exhalat, materia ista exhalabilis, si integrè separatur, & integrè expellatur, optimè valebit animal: verum si integrè non evaporet, quod evenire potest, si repente refrigeratâ cute, ejus pori constipentur, remanet materia illas inter fibras corporis præter, & contra naturæ institutum, devenitque tunc occasio februm ejusdem moris, cujus capite præcedenti eas esse diximus, quæ ex degenerato in fibris nutrimento eveniunt, continuæ scilicet cum super-ventionem accessionum absque remissione præcedentium, nam cum locus sit idem, & materia, quæ degenerat, sit ejusdem naturæ, ejusdem speciei producere motum consentaneum rationi videtur; facilius tamen febres curantur, quæ ex prohibitâ transpiratione fiunt, quam quæ ex nutrimento transpirationi non destinato, de quibus præcedente capite, eveniunt: nam illæ, medicamine exhibito sudorem promovente, solvuntur, istas verò sudore solvi posse non est adeò facile.

CAPUT XIV

Quomodo liquor nutritivus, qui à cerebro, & spinali medullâ elaboratus per fibrarum substantiam ad sustentandum corpus descendit, febres producat, & cujus generis?

Nutritivum à cibis separatum, & in ventriculi, & intestinorum fibras receptum, tum per processus, quibus mesenterium per vertebrae lumbares spinali medullae inseritur, tum per alios, quibus diaphragma per dorsi vertebrae ipsi spinali medullae fit continuum, in ipsam spinalem medullam, in ipsamque cerebri medullam recipitur, ibi elaboratur, & indolem animalem acquirit, transmutaturque in hoc aliquid, quod gluten album, spermaticumque representat, gluten, ros, & cambium dictum antiquis per fibrarum spermaticarum substantiam distribuitur, ferturque per universum corpus, nam universum corpus à fibris conflatur, à spinali medullâ, & cerebro descendentibus. Hic liquor partes substantialiter nutrit, hic liquor nervos, & partes omnes albas in corpore sanguine orbatae in vitam sustentat; hic liquor humidum est radicale partium corpus constituentium; hic liquor intercipitur in resolutis, & paralyticis, qui exsiccantur, licet in partem resolutam venae, & arteriae sanguinem deducant; hic liquor, dum acescit in sinuibus articularibus, podagram producit; tandem hic liquor ita in fibrarum substantiis degenerare potest, ut febres producat om-

nium pessimas, ferèque semper lethales, uti sunt febres castrenses, febres ex peste, febres quaedam pusillae, ac frigidae, quae infirmi vires uno, vel altero die omnimodè sternunt, & omnes facultates veluti ex improvviso exstingunt, & mors morbi cognitionem, & remedium non expectat, infirmi suspiriosi sunt, & anxij, & parùm constant, parùmque aut nihil advertunt.

Dupliciter præter naturam fieri potest liquor iste in substantiis fibrarum, vel per degeneratum nutritivum inter fibras ipsas, de quo cap. 12. locuti sumus, vel per vehementissima animi pathemata, uti sunt metus, timorque vehemens propter vitae, aestimationisque periculum, ut certitudo invincibilis de suscepto pestis contagio, ut etiam rabidi canis morsus; hinc est, quod tam in iis, qui ex rabie pereunt, quam in iis, qui ex animi passionibus vitam privantur, pericardium sine aqua exsiccatum invenitur, aqua enim pericardij ex hoc liquore producitur, qui in dictis casibus cessat. Febres istae per accessiones incrementa non habent, sed passim, & quotidie declinant, ex eo quia vita tendens ad occasum vix sensibiliter movet, & ratio est, quod cum liquor iste sit primum subiectum, quod principium motus in viventibus movet, cum illud jam degeneratum moveri non possit, à movendo reliquas partes illico cessat, totumque sub morbi jurisdictione deferit corpus. Præterea cum ex hoc liquore sanguis in venis, & arterijs generetur, quoties præter naturam fit liquor iste, sanguis etiam cada-veroso nidore veluti contaminatur,

grumescitque in ipsis vasis, ut in peste, febribus Castrensibus, & omnibus frigidis febribus observatur.

CAPUT XV.

Quomodo sanguis in venis, & arteriis contentus possit esse occasio febrium, & quarum?

Liquor nutritivus à medullâ cerebri, & spinali elaboratus, dum per substantiam fibrarum tunicas venarum, & arteriarum constituentium fluit, in cavitates dictorum valorum exstillat, & sanguinem, qui per ea fertur, commiscetur, perfectamque acquirit sanguinis indolem assiduus per cordis ventriculos, & pulmones circuitibus; sanguis iste est viventium corporum balsamum, à naturâ eorundem corporum per assiduos labores ad ultimam perfectionem evectum, spiritus est enim volatilis, falsus, & quodammodò se movens: nam liquores omnes, qui in viventium corporibus continentur, non ex ipsis sed ex motu partium continentium loco moventur, tantùm sanguis ob ætheream suæ substantiæ naturam, quæ quiescere non potest, impetu vehementi per venas, & arterias fertur, dispensatque universo corpori æthereis suis effluvijs placidum illum calorem, quo mediante conservatur in vitâ, sanguis ergò in viventium corporibus, cum æthereæ sit naturæ, quiescere non potest, nam cessante à motu sanguine, calor illicò in vivente cessat, & per consequens vita, quippè ex motu partium substantiæ sanguinis usque dum per corpus refe-

runtur, calor producitur, at si in substantiâ sanguinis partes illum constituentes quiescunt, cessat illicò calor, nam cessat illius causa.

Præterea cum sanguis in vasis sit semper in motu, quicquid intra, vel extra corpus, quod ipso sanguine calidius sit, producat, sanguinem ipsum ad vehementiorem motum, & calorem excitabit, qui motus vehementior, & calor in sanguine fermentationis à recentioribus dicitur, scilicet quod partes æthereæ substantiæ sanguinis, quæ leviter movebantur, ab externo calore sollicitatæ in vehementissimum motum, atque effervescentiam concitentur, cumque fermentum à fervimento dicatur, quoties fervor rei alicui accidit, eam fermentescere, sive fermentationem pati asserant.

Dupliciter ergò sanguis esse potest febrium occasio vel ob vehementiorem, quam corpori convenit motum, vel per totalem à motu cessationem.

Per vehementiorem, quam corpori convenit motum, cor inter angustias ponit, nam in arterijs præter modum ebulliens sanguis, rarefcit, & spatium majus requirit, quam ab ipsis arterijs præstatur, ac propterea cor versus regurgitat, prohibetque nè sanguis à sinistro cordis ventriculo in ipsas arterias recipiatur. Interea sanguis venosus ob acceleratum motum, & fervorem magno impetu in dextrum cordis ventriculum illabitur, in dextrum itaque ventriculum facto celeri sanguinis accessu, & in sinistro præpeditus ejus transitus in arterijs, cor utrinque inter angustias positum, agitari præter modum.

dum frequentius, & inæqualiter moveri contingit, producitque synocham febrem unicâ accessione constantem, scilicet utque in motus, & fervoris durationem, dummodò fervoris occasio non in solidis corporis partibus, sed in ipso sanguine suum fomitem habeat; nam ut infra dicemus, cum per accidens, & non per se sanguis fervet, tunc febrem synocham non producit, sed eam, quæ per accessionum recursum manifestatur, accidit.

At per totalem à motu cessationem intelligi debet, cum pauca sanguinis portio, & in vasis capillaribus cessat à motu; nam si tota sanguinis massa, vel in vasis magnis sanguis à motu cessat, illicò mortuum est animal, cessante enim sanguinis motu, & vita necessario cessat: cum itaque in vasis capillaribus præcipue arteriosis aliqua sanguinis portio stagnet, quo per aliquam obstructionem in venas capillares transire non potest, I. Ibi motum amittit. II. Grumescit. III. Continentium vasorum motum depravat. IV. Incipit dolor. V. Apparet tumor cum inflammatione, & febre, quæ synochum typum servat. VI. Circumstantium partium motus grumefactum sanguinem in pus concoquunt. VII. Completur suppuratio, & cessat inflammatio, & febris.

Discite hinc juvenes quàm ineptè, & inscitè medici vulgares putredinem in sanguine vobis suadent, & in continuis febribus eam in vasis magnis prope evenire sine fundamento vobis insinuant; sanguis enim putrescere non potest, nisi prius cesset à motu, & deinde grumescat, imò

tantum abest, ut putredo sanguinis in facto esse sit causa febrium, ut febres cessent integrè completâ suppuratione, unde pronunciatum fuit ab antiquis. *Dum pus fit, febres, & dolores accidunt*, scilicet in eo actu, quo sanguis motum amittit, & in grumum concrevit, in pus deinde digestus à lædendo cessat.

CAPUT XVI.

Quomodo serum, quod separatur à sanguine, & in urina formam excernitur, possit esse occasio febrium, & quarum?

Natura in sanguinis præparatione ultimam perfectionem intendit, præter ea, quæ ad illum elaborandum tot digestionibus separavit, si aliquid falsæ ferositatis in eo esset, residuum per vasa lymphatica in pelvim destillat, & deinde in ureteres, & vesicam descenderet, ad hoc ut è corpore deturbaretur. Serum hoc si ante à sanguine separationem naturam mutet, & sua salia confundat, fit venis, & arterijs inimicum, & hostile, producitque in ijs febrem, quam synochum putrim appellare solent vulgares, quippè cum concitetur à materiâ cum ipso sanguine mobili per accessiones non recurrit, sed unicâ accessione suam terminat periodum, ut evenit in fermentatione, & effervescentiâ sanguinis, differt tamen febris à simplici sanguinis fermentatione procedens ab eâ, quæ à sero urinario sanguini commisto excitatur, nam hæc ut plurimum malum morem sapit, & pravus comitatur symptomatibus.

matibus ob salium ætherogeneorum fermehtationem, quæ in sero urinæ delitescunt; illa verò symptomatibus caret, & in salutem ut plurimum terminat, ut infra notabimus, ubi de utriusque signis, & curatione verba faciemus.

CAPUT XVII.

Quomodo liquor felleus in folliculo contentus esse possit causa occasionalis februm, & quarum?

Felleus liquor in parenchymate hepatis separatur à sanguine, qui per venam portæ in ipsum hepar ascendit, munus hujus separationis concessum est poro bilario, qui per hepatis substantiam multiplici surculorum sobole distributus humorem illum educit, & in intestinum duodenum post insertionem cum ductu cystico ad necessarios naturæ usus evomit. Liquor iste felleus vehementissimos continet spiritus, qui si fermentationis motum concipiant, totam massam in vehementem effervescentiam concitant, undè evenit, quod ex vehementi impetu tum in hepar ipsum regurgitat, tum in intestinum, & ventriculum præter modum erumpit, vasa ergò hepatica cum imperum fermentantis bilis tolerare non possint, in motus depravationem adiguntur, pariuntque, quæ de tertio in tertium, illam febrem, per accessiones recurrit, nam liquor felleus est de ijs, quæ quamvis sint intra corpus, intrinsecata tamen substantiæ continentium vasorum non sunt, cum itaque tunicis vasorum adhæreat, & non sit illis in-

trinsecus, continuò in ijs depravatum motum concitare non potest, sed uti per accessionem removetur, ita à lædendo desistit, usque dum per novam suam approximationem iterum per motus depravationem concitetur; ubi notare debemus, quod tam in hepate ab effervescentiâ bilis, quam in liene ob depravationem attractæ humiditatis à ventriculo, quia sanguinea sunt viscera, ab excitatis in ipsis intermittentibus febribus non facilis est transitus in continuas, ut evenit in alijs corporis partibus exanguibus, vel paucò sanguine irroratis, & quæ albo nutrimento gaudent; nam sanguis, qui est de naturâ balsami, à motu visceris depravato non ita faciliter depravatur nutrimentum in alijs partibus exanguibus, undè evenit, quod adhærescens dictis visceribus occasionalis causa, licet in ijs depravatum concitet motum, quia sanguis in ipsis stagnans depravationi resistit, efficit, ut non producat novam materiam depravatam in visceris substantiâ, quæ continuitatis febris esset occasio, ut supra de nutrimenti depravatione latè differvimus.

CAPUT XVIII.

Quomodo aqua pericardij possit esse februm occasio, & quarum?

Aqua pericardij non secus ac bilis in felleo folliculo continuò absumitur, & reproducitur; indigebat cor ad motus perennitatem exercendum vaporosâ quadam humiditate, quæ ejus æstum temperaret, hoc munus æquabiliter ab aquâ pericardij com-

completur, quæ à substantiâ fibrarum ipsius pericardij continuò in ipsum destillat, & continuò ab ipso cordis calore absumitur, hæc aqua à vehementissimis animi perturbationibus eo suo statu naturali immutatur, emit- titque cor versus suos halitus, qui ipsum vehementer lædunt, illius motum depravant, & febrem in eo accendunt continuam, pusillam, & uniformem, mali moris, & malignitatis participem; quippè vires languent, pulsus inæquales, & intermittentes sunt, æger frequentibus defectibus, & lipothymijs corripitur, faciliter in delirium incidit, & spirandi difficultate laborat. Difficilis est talium febrium curatio, & rarò ab ipsis liberantur infirmi; quippè remedijs in pericardium undequaque præclusus est aditus, & neque sanguinis missio- ne, neque purgante medicamento hujusmodi febres remitti possunt.

C A P U T XIX.

Quomodo enumerata causa occasionales, in diversis corporis partibus degenerationem, & indolem præter naturam nata, depravent cordis motum, & quamvis in certo corporis loco degenerent, morbum tam universalem producant?

CAusa occasionalis febrium omnium, à qua immediatè depravatur continentium eam partium motus in ipsâ cordis substantiâ, vel in ejus ventriculis coadunari, vel produci non potest, nam in viscere tam nobili, à quo omnis viventis motus naturalis dependet, mortale illicò ef-

set, quicquid præter naturam constanter in eo perseveraret, quod etiam ab antiquis medicinæ patribus, & à medicis omnibus cognitum fuit: Cum itaque cordis motus, & ejus actio depravari debeat, ut morbus universalis, qualis est febris, produci possit, operæ pretium erit investigare, quo pacto lædatur cordis motus, ponaturque in calefacto esse, ut vulgares asserunt; à causis occasionalibus alibi in corporis partibus à corde remotis existentibus. Mystrium hoc altius latet in naturæ penetralibus, nec facile hætenus fuit in veritatis signum collimare.

Communis, magisque recepta sententia ab hac difficultate se extricat, asserendo elevari ab humoribus putrescentibus, vel putridis ubique corporis id patientibus vapores versus cor etiam putrescentes, vel putridos, quorum accessu laceffitum cor calidam acquirit intemperiem; & ponitur in calefacto esse; verum qui sic difficultatem solvunt, ostendere deberent, per quas vias à panaritio, in extremo digito febrem excitare ascendant putridi vapores ad cor? Quomodo vapor extra thoracem excitatus thoracis cavitatem ingrediatur, ut ad cordis locum ab illis inveniatur aditus? Atque estò per falsi suppositionem vapores putridos thoracis cavitatem ingredi, quo sanè pacto pericardij membranam penetrabunt, ut ad cor accedant, cum cor in pericardio, tanquam in suâ capsulâ undequaque maneat clausum? Rude nimium est inventum hoc vaporum pro tanto solvendo dubio, nec cum rei veritate congruentiam ullam habet, at tamen creduli homines, quibus quic-

quid

quid propinatur, diglutiunt, hanc sententiam veluti continentem veritatem irrefragabilem recepere, subque eodem sacramento eam tyronibus insinuant, adimuntque illis investigandi libertatem, ijs pro vero irrefragabili venundando id, quod neque remotissimè cum rei veritate congruentiam habet.

Alij sanioris iudicij existimârunt à loco, in quo putrescit humor pro febris excitatione per partem post partem continuari usque ad cor putrescentis humoris quædam qualitas, quæ simul atque cor attingit, illud intemperat ad calidum; Verùm si hæc sententia locum haberet, illius qualitatis transitus per sanguinis massam fieri deberet, cùm ad cor nihil accedat præter sanguinem, & vasa; quæ cum ipso sunt continua, qualitas ergò illa in sanguinem recepta à sanguine vinceretur potius, quam illum vinceret, priusquàm ad cor accederet, quippè qualitas illa vel ex primis erit, vel ex secundis; si ex primis, sitque illa calida, humida, frigida, vel sicca, sanguini potius talis qualitas imprimeretur, quàm ad cor accederet; si verò esset ex secundis, eò magis in sanguinem reciperetur: Undè sequeretur, quòd sanguis ob receptam quandam qualitatem à materiâ, quæ in aliquo loco putrescit, lædit cor, dùm ad ipsum accedit, quòd si ità rem intelligerent, nostræ favent sententiæ, quæ in circuitu sanguinis firmata ipsum sensum iudicem habet.

Quo pacto ergò ipsum sensum iudicem habeat nostra sententia, de motu cordis aliqua suggerere prius convenit: Motus cordis à naturâ non est

institutus ad cordis conservationem; nam quòd ad se attinet, magis præstaret, ut quiesceret, motus itaque cordis ordinatus est ad totius corporis vitalitatem, nam cùm vita consistat in motu, & calore, qui etiam motus est, necesse erat, ut in corde veluti à primo movente motu cieretur id, quod toti corpori motum, & calorem impertire debebat; Id quod toti corpori calorem & motum impertit, sanguis est, deficiente enim in corpore sanguine, motus, calor, & vita etiam deficiunt: ergò cor per suum motum sanguini motum conferre debebat, ut per illius effusionem in universum corpus vitalitatem impertiret; ad hunc finem ipsum natura duo vasorum genera cordis basi affixit, quæ per universum corpus distribuuntur, venam scilicet, & arteriam, sancivitque, ut jam experienciâ constat, ut venæ omnes sanguinem ab omnibus corporis partibus emungerent, & in dextrum cordis ventriculum per earum magnum truncum eveherent, & ut truncus magnæ arteriæ à sinistro ipsius cordis ventriculo venosum sanguinem ab ipso corde elaboratum reciperet, & per minores ramos in universum corpus effunderet.

His positis, quæ ad ipsum sensum patent, sequimur, quòd adhuc ut sanguis à dextro ventriculo exprimeretur in sinistrum, & deinde in arteriam, necessarium erat, ut cor moveretur motu quodam æquabili, & perenni, qualem observamus esse illum systoles, & diastoles, quo cor exercetur in animali integrè sano, & à cuius rithmo pendet accedentis, receden-

cēdentisquē sanguinis motus, qui ab illo motu, quem illi cor impertit, non exorbitat, sed proportionaliter ad motum cordis responderet sanguinis motus, scilicet quod sanguis appellit ad cor per venam pro dispositione motus cordis, non autem per præcipientem quendam, & inordinatum affluxum; & è sinistro ventriculo effunditur in arteriam etiam pro ejusdem cordis ordinato motu, tùm in ratione temporis, tùm in ratione quantitatis, ità ut concipiatis in animali in integrâ sanitate constituto sanguinem recipi in cor per venam, & effundi per cor in arteriam secundum imperium motus ejusdem cordis, non autem secundum ipsius sanguinis quantitatem, vel affluxus celeritatem, & ut paucis dicamus verbis, in animali sano sanguis paret motui cordis, non autem cor paret motui sanguinis.

Præterea notandum est, quod sanguis, cùm æthereæ sit substantiæ, claudatque in se ipso spirituum faciliter mobilium copiam, ex levi quavis causâ excitante suos spiritus, in fermentationem adigitur, quæ efficit, tùm ut citiori motu feratur, tùm etiam ut quam maximè rareſcat, exigatque duplum, triplumvè spatij plusquàm ante fermentationem exigebat, ità ut vasa distendi cogantur, ut illum capiant, ut fermentanti musto est omnibus obvium.

Demum est hîc adnectendum, quod à nemine in dubium vertitur, scilicet quod unaquæque pars corporis vel in se, vel circa se surculos habeat saltem capillares tùm venosos, tùm arteriosos, & quod fibræ cujuscumque partis depravatè moveri non possint, quin simul venulæ, & arteriolæ per

D. Car. Musitani de Febris.

ipsas distributæ depravatè non moveantur, & ipsæ contentum sanguinem depravatè non moveant.

His ità suppositis devenimus ad demonstrationem, quæ nos luculenter docebit modum, quo à causâ occasionali in aliquâ corporis parte degeneratâ cordis motus depravatur ad universalis morbis productionem.

Excitatur in extremo digiti alicujus panaritium à nutrimento ipsius digiti degenerato, jam extremi illius digiti partes omnes depravatè moventur, & cùm inter particulas ipsius extremi digiti venæ, & arteriæ enumerentur, has quoque depravatè moveri necesse est, & continuo sanguis, quem continet, depravatè movebitur, motus depravatus in sanguine aliud non est, nisi ipsius fermentatio, quæ tres effectus simul, & semel in ipso sanguine producit. Primus est, ut celerius moveatur; Secundus est, ut majus spatium occupet; Tertius, ut successivè tota sanguinis massa eandem fermentationem patiatur, ut in panificio observamus, in quo parum fermenti integram massæ molem ad fermentescendum sollicitat.

Ergò fermentescente sanguine in venis, & arteriis per digiti extremum distributis ob productum panaritium, primò citior fit motus sanguinis venosi, & arteriosi, secundò ob utriusque rarefactionem vasa distenduntur, fitque ejus regurgitatio quorsum amplior est vasorum capacitas, tertio tota sanguinis massa ob excitatam fermentationem ad fermentescendum adigitur.

His positis effectibus in sanguine, jam contrarium experimur id, quod in animali integrè sano evenire dixi-

E mus

mus, motum scilicet sanguinis regi, & gubernari à motu cordis, nam fermentescens sanguis, & citatiori motu agitato, rarefactusque in vasis non solum motui cordis non paret, sed motus cordis à suis motibus dependet, fitque celerior, inæqualior, remissior, vehementior pro conditione impetus sanguinis, ejusque fermentationis; Enimvero sanguis, qui per venas in sano animali placide versus cor movetur, arrepto fermento à causâ occasionali in aliquâ corporis parte existente vehementissimo motu, & magis rarefactus ad cor fertur: urgetque illud, ut sibi transitum præstet; ex alterâ parte sanguis arterialis, qui ob suam tenuitatem à causâ occasionali in vehementiorem fermentationem adigitur, rarescitque magis quam sanguis venosus, & ab arteriæ substantiâ venâ crassiori locum ampliorem non exigit, à parvis arteriis in aortam, & versus cor regurgitare cogitur, retruditque in sinistrum ventriculum advenientem sanguinem. Imaginamini nunc qualis sit cordis status in eo casu, quo sanguis per venas in ipsum magno impetu allabatur, & sanguis arterialis versus sinistrum ventriculum regurgitans, impedit, ne sanguis venosus transfundatur, absque dubio suadere vobis potestis cor in illis angustiis vehementius agitari, celerius, inæqualiusque moveri, excandescere, inflammari, œconomiam subvertere, & ea omnia efficere, quæ in magnis febribus observare solemus; felix itaque qui remedium comparavit, quo causam occasionalem à loco efficaciter resolvat, & sanguinis fermentationem inhibeat, nam completum habebit

medicamen pro omnibus febribus quæ curationem admittunt, quippe ubi coctionis tempus in febribus expectatu pro maturæ victoriâ, rarus erit felix eventus, nam pejora sunt, quæ in universo corpore à depravato cordis motu successivè producuntur, quam prima causa occasionalis, à qua motus cordis depravatio originem duxit.

Concludimus igitur in febribus quibuscumque & cujuscumque speciei motum depravari in corde à sanguine fermentescente, qui per venas nimio impetu cor allabens, & per arterias versus ipsum cor regurgitans, cordis, quod in medio urgetur, œconomiam subvertit, motumque depravat, à quo æstus febriles producuntur.

Ubi notandum est, quod sanguinis fermentatio pendet à motu causæ occasionalis in aliquâ corporis parte existentis, nam augetur fermentatio sanguinis, cum causa occasionalis vehementer movet, & cum hujus motus remittitur, remittitur quoque fermentatio, & si illa omnino à movendo cessat, & omnino in sanguine fermentatio, & ex hoc dependent accessionum tempora, quæ in febribus observantur, principium scilicet, augmentum, status, & declinatio; enimvero sollicitata natura à causâ occasionali, licet ejus motus ab illâ depravetur, semper tamen intendit illam remove à se, vel resolvere, vel consumere, at cum ad id peragendum insurgit, quodammodo pigre procedit, nam proximum onus lædenti materiæ non finit naturam vehementer movere, imò quodammodo veluti timore quodam percussa, in primo il-

lo insultu trepidat, & languet, & per consequens sanguis motum etiam languidum reddit, insolitâque novitate languet etiam cor, contrahuntur pulsus, friget corpus, totumque mutatur, & tunc accessionis principium dicitur; paulatim deinde audentior fit natura, & omnibus suis viribus ad pugnam insurgit, vehementissimè se movet, excandescit, furit, universumque corpus summoperè agitat; tunc sanguis eisdem motus vehementes patitur, & cor vehementer urget, produciturque tunc accessionis majus incrementum. Interea causa occasionalis per dictum vehementem naturæ motum à partibus, quibus infixæ erat, abscendere incipit, & natura suos motus ulterius non intendit, sed sistit, estque tunc accessionis status. Deinde cum natura paulatim animadvertat causam occasionalem aliquantulum se retraxisse, paulatim etiam se ad quietem componit, ad quam etiam se componit sanguis, & successivè cor, observaturque tunc accessionis declinatio.

Sanguis ergò in venis, & arteriis eodem modo se habet ad causam occasionalem, quò se habet olla aquâ plena ad accensas circa se prunas, eò enim usque in ollâ aqua fervet, quousque prunæ circa eam fervorem concitant, sed si vel prunæ removeantur, vel paulatim reducantur in cinerem, cessat etiam fervor aquæ in ollâ contentæ, reduciturque aqua ad temperiem ambientis aëris: Ità à pari materia degenerata in aliquâ corporis parte se habet velut pruna quædam, quæ fervorem in sanguine concitat; sed si materia degenerata vel removeatur à partibus, quibus vel

adhæret, vel est infixæ, vel resolvatur, vel omninò abstergetur, sanguis venarum, & arteriarum extemplò reducitur ad temperiem naturalis sui statûs, cessatque urgere, cor, & cessat per consequens febris.

CAPUT XX.

Periodorum in Febris causa investigatur.

Febres omnes sive intermittant, sive sint continuæ, earum accessionum certa observatur periodus, viginti quatuor horarum spatio quælibet terminatur accessio, sive intermittat deinde febris, sive alia subintret accessio; potest quidem vigintium horarum esse accessio ob parvitatem materiæ occasionalis, sed spatium viginti quatuor horarum nunquam transcendit, præterquam in synochis, in quibus ratione circuitûs sanguinis perseverat accessio usque dum sanguinis fervor perseverat.

Hujusmodi causa inter occultas habetur apud medicos, & licet humorum quaternario accessionum recursus refundant, insulsè tamen satisfacere annuntur, ipsarum accessionum tamen periodo dignam plures hætenus non invenere causam.

Nos, ut promptius ad rei veritatem accedamus, ea repetere cogimur, quæ in principio hujus libri tradidimus; demonstravimus enim ibi causam efficientem morborum in vivente esse viventis naturam, sive principium motûs in corpore latens; humores verò putridos, vel putrescentes, ut cum communibus Scholasti-

cis loquamur, sive materiam aliquam præter naturam in corpore existentem, esse meras occasiones, propter quas natura viventis ad depravatos, inordinatosque motus adigitur: hoc supposito, quod suprâ luculentissimè demonstravimus, sciendum est, quod agentia naturalia infinitæ non sunt virtutis, sed agendo laxantur, nec eorum actio uniformis esse potest, & ejusdem semper tenoris, nam eâdem ratione, qua agendo vires intendunt, eâdem sanè ab agendo declinare coguntur, quod non solum in agentibus merè naturalibus verum est, sed etiam in ijs, quæ arbitrio prædita liberè in aliquam actionem feruntur, ut in nobis experimur.

Prætereà sciendum etiam est, quod cum verum sit id, quod *Aristoteles* protulit, *moveri* scilicet *ab alio*, *quicquid movetur*, cum viventium corpora moventur, ea ab alio moveri necesse est, ut si dicamus à naturâ eorum ea moveri; remanet, ut investigemus, quid sit illud in universo, quod viventium naturam movet, hoc enim cognito, facile erit, ut quoque innotescat ratio motuum periodicorum, quos in orbe evenire conspiciamus. Nos nobis suademus solem esse, qui motionum totius universi regit habenas, & quod ab ejus motu agentia omnia naturalia normam modumque suarum motionum suscipiunt; nec id suadere erit quidquam à veritate alienum, cum constet ex accessu, & recessu solis ab hujus regionibus omnia in iisdem immutari, omniaque solis revolutiones sequi, quandoquidè id, quod in rebus naturam, & motus principium vocamus de naturâ lucis solaris fortassè

erit, & eundem servat in movendo suum corpus tenorem, ac servat Sol in regimine universi.

Sol ergò viginti quatuor horarum spatio universum circuit orbem, imminente ejus ortu, crepuscula producantur, & aër contrahitur, diciturque tunc diurni sui motus initium, post ejus ortum versus medium Cælum ascendit, producitque tunc sui motus, & caloris in universo incrementum, quod tribus horis ante meridiem, tribusque post, veluti in uniformi caloris diffusionem sistit, declinat postea paulatim in occasum, declinatque in orbe calor, tepescitque ferè omninò, cum sub terrâ circa mediam noctem nos integrâ quiete relinquit. Itaque Sol macrocosmi vita, ejusque principium motus viginti quatuor horarum spatio suam terminat periodum cum distinctione temporum, principij scilicet, incrementi, statûs, & declinationis, quibus diversimode calor in ipso excitat macrocosmo; enimverò tribus horis ante suum ortum initium supponitur, quo in nostrum emisphærium agere incipit, illudque durat usque ad tertiam horam post suum ortum, in qua incipit suum caloris incrementum, quod in meridiem usque semper augeatur, sistit tunc in eodem gradu usque ad horam tertiam ante suum occasum, in qua declinare incipit, declinatque semper usque ad horam tertiam ante mediam noctem, tribus deindè reliquis horis post illam declinatio ad integram quietem se componit; in hoc est notandum, quod status semper de incremento, & declinatione participat, nec possunt agentia naturalia in medio duorum extre-

extremorum longo tempore sistere, quin ad utrumque non inclinet.

Cùm ergò animale corpus microcosmi nomine sit insignitum, ex eo quòd quicquid est in macrocosmo, in eo est contractum, & breviatum principium caloris, & motus in eo se habet tanquàm sol in magno mundo spatio viginti quatuor horarum suorum motuum periodos complens; itaque existente in corpore materiâ aliquâ præter naturam id, quod est natura in vivente, ejusque motus principium agere in illam incipit, deinde suas vires, quoad potest, excitat, sistit deinde in illo majori suo impetu, & ab actione paulatim declinare incipit, in qua declinatione, si victam omninò materiam agnoscat, ad omnimodam quietem se componit; si verò perseverat, denuò ad agendum accingitur, eundemque agendi modum prosequitur, quam doctrinam ex uno tantum hoc exemplo veram esse vobis suadere potestis, quòd si homo quilibet post necessarij cibi assumptionem aliquem corporalem laborem incipiat, per duas, tresve horas ob cibi pondus in ventriculo pigriè se exercebit, vires deinde acquirendo, per sex, aut octo alias horas alacrius, ac vehementius laborem prosequetur, sistet deinde aliquantulum in vehementi illo labore, ac laxus jam à vehementiâ declinabit, demùm omninò resolutus ab ingestis cibis recepto vigore, intra viginti quatuor horarum periodum, velit nolit, à labore cessabit, quem resumere poterit, si recenti cibo recreetur, motus ergò vitæ animalium diuturnus non est; egetque recenti motus causâ post viginti quatuor horas, ut recentem motum

instituat, aliàs in totalem quietem, quæ mors est, properabit.

Cæterum quid sit in causâ, quòd aliquandò immediatè post viginti quatuor horas in fine declinationis unius accessionis alia suum initium nanciscatur, aliquandò post quietem unius accessionis viginti quatuor horæ intercedant, priusquàm sentiatur alterius initium, ut in tertianis; aliquandò tandèm quadraginta octo horæ quietis habeantur, ut in quartanis, licèt in superioribus capitibus aliquid tetigerimus, quòd id quodammodò insinuavimus; luculentiùs hîc arcanam hanc in naturâ causam patefaciemus.

Materia degenerata occasionalis vel adhærescit tantum superfici ei partis, in qua existit, vel in intimam ejus partis substantiam est infixæ.

Si adhærescat tantum, est iterum distinguendum, vel enim pars, cui adhærescit, sanguinem intra se habet, vel exanguis est, ex albis tantum fibris constans.

Si sanguinem intra se habet, uti sunt venæ, arteriæ, hepatis, & lienis parenchymata, vel tertianam, vel quartanam febrem concitabit; tertianam, si in venis, vel hepatis parenchymati adhærescat; quartanam verò, si in arterijs, vel lieni.

Si verò exanguis parti materia degenerata adhærescat, viginti quatuor singulis horis excitabit recentis accessionis initium, recurrentque diutim accessiones usque ad totalem occasionalis materiæ consumptionem, & id etiam distinguendum est; vel enim nutrimentum partis, cui materia occasionalis adhærescit suam servat temperiem in accessionum recur-

bus;

bus, & tunc typum duplicis tertianæ, ut medici dicunt, servabit, sive secundum Galenum typum febris continuæ absque accidentibus, & symptomatum pravitate; At si per accessionum recursum nutrimentum partis, cui materia occasionalis adhærescit, suam temperiem amittit, fitque ipsum quoque degener, tunc continuam excitabit febrem varijs accidentibus, & symptomatum pravitate formidabilem, quamque malignam, licet abusive, appellitent medici.

Hujusmodi etiam febrem excitabit materia occasionalis, si non adhærescat parti, sed illa sit infixæ; nam id, quod infixum, & intrinsecum est partibus, ipsum est earum nutrimentum, quod vel proprio motu depravetur, & degener fiat, vel à materia adhærescente in sui depravationem adigitur, id per accidens est, at de essentiâ nutrimenti degenerati quomodocumque est, semper continuam producere febrem cum symptomatum pravitate.

Est nunc reddenda ratio, cur partibus exanguibus adhærens materia degenerata quotidie accessionem excitet? Cur eadem vehis, & hepatis infesta tertio quoque die recurrens accessionem faciat? Cur denique eadem arterias, & lienem contactu lædens, quartanam excitet febrem?

Id ut in apertum veniat, repetere est operæ pretium, quod partes exanguæ à nutrimento vix à cibo separato irrorentur, quod adhuc ætherogeneitatem sapit, nec salis volatilis indolem acquisivit, hinc est, quod à quolibet depravato fibrarum motu ipsum quoque depravatur; nam caret essentiâ balsamicâ, quæ illud con-

servare posset, licet depravate moverentur continentes ipsum fibræ: itaque materia ipsis exanguibus partibus adhærescens, tantum abest, ut removeatur ab effluvijs contenti inter fibras nutrimenti, ut potius ipsum nutrimentum naturam ipsius materiæ degeneratæ assumat, transeatque illud ipsum in materiam occasionalem excitatæ febris; hinc fit, ut principium motus fibrarum illius partis semper circa se habeat causam depravati motus concitativam, nam si quodammodo esset illa, quæ primò adhærendo, tantum depravatum motum concitavit, perseverata altera, quæ inter fibras jam facta est præter naturam, undè est, quod natura completâ sui motus viginti quatuor horarum periodo, cum circa se etiam materiam degeneratam sentiat, iterum contra illam movere incipiat, & sic quotidie prosequitur, usque dum vel superans, vel superata, vel ad naturalem suum motum se componat, vel omnino à movendo cessat per mortem.

At sanguis cum balsami essentiam à corde per circuitum sit nactus, habeatque salis volatilis naturam, ita ut degenerare à suâ indole non possit, nisi per totalem cessationem à motu, cum in grumum concrevit; vasis, quibus continetur, & parenchymatibus, in quibus est undequaque diffusus, suum quoque balsamum impertit, & licet in vasis ipsis, & parenchymatibus materia aliqua degenerata adhærens depravatum concitat motum, efficere tamen non potest, ut contentus sanguis à suâ indole degeneret; undè fit, quod remotâ materiâ adhærescente per motum unius accessionis, nihil

nihil remanet, quod iterum immediate ipsam naturam concitare ad motum possit, ac propterea ad naturalem suum motum se componit, usque dum remota à se materia iterum approximetur, itémque ad motum illam provocet.

At sanguis venosus, quo etiam hepatis turgescit, quia spiritu à corde elaborato caret, vix per viginti quatuor horas suo balsamo continentes eum partes à materia degenerata insolentia perseverat, approximetur iterum interea, & iterum ad pugnam naturam provocat, & sic de tercio in tertium.

Sanguis verò arterialis, quia totus balsamus est, & maximam habet salis volatilis copiam, quo etiam lien gaudet per vigintiquatuor horas à continentibus eum vasis remotam eam causam occasionalem iterum approxinari non finit, quo intervallo paulatim se insinuans, iterum adhærescit, & occasio recurrit de quarto in quartum.

C A P U T X X I.

De ijs, quæ medicus attentè animadvertere debet in febrium quarumcumque curatione suscipiendâ.

Nulla occasio per se est sufficiens ad febrium excitationem, sed ut optimè notavit Gal. lib. 2. de diff. februm, requiritur etiam patientis dispositio, aliàs omnes à crapulâ ægroarent, omnes in peste interirent, quòd falsum est. Imò multoties ad febrium morem magis concurrat patientis dispositio, quàm occasio, quæ

licet levis, cum corpus malè dispositum reperiatur, lethalem producere potest febrem.

Notandum est itaque quòd in corporibus viventium dispositiones pro magnis morbis raro, fereque nunquam ex improvviso producuntur, sed semper sensim, & temporis progressu, toleratque, quòd ad potest, natura id, quod successivè in corpore advenit contra suum institutum, & propter vires suæ activitatis: Interea lassatur, semper contrahitque ignaviam, qua quicquid agit, imperfectè agit, & in suis motibus veluti languet, undè scriptum legimus apud Hippocratem: *Spontanea lassitudines morbos præannunciant*, per longum ergò tempus ita fatigata natura ex supervenienti levi aliquâ occasione, in pessimi moris febrem prorumpet, quæ si ex levitate occasionis tantum mensuretur à medico, parvi momenti existimabitur. Dispositiones patientis, quæ febris initium præcessere, ex ante actâ infirmi vitâ accuratè medicus cognoscere debet, ut legitimè ferre possit de morbo iudicium, ut opportunè laboranti naturæ medicaminibus opitulari. Occasiones, quibus malæ dispositiones pro magnis febribus in corporibus producuntur, multæ esse possunt, eas ad quinque tamen veluti ad principales reducuntur, ad excessus quotidianos tum in cibis, tum in potu; ad labores corporis assiduos supra quàm à viribus tolerari possunt; ad excessus repentinos frigoris, & caloris, si ijs multoties corpus corripitur; ad excessus Venereos, & ad animi vehementissimas agitationes; addi potest his epidemica constitutio, quæ non corpora par-

ticulari-

ticularia, sed omnes viventes respicit.

Hæ occasiones si per aliquod notabile tempus in corpore febre correpto præcesserunt, dispositiones in illo produxere, quæ ex leni quadam recenti occasione in febrem properant, qua semper mortis periculum comitatur, nam quod magis natura se sustinuit in præcedentium occasio- num procellis, eò magis omnibus laxatis habenis in incipientem morbum præceps illabitur, & in sui confusionem magis intenditur.

Discite hinc, dum ad ægrum acceditis vos curiosos esse debere in investigandis ijs excessibus, qui ægritudinem præcessere, nam pro maturitudine, & temporis longitudine iudicium salutis, vel mortis facile erit in medium proferre; prætereà neque prodest ægri assuetudo in ijs exercendis excessibus, nam assuetudo facit, ut non ita celeriter morbi dispositiones producantur, sed postquam morbus advenit, tantum abest, ut assuetudo in excessibus faustum iudicium arguat, ut potius illud in deterius inclinare faciat, natura enim assueta quoties lassatur, suarum virium omnimodam jacturam eam fecisse ostendit.

Prætereà sciscitari medicus debet, an solitus sit infirmus magnos evadere morbos, nam si aliàs illos evasit, spes aliqua superest præsentem etiam evadendi; contra verò si patientis ægri natura nunquam magnos morbos passa sit, facile erit, ut illo adveniente succumbat, & sæpè evenit, ut ij, qui nunquam infirmati sunt, à primo vehementi morbo in vitæ discrimen adducantur.

Tandem rem sanè paradoxicam vobis animadvertendam proponimus, quam Hippocrates memoriæ prodidit, & nos eventibus quamplurimis verum esse didicimus, scilicet maximum ægrorum virium robur in febribus pravi moris non solum salutis securitatem non præferre, sed suspectissimum esse de mortis periculo; contra verò, qui graciles sunt, & chronicis aliquibus morbis sunt obnoxij, si à febre mali moris corripiantur, quamvis omninò tuti de eorum salute esse non possint, ut plurimum tamen mortis periculum evadunt, dummodo senectus hujusmodi ægros non comitetur, & ratio est, quia quò valentior, atque robustior est natura, eò vehementius à causâ occasionali praviæ qualitatis in inordinationem suorum motuum adigitur, & universam corporis œconomiam ita subvertit, ut difficilis, ferèquè impossibilis sit ejus ad pristinum salutis statum ejus restitutio; in ijs verò, in quibus non adeò elata, sed remissior est natura, & tolerandis morbis assueta à materiâ occasionali concitata febris non adeò abhorret, nec ob sui tenuitatem in vehementes furores adigitur, ac propterea facilius est ejus ad naturalem statum reductio.

CAPUT XXII.

De Curatione Februm, quæ à cibis, & potu quantitate, vel qualitate peccantibus excitantur.

Cibus, & potus adeò ad tuendam vitam necessarij sunt tam sanis, quam ægris, ut sine ipsis diutius vivi non

non possit; partes enim tam continentes, contentæ, quàm impetum facientes, quæ continuò absumuntur, eorum debitâ quantitate, & qualitate reparentur oportet: Si verò in his peccent, alius exitus vix esse potest, quàm cruditas, anorexia, lienteria, diarrhœa, cachexia, hydrops, innumeraque alia mala, vel mortis occasio, vel huic intemperantiæ febris accedit, de qua in præsentî agimus.

Signa.

Signa, quæ hujusmodi febrem comitantur uno, atque altero die, sunt urinæ aqueæ, capitis dolor, lingua alba limo obducta, & amarulenta, ructus acidi, vel nidorosi, renum, & lumborum dolor, inappetentia, calor moderatus, pulsus celeres, & languidi, & febris initium cum horripilatione.

Causa Occasionales.

Siquis febre correptus medicum accersit, illicque referat se præterquamquòd multum comedit, & bibit, vel cibos mali succi ingessit, nullam aliam febre dedit occasionem, à cibo, & potu superfluo, vel ab eorum pravâ qualitate originem duxisse febrem credendum est.

Prognosis.

Si vomitu spontaneo, diarrhœâ, urinæ profluvio infirmus exoneretur ante secundam accessionem, licet vehemens fuerit primus paroxysmus, altero die immunis erit à febre. Si dictis evacuationibus non exoneretur

D. Car. Musitani de Febris.

infirmus, & altero die accessio non superveniat, licet prima accessio ad integram infebrecitationem non devenit, quarto die immunis erit à febre, si iterum in victu non erraverit. At si dictis evacuationibus non exoneretur infirmus, & altero die novâ corripatur febre, jam continua facta est febris, quam prava symptomata comitabuntur, & vitæ discrimen; nam novæ febris accessio secundo die certissimum est argumentum nutrimentum inter fibras ventriculi dispersum esse degeneratum ob depravatum ipsarum fibrarum motum à lædente ingestorum vel quantitate, vel qualitate; Si hoc modo res evenierit, instituenda erit curatio, quam paulopost trademus, cum de febribus à nutrimento degenerato concitatis verba faciemus.

Curatio.

Si prima die, & in primâ accessione sit vocatus medicus, & inveniat ægrotum adhuc ingestorum farcinam in ventriculo sentientem, vel acidos, vel nidorosos ructus habentem, præsentaneo vomitu illum à febre liberare poterit, pro quo

℞. Vitrioli albi ʒB.

fiat pulvis,

Exibeatur in aquâ menthæ, vel hordei, vel in alicujus syrupi cochleare.

Vel

℞. Aceti scillitici,

Syr. de cort. citri ana ʒj, m.

& ægroto propina.

Vel

℞. Aqua ferventis ʒij.

injiciatur in has

fol. tabaci Brasiliensis ʒj.

F

stera

stent simul per horæ quadrantem, deinde aqua à folijs separetur, & infirmo exhibeatur.

Vel exhiberi potest *Aqua Æsculapij*, cujus conficiendi ratio hæc est:

℞. *Aceti fortissimi q. u.*

destilla in Alembico plumbeo magno, abjiciendo quartam partem aceti primò extillantis, tanquàm nimis debile, reliquum excipe ad siccitatem ferè totalem, cavendo tamen, ne ab aceti melagine tetrum acquirat odorem. Dulce est gustatui, & datur ad ℥j. ij. iij. usque ad iv.

Celebre, tutum, & omni dignissimum laude Vomitorium est nostrum *Hippocras Emeticum* in nostrâ *Trutinâ* descriptum lib. 1. cap. 2. De *Apoplexiâ*, & in nostrâ *Mantissâ* in *Armamentario Hadriani Amynsicht*, & omnibus emeticis palmam præripit, nullique comparandum, quod ad multos annos asservatur absque suæ operationis deperditione, cuicumque ætati, & anni temporì adaptatur magno cum emolumento, undè apud nostrates medicos in maximo usu est in illis morbis, quibus emetica conducunt. Non displicet nobis ejus confectio- nem hîc repetere ad reipublicæ medicæ cultum, & proximorum utilitatem, cum medicamentum tam captu jucundum, & blandum, quàm palato gratum sit, ut meritò divino Nectari possit, & omnibus morbis, quibus vomitoria conveniunt, est velut Dei manus. Compositio talis est:

℞. *Vini Graci lib. ij.*

Mercurij vitæ ℥℞.

Caryophyll.

Cinnam. acuti ana ℥j. ℞.

fiat pulvis, & inde in vas vitreum am- plum, cujus orificium claudere, trade-

igni cinerum, vel arenæ, & immédia- tē post primam ebullitionem vas aufer, & serva. Dosis cochlear j. vel ij. vel iij.

Hoc nostrum Hippocras est mira- bilium omnium maximè admirandum & inexhaustos in se continet thesau- ros, & quamvis ex eo sumas, si reaf- fundas, vires ejus non imminues, est alter *Philosophorum Lapis*, cujus con- fectionem in *Mantissâ* tradidimus.

Verùm ad magnam ingestorum sar- cinam è ventriculo evomendam sine ambagibus, & ullis sumptibus tutis- simum vomitorium haberi potest, im- mittendo digitum in fauces, in eis- que tamdiù titillando, donec vomitus se- quatur.

His medicamentis, ut diximus, uti debet medicus, si ciborum moles in ventriculo perseveret, quod ex aci- dis, nidorosisque eructationibus con- jicere potest; cæterum si de eo pro- babilem certitudinem non habeat, à dictis vomitivis se abstinere debet, nec ulterius ijs afflictum laceßere ven- triculum, sed recreare illum debet tum externis fotibus ex *absynthio*, & *menthâ calidis*, & aceto inspersis, vel applicetur *sacculus ex menthâ, absyn- thio, & pulegio consutus*, vel ventri- culi regio inungatur *salsâ chymicâ*, ut

℞. *Ol. nuc. mosch. express. ℥ij.*

essentia absynthij,

mentha ana ℥. j. m.

quibus addi potest

essentia melissæ ℥℞.

Præ omnibus celeberrimum erit *scutum stomachicum* ab *Andræâ Battimelli* in additione *Armamentarij Hadriani Amynsicht* descriptum.

Tum internis medicamentis, qui- bus magna inest vis ventriculum cor- roborandi, & ab ejus fibris nidorem

sub-

subducendi, qui febrē deinde pro-
ducere potest, ita sunt:

℞. Syr. de cort. citri ℥. j.
elixir propriet. destill. ℥. j. ℞.
ol. cinnam. gutt. j. m.

Vel

℞. fulep. Cinnam. ℥. ℞.
Syr. de cort. citri ℥. j. m.

Vel

℞. Syr. de menthâ ℥. ij. ℞.
aqua cinnam. ℥. ℞.

pulv. aromat. 205 Gabrielis ℥. ℞. m.

Ad idem valet syrupus de cinnamomo,
tinctura ejusdem, elixir Helmontianum
stomachicum, Paracelsi, tinctura choco-
latis &c. quibus palmam præcipit
Balsamus Catholicus nostræ descriptio-
nis in Mantissâ apud Armentarium
Amynsicht. Credibile non est, quan-
tū hæc nobilia medicamenta afflu-
xum à languoribus ventriculum sub-
levant.

Præterea nullo modo purgante
medicamento per inferiora in hujus-
modi febre utendum est, nisi prius
coctionis signa in urinis apparuerint,
ut optimè notavit Gal. de arte curati-
vâ ad Glauconem, & in libro quos, &
quandò purgare oportet, quod prius
ab Hip. fuerat insinuat.

Verum si in primâ accessione fe-
bris ex ciborum plenitudine, vel qua-
litate eorum prava exortæ, sponta-
neus vomitus, diarrhœa, vel urinæ
profluvium non evenerint, nec sit
medico locus movitivum medica-
men exhibendi, imperatâ infirmo to-
tali inediâ, tempus secundæ accessio-
nis expectare oportet, quæ si non ad-
venerit, solâ victûs ratione, & medi-
camentis ventriculum roborantibus,
tertiâ, vel quartâ die ad integrum sa-
nitatem infirmum adducet.

At si secunda accessio supervene-
rit, accuratè debet medicus de ante-
actâ infirmi vitâ perquirere, nam si
excessus, vel aliquis eorum, quos su-
prâ commemoravimus, per longum
tempus præcesserit, pessimi moris fe-
brem superventuram pronuntiabit,
de cujus curatione paulo infra tracta-
bimus; si verò excessus non præcesse-
rint, & ab illo præsentī errore in vi-
ctu febris tantum fuerit concitata, in
bonum cessurum esse morbum pro-
nuntiabit, quod cognosceret à v. g. ac-
cessionis insultu, nam melior erit,
quàm primæ, & tertius, quàm secun-
dæ, & diutius omnia in melius abi-
bunt, tunc apparentibus coctionis
signis in urinâ, cum omni securitate
purgans medicamentum infirmo ex-
hiberi potest.

C A P U T XXIII.

*De Curatione februm, quæ ex degene-
ratione serositatum, quæ à ventricu-
lo per vasa brevia à Liene alli-
ciuntur, proveniunt.*

Ilius febris curationem aggredi-
mur, quæ à serositatibus per vasa
brevia in lienem attractis genesim
agnoscit: hæ serositates in liene adeo
in excrementum Cœnosum, crassum,
fæculentum, & terrestre degenerant,
ut lentam, & diurnam concitent
febrē, quartanam nempe, quæ me-
dicorum opprobrium nominatur.

Signa.

Si homini febrilis accessio super-
venerit cum refrigeratione, horrore,

F 2 pandi-

pandiculatione, oscitatione, capitis dolore, labiorum livore, ventriculi nausæ, lumborum, renumque dolore, jam quartanam adesse judicabis. Lenis horror primò invadit, deindè frigus totum corpus ad intima penetralia usque perfrigerat ita ut ossa stringi, & confringi videantur, omnesque artus intimè tremant, ac dentes vehementer tremebundâ collisione concutiantur, postmodum pigrè incalescit ægrotus, & sequitur æstus febrilis, mitior tamen quàm in tertianâ, instante autem paroxysmi fine, sudor acidum olens subsequitur, unde hac febre laborantes ob acidum illud famelici fiunt; imò & paroxysmi die famæ viget, at graviolem efficit paroxysmum, si patiens tum non abstinat: corpus illis grave est, & parùm perspirat, vires languent, & morosi sunt, vitam eligunt sedentariam, sic & magni sputatores esse solent, pulsus semper est debilis ob impeditam sanguinis spirituscentiam. A quarto die nominatur, eo quod semper ab antecedente paroxysmo dies quartus paroxysmum reducat, interpositis binis diebus tranquillis. Terminatio ejus longiùs protrahitur, ad viginti, nonnunquam etiam vigintiquatuor horas, & sic per longum tempus de quarto in quartum prosequitur. Urinæ in principio sunt ut plurimum aquosæ, & crudæ, procedente morbo, sunt coloratiores, & crassiores, febrilis locus est lien, undè color facilè, & oculorum plumbeus est, & tumor sinistri hypochondrij.

Est quartana itidem alia simplex, alia composita. Simplex est, quæ, ut dictum est, quarto quolibet die recurrit. Composita est, quæ intermedios

quoque occupat dies, estque vel duplex, vel triplex. Duplex dicitur, quæ unum habet diem, duosque sequentes affligit. Triplex est, in qua nullo die tranquillitas datur, sed quotidie novus paroxysmus vexat.

Causæ Occasionales.

Ut supra notavimus superfluæ ventriculi serositates à liene per vasa brevialliciuntur, quod ab Hippocrate fuit etiam memoriæ proditum; hæ serositates vel quantitate insuperabiles, vel qualitate degeneres lienem vel lædunt, vel turgidum reddunt, ejusque coctio vitatur, & magna inibi cruditatis suppellex ex viscosis, ac lentis, simul tamen acidis, & malè figuratis particulis aggeritur, undè contumax, & diuturna oritur lienis obstructio. Hinc sanguis arterialis per splenicam arteriam ad lienem post vertiginosos motus adventus, cœnosus, terrestris, effœtus, segnis, ac spiritibus depauperatus, veluti cruoris fœx, non concoquitur, nec fermentatur, undè nec spirituosus, nec volatilis fit, & estò succi pancreatici, qui acidus est, portio aliqua ad lienem feratur, sanguis arteriosus in lienem ad fermentationem ineptus est, quia sal ejus fixum in propriâ indole degener fit à limositate tartareâ, lentâ, tenaci, aliisque liquaminibus viscosis in meatuum angustis; lienis namque corpus ex complicatis constat arteriis, ac propterea sanguis arterialis spiritibus orbatus ex succi affluxu fermentationis motum non subit, & spirituosus, ac volatilis non fit, nec reliquum sanguinem volatilisat (de his vide plura Cap. De lienis anatome ejusque

eiusque usu,) imò sanguini venoso commistus illum deturpat, mucidum, austerum, & segnem ob spirituum pauperiem reddit: & qui huiusmodi affectione laborant, vulgares appellant melancholicos, & qualis humor, talis color, undè colorem fuscum, lividum, & sublividum habent. Sanguis arterialis in liene effœtus ob degeneratas serositates, & sal fixum dilutum succi pancreatici irroratione fermentationem non subit, nec volatilifatur, undè hæ serositates terrestres, salinæ, aluminosæ, tartareæ, austere, vini acescentis instar, arterioso lienis sanguini commistæ fermentescunt, ut febrem concitant, ac de quarto in quartum diem per accessiones exaltantur ob fermentationis ineptitudinem, novamque effervescentiam excitant.

Si ex laboribus, vel febre aliquâ vehementi, à qua convaluit, multum sitis contraxerit homo, multumque potaverit, neque respondeat urinæ exitus ad potûs quantitatem, intereà rugitus in sinistro hypochondrio sentiat, lienem turgescere conspiciat, jam proximam esse febrem quartanam sibi persuadeat.

Prætereà, si in Lacustribus, paludosisque locis aliquis vitam ducat, aquamque bibat, vel in eâ cibos coquat, aliquâ labe pollutam obstructionem vasorum lienis contrahet, & ex serositatibus ibi stâgnantibus facilliter in febrem quartanam incidet.

Demùm quisquis in potu modum exceßerit, illumque per urinam non reddat, si à naturæ robore potus ille superfluous vel per vomitum, vel insensibiliter per cutem non deturbetur, in lienis obstructions, & in quar-

tanam febrem sine dubio incidet.

Prognosis.

Quartana febris quamvis longiturnem præseferat, tuta semper est, & omni periculo vacat, succumbere enim morbo natura non potest, quæ per 48. horarum intervallum ab illo non laceffitur, & naturali gaudet statu. Longissima, & diuturna est quartana ob succi terrestitatem, & quamvis Avicennas dicat, quòd si in eâ non committatur error, non extenditur ultra annum, tamen observatum est ad plures, & plures annos durasse, undè *Gabelchoverus centur. 6. observ. 74.* quartanarum exempla congerit, quæ 8. 12. 21. imò 48, 58. durârunt, quod creditu operosum videtur. Hinc ortum fuit apophthegma: *Hydrops, & quartana medicorum scandalâ planâ.* Verùm nostris hisce temporibus tam diuturna non est, quin abbreviari non possit ob innumera antifebrifuga tam à naturâ, quàm ab arte reperta, quæ priscis ignota fuere. Prætereà quartanæ, quæ æstate contingunt, sunt breviores; quæ autumno, & hyeme longæ, ut habetur *aph. 25. sect. 2. Æstiva quartanæ plerumque breves, autumnales longæ, & inter eas maximè, quæ ad hyemem usque pertinent.* Inveteratæ quartanæ raro solvuntur, nisi vere, & æstate. Quæ diuturnas lienis obstructions nactæ sunt, diuturniores sunt, non sine periculo plerumque in hypochondriacum malum, scorbutum, cachexiam, vel hydropem terminantur. Si scirrhus lienis succedit, desperatæ est restitutionis; in hecticam enim aliquandò terminatur. Infantes facilius à quartanâ liberantur, quàm mediæ, &

occiduae ætatis viri. Simplex facilius toleratur, quàm duplex, vel triplex; ex simplici enim si duplex, vel triplex fiat, periculosa est.

Quàm hæc febris contumax, & diuturna est, quæ *Saturni filia*, & *medicorum opprobrium* vocatur, tam tuta est, & adeò omni vacat periculo, ut neminem jugulârit, præcipue in regionibus calidioribus, undè illud Italicum manavit proverbium:

Sopra Quartana non sona campana.

Solvitur quartana quandòque per vomitum, quia crudorum humorum congeries in primis viis impacta exturbatur. Interdum motu critico, sudoribus nempe, urinis crassis, & nigris, menstuis, aut hæmorrhoidibus, non verò narium fluxu, ut habetur *sect. 8. aph. 3. Quibuscumque in quartanis febribus sanguis è naribus defluerit malum est.*

Quartanarios solatur *Plato*, cui se subscribit *Hippocrates*, asserunt namque eundem hominem non bis in quartanam febrem incidere, cujus verba sunt: *Primum quidem quartanâ febre idem homo bis neque capitur, neque unquam captus est, neque de cætero corripietur, si semel sanus fiat.* Sed hanc tantorum virorum sententiam falsam deprehendit quotidiana experientia, cum plures compertum sit eundem infirmum iterum quartanâ febre correptum, quinimmo *Avicennas* inter quartanæ indicia etiam patientis consuetudinem annumerat. Quartana in morborum chronicorum censu principatum tenet, undè in tantâ annorum multorum continuatione nullum alium morbum in par consortium admittit, quod magnum est quartanæ encomium; quartanâ enim laborantes

magno morbo non corripuntur, si verò jam alio gravi detineantur morbo, & tunc quartana superveniat, liberantur. In exemplum adduci potest convulsio, à qua quartanâ superveniente, liberantur ægri, ut habetur *aph. 70. sect. 7. Qui quartanâ corripuntur, non admodum convulsionibus tentantur; si verò prius tentati fuerint, superveniente quartanâ, liberantur.*

Curatio.

Cum quartana febris pertinax, & diuturna sit, ut etiam vulgò *medicorum opprobrium*, & *infirmorum supplicium* dicatur, medicus in eâ curandâ cò majorem selertiam adhibere, atque in id attendere debeat, ne medicamentis importunè datis duplex, vel triplex efficiatur, vel ex intermittente in continuam transeat. Præcipua itaque curationis spes in proba diætæ constitutione posita est, aliter selectissima remedia vix proficere poterunt, & nisi ægri obedientia cum medici industriâ copuletur, & ambo concorder in malum conspirent, incassum laborant. Maxima igitur sex rerum nonnaturalium habenda est ratio, & primò

Aër sit temperatus, purus, & Lucidus, qui ad calidum potius vergat; æstiva enim quartana brevis est. Vitetur aër nebulosus, & uliginosus, quia quartanarum est ferax, undè si ætas calida præcesserit, & autumnus pluviosus, quartanas quasi epidemicas producit.

Cibus sit boni succi, facilisque coctionis, sub mole tamen mediocri, in quo censu ferè sunt caro volucrum montanarum, & sylvestrium, ut ficedulæ

dulæ, à laudæ, perdices, phasiani, turdi, merulæ, & non tamen partum suum in locis palustribus quærentium, ut anates, anfares, fulica &c. Conveniunt ova sorbilia, pulli gallinacei, caro hædina, vitulina, leporina &c. Vitentur carnes porcinae, bubalinae, cervinae &c. quæ viscidum generant succum.

Item omnium animalium intestina, & extremitates. Pisces saxatiles sunt laudatiores, & è piscibus omnes illos damnamus, qui in cœnosis, palustribusque degunt locis, ut sunt anguillæ, tinæ &c. quia pingue, & glutinosum aliquid insertum habent. Similiter cane rabido pejus fugiantur alimenta fumo indurata, & sale condita. Cibos ergò salinos, acidos, viscidos, glutinosos, terrestres, & flatulentos summoperè repudiamus. Fructus arborum immaturi, austeri, horarij, pyra, poma, melones, castaneæ, juglandes, quia succum crassum progignunt, nocent. Conveniunt amygdalæ dulces, uvæ passæ, poma dulcia, pruna. Nocent quoque legumina, ut fabæ, pisa, lentes, oriza, cicercula, faseoli. Victus attenuandi, incidendi, & obstructionibus resistendi vim habeat, ea propter alimenta condiantur, & temperentur boragine, radice fœniculi, petroselini, cichorei, capparibus, cinnamomo, croco, pipere, zinzibere. In primis tribus, vel quatuor paroxysmis quartanarius tenuiori utatur victu, ut habetur *aph. 4. sect. 1. Victus tenuis, & exquisitus in morbis longis semper &c.* Si quartana ex se incæperit, quia in morbi principio materia morbifica copiosior, & crassior est; si verò alium secuta sit morbum, primò ex Hippocratis præcepto, vi-

ctus crassior adhibendus est, atque sensim versus statum de eo aliquid detrahendum; non enim consultum est, ut vires præcedente morbo tenuiori diætâ ab initio institutâ magis debilitemus. Si æger id ferre possit, commodissimum est, ut die paroxysmi nihil cibi sumat: qui tamen inediæ assueti non sunt, & jejunium facile non ferunt, ijs aliquid cibi liquidi, & facilis coctionis post paroxysmum exhibendum.

Tempus cibos exhibendi in omnibus febris intermittentibus *aph. 11. sect. 1.* describit Hip. *In accessionibus abstinere oportet, nam cibum dare nocuum est: & quibus per circuitum fiunt accessiones, ipsâ accessione abstinere oportet.* Et *aph. 19. sect. 1.* *His, qui per circuitus accessiones habent, nihil dare oportet, neque cogere, sed subtrahere adjectioni ante judicationes.* Danda itaque opera, ut paroxysmus ingruens, imò humorum fermentatio, quæ ante sensibilem paroxysmum sæpè satis diù antecedere solet, vacuum ventriculum inveniat, quod tempus, qui brevissimè definiunt, sex horarum spatio metiuntur; nam cibi, qui tunc dantur, non corpori, sed febrili alimentum sunt. Multæque tertianæ, & quartanæ producuntur non suâ naturâ, sed diætæ erroribus, atque isto in primis, quod ægri instante paroxysmo, cibo non abstineant.

Potus sit vinum album, tenue, maturum, non austerum, vel si æger vinum non bibat, utatur agrimonie decocto. Quies summa requiritur in ipsis exacerbationibus, interjectis verò diebus inter quosque paroxysmos, ad consueta se transferat exercitia, vel equo, aut curru vehatur.

æger.

æger. Somnus largiulculus sit, non ita multum à mediocritate dissidens, & vigilia mediocriter se habeat. Excreta, & retenta sint naturæ consona. Alvus molliatur, quantum ejus fieri potest per consuetos cibos, si verò hi nihil profecerint, infusis per clysterem utendum est, per initia quidè mollioribus, postea acribus. Si hæmorrhoides sint suppressæ ad consuetum fluxum proritentur, & si menstruæ subsistant purgationes, procurandæ sunt, aliàs tartarei humores coacervantur, & acidum multiplicatur. Animi passiones, ut timor, mæror, terror, lucubrationes, curæ &c. validæ sunt occasiones ad quartanæ productionem, quia sanguinem spiritibus reddunt effectum. Terrore panico multos quartanarios sanari posse ajunt, ut inopinatâ aquæ frigidæ perfusione, subitaneò serpentum, & murium aspectu, vel præcipitio ex alto, vel sclopetæ ictu sine glan-
de.

Febris quartanâ, cum sit chronica, & obstinata, medicus magnam solertiam adhibere debet, & ægrorum perseverantia necessaria est, ut assiduâ medicamentorum mutatione occasionalis causa concoquatur, & eliminetur: undè si remediorum series intermittatur, unica ferè causa est, ut quartanarij incurati remaneant; siquidè post paucorum usum, tædio affecti, reliqua prorsus respuuntur, & dedignantur. In medicamentorum cursu curare debet medicus, ne eorum importunâ exhibitione, vel ex ægri erratis ex simplici in duplicem, vel triplicem, vel ex intermittente in continuam transeat. Id etiam ægro prælagiendum est febrem hanc

brevi curari non posse, & sat citò curari, si sat benè.

Vulgares medici indicationem curativam à causâ morbifica sumunt, qui est humor melancholicus frigidus, & siccus, undè ut crassus attenuandus, & incidendus, ut putridus corrigendus, & ut adustus refrigerandus, ac deindè idoneis medicamentis evacuan-
dus. A principio itaque quartanarios mollioribus tractant præsidij, acrioribus ob succi crassitiem, & terreitatem vitatis, qui non nisi attenuantibus cedit medicamentis; Undè sufficit circa initia, ut mollioribus enematibus intestina mundentur, quasi intestinorum stercus quartanam cuderet, postmodum lenientibus medicamentis, si qua succorum colluvies in primis vijs appareat, utuntur, ut melle rosaceo, vel mannâ, aut ejusdem generis medicamentis, minuenda.

Ubi primæ viæ evacuatae fuerint, de sanguificinâ cogitant; verum non omnes eodem vivunt voto, nam nonnulli coctionem expectant, ut sanguinem mittant, quia tunc temporis sanguis fluxior, & tenuior est, sed cum morbus est coctus, medicus est decoctus. Alij in quartanâ sanguinem non detrahunt, nisi redundantia per venarum turgentiam, & alia indicia videantur: sed hæc redundantia rarissime est in morbis Saturninis, & præcipuè si quartana febri mali moris successerit.

De loco sanguinis mittendi rixantur, sed antesignamus *Galenus* brachij sinistri medianam secandam jubet, quem plerique sequuntur vulgares, nec id sine ratione in praxi observant, nam lien in quartanâ labo-

rat, ejusque sanguis fæculentus est, nec suo satisfacit muneri, nempe sanguini defæcando, & hinc vitiosi sanguinis cumulus in liehe fit, qui proximè ex sinistro latere evacuatur. Verùm sinistri brachij vena nullam cum liehe rectitudinem per se habet, sed mediante hepate cum venâ cavâ lien connexionem habet. Verùm si fluens sanguis crassus, & niger appareat, liberaliùs illum mittunt, si autem ruber, ac floridus, supprimunt. Nonnulli sanguinem in quartanâ propter crassitiem, & frigiditatem per supernas venas evacuari non posse meditantur, ideòque *aph. 3. sect. 8.* habetur: *Quibuscumque in quartanis febribus sanguis è naribus defluxerit, malum est.* Quia sanguis fæculentus, & crassus per superas venas excerni non potest, nisi purus, venas infernas tundere censent, tum quia per has sanguis crassus, & fæculentus excernitur, tum quia rarò accidit, quin hujusmodi febres ex suppressis hæmorrhoidibus, menstruis ut plurimum genesim agnoscunt, ac proinde venas in ani foramine, vel in malleolo aperiendas jubent, & postmodum ad venas superas aperiendas accedunt.

De tempore sanguinis mittendi vulgares digladiantur, nec omnes in eandem se colligunt sententiam, nam plerique cum *Galeno* commodissimam venæ sectionem in principio instituendam judicant, primis vijs evacuatis, diebus ab accessionibus vacuis. Aliqui in ipso accessionis die sanguinem detrahunt, quinque aut sex horis ante febris paroxysmum, quod utilissimum est, quia tunc temporis humores moveri incipiunt, &

D. Car. Musitani de Febris.

faciliùs educuntur. Alij venæ sectionem in plenilunio celebratam plurimùm conferre asserunt, quia tunc temporis ob lunæ motum humor ille crassus, & fæculentus ebullit, & fluxior redditur, & promptiùs per venæ sectionem educitur.

Rixantur vulgares in quartanâ de sanguine educendo, & perpetuò extra rem loquuntur, nam in morbis frigidis, ut est quartana, sanguinis missio refrigerat, & frigidiores morbi oboriuntur, ut Scirhi, hydro pes, vel contumax scorbutus, vel ex intermittente in continuam degenerat, & lethalis evadit, quia materia morifica crassior, & contumacior redditur; crassis enim, & terrestribus remanentibus partibus, subtiliores evolant particulæ, à quibus omnis excitabatur motus, & deinde calor, ac quod remanet, irresolubile est, & contumacium morborum causa.

Non desunt, qui in quartanâ, & morbis melancholicis summis extollunt echcomijs venæ, quam salvatellam vocant, incisionem in sinistra manu factam inter digitum anularem, & minimum, cum per hanc sectionem lienem evacuari censeant; attamen nullam aliam hujus rei rationem adducunt præter experientiam, quæ incerta est, nam ut certa sit, & omnis effectus alicui auxilio adscribatur, ipsum solum usurpatum fuisse necessarium est, nam si plura simul in usum trahantur auxilia, atque aliquis effectus inde sequatur, cui is tribuendus sit, dubium est; Id, quod etiam in salvatellâ locum habet: Nam si alia plura præcesserunt remedia; & postea salvatella quoque aperiatur, atque

G æger

æger melius abeat, certè soli salvatellæ apertæ effectus is assignari non potest. Cæterùm salvatellæ venæ sectio frustranea, & absque fundamento est, nam ramus iste è cubiti venis propagatur, undè nullum cum liene peculiarem habet consensum. Præterea sanguis iste melancholicus crassus est, & per talem exilem ramum commodè evacuari non potest.

Sanguine evacuato, materiam peccantem præparant *Syrupis de lupulis, fumariâ, de pomis, boragine, de tribus radicibus Gentilis, bizantino, vel de corticibus citri &c.* Præparatam materiam purgant *Syr. de fumariâ majori, de polypodio*, qui hîc communiter *Suessanus* appellatur, *confectione Hammech. Diacatholicon, diasenâ, electuario Indo, syrupis magistralibus &c.* quæ melancholicos, succos educendi vim habent. Inter pilulas utuntur *pilulis de lapide lazuli, de fumariâ, fetidis, aggregativis &c.* Ex his varias parant formulas juxta diversam patientium dispositionem, & libitum, quùm quoad ætates, tùm quo ad sexus, tùm quo ad corporis habitum, anni tempora &c. Et quoniam succi sunt melancholici, & pituitosi, ut in quartanâ spurâ per vices eos præparant, & evacuant, ac propterea à levioribus prius exordiantur, & ad validiora transeunt, inter quæ multùm commendant *pilulas tartareas, vel de ammoniaco à Quercetano descriptas.*

Præter dejectoria pharmaca laudant vomitoria contra *Hip. aph. 9. sect. 4. Melancholicos verò plenius per inferiora eadem ratione contraria appointes.* Cujus rei ratio est, quia quemadmodum biliosus succus ob sui levitatem faciliùs per superiora

purgatur, sic melancholicus ob sui gravitatem nequit per superiora educi, nam deorsum semper inclinatur. Primò vomitoria mitiora adhibent, ita sunt *succus raphani cum oximell. vel decoctum hyssop. & sem. aneth.* Secundò vomitoria potentiora, ut *asarum, gratiola, sambucus, rad. hellebor. alb. &c.* quæ ante paroxysmum propinant, quia tunc natura materiam morbificam mover.

His vicissim utuntur medicamentis, nempe purgantibus, & vomitorijs, quia quartana morbus chronicus est, & obstinata perseverantia necessaria est, ut assidua remediorum vicissitudo, & rejeteratio illius causam concoquat, & expurget. Intermedijs purgationum temporibus frequentes injiciunt clysteres, quibus naturam ad intestina humores noxios expellere assuefaciunt, & sensim aliquid de materiâ morbificâ per anum educunt. Miseros itaque quartanarios in assiduis medicamentorum angustijs versant absque ullâ salutis spe, undè diuturno medicaminum usu fatigati, tædio affecti, & viribus enervati omnia respuunt, & incurati medicamentum, & medicos devovent. Tandem exactam, & diuturnam diætam perosi, in cibo, & potu quùm in quantitate, tùm in qualitate delinquant, imò cibos prævæ substantiæ expetitos avidè ingurgitant, & magno artis, ac medicorum dedecore à quartanâ liberantur.

Præter purgantia, & vomitoria in quartanæ progressu aperientia, & deobstruentia usurpant, inter quæ utiliter commendant pilulas ex chalybe præparato, post quarum assumptionem ægrum deambulare jubent; chaly-

lybis enim usus in febre quartanâ utilissimus est, quia contumaces lienis obstructions, quæ illam fovere solent, potenter aperit, & resoluit.

Observant vulgares in quartanâ primis diebus non multos sudores, attamen in morbi progressu, attenuatâ materiâ, copiosos sudores, quapropter ad naturæ imitationem diaphoretica in quartanæ declinatione ad illius reliquias discutiendas, ad intemperiem longo morbo contractam, ad malum corporis habitum emendandum, ac lienem, ventriculum, & alia viscera chronico morbo debilitata corroboranda, utilissima censent. Ex his potissimum obtinet locum *Theriaca*, quam 3. j. pondere horâ unâ ante paroxysmum cum vino, vel decocto chamædrios exhibent, & per plures paroxysmos reiterant, sed paulò ante paroxysmum felicius operatur, quia frigoris augmentum prohibet, & humorem febris causam jam effervescente incipientem commodius discutit, & modò paroxysmum imminuit, vel modò, si materia parcior sit, illum prorsus tollit. Inter diaphoretica commendant quoque *Mithridatium*, *carduum benedictum* &c. & præ alijs *radices salsa parilla*, *china*, quarum decoctum primarium per viginti dies ante accessionem exhibent, & secundarium pro potu ordinario, & contumaces interdum curasse quartanas referunt. Cæterum succus melancholicus ob sui lentorem, & crassitiem ineptus est, ut in sudorem transeat, estò melancholici multo abundant sero, istâ serositate in sudorem resolutâ, quod remanet, contumacior, & fixior redditur, & in scirrhum degenerat, & pro tuto curando

morbo, pejorem, & pertinacionem inducunt. Præterea si quartana est in declinatione, & sudores natura movet, quia materiam attenuavit, sudorifica, diaphoretica nullo prorsus modo conveniunt, ut innuit *Hip. aph. 20. sect. 1. Quæ judicantur, & judicata sunt integrè, neque movere, neque novare aliquid, sive medicamentis, sive aliter irritando, sed sinere oportet.* Idem repetit *lib. de humoribus* per hæc verba: *Quæ perfectè judicantur, non movere: neque medicamentis, neque aliter irritando, novare quicquam.* Si itaque vel integræ judicatio facta est, vel adhuc fit, totum opus naturæ committere, & nihil nos novare oportet: ubi verò, ut inquit Gal. in comm. ejusdem aphorismi, indeficienter judicatur, id, quod deficit, supplere nos convenit.

Ad liniendum rigorem utilissimas spinæ dorsi inunctiones dijudicant, quas frequentet usurpant, quando rigor est ita vehemens, & importunus, ut ægrum valdè molestat, fiuntque inunctiones ex oleo anethino, chamæmelino, rutaceo, costino, de piperibus, laurino cum Mithridatio, & theriaca, ut

*℞. Theriaca 3. ℔.
caryophyll. 3. j.
castorei 3. j.
ol. laurini,
chamomel. ana 3. j.
fiat linimentum.*

addi potest aliquid spiritus Vini rectificati: Dùm inunctiones fiunt, iteratas, sed leves frequentant purgationes.

Tendè ad quartanæ appropriata recurrunt, quorum tamen agendi rationem nesciunt, qualia sunt succus absyn-

thij, verbena, radices imperatoria, thapsi barbati, plantaginis, decoctum genista, & inter cætera hoc commendant, ut

℞. succi absynth. recentis,

theriacæ ana 3. j.

vini alb. potētis 3. j. m.

& ægro propina tribus horis ante paroxysmum, quod ter, vel quater repetunt. *Radices Imperatoriæ pulverisatæ 3. j cum vini haustu* ante paroxysmum propinata, & aliquoties repetita paroxysmum non tantum mitigat, sed etiam sæpè planè profligat.

Ultimò supra carpos, & pulsus varia applicant topica, ut *Radices urticæ mortuæ contusæ* carpis manuum applicat. *Tinca per medium dissecta*, & manuum carpis applicata. *Rondoletius* jubet *folia salvia, sambuci, pedis columbini, rutæ ana m. ss. calthæ p. j. trita cum modico salis, & vini* carpisque manuum alligare ante paroxysmum, coctionis apparentibus signis.

Pro febris quartanæ curatione omnes intentiones eò sunt dirigendæ, ut ferositates lentæ, lutosæ, tenaces, & tartareæ in liene, quæ sal fixum à propriâ indole degenerare faciunt, incidantur, subtilientur, & fluxiles redditæ per convenientia emunctoria eliminantur; undè sanguis arterialis in ipso lienis corpore, mediante sale fixo, ab humorum glutinositate veluti soluto, succi pancreatici affluxu fermentationis motum subit, & volatilis, ac spirituosus evadit. Deindè ut acidum, vel austerum sanguini (qui dulcis, spirituosus, & balsamicus esse debet) per singulos paroxysmos imperitum, quod sanguinis naturalem turbat fermentationem, & efficit, ut ejus salia fermentativa non ritè invi-

cem agant, edulcoretùr, emendetur, infringatur, deleatur, ac suas veluti deponat exuvias, & simul effervescentia febrilis coërceatur, & sanguis in naturalem reducatur statum. Tandem visceribus valdè labe factis, ut ventriculo, lieni, hepati, & mesenterio pristinus robur, & vigor restituatur. Quibus ritè peractis, quartana febris feliciter profligatur.

In febris quartanæ curatione controversia est inter medicos, plerique eorum, qui specificum, certumque remedium pro eâ curandâ ignorant, sunt voti, ut febris quartana curari non debeat, sed relinquenda, ut post annos spontè evanescat; sic quod ipsi ignorant, nec per alios fieri permittunt, admonentes infirmum, ut à remedijs curativis se absteineat, ne majus malum illi superveniat.

Quamplures deindè audaciores, qui specificum remedium quartanæ curatium adepti fuere, quàm citò fieri potest, adhiberi debere suadent; ajunt enim indignum esse medicum, qui morbum aliquem curare certò potest, illum in longum protrahere, ut infirmi naturam affligat, & excruciet.

Nos utrumque improbamus, nec ut spontè cesset quartana, expectandum laudamus, nec temerè specifico remedio, exclusis, quæ materiam solvunt, adoriendam esse quartanam censemus; enimverò specificum remedium, quod materiæ fermentationem compescit, sed ipsam non resoluit, & à loco non deturbat, tutum esse non potest, quippè necessariò vel morbi recidiva succedet, vel alius morbus à materiâ non resolutâ concitabitur.

Quar-

Quartanæ igitur curationem ag-
gressuri, ægroto primò victûs ratio-
nem præscribimus, eique imperamus,
ut ab immodico aquæ potu omninò
se abstineat, & præsertim accessionis
tempore, in ipso verò vigore conce-
ditur, & maximè cum sudoris eru-
ptio, tuncque potus liberalior non-
nihil concedendus, sic enim prom-
ptius erumpit sudor, & feliciter cedit
febris. Secundò, hypochondria tan-
gamus oportet, an adsit tumor, vel
scirrhus, in specie quandò quartana
est diuturna, adest tumor, vel scir-
rhus lienis; nec potest esse diuturna,
nisi tandè vitium, & noxa lienis su-
perveniat, ideòque tunc in omnibus
medicamentis simul ad lienem respi-
ciendum erit, ut feliciùs eradicetur
morbus. Hinc quartanæ non fiunt vi-
tio splenis, sed hujus vitio contuma-
ces, & obstinatæ redduntur, nam in
hujus principio hoc viscus est incolu-
me, & illæsum, sed occasionalis cau-
sa est nimia aquositas à ventriculo per
vasa brevia ad lienem deportata: hac
febre diurnâ redditâ, aut pertina-
citer reluctante, vel perperam cura-
tâ, subindè supervenit tumor, aut
scirrhus lienis: supervenit imprimis
talis hujus visceris affectus, adeòque
potius est productum morbosum,
quàm radix morbi originaria, cum
remota causa ex serositatum degenera-
tione in stomacho fabricetur.

Hinc menstruis, vel hæmorrhoidi-
bus suppressis quartanas oriri obser-
vamus, ut multa extant apud aucto-
res exempla, verùm hæ suppressiones
ad has febres sunt dispositiones. Ve-
rùm horum causæ præcedentes in sto-
macho cudentur, ejusque digestionem
fundamentali totum corpus insigniter

turbante. Undè neque vasa majora,
neque minora, nec tandè ipsum
cor est harum febrium primarium sub-
jectum, sed adest certum viscus, seu
focus, in quo seminium febrile, &
causa occasionalis latitat, & radica-
tur, ut in febribus symptomaticis pa-
tet, (attamen juxta nostram senten-
tiam omnes febres sunt symptomati-
cæ), sic ulcera, vel vulnera febrem
inducunt, & focus est in parte ulce-
ratâ, vel vulneratâ.

In hoc foco seminium, seu fer-
mentum hoc febrile, seu sal illud,
quod est naturæ fermentativæ
fermentescere incipit, & mias-
mata, seu corpuscula exotica,
quæ emittit, sanguini commiscuntur,
ejusque crasim invertunt, vitæ œco-
nomiam subvertunt, sanguinis mi-
stionem turbant, ejusque salia natu-
ralia confundunt, & non ritè agunt,
undè ex corpusculorum ætherogeneo-
rum cum homogeneis actione, & re-
actione simultaneâ calor naturalis in-
tenditur, qui cor in calefacto esse po-
nit, & non est de febrium essentiâ, sed
tantummodò symptoma sequens.

Pro quartanæ igitur curatione tam
causæ occasionales removendæ sunt,
quàm seminium febrile in foco lati-
tans eliminandum est, proficua præ-
ceteris in quartanâ auxiliantur emeti-
ca, si ægrotus faciliter vomat; hæc
namque ventriculum aquositatibus
exonerant, & facilius materia per
vomitum, quàm per inferiora purga-
tur. Propinanda sunt hæc ipsa usâ,
vel alterâ horâ ante paroxysmum, mo-
vet enim hoc ipsum natura, quæ sæ-
pissimè ingruente paroxysmo, se per
vomitum exonerat. Emetica, quæ
quartanæ materiam domant, ex du-

plici Régno, vegetabili scilicet, & minerali desumenda sunt, & inter vomitoria vegetabilia primum obtinet locum *Asarum*, & tanquam singulare febrifugum in quartanâ commendatur, ut

℞. Rad. asari mediocriter pulverisat. ʒ. j. vel ʒ. iv.

vinicalidi ʒ. iv. m.

& propina horâ unâ, vel alterâ ante paroxysmum, blandos provocat vomitus, & æger stragulis benè tectus sudores expectet. Vel alio modo præparatum asarum blandum admodum vomitorium ex folijs præbet, ut

℞. Asari folia viridia, & succolenta, benè crassa, à madore nocturno, & diurno purgata num. viij. x. ad xij. ad summum, hac folia convoluta scinde ad modum tabaci in longa segmenta, (non minima, quia tunc vehementius dant vomitorium) infundantur per noctem in aquæ cardui benedicti ʒ. iv. stent ita in loco tepido, manè colantur per linteum rarum, vel cum oxymel. simpl. ʒß. detur, vel per se.

& nullâ molestiâ vomitum movet.

Post asarum est *Nicotianæ decoctum*, ut

℞. Aquæ ferventis ʒ. ij.

injiciatur in illas fol. nicotianæ ʒ. j. stent simul per horâ quadrantem, deinde aqua separetur à folijs, & infirmo exhibeatur.

Multi commendant *Sal vitrioli* a ʒj. ad ʒß. sed quia aliquid remanet, quod in totum ventriculum destruit, & vim suffocantem habet, ac œsophagum, & fauces exulcerat, merito ab emeticorum suppellectili proscribimus.

Verùm omnibus quibuscumque

emeticis præferuntur antimonialia, ut

℞. Vini in Regulo antimonij infusi per duodecim horas ʒ. ij.

& exhibe.

Vel

℞. Croci metall. gr. xij. fiat pulvis, & exhibe.

Vel

℞. Merc. Vitæ gr. vj.

infund. per noctem in vin. alb. ʒ. ij. manè vinum coletur per inclinationem, relinquendo pulverem, & vinum propina.

His omnibus præferimus nostrum *Hippocras emeticum* ad cochlearia duo, vel tria.

Ex his omnibus vomitivis quodlibet eligere potest medicus, ut ventriculum exoneret, & quartanæ materiam in aliquâ portione educat; quod si æger vomitiva non leviter ferat, tunc sequentibus dejectivis uti poterit medicus, sed blandiora esse debent, & die ante paroxysmum præbeantur,

℞. Tart. vin. alb. ʒ. iiij.

sen. or. ʒ. ijsß.

cinnam. acut. ʒ. j.

f. omnium pulv. subtiliss. & m. exhibe in jusculo.

Vel

℞. Cremor. tart. ʒ. ij.

diagridij gr. xv.

f. utriusque pulvis,

qui misceatur, exhibeaturque in jusculo ante prandium.

Vel

℞. Cons. flor. persic. ʒ. iiij. ʒ.

sumat immediatè ante prandium.

Vel

℞. Pilul. de tribus Gal. ʒj.

& ut suprà exhibeantur.

Vel

℞. Extract. Catholici ʒij.

f. pilul. iij. inaurande.

Vel

*℥. Extract. hellebori nigri ℥ij.
reducantur in pilul. ij.*

& infirmo exhibe ante cibum.

Vel exhiberi possunt *Pilula Tartarea Quercetani*, vel *de ammoniaco*. Quod si æger pulveres, & pilulas respuat, & purgans medicamentum in formâ potûs exoptet, exhiberi potest *syr. de fumar. mai. helleborat.* cum suo decenti decocto.

Vomitu, vel secessu exonerato quartanarij ventriculo, si obstructio, vel tumor, vel scirrhus lienem infestet, ad ea, quæ lienis vasa deobstruunt, deveniendum est, quæque urinam laceffunt, sunt hujusmodi hæc:

℥. Salis prunell. n. d. ℥ß.

aque cort. fabar. ℥ij. m.

exhibe infirmo quolibet manè per viginti dies.

Vel

℥. Tart. vitriolat. ℥ij.

propina quolibet manè in cochleari cum *syr. de quinque radicibus aperientibus* per 20. dies.

Vel

℥. Comar. absynth. num. x.

contundantur parùm, & infundantur per noctem in

vini albi ℥ij.

manè fiat colatura, & infirmo per dies ut suprâ præbe.

Vel

℥. frustuli chalybis ℥ij.

immergatur in vin. alb. lib. ij.

per xxiv. horas.

utaturque eo infirmus in prandio, & cœnâ per xx. dies; altero quolibet die ejusdem chalybis in recenti vino factâ præparatione.

Vel

℥. limatura chalybis ℥ij.

f. ejus infusio in succo

limonum per 24. horas.

separetur à limaturâ, deindè succus, qui reducatur cum saccharo in syrupum longum, hujus ℥. ℥ij. & infirmo propina per 20. dies.

Tandem tanquàm Arcanum ad quamlibet pertinacissimam obstructionem solvendam

℥. Salis absynth. 3ß.

vitrioli Martis gr. vj. m.

Exhibe infirmo quolibet mane per xx. dies, augendo dosim vitrioli Martis quolibet mane duobus granis, usque dum ejus quantitas sit scrupuli unius, & illa absynthij sit semper eadem.

Credibile non est quantum hoc medicamen omnibus lienis affectibus, & reliquorum viscerum obstructionibus sit proficuum; assignavimus xx. dierum spatium his deobstruentibus medicaminibus, nam xx. dierum circuitu septem præteriêre quartanæ accessiones.

Pulverem cacheticum simplicem magnarum virium in viscerum obstructionibus, & præcipuè lienis felici eventu semper experti sumus, cujus compositionem ingenuè exarâmus:

℥. Chalybis præp. part. j.

cassia lignea part. ij.

sacch. albiss. part. iij. m.

Dosis ejus tantum, quantum mucrone cultri arripi potest, detur ter quotidie, manè jejuno ventriculo, horâ tertâ vespertinâ, & ituro cubitum, tamdiu donec omnis obstructio fuerit expedita, etiam ad aliquot septimanas continuando. Chalybs in bracteis tusus tantisper tunditur superincudem, postea subtiliter pulverise-

culj

ur; incus bene mundetur undique.

Proficua sunt supra notata remedia deobstruentia, sed potior est *crocus Martis aperitivus*, vel *tinctura Martis aperitiva* ex *Andrea Battimelli* inventionem in *Hadriani Amynsi* *Auctuario*, & plus valent una hebdomada assumpti, quam alia mediana integra mente, quorum descriptionem, vires, usum, & dosim apud eundem legere potestis.

Simul cum deobstruentibus internis adhiberi debent inunctiones externae in sinistro hypochondrio circa lienis regionem, ut

℞. Ol. de capparibus q. v.
f. inunctio mane, & vesperi.

Vel

℞. farina hordei ℥. iv.

verbenae cum radicib. caulis, & foliis m. iij.

contunde, & misce cum ovi albumine, fiat cataplasma, quod loco lienis superponatur, & per tres dies recens applicetur, nam resudabit extra cutem cruenta lienis sanies, resolvitque omnes ejus morbos, saepeque etiam quartanam. At mirabilis erit inunctio, quae omnes alias superat, ex oleo laterino, cujus recipe q. s. locumque lienis mane, & vesperi inunge. Si lienis obstructio, vel scirrhus fuerit contumacior, omnem absoluit paginam emplastrum de succo cicuta, vel de Mandragorâ, utrumque cum ammoniaco distemperatum; succus namque mandragorae ebur dissolvit, & hinc à medicis in usum introductus fuit. *Helmontius* in quibusdam suis chirographis sequens in quartanâ commendat emplastrum:

℞. Tabaci q. u.
adde vini q. s.

coquantur per mediam horam, post coletur, & fortiter exprimatur, colatura addatur

mellis communis, &

ol. comm. q. s. ad consistentiam empl.

applicetur tepidè regioni lienis cum oleo capparum. Idem *Helmontius* in quartanâ extollit emplastrum ex paucis solventibus, & abstergentibus paratum ut

℞. Cera ℥. j.

styracis calamit. ℥. ij.

ladani liquidi ℥. ss.

asa dulcis,

olibani opt. ana ℥. iij.

f. empl. s. a.

quod lieni applicetur, cujus Archeus ab acido stomachi ab ipso censetur ad iram commotus, ut odoratis his ille mulceatur, & sopiatur, in quem finem, & varia commendat unguenta, quibus solis quartanam curare posse contendit.

Eximium est oleum *Verbenae* à nobis in *Mantissâ* descripto ad rebelles lienis obstructions delendas; nam ejus canales, ac glandularum poros crasso, viscido, & tenaci limo obductus, aut particulis terrestribus infartos, vel sale austero, & rigido imbutos solâ per plures auras inunctione incidit, attenuat, & dissolvit: ea propter meatus, & glandularum poros obstructos referat, aperit, ac per diureticam semitam obstruentem materiam exturbat.

Multæ ad demulcendum rigorem, & horrorem, quando vehemens, & importunus est, commendantur inunctiones, quibus ante paroxysmum spina dorsum usque ad os sacrum juxta ignem inungitur, sit in quartanâ rigore,

gor.

gor, dùm à foco febrili elevata austera aciditas in paroxysmo partes nervosas, & membranaceas vellicat, & hinc rigor modò minor, modò major juxta vellicationis qualitatem succedit; in rigore enim primariò panniculus carnosus vellicatur, sed abdominis partes vellicatæ corpus quatunt. Vndè & frigus intensum in abdomine, lumbis, cæterisque partibus percipitur. Ingruente paroxysmo pulsus fit minor, & debilis propter debilem sanguinis fermentationem, interdùm verò omninò non observatur, & intercipitur; aciditas namque ista massæ sanguineæ communicatur, ipsamque quodammodò obruit, nonnihil quasi coagulat, aut inspissat, & cordi communicata per venas, ipsius ventriculos, & substantiam, quæ tota musculosa est, contrahit, constringit, convellit, coartat, undè cor angustiatum suum motum edere non potest, nec arterias movere, sed quasi feriatur, & sanguinem in sinistrum ventriculum propellere nequit, ac spirituum vitalium, ex quibus animales fiunt, cum sanguine elaboratio, ut circulatio imminuitur, undè spirituum pauperies, & hinc insignis lassitudo artus premit, & pulsus quasi feriatio succedit, sub qua luctâ calor naturalis sensim deficit corpori, & frigus notabiliter augetur, quod tamen diù non perseverat, sed subactò acido à sale volatili oleoso, componitur in calefactò esse, circulatio augetur, & calor, & æstus satis molestus succedit, sed remissior, quàm in tertianâ. Ad demulcendum igitur paroxysmi rigorem sequens inunctio commendatur.

D. Car. Mustani de Febris

℞. Ol. laurini,

vulpini.

de lavendulâ,

nucis moschata,

terebinthina ana ʒ. ij. m.

qua inungi debet tota dorsi spina, à nucâ incipiendo, & ad os sacrum procedendo.

Vel.

℞. Ol. moschelini,

de enulâ Mesua,

de castoreo ana ʒ. ij. ʒ.

styracis liquida ʒ. ij.

theriacæ q. s. ut f. inunctio.

Uerùm ad frigus compescendum, & rigorem tollendum nil melius esse salibus fixis experientiâ comprobavimus.

His omnibus præmissis, instat nunc tempus, quo specificis cum omni securitate in quartanæ curatione uti possimus absque recidivæ, vel alterius damni metu.

Multa per ora vulgi circumferuntur specifica pro quartanâ, non tamen omnia eventus certitudinem præferunt; unum tamen infallibile semper experitur *china china* dictum, seu *cortex Peruvianus febrifugus*, dicitur febrifugus, quia primum contra febres intermittentes, etiam chronicas, sed in specie contra quartanas expertus est, undè *Antiquarium Peruvianum* appellatur, nobile sanè remedium nuperrimè ab Americâ supeditatum, & unicum, & quo eventus certitudinem medicus polliceri potest. Verùm isto sub cortice magna mercatorum fraus delitescit, dùm insigniter illum adulterant, adeò ut inter libram unam vix reperiatur uncia una veri. Ne decipiamini, dignosci-

H tur

tur à genuino adulteratus ita : Qui est saporis similis ferè cum cinthamomo, non est legitimus, sed adulteratus, genuinus autem est spissior, & crassior, quodammodò albicans, si dentibus contundatur, & in ore detineatur, primò quendam cinnamomi saporem pandit, paulatim deindè amarissimum manifestat saporem, gentianæ nostratis instar, undè à quibusdam china de chinâ vocatur *Gentiana Indorum*, qua de re impostores ad hunc amarissimum saporem simulandum, in aloës decoctum infundunt, sed facilè à peritis aromatarijs sapor à corticis Peruviani sapore discernitur. Verùm hæ notæ pro illis inserviunt mercatoribus, qui hunc corticem integrum vendunt, sed non pro fratribus Jesuitis, maximam quorum versutiam & imposturam bardim minimè effugere possunt; isti namque in pulverem redactum, alijsque corticibus tritis refertum vendunt, & hujus febrifugi libra una vix capit unciam unam veri, & magno cum quartanarij incommodo propinatur, & ubi una dosis pro debellandâ quartanâ est satis, plures non sufficiunt.

Hujus corticis operandi modum, quomodò intermittentes supprimat febres, rimemur oportet, & ex sensibilibus qualitatibus, quibus decoratur, hoc inquirendum est; pollet namque amaritie cum aliquali stypticitate, ut gustus fidelis est index, ut in multis febrifugis, radice gentianæ, centauro minori, chamædry, absynthio &c. experimur, quæ impensè amara sunt, & hanc ob qualitatem in supprimendis fermentorum præternaturalium viribus maximâ pollant energiâ. Cortex itaque Peruvianus

cum actu intensè amarus sit, fermenta febrilia præcipitat, & effervescentias mitigat febriles, nullam inducendo sensilem evacuationem, quomodocumque sumatur, & ferè in omnibus paroxysmos tollit. Præcipitare vocabulum est ex chymicis desumptum, nam sicut cum contenta in vasis fundum proijciuntur: ita propter similitudinem præcipitationis voce hîc utuntur recentiones. Præcipitantia ergò fermentationem febrilem compescunt, & sordes effervescentes crasim massæ sanguineæ perturbantes separant, & quasi ad fundum præcipitant. Corticis Peruviani particulæ ingestæ sanguini permiscuntur, ipsumque discrasia affectum in novam adigunt fermentationem, & adeò excrementitias particulas exagitat, & febriles turgescencias concitat, ut completâ fermentatione, particulæ excrementitiæ, & heterogeneæ in massâ sanguineâ, & in foco febrili separentur, præcipitentur, devincantur, & in sanguine innascent subactæ, & circulent, donec vel medicaminis ope exhauriantur vel per urinam, vel per sudores, vel per insensiles evacuationes eliminentur. Quandoque materia excrementitia sopitur, cicuratur, nec radicatus perdomatur, & quantumvis sopita, & cicurata videatur, per aliquot dies accessiones suspendat, post breve tempus, quæ relinquitur, novo arrepto fermento, veluti excusso somno exurgit, resævitque ac novâ diathesi sanguinis mitionem perturbat, tunc denuò febriles paroxysmi constanter redeunt, & medicina dolosa, & curatio palliativa videtur. Cæterùm id accidere potest vel obstructionis cau-

sa, quæ nisi tollatur, laterem medicus lavat, undè pari certitudine, quæ isto pulvere febriles supprimuntur paroxysmi, eosdem postea reverti observamus: remotâ itaque obstructione, à qua febris fovetur, unicâ istius pulveris dosi, vel nullâ sponte dispareret. Verùm hujus pulveris reiteratio sat erit idonea, cum paroxysmorum nimia assiduitate ægrotantium vires plurimum atteruntur, hoc modo inducias procuramus, ut natura vires reassumat, & imposterum hosti validius reluctetur, etiam ut quartana febris, durante autumno, & hyeme, minori cum molestia traducatur, hic cortex commodè adhibetur: qui autem à febris istius insultibus longiores exoptant inducias, pulverem hunc minori dosi, & crebriori vice assumere debent, scilicet ℥ij. vel iij. per tres continuò periodos capiat, sive accessiones redeunt, necnè; hac methodo diutius immunes persistunt, & usque tamen hostem licet sopitum intus latentem retinent, quousque his anni temporibus transactis, adventante vere, vel æstate, unicâ pulveris exhibitione vel inquilinum expugnent, vel tempestatis anni ope, vel alius medicaminis suppetijs sanguinis diathesis in melius alteretur, adeoque febris sensim evanescit.

Peruvianum corticem non tantum febribus, quæ cum frigore ægros corripunt, ut quotidianis, tertianis, & quartanis ab alijs, & à nobis mederi compertum est, sed eas quoque quas nothas appellant, & continuas curare novimus. Item hypochondriacis, & cachectivis singulo mane ad unius drachmæ pondus cum vino, quatuor horis ante

prandium prodesse testis est quotidiana experientia.

Nonnulli rudes medici de chinâ usu hæsitare coeperunt, timent namque ne ejus usus hecticam pariat febrem, sed undè talem conceperunt timorem, ipsi ignorant, cum hectica à nutrimento acidiori deriveatur, & ad partium assimilationem ineptiore reddito, quæ eadem acidum corrigentia exposcit remedia. Non ergò ejus usus ob febrem lentam, vel hecticam imminuentem formidandus est, sed eos certiores faciat experientia, vel saltem experto credant Roberto. Si verò intellectum habent limitatum, & hujus usum reformidant, nova excogitent febrifuga, vel nostris infrascriptis utantur, quæ nunquam nos, nec febrientes deluserunt.

De tempore chinam de chinâ exhibendi certant medentes, & multi in eâ versantur sententiâ non præberi corticem nisi adustis febribus, & in longum propugnatis, vel saltem per multos dies confirmatis, præsertim in tertianâ sperandum est tempus, ut bilis mitescat, & in quartanâ, ut melancholici humoris lentor attenuetur. Imò nonnulli coctionem expectandam esse arbitrantur, ne coctionis lex, quam tanto opere commendat *Hip. sect. 1. aph. 12. Concocta medicari, atque cruda non movere, neque in principiis, modo non turgeant, plurimâ verò nonurgent.* & medentes severissimè observant, frangatur. Prætereà quartana morbus est chronicus, à multis morbis præservat, multum intermittit, nec vitæ periculum minatur, licet producat coctio. Caterum non expectandum est tempus, ut febris altas emit-

tat radices, quia non facile eradicatur; febris namque leviusculè oboriri incipit, & adeò adolescit, ut vehementior magis, magisque fiat, donec tandè in exaltationem deveniat, & febrientes periculis obnoxios reddat. Tempus acutum est, & singulis horis aliquid novi affert, non itaque medicus tempus negligat, quia suam detigit inscitiam. Nova semina subiti morbi extemplò opprimenda sunt, & in principio levi medicinâ curantur, post verò minimè. Ità cecinit *Ovid lib. 1. de Remed. amoris.*

Principiis obsta : serò medicina paratur:

Cùm mala per longas convaluère moras.

Expectent, ut per productum tempus biliosus mitescat humor, & melancholicus attenuetur: sed quis nobis fidus hujus rei sponsor, & pollicitator erit? Nonnè immitis, vel crassior, tenaciorque fieri potest cunctando? Obstinata istarum febrium prolixitas nos, ut subitam manum adhibeamus medicam, admonet, ne malum interim augeatur, & insanabiles morbi, ut obstructions, scirrhi, cachexiæ, & hydropes, viscera corripiant, vel ex simplici in duplicem, ex intermittente in continuam, & ex benignâ febre in mali moris degeneret, ut pluries nobis observare datum fuit. Beatam coctionis spem exoptant, quæ præsertim vix illucescit post plures menses, & annos, & interim vanis præsidis ægros diù torqueri, & febris diuturnitate extenuari permittunt. Equidè coctio non ità juxta auctoris aph. mentem intelligenda est: Concocta medicari oportet, non cruda: per hoc medicari intelligitur quæ

cumque evacuatio, sive fiat per urinam, sive per sudorem, sive insensibiliter, sive per alvum per cocta separata. Præterea cortex Peruvianus materias excrementitias, ad novam adigendo fermentationem, separat, præcipitatque quod est concoquere, ut suprâ innuimus, undè in sanguinis massâ velut caput mortuum innatant, & sic separatæ, & præcipitatæ excerni possunt per sua enunciatoria. Insuper in his febribus, quas cortex curare potest, datur urgentia, ideòque non expectatâ humoris coctione, sine morâ præbendus est cortex, nam diuturnæ esse solent, & pertinaces obstructions, scirrhus, cachexias, & hydropisim sibi asciscunt; non enim solum in brevibus, & acutis datur urgentia, sed etiam in diuturnis, superadultris, & in iis, qui magnos minantur languores. Nostra itaque sententia est, ut sine cunctatione, omni posthabitatâ segnitie, nec diù expectatâ coctione propinandus sit cortex sub quacumque præparationis larvâ, quia occasio præceps, atque adeo dicimus cum *Ovid. lib.* ut suprâ:

Sed propera, nec te venturas differ in horas,

Qui non est hodiè, cras minus aptus erit.

Illa medicamenta, quæ Altissimus ad hominum utilitatem de terrâ creavit, medicus propter imperitiam, vel lucri cupidinem abhorreere non debet, ne fructum afferant in tempore suo. Ægri decumbunt, languent, torquentur, squallent, exeduntur, pereunt, opem petunt, & non est, qui porrigat eis: actutum ergò porrigatur cortex, alioqui quæ utilitas in eo?

Vulgò præcipitur, ut hujus corticis usui lienis præmittatur purgatio, verùm nos sine præviâ pharmaciâ solitariè hanc obtulimus, & extinctâ febre postmodùm pharmacum præbuimus; præstat enim patientem absque febre expiare, quàm cum febre, ità namque materias excrementitias, febrifugus cortex præcipitavit, purgans deturbat, quòd si ante corticis usum purgamus, remotâ febre, iterùm ad purgans deveniendum est, aliàs si quæ relinquuntur in morbis non eliminantur, recidivam faciunt. Hac etiam methodo in quibusdam imbecillis, vel lecto affixis utimur, & semper laudabiles observavimus effectus, & unâ, vel alterâ dosi quartanas, quæ ad anni medietatem, & ultra duravêre, profligavimus.

Peruviani corticis dosis ab aliquibus præscribitur drachma una, ab alijs drachmæ duæ, hîc verò ʒijß. tunduntur, & in pollicem rediguntur. Cæterùm varianda est pro ætatis, temperiei, & adjunctorum ratione; in tenellis namque & delicatulis minor dosis propinanda est.

Infunditur chinæ de chinâ pulvis horâ unâ, vel duabus, vel tribus ante paroxysmum in vino, & inchoante febre cum partium extremarum refrigeratione, vel febrili frigore sumitur tota dosis præparata, ægerque se componat in lecto, vel sumi potest horâ unâ antequàm febrilis paroxysmus invadat. Potest minùs in vino macerari, & vix infuso pulvere, extinguuntur febres, imò quandòque in ipso accessione articulo cum vino miscui-

mus pulverem, & sublata fuit febris. Prætereà assumptum poculum post horæ quadrantem evomisse, & febrem curatam fuisse notavimus. Vel diutiùs in vino maceratur, ut per duodecim horas, quadraginta, & quinquaginta, mò post triduum, quatrimum, per octiduum &c. & eosdem laudabiles effectus peperisse comperuimus. Potest infundi non solum in vino, aquâ cardui sancti, & sero lactis, sed multifariam præparari, aliquas in tyronum gratiam describemus formulas, ut

℞. *China de Chinâ* ʒj. *vel* ij. *vel* ijß.

fiat pulvis subtilissimus, qui infundatur per tres, vel quatuor, vel ultra horas ante accessiorem in

vini albi generosi ʒiij. vel iv.

& in accessionis initio, cum jam extrema frigent exhibeatur infirmo vinum simul cum pulvere, nam post illam accessionem amplius non recurret quartana, & dignum est admiratione, quod licet post horæ quadrantem, ut suprâ notavimus, hoc medicamen ob ventriculi nauseam, vel imbecillitatem vomitu rejiciatur, non propterea infirmus febris curatione defraudabitur.

Pro puerulis, & delicatulis:

℞. *China china* ʒß. *vel* ʒj.

infunde in vin. alb. generosi ʒj.

post trium horarum spatium infusionem decanta, & propina, nam virtus vino impressa satis est ad febres fugandas; adultis quoque corticis infusionem per decantationem reddimus claram,

& rejecto pulvere, pari laborantium emolumento exhibemus.

Ex eodem cortice parari potest *Tinctura*, ut

℞. Corticis peruvian i ℥j.

f. pulvis subtilissimus.

quem injice in vas vitreum, superad-
dendo

vini sublimati lib. ℞.

orificium vasis deinde exactissime ob-
struatur, & sepeliatur in ventre equi-
no per xv. dies, post quos aperiatur
vas, & vinum sublimatum pulcherri-
mè tinctum à facibus separa per incli-
nationem, & serva in vase vitreo opti-
mè clauso, & pro exigentiâ

℞. Tinct. cort. Peruviani ℥j.

vini generosi ℥ij. m.

& exhibe quartanario, incipiente pa-
roxyfmo; cessabit enim quartana,
non secus ac si poculum chinatum
devoraretur.

Vel *Tinctura* hoc alio modo parari
potest, ut

℞. Chinae de china ℥iij.

salis tartari ℥j.

spiritus vini q. s.

extrahe l. a. tincturam.

Joannes Zuvelser, in pharmaco-
pœiâ Regiâ ex china china cum ad-
junctis *Extractum antifebrile* ita pa-
rat:

℞. Cort. china china ℥ij.

rad. calami aromatici ℥i.

gentiana,

flor. Centaurij min. ana ℥ij.

ex incis, & crassiusculè contusis eli-
ciatur cum sufficiente quantitate spiri-
tus vini repetitis vicibus affusi, virtus
rota, quousque spiritus vini colore ru-
bro inficiatur: spiritus tincti omnes fil-
trati in alembico vitreo per M. B. ad
extracti spissioris consistentiam destil-

lando, leniter abstrahatur.

Servetur extractum residuum ad
usum, quod præsentaneum est reme-
dium in febribus tertianis, & quar-
tanis, cum intermittentibus, tum
continuis, instante paroxysmo, vel
horâ unâ, aut alterâ antè exhibitum.
Dosis ℥j. aut 3℞. sive in formâ pilu-
larum, sive in liquore appropriato so-
lutum. Nota: ex solâ coctione chi-
næ chinæ (quæ Romæ, & Venetijs
venalis prostat.) extractum simplici-
ter confectum, easdem obtinet vir-
tutes paroxysmos, fermentumque
febrile extinguendi, & dissipandi,
quo certè præsentius remedium, aut
febrifugum hucusque non sit inven-
tum, vel rarò, vel nunquam fallens
medicum, aut ægrum, modo debito
tempore, opportunè, ac præmissis
præmittendis exhibeatur.

Corticis Peruviani pulverem in pi-
lulas etiam redegimus, & unâ, vel
alterâ horâ ante accessionem pati
eventu propinamus, ut

℞. Cortic. Peruv. ℥j.

f. pulv. subtiliss. &

cum syr. de card. sancto f. pil. vij.

& deaurentur.

Item cortex cum purgantibus mis-
ceri potest, ut

℞. china china ℥j.

diagrydij gr. viij.

salis absynth 3℞. m.

Vel ℞. Chinae de china ℥j.

scammonij gr. vij. m.

& exhibe in fine paroxysmi. Vel mis-
cetur cum sudoriferis.

Habemus nos nobile *extractum*
febrifugum in nostrâ *Mantissâ* descrip-
tum, & ob ejus eximias virtutes pla-
cet hîc etiam describere:

℞. flor. centaur. min.

fol.

fol. absynth.
 cardui sancti,
 scordij ana. m. j.
 rad. gentiana,
 china de chinâ ana ℥j.
 imperatoria,
 aristoloch. rotund. ana. ℥ss.
 cort. cupress. median.
 rad. fraxini ana. ℥ij.
 aurant. exterior. exsic. ℥ss.
 lign. visci querc. ℥ij.
 nuc. mosch. num. iij.
 cass. lign. ℥ijss.

Contundenda, & incidenda contundan-
 tur, & incidantur, affundanturque in
 vini spiritum rectificatum ad trium di-
 gitorum eminentiam, stent in loco te-
 pido, extrahatur tinctura, & novus
 spiritus reaffundatur, & iterum extra-
 hatur, quod tinctum est, & toties fiat
 infusio, & extractio, donec spiritus non
 amplius tingatur. Tincturas omnes fil-
 tra, & ex cucurbitâ vitreâ lento igne
 extrahatur spiritus ad extracti liquidi
 remanentiam, cui postmodum admi-
 sceantur sequentes pulveres tenuissi-
 mi, ut

myrrh. rubr. ℥ij.
 castorei ℥j.
 croci or. ℥ij.

salis ammoniaci volatilis ℥j. m.

& lentissimo igne reduc ad extracti
 consistentiam, & ad sequentes usus ser-
 va.

Omnes febres abigit, potissimum
 quotidianam, tertianam, quartanam,
 hemitritæum, & febres omnes cum
 rigore, & partium extremarum per-
 frigeratione invadentes. Ante pa-
 roxysmum, vel instante ℥j. in pilulas
 tres redacta exhibetur, & tribus vi-
 cibus has exterminat febres.

Sed ne D. O. M. ijs remedijs Eu-

ropeos privasse, quibus Americanos
 ditavit, proponemus corticem alium
 arboreum, qui nil chinæ de chinâ in
 febrium intermittentium curatione
 cedit, nostrâ industriâ, ex proprie-
 tate saporis in nostris regionibus re-
 pertus, & usu, ac experienciâ con-
 firmatus, si eodem modo, & eadem
 Peruviani corticis quantitate exhi-
 beatur, hætenus hoc remedium in-
 ter arcana habuimus, nunc primum
 ex pauperum commiseratione in pu-
 blicum proferimus, cum arbor, à
 qua cortex evellitur, in omni regio-
 ne sit frequens, illa *Cupressus*, quæ
 quamvis feralis, & funebris sit, ma-
 gna tamen condit contra mortis spi-
 cula medicamina: Mense ergo Maij
 in ipsâmet cupressi arbore rami de-
 corticentur usque in ligni duritiem,
 ita tamen ut decorticatio incipiat fieri
 à parte trunci, & prosequatur versus
 extremos ramos, à quibus non omni-
 nò auferantur, ut spontè siccescant,
 ijs appensæ remaneant cortices, cum
 sicci erunt, inde auferantur, & sub
 recto ferventur, in quo liber sit aer,
 & eò siccescant, quò in pulverem
 redigi possint:

℥. Horum corticum ℥ijss.

f. pulvis subtiliss. &

ut de chinâ chinæ scripsimus, exhi-
 beatur.

Idem experimentum præstat cortex
 ramorum visci quercini, sed necesse
 est, ut bis, vel ter repetatur, inve-
 niuntur tamen certæ cujusdam arbo-
 ris visci rami, quorum cortex cum
 quartanam, tum epilepsiam curat,
 sed id palam facere tempus non est
 opportunum.

Injuria fuisset nobis natura, & il-
 lam ut iniquam Novercam accusare
 debe-

deberemus, si pro intermittentibus febribus extinguendis ab Indijs occidentalibus remedia mendicaremus. Actum esset de curationis spe, si à disitis terræ plagis, si ab ultimâ Thule pro nostratibus curandis morbis exotica expectarem præsidia, quæ subdolos quæstus libidine allectus in nostras magno cum nostro impendio oras asportat mercator. Profectò in nostratibus plantis adhuc summæ virtutis medicamina latitant, quibus grassantes nostris in regionibus morbos curare valemus: ita cupressi, & visci querni cortex, & præter hunc multis alijs potimur, & præ omnibus *Gentianæ radice*, cujus sapor est acris, & impensè amores fortiter penetrans, & aliquantisper adstringens, & hinc meritò Peruvianæ cortici, quæ gentiana Indorum dicitur, substituitur, cum adamusim omnes hujus gaudeat notis, hec adulteratur, & ante Americani corticis in nostras regiones asportationem in magna veneratione habita fuit, & in percurandis tertianis, & quartanis tum chronicis, quàm nothis usitatissima, & proficua semper experta, & etiam nunc à cordatis medicis felici eventu propinatur tam sub pulveris, vel decocti, quàm extracti, vel salis volatilis formâ.

Post gentianam planta febrifuga est *Centaureum minus*, quod terræ fel nominari solet, propter egregiam, & expertissimam virtutem, quam exerit in febribus intermittantibus quibuscumque sive sint simplices, sive compositæ, sive erraticæ, sive periodicæ &c. eliminandis, & persanandis, & profectò nullum da-

tur melius vegetabile in febribus intermittantibus.

Inter febrifuga non infimum tenet locum *Absynthium*; hoc enim quascumque stomachi cruditates potenter abstergit, & quodcumque in corpore vitiosum acidum corrigit, & emendat, crassos incidit, & attenuat succos, & in specie quascumque intermittentes sanat febres.

Cæterum hæc febrifuga in formâ pulverum, vel potionis ingrata sunt, quoniam non parum amaricant, præscribi possunt extracta plantarum febrifugarum sub formâ pilulari tam solitariè ad scrup. j. vel ʒß. quàm concomitanter, quia virtus fortior, ut

℞. *Extracti gentianæ,*
centaur. min.
absynthij ana ʒß.
formantur pilul. xv.
℞ deaurentur

quarum quinque assumantur unâ horâ ante paroxysmum, præmissis universalibus, & his curata est febris. Nos pro hominibus tenuioris fortunæ ita cum fructu præscribimus:

℞ *Rad. gentianæ* ʒj.
flor. Centaur. min. ʒj.
pulverisa, & cum theriacâ
formantur pilul. xii.
pro duabus dosibus.

Imperatoria radix contra febres intermittentes quascumque ceu expertum specificum commendatur, sive adhibeatur essentia in formâ liquidâ, sive sal fixum, quod velut catholicum febrifugum æstimatur à ʒj. ad ʒß. ante paroxysmum.

Inter

Inter hæc vegetabilia febrifuga summoperè commendatur *Myrrha*, & in specie in quartanâ, quæ propinatur ante paroxysmum à ℥j. ad 3℥. vel solitaria, vel etiam secundum antiquorum methodum cum castoreo, & id non eleganter. Utrumque castoreum, & myrrha permiscetur ad ℥j. & propinatur in haustu vini ante paroxysmum.

Antiquissima fuit Galeni methodus in curanda quartanâ, primò propinando vomitorium, & sequenti die bibendum absynthij succum dedit, tandem duabus horis ante paroxysmum theriacam præbuit, & sic quartanas omnes curabat Galenus.

Nos multos quartanarios curavimus, propinando per octo dies syr. de quinque radicibus cum cremore tartari, & postmodum specificum Crollij exhibuimus, & curata est quartana. Itè prægresso vomitu, in paroxysmo propinavimus *Cumini*, & *nucis moschatae* ana ʒj. in vino generoso infus. per tres vices, & multos quartanarios curavimus.

Prætereà *Sal Ammoniacum* est egregium, & nobilissimum febrifugum in febribus intermittentibus, & præsertim in quartanâ, cujus curatio perfecta in hoc sale consistit, si præmissis præmittendis, in specie vomitu, ante paroxysmum exhibeatur, & melior est expectandus successus, si maritetur cum lapide cancrorum, ut

℞. *Salis ammoniaci depurati* gr. xv.
Lapid. cancrorum ʒ℥.
m. f. pulvis.

Rarò bis assumitur, nisi altas egerit radices, quin febris cesset quartana. Cæterum ejus spiritus est febrifugum catholicum, si cum appropria-

D. Car. Musitani de Febris.

to vehiculo assumatur à guttis x. vel xv. ad summum. Eiusdem efficaciae etiam erunt flores ejusdem salis.

Lazarus Riverius Centuriâ 3. insignæ antiquarium in omnibus suarum centuriarum observationibus eximijs decantatum encomijs exhibet, quod nos in nostrâ Pyrotechniâ sôphicâ lib. 4. cap. 3. art. 4. explicuimus, cujus ipse obscuram, & tenui velo obvolutam, fidelem tamen, & omni fraude vacuam descriptionem proponit, quam nos hic in quartanariorum gratiam libamus, inquit enim: Componitur ergò pretiosum hoc medicamentum ex triplici Hercule duodecim laboribus ad summam nobilitatem evecto, quibus tandem quartus athleta additur, operis complementum efficiens. Paratur ex auri, & vitri antimonij ana ʒ℥. Mercurij vivi ʒiij. unumquodque seorsim in suâ aquâ solvitur, solutiones omnes conjunge, & aquas destilla, iterum affunde, & rursus abstrahere ad xii. usque cohobationem, tunc isti pulveri præcipitato vini spiritum affunde, quem renovatum ab eo abstrahere, donec fixus, & insipidus evadat, tunc sub tegulâ igniatur; quibus tandem de scammonio non nihil additur, operis complementum efficiens. Hinc est, quod vomitum, sudores, & sedes movet ratione vitri antimonij non ritè correcti.

Helmontius postquàm omnia scholarum contemnit remedia, & irridet, febrifugum universale proponit tract. de febribus cap. 14. vocatque præcipitatum diaphoreticum, vel Mercurium diaphoreticum, quem dùm describit, margaritas subtrahit porcis, & velum adhuc perspicacissimis ante oculos objicit. Est iste Mercurius diaphoreticus fixus, & tinctus cum sul-

phurè Veneris, seu elemento ignis ex vitriolo Veneris, de quo fusiùs in nostrâ *Pyrotechniâ* libro ut suprâ.

Febrifugis extinctâ quartanâ, infirmi corpus purgandum est post quartum diem ab assumpto febrifugo, id alijs omnibus dejectivis præstantius efficit conserva ex floribus persicorum, quæ cum sit maximè solutiva, & hydragoga, siquid aliud superest in liene resolvit, illudque tum per intestina, cum per vesicam deturbat.

Cæterum si tumor, vel duresces ali-quæ in liene supersit, non erit incongruum, ut omninò recidivæ timor auferatur, supra deobstruentia notata post specificam curationem iterum exhibere; nam illorum usus nec medicum, nec infirmum pœnitebit.

Pro novissimâ intentione persolvendâ restat viscerum corroboratio, & acoris peccantis major emendatio, pro qua in usum revocandæ sunt misturæ confortativæ ex *aquis cordialibus temperatis*, *lâpidibus cancrorum*, *antihæctico Poterij*, *coralliis*, *saccaro perlato*, *margaritis pro divitibus*, *pro pauperibus cornu cervi preparato*, *mar-tialibus*, & similibus acorem absorbentibus, & sanguinis crâsim, ac viscerum tenorem emendantibus.

Tædet huc omnia medicamenta referre, quæ proficua esse possunt, cum nauseam potius quàm quid boni lectori pariant; selectiora, & magis salutaria descripsimus, & quæ indubitata nobis experientia patefecit. Præstat quisque ut paucis, & optimis contentus sit, quàm plurimis, & frustraneis uti.

Consentaneum esset pro quartanæ curatione medicamenta extrinseca recensere, ut quæ carpis admoveri so-

lent, cum non infimæ sortis auctores illis aliquid tribuant, ut est *Radix urticae contusa*, *Ranunculus*, *folia ruta*, *Tinca per medium dissecta*, *allium contusum cum croco*, *aceto* &c. Sed non voto respondent: sunt medicamenta ab impostoribus excogitata, tunc cum omnia incassum tentarint, ut eorum applicatione expectent beatam curationis spem, optatos quandoque peperisse videntur effectus, quia post longam applicationem venit *beata illa Vêtula*, quæ accedit in fine morbi. Nonnulli vulgares medici magnificiunt *Amuleta* contra quartanam, ut *tres plantaginis radices ante solis ortum collectæ*, & ex collo suspensæ. *Aranea viva in putamine nucis avellane*, & de collo suspensa. *Scarabæus vivus in marsupilio inclusus*, & de collo gestatus, perseverat febris, vivente scarabæo, mortuo verò extinguitur. Nonnunquam tanta est medicorum ignorantia in curandâ quartanâ, ut ægri, ademptâ omni salutis spe, ad incantationes, superstitiones, & maleficia, vel ad amuleta, quæ ridicula postea inveniuntur, pro valetudine comparandâ confugiunt. Non inutile erit huc referre quasdam febres curatas per amuletum ridiculum deindè compertum: Erat quædam Vêtula, quæ multis mensibus quartanâ laborabat, frustrâ omnibus vulgarium calicibus exhaustis, salutis anxia, secretum, ut à tam pertinaci, & rebelli febre se extricaret, percontabatur: quidam Monachus festivus ex joco se infallibile arcanum pro sanandâ quartanâ habere dixit, eique promisit, exindè quotidie angebatur ab anu, ut promissis stare, tandem impatientissimus schedulam

conscriptam, fortiter obvolutam, & vinctam illi consignavit, mandavitque ne eam referaret, aliter curandi febrem facultas amitteretur, imposuitque, ut instante paroxysmo, brachio alligaret, quod alacriter peractum fuit, nec præconcepta spes eam fefellit, nam ex alligatione febris amplius non rediit. Vagabatur schedula hæc per urbem, & curando febres quotidianas, tertianas, & quartanas, increvit rumor, pervenit tandem in cujusdam febrientis manus, qui, abactâ febre, tanti arcani exemplum secum retinere cupiebat, clam cum agnatis, soluto nexu, reclusa, ac visâ schedula, hæc verba Italicè conscripta oculis deprehendit: *Zia Antonia, quando eri giovane, eri puttana, adesso che sei vecchia, sei russiana.* Quot fuere crepitus, risus, & cachinni, non est facile aperire, & schedula contra febres omni virtute cassa jacuit.

Si quæras, quomodo febres per amuleta, etiam ridicula aliquoties curentur? Respondemus in his solâ imaginatione, & forti Ideâ curam peragi, citra ullam materiæ occasionalis excretionem, naturâ reliquum fatagente.

Præter febrem quartanam, quæ quarto quoque die recurrit, si paroxysmi quinto quoque die recurrant, dicitur *Quintana*; Si sexto, *Sextana*; Si septimo, *Septana*; Si nono, *Nonana* vocatur. Quin & dantur febres *Menstruæ*, singulis mensibus redeuntes, talem febrem menstruam observavit *Lindanus* in muliere, quæ toties quoties menstruam patiebatur purgationem, ordinariò per triduum febricitabat. Imò dantur febres *Anni-*

niversariæ seu singulis annis certo tempore redeuntes: Verùm quia hæc febres infrequenter eveniunt, de his nullam habemus rationem.

CAPUT XXIV.

De Curatione febris, quæ ab excrementis per intestina descendentibus concitari solet.

DE serositatibus, quæ in ventriculo ab ingestis separantur, jam egimus, nunc de crassis eorum facultijs, quæ per intestina excerni debent, erit sermo.

Duplici modo excrementa, quæ per intestina descendunt, febrem excitare possunt, vel quia nimium exsiccata moram in ijs faciunt, & opportuno tempore non excernuntur; vel quia ob digestionum errores in fluorem adiunguntur, & intempestivè præcipitant; si primum eveniat, dicitur intestinorum constipatio; si secundum, intestinorum fluxus.

Signa.

Hic non loquimur de omnimodâ intestinorum constipatione, in qua nihil per inferiora excernitur, qualis in Ileo contingit, sed tantum de pigra, & tardâ alvi dejectione, qua ciborum reliquæ rarò pro assumptorum ratione dejiciuntur, cui febris supervenit, unde si quis quotidie feces ciborum quantitati respondentes non excreverit, & capitis dolore vexetur, cibum non appetat, vel ingestum ægrè ferat, circa vespertinas horas totum corpus languidum sentiat, facies paulatim palleat, signum est febrem ex alvi constipatione imminere si

urinæ excessus excrementorum defectum non suppleat, febris hæc excitari solet levi cum calore, dolore capitis, & siti; circa vespervas aliquantulum invalescit, noctes facit aliquandò vigiles circa auroram remittitur, sed ad integram infebricitationem non pervenit, & à cibi assumptione iterum invalescit. • Urinæ vel aqueæ sunt, vel languidum præferunt colorem.

Causa occasionales.

Causæ, quare alvi fæces in expulsi-
sione remoram contrahant, multæ
sunt, ut quandò non stimulant, quia
ad intestinum rectum non perve-
niunt, vel quia nullæ adsunt, vel ob
earum paucitatem ex paucis assumptis
alimentis, vel propter ineptitudinem
ad peristalticum intestinorum mo-
tum: quandò enim ineptæ sunt in mo-
tu, fit, ut intestinorum cellulis, impri-
mis coli stagnant, & non possunt pro-
trudi; vel ineptæ sunt propter exsicca-
tionem, & indurationem, & in calidâ
corporis constitutione, febribus ar-
dentibus, & cæteris, in quibus visce-
rum humiditas resolvitur, & fæces in-
durantur. Quidam salivantia quoti-
diè usurpant, quibus salivæ ubertas,
in os attrahitur, & tam opiparè expui-
tur, ut sæpè totum pavimento sputo
madèat, ista humiditas ab inferiori-
bus partibus sursum rapitur, ità ut in-
testina tum similiter parum succi reti-
neant, ut etiam his accidit, qui con-
suetudinem arrogant ad quodvis ver-
bum expuendi. Itèm hoc idem his,
qui in suis cibis radicibus, vel semi-
nibus diureticis, vel diaphoreticis de-
lectantur, undè major humiditatis
pars quotidie assumptæ ad renes, vel

cutis poros transit, ac per urinam, vel
sudorem educitur.

Duritiem contrahunt, quia nimis
exsiccantur, quod provenit ex cibis
nimis siccis, ità sunt ova ad duritiem
cocta, carnes assæ, caseus vetustus,
hyppax, cæteraque lacticia, vel si
pauco diluantur potu. Itèm edulia
constipantia, & austera, quæ in delicijs
habentur, ut mala cydonia, mespila,
forba, cerasa cum nucleis comesta,
amarenæ, corni, amygdalæ dulces, ca-
staneæ, glandes, præsertim si primâ
sumantur mensâ.

Si per aliam viam fæces reijcian-
tur, ut contingit in Ileo, alijsque
vomitionibus ab intestinis causatis,
ut & in vulneribus, ac per tunicas
penetrantibus intestinorum ulceri-
bus.

Idem accidit intestinorum vitio,
si intestina superiora occudantur, &
fæces ad intestinum rectum non de-
scendant propter tumorem, scir-
rhum, inflammationem, gangræ-
nam, vel si coalescant, ut *Marcellus*
Donatus de nobili equite Carolo Nu-
volono refert de hist. mirabili lib. 4.
cap. 10. Huic enim cum alvus suppri-
meretur, nec alijs modis aperiri posset,
undecimo die mortuus est. Corpore
aperto, intestinum rectum ità in par-
te superiori per digiti transversa lon-
gitudinem coivisse, & coaluisse inven-
tum est, ut vix tenuioris funiculi
crassitiem equaret, utrinque in confi-
nio intestini partibus in tumorem quen-
dam velut glandulosum elevatis. Non-
nunquam post dysenteriam in fine
ità coalescunt, & invicem consoli-
dantur intestina, ut exindè non ra-
rò postmodum lethalis alui suppres-
sio sequatur. Idem accidit, si flu-

pore,

pore, vel paralyfi laborent, nam etiam tunc temporis parum, aut nihil excernitur. Unde non rarum est, ut in apoplexiâ frustra injiciantur chysteres propter intestina paralyfi affecta, Vel musculorum abdominis vitio, qui in fæcum excretionem expultrici opem ferunt, quia vel in ipsis vicinis abdominis partibus affectus aliquis est, qui dolorem parit, ob quem ipsorum motus impeditur.

Siccior redditur alvus à fæcum visciditate intestinorum parietibus adhærente, quæ impedit, quò minus excerni possint. Unde ij, qui uberibus alimentis crassis, & viscidis utuntur, seu qui eadem in copiosum mucum ex depravatâ digestionem mutant, alui obstructioni obnoxij esse solent; hinc hypochondriaci, quorum intestina hac referta sunt mucagine, semper de alui obstructione queruntur: Sic qui vitam agunt sedentariam.

Vel tandem alius tardè suum deponit onus, quia fæces non stimulant, vel quia nullæ sunt, vel esto adsint, mordacitate, & acrimoniâ vacant; hæc autem irritatio in intestino recto fieri debet, & licet in reliquis intestinis fæces adsint, tamen si ad intestinum rectum non descendant, nulla fit irritatio, ut diximus in vomitu, Ileo, vel ob alios intestinorum superiorum morbos, vel si per alium excernantur locum, ut per vulnera, & ulcera. Vel non deponit onus venter, quia mordacitate carent, vel dum ex alimentis viscidis, & crassis genitæ sunt fæces, mordacitas namque viscidis obtunditur, & non sentitur. Vel quia bilis, quæ intestinis pro fæcum excretionem inservit, deest, vel aliò

transfertur, ut fit in ictericis, vel evacuata est, undè post medicamenta purgantia alius ad unum, vel plures dies subsistere solet, donec novus bilis proventus regignatur, & intestina excrementis sint referta. Vel esto acrimonia sentiat, retineantur fæces, in retentione assuescunt, & indurantur, ut ijs accidit, qui propter forentia, vel alia negotia præter debitum tempus retinent.

Præterea immediata alui retentionis causa est succus felleus, vel pancreaticus malè affectus, & à suâ naturali indole recedens vel secundum quantitatem, vel qualitatem delinquens; undè si succus felleus, qui vulgò bilis dicitur, non deferatur ad intestina propter ductum biliarium obstructum, vel bilem in calculos concrementem, vel pituitam viscidam ipsum ductum obstruentem, & id ob assumpta alimenta viscida, & similia pingua, vel quoties ob alimenta crassa ejus sal volatile obtunditur, vel parciore quàm par est, vel debiliore, ut est in mulieribus, ad intestina deferatur, vel si iners, & viscida reddatur, perpetuò alvinarum fæcum secretionem remoratur. Hoc ita esse imprimis ostendit Icterus: in hoc ipso enim quia hujus succi ad intestina denegatur transitus, ob ejus absentiam aut omninò, aut maximâ ex parte indurata fæces esse albicantes, nec tinctæ prodire solent. Peccat succus pancreaticus, si suam non servet crasim, ut si acidior, acrior, acerbior, vel austerior sit. Hinc hypochondriaci, item mulieres hystricæ ut plurimum obstructâ laborant alui propter nimiam succi pancreatici austeritatem, cuius austeritate indurata fæces diutius

tiùs in intestinis subsistunt.

Diximus alibi, quòd peractâ ventriculi fermentatione, & æthereâ ciborum parte secretâ, ac per fibrarum intercapedines in universum corpus pro nutritione diffusâ, ciborum reliquiæ per pylorum in intestina descendentes, quia æthereæ substantiæ portionem in penetralibus, quæ non integrè secreta fuit in primâ fermentatione, vinctam continent, secundâ indigent, adhuc ut excutiantur: ad hunc finem natura quatuor ut plurimum transversis digitis sub pyloro ductum biliarium & pancreaticum implantavit, per primum succum biliarium è suo folliculo, & alterum pancreaticum immittit, qui ciborum reliquijs se commiscentes, magnam excitant effervescentiam; succus namque biliaris suo sale volatili, & oleoso, ut pancreaticus suo spiritu subacido abundat, ut ex falso, & acido magnam effervescentiam in multis operationibus ex chymiâ petendis excitari observavimus. Hinc ciborum reliquæ inciduntur, fluentes redduntur, & ætherea, ac spirituosâ pars à fæculentijs se extricat pro corporis nutritione, & fæces omni æthereâ parte depauperatæ per intestina ad anum detruduntur, & foràs eliminantur.

His causis occasionalibus tam mediatis, quàm immediatis adductis, dicimus; quòd fæces per intestina descendentes febrem concitant ob nimiam moram, qua mediante earum sulphur fit fætidum, degenerant fæcum proprietatem amittunt, acquiruntque indolem naturæ intestinorum hostilem. Hinc statim principium motûs intestinorum œconomiam gubernans, suos depravatos motus ede-

re cogitur ob degeneratarum fæcum præsentiam, & consequenter nutrimentum in intestinorum fibris degens depravatur, quod deindè motûs depravationem proximius sustentat, & fouet, usque dum cordi fit particeps, & exoritur continua febris.

Prognosis.

Alvi constrictio malum frequens est, nec lethale, sed si diù protrahatur, secundum magis, vel minus periculosum est, & pro minori, vel majori causarum gravitate lethum inferre potest sive mediatè, sive immediatè, sequente Ileo, de quo in nostrâ *Trutinâ* diximus. Si ab inflammatione, vel alio intestinorum tumore, gravissimum, & plurimumque lethale est, & præsertim si à coalescentiâ ortum ducat. Quandòquetam pertinax, & diuturna est alvi constrictio à scybalis induratis, ut colicos dolores diuturnos faciat, qui semel sedati, frequenter recurrunt quia purgantibus alvus soluta licèt videatur, & excrementa liquida eliminata sint, vel nova fit fæcum exsiccatio, vel non pauca excrementa indurata, & solida in intestinis subsistunt, quæ novos pariunt dolores; excrementa enim liquidiora præterfluunt, & sicca, & dura adherent. Undè non nulli bardi vulgares, quia in latere sinistro colon fit angustius, & ibidem hærentia scybala talem inferunt dolorem, quem pro splenico accipiunt. Alvi constipatio multa secum vehit symptomata, ita ut in excrementorum nixi, & expulsionem interdum superveniat animi deliquium, narium hæmorrhogia, enterocele, aneurysma &c. Tandem obstructa

alvus

alvus semper capitis symptomata augere solet, corpus ingravescit, ventriculi coctio læditur, reliquæ coctiones malè se habent, & flatus generantur. Præstat propterea tam in sanis, quam in ægris aluum quotidie suum peragere munus, quam adstrictam esse. Hinc præmonentur in capitis vulneribus, & quibuscumque capitis affectibus, ut alvus serveatur libera propter consensum, quem mediantibus nervis copiosissimis omnia interna viscera, in specie intestina, habent cum suo principio cerebro.

Quoad febris ab excrementis per intestina descendantibus concitatae prognosim attinet, dicimus: si dispositiones ab excessibus, quos supra notavimus, constipationi præcesserint, pessimi moris febris expectanda est, nam eo casu nutrimentum malè dispositum inter intestinorum fibras à constipatione fit degener, & fovebit illam febrem, de qua satius infra agemus, ubi de nutrimento degenerato; Verum si excessus, & dispositiones non præcesserint, constipatio fecum potius in chronicum morbum, quam in acutum properat, in obstructionem scilicet, & hypochondriacum affectum.

Curatio.

Indicatio in huiusmodi febribus curativa est, ut venter primò emolliatur, & ea conveniunt, quæ faeces fluxiles faciunt, & vias lubricant; deindè ea adhibenda sunt, quæ stimulant, & hæc salina sunt, quæ leniter intestina irritant, quod primò enematis tentare oportet, & ita præscribenda sunt:

℞. Decoct. com. herb. emoll. q. s.
olei, & mell. viol. ana ℥iv.
diacatholic. ℥j. m.

fiat injectio per sedem uno, atque altero mane. fiat etiam inunctio per universum abdomen hoc modo:

℞. Butyri recentis q. s.
ablatur quinquies cum vino albo, & eo inungatur abdomen bis in die.

His peractis, & victus ratione instituta, si febricula illa perseveraverit, ad ea, quæ per os assumpta constipationem tollunt, deveniendum est. Fugienda sunt in fecum constipatione purgantia, quæ solvunt; hæc enim lædunt potius quam proficiunt, cum post eorum usum alvus sisti, & adstringi soleat, ut diximus. Sunt adhibenda, quæ leniter stimulant, & quæ aperiendo abstergunt, ad hunc finem:

℞. Cremoris tart. ℥ss, vel ℥j.
fiat pulvis;

qui infirmo exhibeatur in jusculo ante prandium. Vel exhibeatur Diatartarus in forma pulveris alibi à nobis descriptus.

Vel

℞. Tartari alb. ℥ij.
fiat pulvis, qui
ebulliat in aqua font. ℔iij.

ad dimidia libræ consumptionem, tunc injice

fol sen. or. ℥j.
cinnam. contusi ℥ij.

bulliant parum, & auferatur vas ab igne, quo refrigerato, fiat colatura absque expressione, & hujus Aquæ solutive simplicis exhibe infirmo ℥viiij, singulis diebus per tres dies.

His peractis, & abactâ febre, si constipatio perseveret, instituenda est curatio emollientibus, & irritantibus,

tibus, & primò omnes causæ occasionales, quæ alvum desidiosam reddunt, detrahendæ sunt: Postmodum causæ internæ, quæ multiplices sunt, appositâ medelâ auferendæ. Si scilicet intestinorum inflammatio, aliusque tumor, si icterus, si ani stupor, & consimiles causæ sint, tollantur ijs medicaminibus, quæ in proprijs capitibus descripta sunt; non enim tam varias causas uno capite explicare, & his mederi facile est. Semper constipationis causæ contrariam causam admoveere oportet juxta vulgarium medicorum famigeratum effatum: *contraria contrarijs curantur*; Undè si ciborum paucitate alvus sit constipata, cibi plures, si siccitate humidiores præbendi sunt: si austeritate, & acerbitate dulcibus, & pinguibus cibandi sunt ægri. Si constipatio oriatur ratione ætatis, ut habetur *aphor. 20. sect. 2. Quibus juvenibus alvus humecta est, ijs senescentibus exsiccatur.* His nullum, vel leve auxilium adhibeatur, aliusque interim cibus lubricantibus laxa per vices servetur, & omnia contraria adstringentia vitentur.

Ad scybala fluxilia reddenda, & intestina leviter irritanda, ut eorum motus peristalticus concitetur, & contenta ejiciantur; primo exhibendi sunt cibi alvum lubricantes, ut *spinachia, blitum oleo, vel butyro condita*, vel quæ simul acria, & nitrosa sunt, ut *brassica, beta, mercurialis*, & pro certo ventrem laxat, si *fol. beta, & mercurialis ana m. j. coquantur in aliquo vulgari jusculo*, idque capiatur horâ unâ

ante pastum. Plurimi sunt fructus, qui ventrem solvunt, quia facile corrumpuntur, præsertim si diù in stomacho retineantur, verum ab ijs abstinendum. *Ficus* alvum subducunt, si in hordei decocto coquantur, cæterum nimius ficuum usus improbandus est, quia pediculos generat, quod an verum sit, ambigimus. *Ova sorbilia* insigniter alvum movent, & quo magis sorbilia, eò magis movent, imò in aliquibus subjectis parvam quasi diarrhœam excitant, quod procul dubio evenit, cum in cruditatem nidorofam ova degenerent, quàm per alvum natura exturbat. Ex *passulis* præcipuè *zibibis* fit *vinum passulatum* gratissimi saporis, & odoris, ac velut Deorum Nectar, delicatulis egregium ad ciendum alvum remedium; passulæ namque nihil aliud sunt, quàm mustum concentratum, temperatæ in se, & quæ blandam irritandi vini habent. Item passulæ assumptæ egregiè hypochondriacis, quibus alvum sustinent apertam, conveniunt. Ex passulis multæ concinnantur compositiones, quæ laxativæ dicuntur, quarum descriptiones in pharmacopœis videantur.

Inter medicamenta alvum ciencia utilissimam censemus *Aloëm*, si ʒss. ad ʒj. horâ unâ ante cœnam exhibeatur, hec copiosè, nec assidue, nam si alvus valdè laxatur, & sequentibus diebus adstringitur. Hæc vitiosos humores in primis vijs stagnantès subducit, estque medicamentum stercoraceum, & ex purgantibus sola aloë censetur

setur in hoc uero, quia stomachum, & intestina à subjectis vindicat excrementis; imò intestina, & ventriculum roborat, eorum expulsionem sollicitat, pituitam ijs substratam abstergit, & vim expultricem irritat. Est naturæ balsamum, quod corpus à putredine conservat, noxia detergit, & abstergit, est specifica vermium antidotus, quos enecat, & expellit, estque arcanum ad vitam longam, undè Italicè dicitur: *Chi vuol vivere l'anni di Noe, prenda l'aloë*. Perperam præscribitur aloës lotio, quia per hanc pars mucilaginosa, in qua tota purgandi vis consistit, facile per aquam separatur, & relinquitur pars adstringens, & ex medicamento purgante fit adstrictivum. Verus parandi modus est per succorum imprægnationem, & dicitur insuccatio; sic cum succo rosarum vocatur *Aloë rosata*, cum succo violarum *Aloë violata* &c. Verum qui siccæ corporis constitutione sunt præditi, aloëticorum usum vitent, undè senibus propter siccitatem non convenit, sed potius cibis laxantibus eorum alvus emollienda est. Nec propinanda ijs, qui fluxui hæmorrhoidali obnoxij sunt, quia aloë cum sit media inter resinas, & gummata, facile ani extremitati, vel intestino recto adhærere potest, & hæmorrhoidum fluxum assiduâ suâ irritatione, & apertione provocare; undè aloeticas pilulas suppressis hæmorrhoidibus utiliter adhibemus: Mulieribus verò utero gèrentibus non convenit aloë, solet namque menses proritare, & expellere fœtum.

Serum lactis leniter obstructam proritat alvum, & præcipuè si ob-

D. Car. Musitan. de Febris.

structio ex succo pancreatico nimis austero, & acido fæces coagulante eveniat; nam serum lactis præbet falsum nitrosum volatile, cujus ratione salis succi pancreatici austeri, & subtilis acrimoniam temperat, & unâ fæces emollit, si solum usurpetur, si per tamarindos imprægnetur, quod egregiè febris tam ardentibus, quàm malignis, & scorbuticis confert, quia moderatè sanguinis effervescentiam compescit, & blandè alvum subducit.

Ad subducendam alvum constipatam mirificè prodest *Diatartarus Petri Castelli* ad ℥j. sumptus immediatè antepandium. Itè *syr. fol. sen. or.* post cœnam. Ad hunc etiam finem obtinendum variæ conservæ laxativæ parari possunt, ut *conserva rosarum rubrarum, rosarum moschatarum, vel violarum*, & præcipuè si sacchari loco addatur *Manna corporis Calabrina*. Nos felici eventu utimur *conservâ prunorum*, quæ ita fit:

℥. *Prunor. Damasc. exsicc. sine ossibus lib. j.*

infunde calidè in decoct. ex

fol. sen. or. s. s. ℥jss.

polyp. querc. ℥iij.

anisorum ℥ijss.

donec turgescant, deindè bulliant, & cum saccharo simplici, vel syrupato, vel cum mannâ fiat conserva. Dosis est cochlear. j. vel ij. horâ unâ, vel duabus ante partum. Leniter movet alvum, lubricamque conservat, & potissimùm ubi clysteres odio habentur, prodest.

Quandòque alvus per multos, & ad longos dies obstructa est, & scybala indurata, & ita exsiccata, ut medicamenta per os assumpta alvum

K

vince.

vincere non possint, & periculo sunt plena, ne per os rejiciantur, & passio succedat Iliaca: tunc ab alvum moventibus abstinendum est, & per clysmata subducenda, & scybala rejicienda, hæc namque via compendiaria est, tuta, & absque pernicie. Primò itaque parentur ex emollientibus clysteres, & pluries ingerantur ex *oleo olivarum*, itè ex *oleo lini*, vel injiciantur communes, vel ex decocto communi, quibus addi potest *cassia extracta*, *diaphœnicon*, *diacatholicon*, *benedicta laxativa*, *mel rosatum solutivum*, vel *mel violatum cum oleis* juxta curantis medici peritiam. His nihil proficientibus, in obstinatissimâ alvi obstructione fiat clyster ex *jusculo carnis cum melle rosaceo solutivo*, cui addantur *salis gemmæ* ℥ij. Hoc namque sal quascumque induratas emollit fæces, & fluxile reddit. Quod si sal gemmæ non sufficiat, commodissimè in clysteribus incoquitur *pulpa colocynthidis*, vel *trochisci Alhandal*, *pulpa colocynthidis ad ʒj. in nodulo ligetur*, bulliat in decocto, & exprimatur. Nonnulli in desperatâ alvi constipatione ad ultimum clysterem confugiunt ex *croci metallorum infusione*, vel ex *aquâ benedictâ in decocto emollienti*: Verum tutus non est, quia posset affectum in Ileum commutare. Sed quia clysmata est ani remedium, meritò repudiamus, & tanquam belluinum, & instrumentum devovemus, medicis tamen vulgaribus consignamus. Præterea periculo pleni sunt clysteres, nam si nimium quàm par est, sunt calidi, intestinum ustulant; si nimium frigidi, ingentes excitant cruciatus; si in injectione distortè injiciantur, in-

testinum excoriant, exulcerant & difficillimè curatur, quia locus humidus est, & excrementis dicatus. Insuper pessimum est frequenti clysmatum usu naturam sollicitare, quandoquidè affuescit, torpescit, & tandem semper illis irritari vult, ut alvum deponat: melius ergò est eis non affuescere, sed alijs supra notatis medicamentis votum obtinere.

Post clysteres suppositoria conducunt, quæ parantur ex *sale gemmæ*, *melle*, & *pulvere hellebori*, vel *etrochiscis Alhandal*, *hierapicra* cum paucâ quantitate *salis gemmæ*, quorum formulas in pharmacopœis videre est. Cæterum pudendum petulantium est remedium, quod in unâ ex illis civitatibus, quas ultor ignis combussit, inventum fuisse censemus: Undè ex hac ratione, & quia facillimè intestinum rectum inflammari potest, à recentium medicorum aulâ recessit, tantum suppositoria, & glandes apud vulgares in frequenti sunt usu.

Multa exterhè adhibentur unguenta laxantia ad motum peristalticum procurandum, ut alvus laxetur, & prostat in officinis *Unguentum de Arthanitâ majori*. Itè *emplastrum de felle tauri*, & *colocynthide umbilico applicatum*.

Verum si in fluorem intestinorum excrementa adigantur, id vel optimè valentis naturæ robore eveniet, & criticus tunc erit fluor, qui dignoscitur, ex eo quod cessato fluore, natura ad integram tranquillitatem se componet; vel ab aliquâ præviâ materiâ pertinaciter infixâ natura lacescita, & irritata fluorem concitat, & tunc symptomaticus erit fluor, & li-

cet cesseret, quia causa intus remansit, morbus sequitur.

Si chronicus fluor fuerit, nihil, aut parum agendum superest medico, nam licet incipiente fluxu, febris conciterur, eodem cessante, cessabit etiam febris, & in hoc casu victus ratio est infirmo praescribenda, exterioribusque fortibus est ventriculus roborandus, mulcebitque intestinorum irritamentum drachma dimidia optimae theriacae.

At si symptomaticus fuerit fluxus, omnia post illum in infirmo pejora se habebunt, & ob causam occasionalem fibris infixam, quae vel omnino à concitatione floris desistet, & ad interiora se vertet, & pessimi moris continuam febrem fovebit, de qua latè in sequenti capite agemus; Vel in intestinorum cavitates omnes corporis superfluitates convocabit, & diarrhoeam, lenteriam, coeliacam, fluxum hepaticum, dysenteriam, aliosque intestinorum morbos excitabit, de quibus opiparè in nostrâ *Trutinâ Medicâ lib. 4.* per propria capita tractavimus.

Admonitos hinc vulgares, & sanguinarios medicastros volumus nos in februm curatione, quas tribus capitibus precedentibus tractavimus, nullam sanguinis missionis mentionem fecisse; non ex eo quod à sanguinis missione abhorreamus, sed ex eo quod dictae febres sanguinis evacuationem non requirunt: in ipsis enim sanguis praeter motum, quem à causis occasionalibus patitur, inculpatus omnino est, & nullo crimine reus, nec motus, quem patitur, adeo vehemens est, ut ventilatione ob partium rarefactionem indigeat;

nec temerè fundendus est sanguis, cum indicatio pro eo mittendo in aegroto non inveniatur, ut plerique medicorum faciunt, credentes sanguinis missionem obesse non posse, ubi non profuerit, nam non solum obesse potest, sed in ultimam perniciem infirmum adducere, ubi indicatio non fuerit, teste Galeno in *lib. de curatione per sanguinis missionem*, in *lib. de arte curativâ ad Glauco.* in *lib. de crisis*, & alibi.

C A P U T XXV.

De Curatione Februm, quae à degenerato partium nutrimento foveantur.

Eodem tempore, quo à cibis per digestionem in Ventriculo ferositates à Liene suguntur, & crassa excrementa per pylorum in intestina descendunt; pars illorum nobilis, essentialis, & nutritioni apta in penitiores corporis lares fertur, ut suo muneri satisfaciat.

Hanc substantiam nutrimentalem vasa sanguinis ingredi, ut in sanguinem transmutetur, creditur ab illis, qui à sanguine nutriri corpus existimant; nos per demonstrationes, pro quibus adducendis hinc tempus non suppetit, cognitum habemus substantiam nutrimentalem, quae separatur à cibis, non vasa sanguinis ingredi, sed fibrarum partes constituentium interstitia pervadere in formam tenuis liquoris albi, qui per fibras ipsas in cerebrum, & spinalem medullam fertur, ut ibi pro proximâ sanguinis materia elaboretur.

Verùm, ut rei novitas confusionem non pariat, admonitos volumus medicos, ut cùm partium nutrimentum dicimus, intelligant substantiam illam roridam, & quodammodò viscosam, quæ per substantiam ventriculi, intestinorum, mesenterij, peritonæi, septitransversi, mediastini, pleuræ, aliarumque membranarum, partiumque corporis solidarum est diffusa; hæc partes humorem quendam inter suas fibras habere compertum est, nemo est, qui unquàm negavit, vel qui negare possit; nam in animali nuper mortuo ipsis oculis, & tactu humentes esse observantur, nec sanguine eas humescere dici potest, nam albæ sunt, & si prælo exprimantur, album reddunt succum: hunc succum nos roridum partium solidarum nutrimentum appellamus, quod temperie, & motu fibrarum ipsarum partium solidarum regitur, conservatur, perficitur, fluit, & resolvitur; quoties ergò partes solidæ secundum naturam moventur, & actiones earum secundum naturam sunt, nutrimentum per ipsas diffusum secundum naturam etiam se habet, disponiturque secundum naturæ exigentiam, ut animal in sanitate conservetur; at si præter naturam se habeant, depravari necesse est.

Signa.

Antè febris adventum lassitudines, artuum dolores, ventris constipationes, ventriculi nidores, insomnia, & inquietudines erunt febris prodromi, adveniet deindè febris cum extremorum refrigeratione, & totius corporis horrore, cum capitis dolore, artuum doloribus, ventriculi nausæ,

pulsuum suffocatione, quæ usque in accessionis statum perseverabit, calor post frigus debilis, sed pungens cum vigiliâ, & siti, cum urinis turbidis, & pallidis; his altera superveniet accessio, in qua refrigerationem vix persentiet æger, incalcescet cum ingrato quodam topore, pulsus languidi, frequentes, & inæquales erunt, urinæ eadem, & spumosæ, nox insomnis, & omnium inquietudinum genere referto, lingua alba, tenacique limositate oblita; his, vel ex his aliquibus signis in primâ, & secundâ accessione apparentibus judicabit medicus ægrotum febre esse correptum, quæ tum in quantitate multum, tum in qualitate prævum succum nutrimentalem pro fomite habet; prædicet etiam tunc, quod talis febris quolibet die nova, & horrenda pariet symptomata, quæ erunt omnium facultatum lapsus, lumbricorum excretio, efflorescentia exanthematum per cutem, linguæ asperitas, & livor, absque eo quod infirmus se sitire sentiat, corporis supinus situs, mentis confusiones, phrenitis, paraphrenitis, coma, carus, lethargus, sudor frigidus, excretiones symptomatiæ, animi defectus, lipothymia, oculorum rubor, in diebus paribus exacerbationes, parotides, & quamplurima alia his pejora symptomata sunt expectanda, quæ non solum materiæ morbificæ coctionem, sed semper morbum in principio esse arguunt, & spem salutis omnino non adimunt.

Harum febrium signa non adeò certa, & infallibilia sunt, ut non solum vulgares medicos, sed etiam peritos decipiant; est enim morbus infidus.

diolus, qui clam hominem carpit, & non absimilis homini maligno, qui aliud habet in ore, & aliud in corde: Et velut canis, qui caudâ adulatur, & mordet; ideoque fallacia, & optimæ notæ medicos infamant: in principio latent hæ febres, & malignitas altius agit radices, & interim opportunum agendi tempus præterit, & æger in vitæ discrimen ruit. In principio non est tanta malignitatis vehementia, quanta aliquandiù in obscuro delitescit, & interim benigniorem mentitur febrem, nec se manifestat, donec tota domus irreparabilem concepit ignem, & cordis arcem occupavit lethale venenum. Eapropter signa diligenter ponderanda sunt, ne cum ægrorum detrimento addiscamus, nec febris, quæ maligna non est pro tali habeatur, ut quidam nostrates medicastri faciunt, qui inspectâ febre continuâ, vel auctâ, statim pro malignâ buccinant, vel si maligna sit, pro benignâ accipiatur. *Pulsus* sæpius initio naturali simillimus est, aut non nihil ab eo discrepare, & febricitare non videtur; attamen ex eo deprehenditur malignitas, quia postmodum subito fit debilis, & parvus: interdum mox ab initio formicanti similis, id est minimus, & frequentissimus. *Urina* quandoque est bona, & sanæ similis, ac suspecta, interdum in statu concocta apparet, licet ægri ad interitum properent. Quandoque urina nullas patitur alterationes, & febre malignâ correpti cum urinis optimis, & sanorum simillimis intereunt, unde *Galenus* solitus dicere: *Pulsus bonus, urina bona, & æger tendebat ad necem.*

Nullum ex his signis, quæ ad-

duximus horum febrium, verè pathognomonicum dari notamus, quo posito, febris maligna necessario ponatur, quo ablato, auferatur: Verum ex omnium signorum syndrome, & collatione certum signum facile stabiliri potest. Notamus, quod omnia signa à nobis adducta in omnibus febricitantibus non reperiuntur, sed tantum eorum partem, quæ tamen ad morbi speciem adamussim constituendam sufficiat.

Cum nullum pathognomonicum signum habeat febris maligna, ne incautis imponat Medicis, per quædam inter se improporcionata symptomata malignitatem rimabimur, tanquam per celeberrimum malignitatis signum. Quando ægri de intensissimo calore interno conqueruntur, & partes externæ parum, aut nihil calent, pravum malignitatis signum. Quando sitis intensa caloris febrilis modum superat; quando verò non fit cum intensâ febrē, & linguæ siccitate, utrumque malignitatis indicium est. Si potus ad restinguendam sitim porrectus non solum nihil profit, sed etiam lingua scabra, & arida fiat, malignitatis indicium portendit. Si ægri insigniter calent, & de nullâ conqueruntur siti, etiam malignitatem subesse certum est. Cerebri, & partium nervosarum morbosæ affectiones subito inductæ, neque legitimam servantes proportionem, malignitatem denotant. Alvi, & vesicæ excreta insigniter foetentia pestilentem significant malignitatem.

Sunt aliqua præter illa, quæ descriptimus signa, quæ præsentem arguunt malignitatem, ut cardialgia, quam tanquam malignum damnat Hippo-

crates: sed in specie ubi hæc tria symptomata in genere reperiuntur, primum subita virium prostratio: Secundum sitis admodum intensa, & appetitus dejectus citra causam ordinariam, & manifestam: tertium vigiliæ pertinaces, aut leve delirium citra causam manifestam, ut plurimum malignitatem argumentantur.

Putant aliqui proprium, & pathognomonicum febrium malignarum signum esse exanthemata, seu maculæ purpureæ pulicum morsibus non ab similes, peticulæ, vel petechiæ à recentioribus appellatæ, præsertim in lumbis, dorso, & pectore apparere solent, & proprium, ac pathognomonicum dicunt, non quod necessariò in omnibus febribus malignis hujusmodi exituræ apparere debeant, cum multoties non exoriantur, sed cum apparent, inferre licet: ergò febris est maligna, quia peculiariter febrem malignam significant, & nullo in febrium genere reperiuntur, nisi ubi malignitas adest. Verùm apparent aliquandò in alijs affectibus citra febris malignitatem quædam maculæ dictis consimiles, sed à diversâ prodeuntes causâ, à nimia scilicet sanguinis tenuitate, qui à calore agitur extra capillares venas in cute efflorescit.

Exituræ, quæ malignitatem sapiunt, in cute erumpunt cum aliquali, licet nimia, ipsius cutis elevatione, & tunc propriè exanthemata appellantur, & nullatenus cutem in tumorem elevant, sed tantum apparent in eâ maculæ pulicum morsibus assimiles, & propriè papulæ appellantur (vulgò *Pasticci*,) vel petechiæ. Differunt à pulicum morsibus, quia istæ punctum in medio non habent, ut

morsus pulicum. Distinguuntur etiam petechiæ à pulicum morsibus per experimentum, quod *Zacutus Lusitanus lib. 3. prax. admirand. obs. 14.* docet: Experimentum facit cum farinâ lupinorum cum aceto, aut oximellite subactâ: quæ si applicetur pulicum morsibus, hi ipsi morsus subito evanescent: maculis verò malignis applicata hæ ipsæ non disparent.

Causæ Occasionales.

Si motus, & actiones partium solidarum ab aliquâ causâ præter naturam ipsas partes solidas lædente depraventur, substantiam nutrimentalem per ipsas diffusam etiam depravari necesse est, & exoticam, naturæque hostilem qualitatem acquirere; unde degener fit, & tantum abest, ut ipsas partes recreet, & restauret, ut potius illas vellicet, laceßat, distrahat, eoque agitet, ut in furorem adactæ, omnimodè earum œconomiam subvertant, totiusque corporis actiones depravatas reddant; hinc febres oriuntur continuæ, pessimi moris, quas malignas ob symptomatum supervenientium multitudinem communiter appellant, quæ rarò mortis periculo vacant, rarò remedijs cedunt; sæpissimè omnem salutis spem adimunt; quandòque vitam in discrimine ponunt, & salutis spem non auferunt, cujus ratio est, quia natura partium solidarum, cui incumbit causam morbi concoquere, separare, & expellere, adeò subversa est in hujusmodi febribus, ut semper pejora, nunquam meliora moliantur.

Præter ergò quantitatem, pravam ciborum qualitatem, & præter inte-

stinorum excrementa, quæ occasiones esse possunt, ut tùm fibræ ventriculi, tùm intestinorum ad depravatum motum irritentur, & per consequens evenit, ut succus nutritivus per eas diffusus à naturali suâ indole degeneret, quod nisi dispositiones præcedant, non faciliter evenit, præter inquam dictas rationes aliæ in ægroto præcedere possunt, quæ vel ipsas partes solidas insolentibus motibus irritantes, vel ipsum succum nutritivum indebitè agitantes, vel utrumque simul peragentes; febre ex nutrimento degenerato producere possunt, sunt quidè ipsæ.

Primò, si quis laboribus supra vires corpus exercuerit, ex nimio enim labore, motuque fibræ relaxantur, debitamque temperiem amittunt, unde & succus nutritivus in ipsis paulatim degenerat, torpescit, nidorem concipit, tandemque febrem excitat.

Secundò, si quis vel motu, vel calore externo vehementer incalescat, statimque deindè refrigerescat, & hoc multoties eveniat, succus nutritivus, qui calore fluebat, frigore congelascit, & in his externis suam temperiem perdit, fitque febris materia.

Tertiò, si quis meraci vini potu se impleat, frequentibusque commestationibus vacet, nutrimentum in quantitate superfluum producitur, quod à solidis partibus regi, subigique non potest, ceditque in naturæ onus potius quàm in sustentamentum, promovetque continuam febrem.

Quartò, si quis assiduè Venere præter modum utatur, partes solidæ cremantur, dissolvuntur, & arescunt, ac

per consequens nutrimentum, quod regunt, marcidum reddunt, transitque in pessimæ febris causam.

Quintò, si quis assiduis animi affectionibus, irâ, odio, invidiâ, ambitione, timore amittendæ vitæ vel existimationis excrucietur, tùm partes solidas, tùm nutrimentum ipsidem impressionibus imbuunt, subvertunturque ita ut lethales producant febres.

Sextò, si quis per longum tempus omnimodè vigilet, vel longissimo somno indulgeat, in easdem ex nutrimento degenerato potest incidere febres.

Septimò, quæ ex aëris intemperie, & mutatione epidemiales producuntur febres, etiam in degenerato nutrimento fomitem habent.

His præcedentibus occasionibus succi nutritivi naturales dispositiones immutantur, & præter naturam fiunt, concitantque febres continuas, malignas, & ut plurimum lethales. Sedulo ergò eas debet inquirere medicus, nam pro ipsarum occasionum vehementiâ, duratione, assiduitate, complicatione, subjectorumque dispositione certum, infallibilique febris judicium proferre poterit.

Præterea est advertendum, quod succus iste nutritivus degeneratus multoties in quantitate, & qualitate peccat, multoties in qualitate solum, quod ex proprijs signis dignoscitur, & ex erroribus ægroti, qui febrem præcessere.

Prognosis.

Febris ex nutrimento degenerato, seu maligna sæpius pessimi ominis est.

est, ideòque prudens medicus de morbi eventu suum iudicium differre, & suspendere debet, cum mox, & inopinatè ad vitam, vel mortem terminetur, ut habetur *aph. 19. sect. 2. In acutis sunt incertæ prædictiones vitæ, & mortis*. Ridiculi sanè sunt aliqui nostrates medicastrum, qui inspectâ febre non intermittente, statim pro malignâ, & venenatâ accipiunt, & lethali, at quia æger in nullo vitæ discrimine versatur, miracula patrâsse videntur. Proponemus nos præcipua, quibus mediantibus magnam conjecturam educere poterimus, an febris salutariter, an lethaliter finitura sit, quorum ope quid metuendum, aut sperandum de ægroto augurari poterimus, ne dubiâ spe decipiamur; conpertum namque habemus plurimos cum perniciosissimis signis evasisse, alios verò cum salutatibus occubuisse: peculiariora igitur signa prognostica adducemus, quorum adminiculo securiorem prognosim elicere poterimus, quam ex diagnosticis petimus, & hîc tria attendenda sunt, virium robur, symptomata, & coctionis signa.

Primò virium Vigor spectandus est, nam sicut viribus constantibus, nil mali contingere potest; ita cum earum dispendio nihil salubre expectandum. Virium robur, earumque jactura ex pulsus vigore, & languore deprehenditur; pulsus namque quò magis est æqualis, & tenorem servat, licet febris maxima appareat, eò aliquid spei pollicetur: contrà verò inordinatus, inæqualis, debilis, & quasi contractus, periculosus, præsertim si in morbi principio appareat. Quò pulsus est major, (quod raro

contingit) eò melior, quò minor, eò deterior; nihilominus tamen pulsus parvi non tam sunt mali ominis in febribus malignis, quàm in benignis. Pulsus in febre malignâ intermittens lethalis est, attamen licet lethalis; plurimos pueros, & senes cum pulsu intermittente evasisse à nobis conpertum est, juvenem verò neminem: Attamen *Riverius* inquit: *In febribus tamen malignis nos juvenes non paucos pulsū intermittentem per multos dies habentes evasisse vidimus*. Nihilominus pulsus intermittens in febre ardente ordinariò est periculosissimus. Pulsus minutus, & frequens, qualis est formicans, aut miurus lethalis; significat enim vires sensim deficere, & in proximam ruinam delabi. Non solum pulsus parvus, rarus, & debilis, sed etiam sano similis cum alijs pravis signis admodum periculosus est. In febribus malignis interdum ægri febre carere videntur, cum tamen in pejus, & ad interitum ruant.

Secundò, Symptomata supervenientia expendenda sunt, ex quibus harum febrium variatur eventus, ac proinde partes principes, earumque actiones, ut animales, vitales, & naturales sedulò præ oculis medicus habere debet; his namque benè constantibus, bonum: contrà verò se habentibus, malum.

Quod ad actiones læsas, & facultatem animalem attinet; inquit *Hip. aph. 33. sect. 2. In quovis morbo mente constare, & benè se habere ad illa quæ offeruntur, bonum: contrà verò se habere, malum*. Est autem mente constare, agere, & loqui, quæ rationi consona sunt, & consuetò, ac decore omnia agere: mente non constare ægri di-

tantur, qui aliquam actionem voluntariam non rectè faciunt, & præter consuetudinem vel parùm, vel multum, vel ferociùs, vel absurda, aut obscæna loquuntur, manus in vanum jactant, festucas colligunt, lodices veluti sarcinas colligunt, obscænas denudant partes. Quæ omnia breviter complexus est Hip. *Præter consuetudinem aliquid facere, & velle aliquid prius non consuetum; aut contrà, prævum, & delirio proximum.* Hinc si feбри malignæ delirium superveniat, periculum portendit, ut multi apud Hip. passim extant aphorismi. 2. coac. aph. 14. *In homine moderato ferox, & audax responsio malum.* 1. progn. aph. 23. *Qui à febre continuâ, aut pulmonis, aut capitis dolore manus ad eos fert, aut frustra venatur muscas, aut colligit festucas, aut de veste evellit pilos, aut de pariete stipulas carpit: id omne malum exitialeque.* Ideòque nullum delirium est tutum. Verumenimverò delirium, quod cum risu fit, tutius: quod verò cum audaciâ, & furore, periculosius, & hoc omnium pessimum. Si perpetuum non est, & per paroxysmos recurat, & leve, minùs periculosum, verùm attendendum est, ut pulsus robur, respiratio inculpata, & appetitus salvus sit, ne medico imponat. Et quamvis delirium perpetuò malum sit, ex eo tamen ægrotantis interitus non est perpetuò prædicendus, nisi cum eo alia signa mala, & lethalia concurrant. Est minùs periculosum illud delirium, quod somnus excipit, ut habetur 2. aph. 2. *Ubi somnus delirium sedat, bonum, & præsertim si copiosus sudor simul conjungatur; post somnum autem perseverans admodum periculosum est.*

D. Car. Musitan. de Febris.

Somnus comatosus in febrè acutâ periculosus, & cum virium imbecillitate proximam mortem portendit: quando autè hujusmodi coma diuturnis succedit vigiliis, est magis perniciosum ob spirituum absumptionem; significat enim omnimodam caloris nativi extinctionem, & sic quando phrenetici comatosi evadunt, jam morti sunt proximi, attamen lethargus comate, & carus utroque periculosior est. *Siquis laboriosâ febre obstupescat, & veluti cathoche afficiatur, morbo laborat pessimo lib. 1. coac. 47.* nam sicut coma in febris acutis est periculosum, sic cathoche multo periculosior est, quæ fit à matèriæ acidioris translatione in cerebrum, & nervos, undè nervorum tensio, atque ideò qui hac affectione laborant, in eodem statu manent, in quo reperiuntur & apertis oculis rigidi consistunt, & ita à comatosis differunt, qui perpetuò oculos habent clausos. In eo, qui periculose ægrotat, insomnia mortuoarum, sepulchrorum, & sacerdotum, futuram mortem, prænunciant; moriturus enim aliquando animæ suæ à corpore separationem præsentit, eamque corpori per insomnia repræsentat, per species eorum, quæ mortem significare valent.

Surditas in febris malignis periculosissima est juxta Hip. doctrinam, verùm id in principio apparens, militat, sed in statu in his febris apparens, salutaris est, ut nos multoties observavimus, quantumvis periculosus symptomatibus existentibus; denotat enim cerebrum satis validum, & noxios humores ab internis ad externas detrudere partes.

Si per somnum candidæ partis

L

oculo

oculorum demissis palpebris aliquid appareat, nec alvi fluor, nec inedia in causa est, nec ita æger dormire consuevit. vitiosum indicium, lethaleque admodum est; facultatis enim palpebras moventis extinctionem significat. *Si in morbo aucto oculus unus altero minor fiat, lethale est, Hip. 1. progn.* denotat facultatis regentis imbecillitatem, quæ illum oculum deferere incipit. *Si autem perversa fiat, aut pallida palpebra, aut labrum, cum aliquo aliorum signorum scire oportet, morti proximum est. Lethale etiam est labra resoluta pendentia, & frigida, & alba esse reddita. Hip. 1. progn. & aph. 9 sect. 4.* In febre non intermittente, si labrum, palpebra, vel supercilium, vel oculus, vel nasus perversatur, vel non videat, vel non audiat; jam debili existente corpore: quicquid horum eveniat, mors proxima est.

Lingua tremula in acutis, mortifera; significat enim maximam animalis facultatis imbecillitatem, & summam cerebri læsionem, ideoque in phreneticis jam morti proximis lingua hoc modo contremiscere solet.

Fauces exulcerati cum febre malum, verum si aliud superveniat signum eorum, quæ diximus, pessima esse, prædicere oportet, cum periculo esse hominem. Hip. 2. progn. Hæc namque exulceratio à pravâ, & malignâ causâ generatur, & periculosa est, & cum illâ non possunt non apparere alia signa prava. Oportet itaque alia signa considerare, & si aliquod aliud pravam appareat, mortis periculum prædicere.

Multa corporis jactatio, anxietas, & inquietudo in febre acuta mala; ostendit enim humorum feritatem,

& turgentiam, qui cum tenues sint, & valde mobiles, & vehementer in corpore agitentur, fit, ut maximum immineat periculum, ne in principes irruant partes, & perniciosum producant effectum. Jactatio, anxietas, & inquietudo multa de morte exhibent præfagia, ut si æger varias decubitûs formas mutet, nec uno loco quiescat, sed variè se jactet, ac moveat, modò se attollat, modò dejiciat, modò in latus, modò in ventrem, modò in dorsum decumbat, nec ullam servet figuram, dummodò crîsim non præfagiat; *Si seipsum æger continere non valens, subindè ad pedes delabatur, funestum, Hip.* Significat enim virtutem animalem esse propemodum extinctam, ut corporis pondus regere, aut sustinere non possit, undè illud propriâ gravitate ad inferiora prolabitur. Perniciosum etiam est pervolvere se ad marginem lecti, ac primùm pedes excludere, deindè corpus erigere, nisi cohibeantur, vel excidere, vel surgere; obscurum enim delirium, & adeò funestum ostendit, ut ex hoc signo nemo convaleuit.

Stillæ sanguinis è naribus paucae effluentes malæ, sicut & quælibet excretio exigua, & in paucâ quantitate, vel postquam apparuerit, illicò cessaverit; denotat enim naturam in opere decumbentem vel ex succi malignitiâ, aut ejusdem mole prostratam: siquidem omnis excretio in morbis acutis, quæ inchoatur tantùm, & non perficitur, maximè damnatur ab Hip. quia major est securitas in febribus, in quibus natura nihil excernit, quàm in quibus pauca, & inutilia. Adde, quòd nulla apparente stillâ, materiæ ben-

Benignitas elucescit, quæ inepta est nte tempus naturam irritare.

Nares præter modum dilatatae in morbo acuto periculum portendunt; denotant enim magnam facultatis animalis imbecillitatem, quæ cum thoracem sufficienter dilatare nequeat ad summum temperandum incendium, in dilatatis naribus compensare conatur, ut per illas aer copiosior attrahatur.

Quid per actiones vitales in febribus malignis de ægri salute, & morte præfagiendum suo ordine dicemus: Cordis palpitatio, syncope, vel lipothymia in hisce febribus sumum vitæ prænunciant periculum, sive cor per consensum, sive per essentiam afficiatur; indicant enim vitalis facultatis dejectionem, & cor in angusto esse positum à causâ malignâ, & rarò mortem effugiunt, sed citò ob spiritûs exolutionem intereunt.

Respiratio præternaturalis pessima est, undè Hip. 4. aph. 50. inquit: *Ubi in febre non intermittente difficultas spirandi, & delirium acciderit, lethale*; quia duo vitæ principia cor nempe, & cerebrum vehementer læsa sunt, & ad mortem conjurant, utraque autem passio, spirandi scilicet difficultas, & delirium diù persistere debent, ut lethalia dicantur: nam in perturbatione criticâ utrumque salutariter interdum contingit. Magna, & rara respiratio cum febre acutâ pessima; delirium enim vel præsens est, vel imminet, mens namque à specierum ubertate valde occupata est, quæ in delirio repræsentantur, facultatem musculos thoracis moventem aliò avertit, ut non fiat respiratio, nisi magnâ urgente necessitate, undè ra-

ra efficitur, sed raritas magnitudine compensatur. Hac eadem etiam ratione melancholici, & amantes non rarò hujusmodi respirationem magnam, & raram habent, quia profundis defixi cogitationibus respirare obliviscuntur. Frigida spiratio in morbis acutis proximam mortem significat; indicat enim caloris nativi extinctionem.

Quò ad actiones naturales læsas: *Dejecta omnino in morbis appetentia, valde periculosa*. Quibus cum strepitu alimenta in ventriculum descendunt, ut in puteum projici videantur, malum; significat enim œsophagi fibras esse resolutas, ut descendencia alimenta continere nequeant, & ad ventriculum veluti manu ducere, ut in naturali diglutatione fit.

Si quis in laboriosâ febre singultiat, morbo laborat pessimo, i. coac. 47. fit enim singultus à malignis humoribus interiorem ventriculi tunicam vellitantibus, quæ ad eorum expulsionem insurgit, & ferè nullus febre malignâ correptus, cui singultus supervenit, servatur.

Vomitus paucus, & laboriosus in acutâ febre, malus; quæ enim decretoria sunt, exigue non discernuntur, sed quæ ita evacuantur, omnia duorum alterum significant, aut materiæ copiam, quam natura tolerare nequit, & ex eâ aliquid symptomaticè effunditur, vel naturæ imbecillitatem, quæ superflua frustra expellere nititur. *Vomitus synceri, & impermixti in acutis febribus, mali, 10. Pro-rhet.* Nam humor syncerus non tantum est crudus, sed etiam incoctilis, & omnem coctionis actum, & potestatem excludit, cujus generatio vel

particularis alicujus vitio fit, vel fervore, & incendio febrili, exhaustâ aquosâ, & ferosâ parte: ideoque in acutâ febre magnum intûs incendium latere ostendit, plerumque à naturâ invincibile. Sic vomitus variegati, ex multis humoribus constantes mali. Vomitus porraceus, æruginosus, lividus, niger, aut fatidus lethalis. Itém dejectiones syncerae in morbis acutis pessimæ. Pingues, viscosæ dejectiones lethales. Spumosæ dejectiones in febribus acutis malæ. In febre vermes prodire, malum, tam vivos, quàm mortuos, potissimum si soli, & sine stercore exeant. Si lumbrici in morbi declinatione exeant cum excrementis, apparente coctione, bonum.

Uberior alvi dejectio in quolibet morbo, mala, vires namque maximè resolvit, & naturam prostermit, & animæ defectionis periculum imminet. At si cum ventrè tumido, & crescente efferatur, pessima; significat enim nativi caloris exolutionem, undè cruditates, & multi flatus generantur, quibus venter intumescit. Paucae dejectiones, vel quæ statim ubi incæperint, sistuntur, malæ; paucae enim inutiles sunt, nec ad morbi causam tollendam sufficiunt: at si incæperint, & cohibeantur, significat pravos humores, qui per intestina ferebantur, aliò esse conversos, ubi gravem noxam inferre possent. Liquida dejectio, quæ cum morbo aucto incipit, & cum eodem perseverat, mala. *Alvi dejectiones vitellinae, virides, æruginosæ, nigrae, aut valdè fetida, mala. 2. progn.*

Urinæ in febribus malignis, atque pestilentialibus substantiâ, colore, &

contentis urinæ sanorum similes exitiosæ; denotant enim venenatam qualitatem, & nihil succorum noxiorum per urinas excerni, quod summe perniciosum est. Urina, quæ inscijs ægrotis, & non recordantibus mingitur, pessima; vel enim cerebrum valdè læsum significat; vel partium naturalium robur extinctum, ut suas functiones amplius exercere nequeat. Urina, quæ crassa, turbida, & confusa meijtur, deindè per seipsam clara evadit, & limpida, bona; significat enim victoriam naturæ secernentis heterogenea, & quod sibi noxium est, expellentis, & eò magis, si post hujusmodi clarificationem crassior pars in fundo subsideat alba, lævis, & æqualis. Urina, quæ clara meijtur primùm, deindè verò post aliquod tempus conturbatur, bona; denotat naturam coctionem inchoasse, & illius insigne rudimentum edidisse. Urina crassa, turbida, talisque permanens, ut igni apposita clarescere non possit, mala; Si vires fuerint constantes, chronicum ferè morbum ostendit; Si imbecillitas adsit, ægri mortem præhunciat: fit enim ex crudorum, & crassorum humorum copiâ, quos multi status ijs permisti conturbant, & exagitant, atque ita si vires sint debiles, periculum est, ne ab hujusmodi humorum copiâ suffocentur; si verò validiores sint, longo indigent tempore, ut materia illa concoquatur, & edometur. Urina, quæ turbida mingitur, & talis permanet cum foetore insigni, pessima; significat in vesicâ, aut alijs vicinis partibus gangrænam adesse. Urina nigra in morbo acuto apparens, perniciosa. Denotat insignem humorum

torre-

correfactionem, quæ in atræ bilis naturam eos degenerare facit, undè lethales producuntur effectus. Urinæ subsistentes in morbis acutis perniciosæ; talis enim urinæ suppressio fit vel ab igneo calore serum sanguinis prorsus absumente, vel à naturalium functionum extinctione. Urinæ sedimenta livida, aut nigra, pessima. Enæorema divulsum, inæquale, aut nigrum, malum. Nubecula juxta urinæ superficiem circuli modo erecta in morbis acutis, pessima; instantem denotat phrenitidem, & ex eâ mortem. Urina pinguis, oleaginosæ, nigra, & livens cum sedimento nigro, vel livescente certum exitium pronunciant.

Sudores quoque sæpè in febribus accidunt, & ipsi etiam salutem, vel mortem prænunciant. Sudores, qui cum manifestæ coctionis signis die critico, & rigore præcedente, ex toto corpore, calidi, copiosi, stillantes, & cum vapore erumpunt, & quibus febris, vel perfectè solvitur, vel admodum imminuitur. Ex his boni sudoris conditiones, & regulas elicimus; bonus itaque sudor sex conditiones habere debet, quarum *Prima* est, ut ante sudoris eruptionem coctionis signa apparere debeant. *Secunda*, ut boni sudores die critico erumpant. *Tertia*, ut boni sudores criticum aliquem sequantur rigorem; natura siquidè cum è venis tenues, acutosque humores extrudit, & in corporis habitum propellit, vellicatis partibus sensibilibus, quas illi humores prætergrediuntur, rigorem concitat cum partium extremarum refrigeratione, rigorem verò, & refrigerationem, si

natura satis robusta fuerit, calore foras erumpente, febris acuta, & magna consequitur, cujus calore humores extenuati in copiosum resolvuntur sudorem. *Quarta*, ut sudores copiosi sint, & calidi, atque ex toto prorumpant corpore. Tunc enim robustam denotant facultatem, cum æquè per omnes corporis partes calorem diffundat, ipsosque superfluos humores in sudorem digerat, & æquè per omnes partes resolvat; quòd ei quidè prælanguidæ non succedit, aut cum maligno laborat morbo: sudores enim tunc inæqualiter vacuantur, in quibusdam partibus plùs, in quibusdam parùm, vel nihil. *Quinta*, ut sudor stillans effluat, & cum vapore; ostendit enim naturam pravis humoribus dominari, eosque valdè ad superficiem expellere. *Sexta* tandem, ut ex eo sudore morbus tollatur, vel admodum minuatur.

Ex allatis boni sudoris notis facilius, qui mali sunt, sudores innotescunt, ac proindè sudores in morbi principio apparentes, mali; in principio namque omnia sunt cruda, & nihil potest salutariter excerni, nisi prius debitè concoctum sit. Idcirco vera est hæc doctrina de omni evacuationum genere, quæ in principio morbi nunquam possunt esse salutares. Sudores, qui die non critico contingunt, mali; sunt enim symptomati, à vi morbi concitati, qui enim à naturæ motu benè operantis fiunt, diebus tantum criticis contingunt. Si inter sudandum horror, vel rigor sæpiùs recurrat, malum; Novus iste naturæ conatus magnam illius perturbationem denotat, quæ

non potest propositam evacuationem convenienter perficere, sed denuò insurgit cum magno virium, & vitæ periculo. Undè *sect. 7. aph. 4. A sudore horror non bonum.* Sudatiuncula omnis præcipuè, quæ circa caput, & cervicem apparet, mala. Hæc sudatiuncula plerùmque contingit ob magnam imbecillitatem virium, quæ humores circa cutem existentes continere nequit, ut videre est in syncope, ubi exiguus sudor circa caput, collum, aut pectus emanat, aut etiam in moribundis talis sæpenumero sudor contingit, qui Diaphoreticus vulgò nominari solet. *Frigidi sudores cum acutâ quidè febre, mortem: cum mitiori autem, longitudinem morbi significant. aph. 37. sect. 4.* Frigidi sudores fiunt à calore naturali partium solidarum penè emortuo: cum nimirum sudor ob calorem febrilem intus ferventem erumpens in partibus exterioribus calore naturali jam destitutus refrigeratur. Et quidè ejusmodi sudores semper mali sunt, quomodocumque erumpant, seu copiosi, seu pauci, seu ex toto corpore, seu ex capite, collo, pectore: perniciosiores tamen, qui circa caput solum, aut extremas partes conspiciuntur. Sudor, qui cum erumpere cœperit, statim desinit, malus; significat enim naturam excretionem moliri, & præ imbecillitate non posse opus comple-
re. Sudores assidui, sive modici illi, sive copiosi in febre acutâ, mali; denotant enim naturæ imbecillitatem, quæ humores retinere non potest, ideòque qui continenter sudant, sed modicè, si evaserint, diù saltè ægrotare solent: At si crebrò magnam sudoris copiam profundant, palam

est non multò post eorum virtutem resolutam iri. Addimus, quod sudores quicumque qui per plures dies perseverant, symptomatici sunt, quia critici intra unum diem absolvuntur. Sudor, qui non effluit, sed instar granorum milij in cute apparet, malus; hujusmodi namque sudor in capite, aut cervice tantum apparere solet per synopes, aut alias virium exolutiones, quæ copiosum sudorem effundere non possunt, sed exiguum tantum, qui in tales globulos granis milij similes efformatur. Fœtidi sudores in morbo acuto pessimi; summam enim corruptelam significant, quæ naturalem corporis œconomiam destruit, & evertit. Sudor multus in febre acutâ apparens, eam non imminuens, malus; ostendit enim humorum multitudinem, quam natura difficilè superare potest, & non nisi longo post tempore, quod in morbis acutis non conceditur: ideòque periculum est, ne natura succumbat, antequàm coctionem perficere potuerit.

Restat tandè, ut advertamus, quæ mortis, vel salutis signa exituræ præfagiant: Maculæ purpureæ, quantum est, ex vi coloris salutem portendere solent, cum plures sunt, majores, & coloris benignioris, ità & albicantes, & subpallidæ, quoniam mitiores succos peccantes denunciant, & criticè erumpunt, ac naturæ victoriam ostendunt. Si verò pauciores, minores, & pravi coloris, ut violaceæ, virides, vel lividæ, aut nigrae, symptomatice excernuntur, & naturam succumbere significant, & certam mortem semper pronunciant. Prætereà si postquam apparuerint, &

retio refferit, peffimum fignum eft; indicant enim materiam morificam ad interiora refluere, & mortis formidinem augent, & eò magis fi in exigua quantitate fuerint, nec alia figna falutaria habeant annexa. Exanthemata in varijs partibus apparentia majoris malignitatis foboles funt, quàm maculæ purpuræ, atque adeò majus portendunt periculum.

Tertiò attendenda funt coctionis figna, quibus etfi non fit fidentum, cum fucci maligni coctionem non admittant, tamen fi cum alijs annectantur falubribus fignis, falutem portendere folent; femper autem in hujusmodi cafibus generalis conftitutio attendenda eft, quæ fi ut plurimum ad falutem terminatur, bonus fperandus erit exitus: fi verò ad mortem, nequaquam erit fidentum.

Non incongruum erit hic in prognofis calce, ea figna, quæ proximam animæ exhalationem arguunt, fubnectere, præter ea, quæ notavimus, ut cum mors præ foribus adfit, domeftici magis curent patres fpirituales vocare, qui præftò fint in animæ auxilium.

Frigida fpiratio in morbis acutis proximam mortem fignificat, denotat enim caloris nativi extinctionem. Si corpus adeò grave eft, ut ungues, ac digiti lividi fint, expectanda continuo mors eft. *Ungues nigri, digiti pedum frigidi, nigri, demiffi, vel proclinati mortem proximam effe portendunt. Hip. 8. aph. 12. Si oculi caligant, vel lucem averfantur, qui fomno multo, & æftu detinetur, extra fperam eft.*

aph. 15. *facies*, quàm Hip. penicillo defcribit, quæ *Hippocratica* vocatur, mortem ante oculos denotat: *fuerit autem sanè facies hujusmodi, oculi concavi, nares acute, collapfa tempora, aures frigida, & contracta, cutis in fronte dura, intensa, & arida, color pallidus, vel niger, lividus, aut plumbeus.* Quæ omnia ex peffimis caufis internis contingere folent.

Peffima eft refpiratio, quæ fit cum ftercore, qui omnibus ferè morientibus accidit, ut aliquandò ante mortem in gutture quædam veluti ebullitio, fervor, feu ftrepitus audiatur (Italicè hic *fpera* vocatur): quicumque igitur morbo ingravefcente, ftertor pertinaciter perfeverat, & intenditur, proximi funt mortì, & unum, aut alterum diem ante obitum apparere folet, & ægrum veluti laqueo fufpendit; fignificat enim extinctam omninò facultatem, quæ excrementa ab afperâ arteriâ, & faucibus excernere nequit. Eft tandèm etiam mortì proximus, & extra omnem vitæ fperam pofitus æger, tunc cum inferior venter à fuo motu quiefcit, & thorax tantum fè mover, & hoc ceffante, fcapulæ cum claviculis, nariumque pinnis moventur, & his tandèm motu quiefcentibus, mentum per tres vices movetur, & tunc de ægri vitâ conclamatum eft.

Curatio.

Cum continuarum febrium lædendi modus non fit in omnibus unus, & idem, & ex læfionis, fymptomatumque modo indicatio pro curatione defumi debet, regulam tradamus oportet, cujus

cujus usu in curationis indicatione desumenda est, ne error committatur; sciendum itaque est, quod succus nutrimentalis, dum degenerat, & in continuæ febris fomitem transit, in quatuor differentiis esse potest; Primò, si quantitate, & qualitate sui pravâ eò naturam in solidis partibus opprimit, ut earum motus non solum depravet, sed etiam retardet, ferèque aboleat; Secundò, si quantitate paucus, qualitatè pessimus, idem præstabit. Tertiò, si quantitate multus, qualitate verò non adeò pravâ, naturam gravabit, sed non adeò subvertet; Quartò, si tandem neque quantitate, neque qualitate adeò pravus, ipsam naturam irritabit, sed non opprimer.

Primò, & secundo modo eas febres pariet succus nutrimentalis, qua continuas cum accidentibus appellavit Galenus, medici communiter malignas indignant.

Tertiò, & quarto modo eas concitabit febres, quas Galenus continuas absque accidentibus appellavit, medici communiter continuas sub typo duplicis tertianæ malignitate carentes indigitare solent.

Uniuscujusque modi ex quatuor assignatis signa, & symptomata docuimus, ut certa, & non scrupulosa ex eorum cognitione norma curationis emergat. Si quantitate multus, & in pessimam qualitatem degeneratus sit succus nutrimentalis, ex eo quia aliqua ex suprâ enumeratis dispositionibus præcesserit, assignavimus signa.

Hoc febris genus sicut & aliarum duplici debellatur præsidio, diætetico scilicet, & pharmaceutico; diæteti-

cum in sexrerum nonnaturalium regimine consistit, & quoad primum.

Aër sit purus, serenus, lucidus, & temperatus, & si talis naturâ non sit, saltèm arte paretur: sit itaque ex calido temperatus. Nimis calidus vitandus, quia febrili combinatus magnum incendium, & suffocationem, vel saltem ex spirituum resolutione maximam virium imbecillitatem pareret; frigidus maximè arcendus, poros namque occludit, & diaphoresim inhibet, quæ in hoc febris genere summoperè medicamentis promovenda est, imò omnes ægri febrè malignâ laborantes, aëri frigido se exponentes, omnes moriuntur, ut pluribus compertum est exemplis.

Cibus debet esse rarus, & paucus, sed optimus, & facilis coctionis, qui non faciliter corrumpatur, talis erit panis contritus in pulli juscule excoctus, à carne omninò abstinendum, nam in hujusmodi febribus vis ventriculi digestiva ferè penitus adimitur & caro in pessimam abit corruptionem, & cadaverescit; sorbitionibus itaque potius, quàm cibis solidis alendos esse ægros inquit *Hip. aph. 11. sect. 2. facilius est impleri potu, quàm cibus*. Ejusmodi enim diætæ naturæ magis convenit, citius namque reficitur natura his, nec revocatur à pugnâ, quam cum morbo inivit. Vitanda plurium ciborum ingurgitatio, ne in febrilem degeneret materiam, quia qui tali laborant febre *Corpora habent impura, & quò magis nutries, eò magis lades. sect. 2. aph. 10.* Medicus, & adstantes in ægri incolumitatem conspirare debent, aliter si adstantes, quæ medicus præscribit, aut omittunt, aut intempestivè adhibent,

aut

aut inconsulto medico aliquid circa ægrotum moluntur, certè in ægri vitam conjurant. Verum enim verò nostrates mulierculæ, quæ ægrotis inserviunt, affines, & amici, qui ægrum adeunt, ad vires sustentandas, ut nugantur, pluribus, & varijs edulijs, ac crebrò in eorum perniciem infarcire solent. Verum victus ratio virium incolumitatem, & per accidens curationem respicit. Non tantum mulierculæ insimulandæ sunt, sed etiam medici, qui politici evaserunt, nimium ægrotis indulgentes, & tantum student, ut nobilibus, & plebeis placeant, ac de ægroti viribus solliciti esse videantur, quarum conservatio non ex nimia eduliorum ingurgitatione, sed ex exacta diætâ, & commodâ remediorum administratione dependet, nec quod ingeritur, sed quod digeritur, nutrit, nec cibus, aut potus est graviorum morborum medela, sed medicaminum est satisfactio. Febrientium ventriculus unâ cum toto ægrotat, febris namque morbus universalis est, nec natura materiam morbigificam, & cibum simul concoquere potest, sed deficit ambobus, & interim materia febrilis cumulat, & ob alimentorum copiam læditur digestio, fermentatio corrumpitur, febrili causæ fomentum, & fomitem præbet. Hinc *Hip. aph. 55. sect. 7.* inquit: *Si quis febricitanti cibum præbeat, quem sano exhibet, valenti robur, ægrotanti morbus fit.* Infarciunt febrientes carnibus contusis, quæ in nidorofam, & cadavericam transeunt corruptionem, item juribus consumptis, ovis sorbilibus, testibus pullo- rum, avium, caponum, vitulorum assatis, vel elixatis cum endivia, cicorio,

D. Car. Musitan. de Febris.

aut borragine, & pro secundâ mensâ fructibus, & bellarijs non sine insigni multorum pernicie, & morte. Ità *Asclepiades* Romæ olim ægris balnea, vinum, carnes, & quicquid gratum, & optatum erat, concedebat, & sic Civium Romanorum mentes mirabili artificio ad se trahebat non sine discrimine, & morte. In acutissimis ergò ut plurimum quatuor primis diebus tenuissimus requiritur victus, procedente verò tempore pleniusculo utendum est. Non possumus non commendare Turcas, qui statim ac in febrem incidunt, per tres dies neque cibum, neque potum assumunt, & perfectè absque medicis curantur. Sed hîc observari debet anni tempus, ætas, & morbus, quibus in febris expedit, aut non, juxta *aph. 17. sect. 1.* *Quibus etiam semelne, ambis, & plus, minusve, & gradatim præbere cibum convenit, spectandum. Dandum etenim aliquid tempori, regioni, ætati, & consuetudini.* Fructus horarij, & omnes, aut ex fructibus parata, & olera, fermentando sunt nocua; nam omnia, quæ augere, & ciere fermentationem possunt in febris nocent. Mellita, saccharata, alimenta nimis salita, & aromatica quæcumque in febris insigniter lædunt; hæc enim admodum fermentativa sunt adeoque fermentescendo fermentationem præternaturalem intendunt, & febrem adaugent. Non impellendi sunt febricitantes ad cibum neque blanditijs, neque minis, aut quovis alio modo, quia alimenta quæcumque citra appetitum, & cum nauseâ ingesta non digeruntur, sed putrescunt, & scorias febriles adaugent, undè in continuis febris aliquot dies nihil comeda-

M tur,

tur, hinc consultius est ad cibum non cogere, vel persuadere ægrotos. Cibandi tempus docet *Hip. aph. 11. sect.*

1. *In ipsis tamen exacerbationibus cibum adimere oportet; nam præbere noxium est, & cum per circuitus redeunt morbi, in ipsis accessionibus abstinendum.* Qua in re hoc nostro ævo multum peccatur, ut diximus, in quo plurima hominum pars indiscriminatim alunt ægrotos, nullâ observatâ temporum ratione; Natura enim dum in accessione adversus morbos congregitur, conficiendo alimento minus intenta est, quo fit, ut illud non fermentatum febrem, ejusque symptomata augeat.

Quò ad *potum* attinet, abstinentiâ à potu in febribus detestamur, estò febris in Galenistarum opinamento sit passio calida, & sicca, cui frigida, & humida correspondere debet. Anhela sitis magnum est symptoma in febribus, & de nullo alio queruntur febrientes, quàm de hoc, nec alio restinguitur, nisi potu, cujus interdictum ingentes suscitât molestias, cruorem, solidarum partium alimenta cum viribus, & humidum deprædatur innatum; ideòque stricta sitis sex millies, & ultra aquarum latrocinia patravit, & totidemquæ medicis attulit opprobria. Interdicitur aquæ potus à vulgaribus sub panâ mortis, sed febrientes vulgarium mortem non expavescentes, potiùs morti se destinant, quàm sitim tolerare velint; fracto funesto decreto, restinctâ siti, & per sudorem abactâ febre, rigidos deludunt medicos. Vulgares ad febrientium sitim deludendam, circa thalamum varios arte factos aquarum salientium fon-

tes imponendos jubent, præter fontem arborum ramos, quibus prærietes, & pavementum sternunt, ut aquarum murmure pellatur sitis. Miseri febrientes medijs in aquis aquam quærunt, & parem cum Tantalò fortuntur sortem? Ità *Horat. lib. 1. Serms. Satyrâ 1.* cecinit:

*Tantalus è labris sitiens fugacia captae
Flumina*

His sic stantibus, aquam non affatim potandam concedimus, sed intra limites: *Nè quid nimis.* Non calidam præbemus, quia febrientes non appetunt, quia talem non sitiunt: frigidam autem in remisso, non in summo gradu, & in summo calore; non igitur sitis toleranda, nec quidè subter sudorem, & tùm potus calidus esto.

Febrientium potus sit *aqua cardui sancti, scorzoneria, vel galega*, sed his omnibus palmam præripit *decoctum cornu cervi*, quo nos pro ordinario in febribus præsertim malignis utimur, & plus auxilij hoc, quàm omnia alia medicamenta affert. Maximoperè *aquam cardui benedicti, vel communem, in qua gelatina cornu cervi dissoluta sit*, commendamus, vel *serum lactis optimè depuratum*, depurari debet, ne pars calcosa remanens malum exasperet, & cum pomo absque acido, in taleolas dissecto purificatur. Vulgares extollunt *Lactis serum depuratum, & succo citri acidulatum.* Itèm ad malignitati, & pravitati obsistendum, in potu addunt *citri, aurantium, limorum, vel granatorum acidorum succum, spiritum vitrioli &c.* Verum acidularum in his febribus usus tutus non est.

Vini potus à vulgaribus medicis

arctè

arctè interdicatur, cum febris in eorum sententiâ non sit, nisi merus calor; & ab Hippocrate ignis vocatur, ac proinde febricitanti vinum præbere est veluti oleum ad extinguendum ignem: sed pessimo utuntur consilio, nam calor, seu Hippocratis ignis in febris definitione perijt, cum non sit febris constitutivum, sed accidentaliter consequens, & calor, & febris sunt radicaliter distincta; & concessio, quod calor augeatur, non per hoc & augeatur malignitas: crescit calor, quod vita fortiùs ad causæ occasionalis expulsionem insurgit, imò si caloris molestia vini potu increverit, virium fœnore compensatur, quæ morborum sunt medicatrices. Vini haustulum in febre malignâ nos non improbamus; est enim virium conservator, & præstantissimus restaurator: calor, qui timetur, est à spiritu volatili, in integro verò vini generosi haustu vel scrupulus unus, vel drachma dimidia continetur: quæ noxa à tam parvâ dosi contingere potest? Vinum namque est humanum nectar, idèoque naturæ amicissimum, & vitæ nostræ analogum continet spiritum, est summè cardiacum, vires insigniter conservat, & deperditas restaurat; imò pars ejus spirituosâ nutrit, & non ratò sanguinem adeò promovet, ut ad diaphoresim, vel diuresim disponat. Qui modicè in febribus vino utuntur, vires conservant, & faciliùs convalescunt, qui vino non utuntur, vel naturæ beneficio evadunt, vel diu valetudinarij decumbunt. Nemo ambigit, quin pestis sit febris atrocissima, acutissima, & celerrima, quin absque sudoribus, & vini meracioris potu solvatur. Vinum lymphaticum in

febribus tanquàm valdè proficuum, malignitati maximè adversum, & ut ventriculi languentis lenimen concedimus, verùm à nimio potu abstinendum hortamur.

Motus, & quies modum servant, ne succorum degeneratorum particulæ ob motum nimium agitentur, nimiam concipiant fermentationem, & febrem adaugeant, conveniunt tamen frequentes, & vehementes frictiones, adhuc ut natura ad noxij expulsionem excitetur, Quies magis convenit, ut continuatâ diaphoresi corpus per insensilem evacuationem degeneratos succos deturbare possit, ut pristinus restituatur tonus: Verùm nimia quies nocet, particulæ namque magis torpescunt, & ob cunctationem pejorem nanciscuntur naturam, quæ deindè ob nimiam copiam turgescunt, sanguinem turbant, & febrem intendunt.

Somnus, & vigilia debitam servant vicissitudinem, quod si alterutra excedant, debitis emendentur modis; est tamen infestus somnus sub primum morbi accessum initus, verùm post statum multum est necessarius, præsentim sumpto sudorifero, quia tempore somni sudores copiosè fluunt, Et somnus omnem evacuationem tollit præter sudorem. Item somnus post cibum, & horis quietioribus procuretur.

Sic animus in tranquillitate detineatur, & animi pathemata, ut in primis cura, terror, pusillanimitas, moror, excaudescantia sedulo vitentur; his enim vitam, sanguinem, cæterosque succus alterandi vis inest, vel rectæ rationis moderamine saltem compescantur, aliter febriens in his in-

compescibilis majorem sibi febris malignitatem comparabit, & mortem accelerabit; forti itaque sit animo, & speret in Deo, & ipse eum eripiet.

Excreta, & retenta in statu naturali conserventur, & alvus, nisi suum deponat onus, arte quotidiano clysmatum, vel glandium usu ad scybala deponenda proritetur, quibus addenda hiera, ut naturam ad aliquid molliendum promoveat.

Perlustrata diæteticæ orâ, Chirurgiam, & Pharmaceuticam peragrandam aggredimur, & primò, an in hac febre sanguis sit detrahendus, ambigimus. Veteres Galenici in his febribus, præmisso clystere, sanguinem mittunt, præsertim verò circa febris initia, aliqui non ultra quartum, alij ulterius, cum vires constent, quia in his præter malignitatem adest etiam putredo, & *Saluberrimum esse in omnibus putridis sanguinem mittere*, ita dicente eorum Antesignano Gal. ii. meth. censent. Vel quia ut plurimum malignitas à putredine ortum ducit, ubi autem ingens fuerit putredo, ingens quoque malignitas, & pariter erit incendium præsertim circa viscera; quapropter ingens desideratur ventilatio, & refrigeratio, & præcipuè si adsit, vel immineat aliqua interna alicujus visceris inflammatio, quæ non rarò febribus malignis contingere solet. Ad duo itaque spectant vulgares vel ad malignitatem, vel ad putredinem; Si malignitas putredini prævaleat, minori copiâ sanguinem educunt: Si malignitas putredo magis quàm malignitas prævaleat, majori copia detrahunt, quia ex putridis humoribus intra venas translatis ma-

ligna oritur febris, tutò phlebotomiam semel, bis, aut ter reiterant, donec tota putridi humoris in venis contenti sarcina exonerata sit, & præsertim sanguinem fundunt, si ab aliquâ evacuatione sanguineâ suppressâ ortum habuerit febris, ut in mulieribus sunt menstrua, in viris hæmorrhoides, vel hæmorrhagia.

Cæterum vulgares in sanguinis missione hallucinantur, & præsertim in febris principio, nam vires, morborum medicatrices, quæ tantoperè in superando hoste tam maligno necessariae sunt, perfringuntur, & vix deindè pro ferendo, & vincendo morbo sufficient, & malignitas, quæ velut anguis in herbâ latebat, vires colligit, eas exserit, & sævitiem intendit. Præterea febris hæc non est cognitu facilis, ut non tam vulgarem, quàm etiam cordatum decipiant medicum, quia non statim ostendant pravitatem; blanditur enim hæc, & fallit canum instar, qui caudâ blandiuntur, non latrant, & acrius mordent: Veluti sirenes, quæ cantûs dulcedine sopiunt, sopitos demergunt, devorantque demersos. Insuper in febrium principio nunquàm sanguis mittendus est, quia maxima adest humorum cruditas, & detractò sanguinis, calor imminuitur, & cruditas eò magis augetur.

Nescimus, qua ratione in omnibus putridis sanguinem mittere saluberrimum esse putarit Galenus; supponit enim ipse ex humorum putrescentiâ putridas oriri febres: Verùm si febres putridæ darentur, omnes tali laborantes febre, essent veluti tunc ex putri nati, & putridi absque ullâ salutis spe interirent, quia secundum

dum vulgatum scholarum axioma: *Quod tangitur à putrido, putrescit.* Dicant quæso, quomodò putridum à sano adimunt in harum febrium curatione? Venæ sectio plethoræ, & non putredini debetur; non sanguinis missione putridi humores evacuantur, sed aliâ ope medicâ indigent. Præterea putridi humores vel sunt intra venas, vel extra; si intra, vel in parietibus adhærent, vel cum sanguine fluctuant; si in parietibus, frustratoria est sanguinis missio, nam etsi totus auferatur sanguis, causa febrilis intacta remanet, imo illæsa, quia auferitur sanguis, qui ipsam eluere, vel dissolvere potest. Si in venis fluctuant, & totas occupant venas, quantum libet minutas, non proficies, ex eo quia quod remanet, eodem modo se habet ad vires debilitatas, ac se habet totus sanguis ad vires integras. Si non totus corruptus est, quis pro te spondeat venæ sectione corruptam tantum partem, & non bonam extrahi? Si extra venas est febris causa, ad quid sanguinis missio? forsan ad trahendam, ut vulgi volunt, illam intra venas? Quicquid sit de hoc, certum est sanguinis missione vires minui, & consequenter morbum augeri. Incertum tamen est in vulgarium opinione ipsam juvare, quia ipsorum confessione etiam non demonstrationes, sed probabiles conjecturæ sunt, quæ pro illâ afferuntur: In ambiguis autem melius est vires servare, quam perdere. Adde, quòd febres tenuem expostulant victum ex quo etiam minuuntur vires, quod agnoscen-
tes medici, *Hippocratem*, & *Galenum* deseruerunt, imò rationem,

& experientiam, atque in statu morborum pleno victu uti coguntur, ex eo quia venæ sectionibus, & purgationibus ægrorum vires sustulere, & magis læduntur à venæ sectionibus afflicti ægroti, qui in statu pleno utuntur victu, quam ij qui illarum tyrannidem experti non fuere, ex eo quia ob imbecilles vires concoquere bene non possunt; quapropter cumulantur excrementa, viæ occluduntur, per quas forsan natura crisin tentare vult, & ipsa defatigatur, undè morbo, & medico succumbit. Ad id, quod dicunt venæ sectionem conducere, ut sanguinis massa ventiletur, & calor supprimatur, merum figmentum est, nam adhuc ut sanguis ventiletur, aëri exponi, vel intra venas aërem attrahi necesse est, quod dolosum est effugium, cui praxis repugnat: Nam ubi sanguis est insigniter calidus, & in vasis coarctatur, vix ebullitioni sufficiens spatium habere potest, tunc sanè quandò vena aperitur, potius effervescentia augetur, quia pro ebullitione majus adipiscitur spatium. Tandem suppressæ evacuationes, ut menstruorum, hæmorrhoidum, vel hæmorrhagiæ, sunt harum febrium causæ mediatae, non verò immedie.

Venæ sectionem in hujusmodi febribus tanquam noxiam, & maledictam repudiamus, quia sanguinis effluvia, quæ calida sunt, dum è venis, & arteriis per corpus diffunduntur, tum materiam resolvere, tum naturam sublevare possunt, quæ omninò tor-

pet, ut ad pugnam se accingat; quòd si è venis educatur sanguis, cum novus non regeneretur ex coctionis ventriculi defectu, cessat unica illa spes effluviolum sanguinis pro caloris corporis conservatione : præterquam quòd in harum febrium principio semper adest virium imbecillitas, & facultatum lapsus, quibus præsentibus, sanguis mitti non debet. Prætereà malignitas sanguinis missione non tollitur, sed alexipharmacis. Itèm ex sanguinis missione vasa concidunt, & diaphoresis non faciliè procuratur, & natura segnior facta crises moliri non potest, sed morbo succumbit; in specie verò in febribus cum macularum, vel pustularum excretionem conjunctis venæ sectio instituta est lethalis, quia crism ad cutem factam impedit. In his itaque febribus sanguinis educatio nullum habet locum, adeò ut quòd malignior sit febris, eò magis noceat; idque eò magis quòd seriùs fuit instituta. Tandem vulgares febres malignas venenatas vocitant, atque ideò in his semper venenum inculpant: atqui venenum sumentibus sanguinem non detrahunt, nam ex sanguinis detractio- ne venenum magis ad partes internas diffundi dicunt: ita neque in hac febre venenatâ sanguis mitti debet, nam ita venenum, seu malignitas augbitur, & magis in partes nobiles irrepit. Neque dicant vulgares, quòd disparatio de veneno est, nam in veneno nulla febris adest, nullaque putredo. Non ita dicant, nam quotquot *aquam Tiphaniam*, quæ venenum est, quòd febrem inducit, sumunt; omnes, quibus vena secatur, è medio tolluntur; quibus intactus est sanguis, omnes evadunt

absque alexipharmaco, quòd appropriatum est limonis, vel citri succus. Ex his itaque colligimus febres malignas sectâ venâ magis perniciosas fieri, imò ipsa phlebotomia est ipsâ malignitate malignior, & in certum vitæ discrimen conjicit ægrum, & pauci, quos æquus amavit Jupiter, evadunt. In morbis, qui epidemicè grassantur, ut in pleuritide, dysenteria, ophthalmia, catarrho, angina, febribus &c. sanguinem mittere est certò ægrum jugulare. Infelices, qui in morborum epidemiis decumbunt primi, quia antequàm specificum, & appropriatum remedium per ægrorum funera, quòd morbum extinguit, comperiatur, omnes morti succumbunt.

Neque in his febribus audiendi sunt illi, qui hirudinibus per venas sedis febris materiam educere existimant; nam sanguis ille innocens est, & omninò inculpatus, favetque suo calore mesenterij partes, in quibus febris materia copiosior stagnat: quòd si sanguinis educatione mesenterij partes refrigerarent, omninò de spe salutis, & vitâ infirmi actum erit.

Uno tantum modo extractus sanguis in febribus nocere non solum non potest, sed multum prodesse: est ille, si scarificatâ cute, cucurbitulis sanguis educatur, sed cornettis educi præstat; sanguis enim cutaneus in his febribus veluti grumescit, & non solum naturæ non opitulatur, sed illi onus adauget, impeditque ne per cutem febris materia resolvatur; extrahi potest ad libræ pondus semel, aut bis, post quartum, vel septimum febris diem pro morbi acutie, & validitate.

Maximoperè apud nostrates medi-

castros in febris malignis curandis in statu decantantur Vesicantia, taliter appellata, eo quod vesicam quandam tenuibus repletam ichoribus in partibus, quibus applicantur, excitant: componuntur autem *ex cantharidibus preparatis, seminibus sinapi, euphorbio, fermento veteri, & aceto scillitico*, nam horum præsidiorum ope plures ab his affectibus vindictos fuisse, aut saltem plurimum utilitatis consequutos quotidianæ ferè testantur observationes. Sed quoniam nullum in arte medicâ extat præsidium, quod adeò sit tutum, ac felix, ut nullâ indigeat arte, sed indistinctè in omnibus affectibus, naturis, & quovis tempore adhiberi possit; propterea de vesicantium usu plurimæ ab authoribus institutæ fuere disceptationes, nùm scilicet eorum usus salutaris sit, in quibus morbis, aut quo tempore conveniant, & quibus in partibus sint applicanda, & inter plures signanter opus hoc aggressus est *Hercules Saxonia in suo opere de Phœnigmis*, quorum etiam utilitatem insigniter commendat *Hoëferus in Hercule Medico*.

In frequenti usu vesicantia sunt apud Italos, Gallos, & Hispanos in febris malignis, in statu, ad magnitudinem thaleri, in carpis manuum, vel in pedibus ad promovendam malignitatis expulsionem, quoniam raro sudorifera usurpant. Prodit ex vesicis quidam ichor, quem humorem venenatum, malignæ febris causam appellant, & in primis commendant tunc cum extèrna frigent, & interna uruntur. Itè in tumoribus aperendis, præsertim malignis, in bubonibus, & anthracibus commodissimè ra-

les vesicas excitare solent, nè venenata materia introrsum versus regurgitet, & ita cum præsentis ægri periculo repellatur. Similiter ad capitis affectus apprimè convenire dijudicant, in affectibus soporosis, apoplexiâ, vertigine, lethargo, caro, comate, si hæ vesicæ in nuchâ excitentur, quoniam ibi opus est, ut concitetur dolor, & vigilet æger & si vesicantia sint lenia, & non excitentur cum doloribus vesicæ, tunc sine fructu adhibeantur. Tùm etiam in oculorum affectibus cum fructu applicant, in specie in inflammatione, lippitudine, & similibus affectibus. Vel dentium doloribus applicant pone utramque aurem in semilunæ formam. Ad catarrhum vesicatorium cervicis, & scapulis adhibent. Itè tanquàm optimum præsidium commendant à capite in destillationibus. Tùm etiam in arthritide, & dolore ischiadico, & similibus morbis à lymphâ acidâ oriundis optimè conducunt pro evacuandâ tali lymphâ, ut ejus motus inhibeat. Tùm quoque in hydrope, ut lymphâ maligna causa evacuetur, sed vesicantia hîc non adeò sunt tuta, estò nonnulli aliquandò profuerint, quia partium calor pusillus facillè exstinguitur, & gangrænam sæpè afferre solent. Tùm tandem in paralyti, & atrophîâ, ac sexcentis alijs affectibus, ut alimento conmeatus concedatur.

Profectò hos non infimæ notæ auctores circa tam perniciosum medicamentum delinasse, & insudasse, ac hostem pro amico, & pro alexipharmaco venenum expiscatos fuisse obstupescimus, omnia vesicantium ingredientiæ sunt malifica, & venenata, abundantque sulphure inflammabili,

nimio

nimio sale volatili, acri, exurenti, & caustico, principale quorū fundamentum sunt cantharides. Hæc sulphura, & alia mobilitate suâ, & volatilitate in sanguinis massam se insinuant, ejusque mitionem conturbant, febrilem calorem adaugent, mictum sanguineum cum dysuriâ excitant, & cum lotij stillicidio sanguinem extrahunt, erosio vasis non sine intolerabili ardore, & angustia; hinc perennes vigiliæ, quæculi dolores, inquietudines, virium lapsus, facultatum prosternationes, & ægrotantium clades. His cruciatibus non medela, sed bina in die tonsorum laniena adjungitur. In tantâ symptomatum procellâ natura, quæ est morborum curatrix, in varios præternaturales tumultus agitata, à materiæ morbificæ coctione distrahitur, & à futurâ crisi, quam forsan moliretur impeditur. Omittimus ulcera, (si quandoque ægri evadant) quæ ut plurimum tum ob cachexiam, tum ob malam curandi rationem sæpè chronica, vel cachectica fiunt.

Hoc fallacis medicamenti genus corticem attingit, & nucleum intactum relinquit: corporis superficiem discerpit, & hostem in centro latentem non perstringit: centrum laborat, & in fontem laniat peripheriam: & quot spei lineas ducit, omnes ad mortis centrum properant. Ichor ex vesicis extillans non est nisi latex sanguini innatans, in aquam mutatus, non aliter ac in ambustis observamus, nec ichor iste est malignæ febris causa, quia per vesicantium lanienam eductus, febris, vel salem malignitas imminueretur, quod oppositum experimur. Celebrant vulgares in affectibus soporosis vesicantia, ut in

lethargo, caro, comate, &c. at non soporosus, quia dormit, malè se habet, sed quia malè se habet, ideò dormit, nec somnum impedire utile est, sed solum somni radicem tollere necesse est. Qui itaque per dolorum lanienam somnum suspendunt, ejus radicem non tollunt, & ægrum crudeliter perimunt.

Unicam tantum indicationem habere possunt vesicantia brachijs, & crucibus applicabilia, quam habet sanguis scirificatâ cute cucurbitulæ eductus; verum si vesicantibus tantum spes salutis infirmi reponatur, de illius vitâ actum jam est. Pro signo, non pro horum effectuum curatione applicari possunt vesicantia, quia applicatis his, si nulla sequatur operatio, nulla excitetur vesica, certissima mors expectanda est. Hinc etiam corporibus mortuis vesicatoria etiam fortissima applicata, nullam excitant vesicam; unde si in ægro non operentur, curatio ad mortem terminatur, sic etiam si excitatâ vesicâ, nullatenus purgatio sequatur mors imminet, sed hoc signum multoties fallax experti sumus: Unum tantum pro certo asserere possumus; quod quando locus vesicatus nigrescit, de vitâ ægri conclamatum est.

Expediti à primâ medicinæ columnâ, nempe à Sanguinis missione, ad secundam transitum facimus, scilicet ad purgans Medicamentum, quibus tota vulgare medicina per sanguinem, & merdam innititur: appellant enim vulgares has duas columnas duo magna præsidia; quibus indiscriminatim omnibus in magnis morbis utuntur, & pro his inquit

Hip. Magnis morbis magna præsidia

conveniunt. Verum, an in febre malignâ purgans medicamentum conveniat, & quando, maximoperè ambigimus. Eapropter dicimus nullo modo convenire, quia purgante turbata sanguinis mistio non tollitur, & purgatio directè cacochymiae, non verò febris, & præsertim malignitati debetur; hæc namque antidotis solum, seu alexipharmacis expugnatur. Si ergò conveniat, id indirectè solum, & per accidens, quatenus scilicet unâ cum malignitate quoque in corpore magna nutrimenti degenerati illuvies primis vijs, stomacho, intestinis &c. inhæreat ex prægressis erroribus in potu, cibo, cæterisque à quibus non solum malignitas fovetur, sed etiam augetur; sic enim degeneratorum succorum ubertas minuitur, primæ viæ mundantur, natura facilius sublevatur, crisesque molitur. Id ex appetitu prostrato, nausæa &c, harriolamur ventriculum à peccantibus humoribus esse gravatum, qui prius evacuari debet, nam aliàs alexipharmaca, & sudorifera, si dentur, in ventriculo pravis succis immista infringentur, & non facilè claustra perrumpere possent.

Purgans medicamentum præterquam in principio, primâ die, & non ultra secundam vel tandem tertiam exhiberi potest absque infirmidamno; in principio diximus antequam quamcumquè excretionem aliam per cutem moliatur natura, elapsa est, quia occasio præceps: sed absque spè, quod multum prodesse posset, primâ enim, & secundâ die turbata, atque confusa adeò natura non est, ut ad purgantis stimulos aliquid moliri non possit, quod saltem ali-

quam materiæ portionem non deturbet, id etiam ab authore aphorismorum insinuatum fuit, *aph. enim 29. sect. 2. Cum morbi inchoant, siquid movendum videtur, move: cum verò consistunt, ac vigent, melius est quietem habere.* Et *aph. 10. sect. 4. Purgandum in valdè acutis, si incitet materia, & eâdem die, differre enim in talibus malum est.* Et generosus esse debet medicus in huiusmodi febribus, si causæ pro ijs præcesserint, primo, vel altero die in purgante medicamine exhibendo; fieri enim potest, ut à purgante sollicitata natura contra materiam febrilem insurgat, & in posterum sub illius onere torpeat, quod multum interest ad morbi curationem. Caveant medici, ne quæcumque propinent purgantia in specie in morbi cursu, & à quocumque apparentibus sudoribus, petechijs, aut maculis, & à quocumque stimulo abstinendum, & ne quidè ad clysteres, aut suppositoria accedendum sit, quia sic insigniter naturæ motum retardant. Purgantia itaque ab initio tradenda sunt, quo planè elapso, omittenda, fortiora nocua sunt; nihil enim exitius est, hominem febre malignâ correptum certiùs ad interitum trahit, quam quæcumque in specie ingens, & superflua purgatio, ut pluries experientiâ comprobavimus. Purgantia itaque ab initio tradenda sunt, quo planè elapso, omittenda, fortiora nocua sunt. Lene medicamentum esse debet, quod vulgares minorativum appellant; propinant isti duo purgantium genera, minorativum unum, quod utique in harum febrium principio admittimus; eradicativum alterum, quod impro-

bamus, & ita vocari credimus, non quia febrem, sed una febrientem & viventium terram eradicat.

Inter medicamenta, quæ succum nutritivum degeneratum à fibris educunt, intestina, & ventriculus non lædunt, & naturam non laceſſunt, primum habet locum conserva florum persicorum, ut

℞. Conf. flor. persic. ℥. iv.

Exhibe infirmo immediatè ante prandium.

Mirabiliter etiam id præstat *extra-ctum catholicum*, vel sequentes Pilulæ, ut

℞. Pilul. de tribus Gal. ℥j.

reduc in v. pilulas,

& infirmo exhibe. Reduci etiam posset in formam potus nobile medicamen hoc modo:

℞. fol. sen. or.

polyp. querc.

tart. pulverisati ana ℥j.

manne coactæ ℥iij.

cinnam. contus. ℥iij.

aquæ font. ℔j.

fiat decoctio in vase clauso, & deinde colatura absque vehementi expressione, de qua

℞. ℥viiij. & in eâ diss.

syr. flor. persicor. vel

de succ. ros. persic. ℥iv.

m. f. p. & exhibe.

Describemus nobilissimum, & gratissimum medicamentum, quæ *Manna potabilis* vocatur, vulgò hinc *Aqua Angelica*, quæ pulchrum nanciscitur colorem, & facile delicatulis, infantibus, & his, quibus nausæa premitur ventriculus, & qui solo aspectu medicamentorum odorem perhorrescunt, propinari potest; hæc namque adeo gustui, & palato grata redditur, ut

languentibus in delicijs sit, ut

℞. Tart. opt. pulv. ℥vj.

bull. in aquæ borag. ℔j.

ad medietatis consumptionem, coletur,

& in colaturâ infunde per noctem

fol. sen. or. s. s. mund. ℥℔.

& manè factâ levi ebullitione, coletur,

& diss. in eâ.

Manna elect. Calabrensis ℥iv.

Clarificetur cum albumine ovi; & tra-

jiciatur per manicam Hippocratis. Si

libet, addatur aqua cinnamoni, vel

florum Nymph. Aliqui addunt succi-

limonum, vel citri portionem, ut potio

acida reddatur ad gustatûs oblecta-

mentum, alij in odoratûs gratiam ad-

dunt aquam florum citri, vel aurantio-

rum, &c.

Hac methodo omnes potiones so-

lutive clarificari possunt, & loco man-

næ addere syrapiâ solutiva, confectio-

nes, electuaria solutiva, &c. conve-

nienti dosi, clarificando cum ovi al-

bumine, & trajiciendo per manicam

Hippocratis.

His lenibus purgantibus in formâ

potus in decocto semper admiscunt

laudabiliter vulgares aliqua in pravi-

tatis gratiam, ut sunt cortices citri, ra-

dix tormentillæ, scorzonera, scordium;

ulmaria, succisa, vincetoxicum, vel

contrayerva, &c. & in ipsâ potione

Tryphera Persica unicam unam dissol-

vunt.

Initio in hujusmodi febribus pur-

gans exhibemus medicamentum non

ad malignitatem eliminandam, nam

non habemus medicamentum pur-

gans, quod malignitatem evacuet,

sed ob rationes suprâ allegatas, tum

antequàm vires concidant, & succo-

rum congeries, febris, & malignitas

augeantur, & latè intra corpus dis-

per-

pergantur, tùm antequàm caput pe-
tant, & deliria, vel lethargum &c.
excitent, antequàm cor opprimant,
ac syncopes excitentur, & ideò ma-
gis hoc faciendum suademus, quia in
his non est expectanda coctio; mali-
gni coctionem non admittunt. Verùm
hanc doctrinam non in omnibus in-
differenter commendamus, sed so-
lùm particulariter in aliquibus casu-
bus, & Primò, si febris valida & acu-
ta sit. Secundò, ut diximus, si ma-
gna degeneratorum succorum conge-
ries in primis vijs stagnet, à qua æ-
grum sublevare expediat. Tertiò, si
degenerati succi ab initio in motu ali-
quod membrum motum minentur,
vel si aliqua turgentia species in cor-
pore appareat, verùm hæc turgentia
rarissimè contingit.

Si ventriculus subversione, vel
nauseâ infestetur, vel adhuc cibo sit
repletus, provocandus est vomitus,
quatenùs ventriculum evacuat. Ex
vomitorijs præferuntur cæteris anti-
monialia propter sulphur malignitati
resistens. Pro vomitu itaque ciendo
medicamentum proponimus, quo, qui
hujusmodi febribus correpti usi sunt,
(primâ, secundâ, & tertiâ die, sed
non ultra, quibus exactis, est po-
tius febrientem necare, quàm cura-
re) omnes mortem evaserunt, nec un-
quàm nos fefellisse recordamur, cùm
illud multoties exhibuerimus: Hoc
est medicamentum metallicum spa-
gyricâ arte paratum, quod *Mercurius Vitæ* à pharmacopolis communi-
ter appellatur. Circumfertur etiam
in aliquibus chartulis sub *Algoethi*
nomine, ob inventoris cognomentum,
qui fuit *Victorius Algoethus*. Vis hu-
jus medicamenti ex sulphure antimo-

niali dependet, quod per artificium à
suo corpore fuit extractum, & uni-
versum corpus mundificandi, & na-
turam sublevandi vires obtinet, nam
unico actu profusissimos movet sudo-
res, & per superiora, & inferiora
ventriculi, & intestinorum saburram
exturbat; hujus medicaminis effectus
non admirantur nisi ij, qui illud in
frequenti habent usu: modus exhi-
bendi hic est:

℞. Mercurij Vitæ gr. vj.

f. ejus infusio in

vinu aib. generosi ℥ij.

*spatio decem horarum, separetur tunc
vinum à pulvere, & vinum infirmo
exhibeatur.*

Optimum quidè̃m è̃meticum est
Mercurius Vitæ, sed omnibus emeticis
vehementior est, & eo non nisi in ro-
bustis, & in summâ virium fiduciâ
utimur, & adeò potentissimè humo-
res à toto corpore eradicat per vom-
itum, secessum, sudorèm, & urinam,
& unâ cum his pravitatem eliminat,
ut nihil relinquat, quod recidivam
faciat, & sicut aurum integrè ab omni
inquinamentorum genere purgat an-
timonium, itâ corpus humanum ab
omni impuritate abstergit; ideòque
primis diebus cùm vires vigescant,
propinandum curamus. Sed cùm non
omnibus liceat ire Corinthum, pro de-
bilibus, & delicatulis cautè, & mul-
tâ circumspectione in hoc exhibendo
opus est, ac pro his *Mercurij vitæ* ve-
hementia cicurari debet, ne evadat
Mercurius mortis. Nos ex *Mercurio*
vitæ nobilissimum, tutissimum, &
blandissimum præparamus emeticum,
quod *Hippocras emeticum* appellamus,
infundendo

Mercurij Vitæ ℥ijss.

cinnam. acuti,

caryophyll. ana ʒjß.

in vin. alb. generosi ℥ij.

Et post levem ebullitionem clauso vase in igne arena cum omnibus ingredientibus servatur ad usum, & in exhibitione decantatur. Tanta est inexhausta hujus nostri Emetici virtus, ut lapidem philosophorum æmuletur, nam quò magis de emetico exhauries, & magis reaffundes, in infinitum, & ultrà emetica exhauritur virtus. Est blandum emeticum adeò tutum, ut puerulis ad cochlear unum, adultioribus ad duo, & robustis ad tria exhiberi possit; Leviter omnem saburram in stomacho, & duodeno stagnantem per vomitum rejectat, & lenes movet secessus: nam trium horarum spatium universum corpus sudore, vomitu, & secessu purgabit, & cessatâ medicamenti actione, quod dignoscitur, si per mediæ horæ spatium infirmus non amplius vomat, cibo refocilletur solido, nam liquidum facillimè revomet.

Idem præstat, sed non adeò efficaciter, crocus metallorum, ut

℞. Croci metallorum ʒj.

fiat pulvis,

infundatur in vini generosi ʒij.

per decem horas, vinum à pulvere coletur, exhibeatur eodem modo, quò de Mercurio vitæ scripsimus. Ad idem, sed minori efficacità, valet Calix chymicus ex Regulo antimonij confectus, ut

℞. Vini generosi ʒij.

injiciantur in calicem chymicum, ibi detineantur per duodecim horas, deinde infirmo eodem modo exhibeantur, quò supra.

Est advertendum, quòd dum infir-

mi ex dictorum medicaminum assumptione vomunt, si per vices parum calidi jusculi sorbeant, faciliùs voment, & medicamen tolerabunt. Robustis, juvenibus & ætate consistentibus absque ullo scrupulo exhiberi possunt præscripta medicamenta, cautè verò cum ijs procedendum in pueris, gracilibus, & senibus; isti namque securitatem, incolumitatemque in nostro Hippocras emetico solummodò nanciscentur.

Verumenimverò ultra secundam, & tertiam diem in hujusmodi febribus purgans medicamen, vel vomitum ciens exhibere temerarium est, & contra antiquorum regulas, documenta, & contra ipsam rationem; nam postquam natura infirmi unum, atque alterum febris insultum passa est, confusa est in suis operationibus, neque agit nisi id, ad quod à morbi materiâ urgetur, & non amplius in suâ potestate est ad opportunos fines medicamentum dirigere. Prætereà per illos duos insultus morbi materia in penitiores corporis partes se insinuavit, & quia separata non est, sed per universum corpus per minima diffusa per motum medicaminis non solum non purgatur, sed vehementiùs agitur.

In his ergò ultra secundam omninò medici parere debent Hippocratis textui i. aph. Concocta medicari, atque movere non cruda, modò non turgat, & Galeni regulis in comm. ejusdem textus, & libro quos, & quando purgare oportet, scilicet quòd nisi in urinis coctionis signa appareant, interdum sit medicis ijs remedijs movere naturam, quæ illam urgere possunt ad agendum id, quod in statu salutis agere non solebat; Remanet tamen

ei libertas ea conferre naturæ præstidia, quæ ad illas agendas actiones eam promovent, quas in salutis statu exercere solebat, ac propterea licet medico injectionibus per sedem intestinorum excrementa sollicitare, urinam ciere, & præcipuè insensibilia effluvia per cutem affluenter promoveri: nam degenerato nutrimento nullum expeditius est ad exitum iter, quàm illud per cutis poros, in quod naturaliter inclinat, licet ergo medico hæc omnia tentare, & si opportunè id fecerit, morbi victoriam per naturæ crism reportare feliciter poterit.

Notamus interdum esse febrem purè malignam, & interdum esse cum febre continuâ ardente conjunctam, & rarum est febrem ardentem esse, cui non subsit modò major, modò minor malignitas: in tali ergo casu morbi sunt quasi complicati, & ad illud, quod magis urget dirigenda est præsertim curatio, adeoque interdum ad malignitatem respiciendum est per alexipharmaca, interdum feбри per nobilia præcipitantia, quandoque utrique per moderata acida, aut sulphura metallica fixa antimonialia, nam hæc & ardentibus, & malignis conveniunt. Considerandum itaque, an in febris malignis pura, scilicet simplex adsit, an conjuncta sit febris ardens, ut pro circumstantiarum varietate medicamenta propinanda nunc præcipitantia, nunc sudorifera, nunc sola, nunc mista invicem variare possimus.

Injectionum per sedem variæ sunt formulæ, sed hæc erit præstantior:

℞. Decoct. comm. q. s.

olei.

mell. viol. ana ℥iv.

salis comm. ℥j.

hieræ picræ ℥ß.

m. f. injectio.

Hoc, vel alia enemata non solum in febris principio, ad primam regionem ab excrementis liberandam, sed etiam in toto febris decursu usurpanda sunt, si alvus non fluat spontè, idque singulis, vel alternis diebus; his enim quotidiana subducuntur excrementa, & quædam materiæ morbificæ portio sensim detrahitur. Tum etiam humores ad partes vergentes in contraria loca, eaque naturæ consentanea retrahuntur. Hæc clysmata ex decocto emolliente componenda sunt, adhibitis laxantibus benignioribus: acria, & diagrydiata, quia naturam ad excretionem nimium irritant, & sæpè perniciosos alvi fluxus inducunt, cane pejus vitentur.

Quod si in morbi decursu alvus liquida appareat, non idcirco ab enematis abstinendum, sed modicè detergentibus, & refrigerantibus utendum est. Verum si maculis, & pustulis apparentibus fortè superveniat alvi fluxus nequaquam suppressendus est, nisi copiâ excesserit, aut maculas retrocedere faciat, aut ægrotum sensibilibiter debilitet; est enim quodammodo naturæ motus evacuationem sensibilem molientis, & idèò cautè suppressendus. Cæterum tales alvi fluxus alio tempore venientes, cum sint symptomatiçi, ac subindè lethales, propterea alexipharmacis adstringentia simul miscenda sunt, ut præcaveantur, tanquam funestum symptoma id, quod in febris præsertim malignis cum excretionem ad cutem conjunctis notandum est.

N. 3

Uri-

Urinam provocant *spiritus vitrioli*, *oleum sulphuris*, *sal prunelle*, *sal absynthij*, *sal tartari vitriolatum*, ut

℥. *Tartari Vitriolati* 3j.

in jusculo infirmo exhibe. Optimus etiam est *spiritus salis dulcis* ad guttas decem in jusculo propinatus. Mirabilia hæc medicamina sunt, & præterquam quòd urinam movent, corruptioni resistunt, degeneratum nutrimentum resolvunt, disponuntque illud, ut Naturæ pareat.

Promoveant degeneratum nutrimentum ad transpirandum per cutem ea omnia, quæ cardiaca communiter appellantur, uti sunt *elixir vitæ*, *magisterium perlarum*, *coralliorum*, *confectio alkermes*, *confectio de Hyacintho*, *julepus gemmatus*, *diamargariton frigidum* &c.

℥. *Elixiris Vitæ Quercet.* ʒj.

exhibe in jusculo, vel in syr. de scordio,

℥. *Magisterij Perlar.* 3ʒ.

propina in cochleare de acredine citri Syr,

℥. *Confect. Hyacinth. vel alkermes* 3ʒ.

exhibe in vino generoso.

Quidam recentiores perlas, margaritas, corallia, gemmas, & omnia cardiaca, in quæ hæc ingrediuntur, à penù medico prorsus proscribere conantur, & reverà mulierum auribus, collo, & brachijs magis, quàm ægrotantium stomachis conveniunt; verum nos non omninò inutiles in medicinâ productas, & tantum ad mulierum cultum existimamus; nam harum præparationes in pollinem, salia, magisteria &c. redactæ in aceto, limonum succo, spiritu vitrioli, vel alio menstruo dissolvuntur, omnis horum liquorum acrimonia dul-

cescit, & infringitur. Eodem experimento hæc medicamenta interne assumpta degenerati nutrimenti aciditatem, humorum acrimoniam, & malignitatem demulcere, & obtundere conjectamus. Præterea quæ cardiaca communiter existimantur, quodammodò vim habent diaphoreticam, sed valdè debilem, & his superandis febribus imparem; Nunc efficacia ex triplicato naturæ regno medicamenta, quibus ut plurimum felici eventu utimur, trademus. Omnia erunt sudorifica, vel saltem diaphoretica, quæ nutrimentum degeneratum incidunt, attenuant, & subtiliant, illudque à centro ad universale corporis emunctorium vel in sudoris, vel insensilis halitus formam evocant, vel alexipharmaca, quæ malignitatem expugnant. Hæc medicamenta medicus in promptu, & præ digitis habere debet, eaque per vices variare, ne natura uni, eidemque usurpata nimium assuescat, illiusque energiam propter nimiam familiaritatem contemnat. Addimus, quòd febrium malignarum non semper, nec in omnibus est una, eademque ratio, sed peculiari malignitatis gradu insignita, ideòque pro corporum, anni temporis, & symptomatum varietate admodum diversa: ità ut quod uni profuerit, alteri non conferat. Ideò postquam per aliquod temporis spatium uno usus fuerit alexipharmaco, ad aliud, & aliud transire necessarium erit, mutatio namque medicamentorum multum juvat, & licet alexipharmaca in omnibus eadem usurpari possint, subindè tamen appropriata adhibenda, aut pro symptomatum varietate specificanda.

Hic

Hic notandum volumus, quò major est malignitas, eò frequentius copiosus provocandus est sudor, & ter spatio 24. horarum propinanda sunt medicamenta sudorifero-alexipharmaca, semper tamen habito virium respectu, ne nempe sit nimius, neque æger nimis est stragulis tegendus, experientia namque docuit nimis contactos cum sudore expirasse. Præterea nimia, & profusa sudoris proleccio, serum nimis exhauriendo, sanguinem coagulat, & inspissat. Cum sanguinis massa à sale acri, admodum volatili, & realgarino (in hoc enim sale malignitatis causa consistit, ut de Pestilitate dicemus) ita plus æquo sit dissoluta, ut propriam amittat consistentiam, tunc sal acre, volatile, & realgarinum malignitatis causa corrigi, & emendari debet acidis, austeris, terreis, remedijs oleosis permistis sudoriferis, & alexipharmacis, idque eò magis, quò crebrius sudore coguntur ægri. Huc referimus omnes terras sigillatas, ipsumque adeò sulphur minerale, aut metallicum omne, sed ritè præparatum vitrioli, antimonij &c. Huc etiam spectat *Diascordium*, & *Opiata alia*, quæ impetuosorum humorum effervescentiam, & motum inhibent, ac particulas salinas obtundunt. Sic ad salis hujus acrioris correctionem faciunt salia volatilia blanda, & oleosa, quatenus salem volatilem, acrem, & realgarinum foras è corpore pellunt; sic sanguini debitam restituunt consistentiam, & ægros debilitatos reficiunt. In ipsa sudoris torturâ acida spirituosus mista naribus applicentur, quæ ægros debiles nonnihil animant, ita sunt *acetum theriacale*,

oleum cinnamomi, *tinctura alkermes*, *aqua apoplectica acida*, *spiritus vini*, & similia. Si inter sudandum æger valde sitiat, & lingua sit arida, jusculum succo citri ad gratiam temperatum propinandum, quo non tantum sudoris eruptio promovebitur, sed insuper salis peccantis acrimonia noxia corrigetur.

In vegetabilium Regno *Scordium* inter sudorifera, & alexipharmaca primam sibi vendicat sedem, quomodocumque usurpetur; fiuntque ex eo julepi, syrupi, acetum, aqua &c. valde commendabiles in febribus malignis tam curandis, quam præservandis, & præsertim celebre est in morbis malignis, & pestilentialibus *Electuarium Diascordij Hieronymi Fracastorii*, quod ita componitur:

℞. Cinnam. elect.

terra lemnia,

cass. lign. ana ℥ss:

scordij ℥j.

dictamn. Cretici,

tormentill.

bistort.

gentiana.

galbani puri,

gummi Arabici ana ℥iv.

opij Thebaici,

semin. acetos. ana ℥ss.

styracis calamitæ ℥ivss.

boli Armen. præp. ℥ss.

piperis longi,

zingiberis elect. ana ℥ij.

mell. opt. ℔ss.

vini generosi ℔ss.

syr. ros. ℔j.

Misceantur exactè, & fiat elect. s. a.

Dosis à ℥j. ad ℥j. tam solitariè, quam cum alijs sudoriferis, vel alexipharmacis

maciss

macis misceri, vel propinari potest.

Secundum obtinet locum *Contrayerva*, quæ planta decantata est contra venena, quod vocabulum herbam alexipharmacam significat, quoniam illius pulvis adversus venena præsentissimum est remedium, eaque per sudores; aut insensilem transpirationem evacuat, & tota sudorifera, & alexipharmaca est. Hæc hostro sæculo ab Hispanis ex Indiâ occidentali allata est. Hanc plantam Indi scriptores existimant commune esse alimentum, quo Capræcervi lapidem bezoardicum generantes vesci consueverunt, & ex eâ præcipuè vim alexipharmacam lapidi bezoardico tribui. Dosis est à ℥j. ad ʒss. in formâ pulveris, quæ exhiberi cum aquâ cardui benedicti, aut cum alijs alexipharmacis, & sudoriferis permisceri potest.

Non infimum tenet locum in abigendis morbis malignis *Scorzonera*, præcipuè quæ Viperaria nominatur ob insignis virtutes, quas in venenis resistendo per morsum ab animalibus inflictis habet, in quo nulli cedit simplici, & vis ejus venenis resistendi alexipharmaca satis nota est; undè ejus radix quomodocumque usurpatur, accommodatissima est morbis malignis, & pesti, eapropter in syrupos, electuaria, essentias antipestilentiales, acetum bezoardicum, & conservam paratur, itèm decoctum radicis scorzonerae cum cornu cervi paratur, quo tanquàm basi pro julepis in malignis febribus utimur.

Galega, seu *Ruta capraria* experta est contra viperæ morsum, & historiam refert Forestus de lacertâ cum

Uiperâ pugnante, quæ quotiès vulnerata fuit à Uiperâ, confugit ad hanc Galegam, & aliquid contra morsum decerpfit, postmodum verò hac deficiente, mortua est; in cujus remedium herba per se estur, atque etiam exterius illinitur. Undè maximoperè in febribus malignis, petechialibus, & pestilentialibus maximum est alexipharmacum, & sudorificum: fit ex hac aqua, syrupus, & in emulsionibus, & misturis propinandis usurpatur in morbis malignis.

Tormentilla vi diaphoreticâ, & alexipharmacâ pollet, quapropter sudorem movet, & sub formâ sudoris malignitatem, & venositatem eliminat, & quia una est ex plantis adstringentibus celeberrimis, quæ tota, quanta est, adstrictoria est propterea in quibuscumque morbis malignis cum fluxibus nimijs alexipharmaca, & adstrictoria est eximia. Vndè ejus decoctum, extractum, vel pulvis in morbis malignis cum dysenterijs, & diarrhæis conjunctis, itèm dysenterijs epidemicis, & in morbis malignis cum hæmorrhagiâ maritatis valdè convenit, nam fluxum sistit, & malignitati resistit. Prætereà in hæmorrhagijs, fluxibus uteri sanguineis, & vomitu sanguineo præsentaneum est remedium.

Imperatoria epidemijs morborum, venenis ferè omnibus, ac venenosorum animalium tum moribus, tum ictibus opem præbet, quia sudorifera, & alexipharmaca est, quapropter febribus malignis egregium præbet remedium.

Angelica etiam venenis mirificè resistit, & ad rabiosorum, & venenosorum morsus exterius imposita, & in-

terius assumpta valet, ac proinde alexipharmaca est, quia sudorifera, unde in morbis malignis ejus extractum, vel quocumque usu sudorem promouet, & unâ malignitatem expellit.

Succisa, aliàs ab herbariorum vulgo *Morsus Diaboli* appellatur, hoc superstitiosum obtinuit nomen, quia radix semper ex unâ parte mutila videtur: Unde dicunt nonnulli superstitionibus dediti, quos credulum sequitur vulgus, Diabolum ob tantæ efficaciae radicem humano invidere generi, atque hac de causâ ubi succreuerit, statim eam undequaque dentibus succidere, & circum rodere: quò pervenit humana ignorantia, & superstitio. Hujus radix alexipharmaca est, & sudorifera, unde in febribus malignis ad ℥. j. multum commendatur.

Ulmaria tota, quanta est, planta alexipharmaca, & egregiè sudorifica est, malignitatem expellens foràs sudoris beneficio. Hinc etiam in morbis epidemicis malignis frequentis usus est, & in specie in alvi fluxibus, diarrhœis, & dysenterijs epidemicis autumno ut plurimum grassantibus, ejus aqua stillatitia sæpius pro vehiculo medicamentis bezoardicis in morbis malignis inservit. Extractum ejus à *Quercetano* contra pestem, & febres malignas commendatur.

Cardus benedictus, præter vim antipleuriticam, quia sanguinem ab acido præternaturali coagulatum dissolvit, sudoriferus est, & ob id alexipharmacam obtinet virtutem. Unde febribus malignis, & morbis contagiosis egregiè succurrit. Eadem vi antipleuriticâ, & alexipharmaca *Cardus Maria* potitur:

D. Car. Masitan. de Febris.

Hæc ex vegetabilium regno præcipua legimus tanquàm majori vi sudoriferâ, & alexipharmacâ pollentia, sunt & alia, quæ describere productum esset negotium, & extra chæram progredieremur, minori virtute prædita, quæ brevitatis gratiâ prætermittimus. Ex his, & alijs multa efficiuntur pro febribus malignis medicamenta, ut decocta, conservæ, aquæ stillatitiæ, syrupi, julepi, spiritus, essentia, extracta, & salia volatilia, tam sola, quàm cum alijs combinata propinantur. Eadem nunc hoc, nunc illo modo diversimodè combinata varia conflant sudorifera, & alexipharmaca.

Raymundus Minderus Chylostagma diaphoreticum componit, quod valenter sudorem pellit, venenatamque omnem materiam, & malignitatem à centro ad corporis circumferentiam pellit, & suâ subtilitate corpus undique pervadit, ac putredines abigit. Unde peste correptos adjuvat, febribus malignis adversatur, morbos contagiosos strenuè oppugnat, exanthemata, maculas pulicares, seu petechias, variolas, & morbillos excludit, ejus compositio est:

℥. Succor nuc. jugland. immaturar.
limonum,
acetosæ,
pimpinellæ ana ℔. j. s.
card. bened.
scordij,
ruta ana ℔. j.
scabiosæ.
hedera terrestris,
calendula,
melissæ ana ℥. viij.
chelidonia,
galega,

acori

aceti de rubo Ideo,
 sambucini,
 rosati ana ℥. iv.
 rutacei ℔. j.
 Rad. tormentilla,
 gentiana,
 dictamni albi ana ℥. ij.
 vincetoxici,
 carlina ana ℥ij. ℔.
 petasitidis,
 ostrutij,
 angelica,
 zedoaria,
 Cort. citri ana ℥. iij.
 boletorum cervinor. ℥. ij.
 fol. dictamni Cretici,
 scordij,
 chamædryos ana ℥. j.
 santal citrin. ℥. iij.
 ligni Rhodij pulv. ℥. ij.
 theriaca Andromachi ℥. ij.
 mithridatij Damocratis ℥. j.
 baccar. juniperi recent. ℔. j.
 cortic. median. sambuc. recent.
 fraxini recent. ana m. iij.
 Cortices sambuci, & fraxini unâ cum
 baccis juniperi contundantur in morta-
 rio vehementer, & extrahantur inde
 succi cum sufficiente quantitate aceti de
 floribus tunica, aquæ pimpinella, & ro-
 sarum sumendo singulorum partes equa-
 les. Hic expressus succus permisceatur
 cum succis, & liquoribus supra comme-
 moratis, diluaturque in his theriaca, &
 mithridatium. Tandem verò cætera in-
 cisa, & contusa, in succis, & liquoribus
 jam dictis infundantur, atque ijs sic
 tridui spatium macerentur, postmodum
 lentororidi balnei calore per destillatio-
 nem liquor evocetur, in cuius medietate
 suspendatur camphora in nodulo se-
 rico ligata drachma una, altera me-
 dietas pro iis, qui camphoram non

ferunt, seorsim reservetur. Datur
 ejus portio in syr. de acredine citri,
 additis speciebus liberantis, corpore
 ab ejus usu ad sudorem composito.
 Verum Joannes Zuvelferus in animad-
 versionibus in Pharmacopœam Augu-
 stanam Raymundi Mindereri Chylosta-
 gma diaphoreticum jure merito corri-
 git, quod perperam Theriaca, & Mi-
 thridatium destillationibus commir-
 titur, quia utriusque potior pars sit
 mel, neque ejus vires mediante destil-
 latione elicinequeunt, nisi ad totalem
 humiditatis expulsionem urgeantur,
 quod in lento roridi balnei calore per-
 fici non potest. Reliqua videte apud
 eundem.

Nos sequentem miræ efficacis spi-
 ritum alexipharmacum composuimus,
 qui talis est:

℥. Radic. scorzonera,
 imperatorie,
 angelica,
 bardana,
 zedoaria,
 contrayerva ana ℥. iij.
 Herbar. scordij,
 galega,
 morsus Diaboli,
 vincetoxici,
 dictamni Cretici.
 cardui sancti ana m. j.
 Semin. citri ℥. ij.
 ocymi ℥. ℔.
 Cort. citri recent. extim.
 anrantior. ana ℥. ij.
 baccar. juniperi ℥. j℔.
 hedera arborea ℥. ij.
 incidenda incidantur, & contundenda
 contundantur, & infundantur in
 vini spiritus ℔. vi.
 stent per octiduum in loco calido, in cu-
 curbitâ vitreâ, imposito alembico cæco,
 jun-

*uncturis optime clausis, ne quid expi-
ret. Tandem imposito alembico rostrato,
fiat destillatio in B. M. Lentissimo igne
ad siccitatem usque. Hac finita destilla-
tione, destillatum facibus reaffunde, &
uncturis clausis, digere per triduum,
deinde destilla per cineres lentissimo
igne, destillatum circula, & usui
serva.*

Quantæ efficacæ, & valoris sit hic
noster spiritus alexipharmacus in fe-
bribus malignis, & pestilentialibus,
experientia te docebit, nam volatili-
tate suâ momento in omnes corporis
venas se inserit totumque pervadit
corpus, nutrimentum degeneratum
in penitioribus delitescens à centro ad
peripheriam potentissimè evocat, pu-
tredini resistit, malignitatem cicurat,
& utramque sensibilibiter, vel insensi-
bilibiter evacuationem per universale
corporis emunctorium promoveret;
exanthemata, petechias, morbillos,
& variolas ad expulsionem impellit;
partes roborat principales, spiritus
reficit, cor exhilarat, animi deliquia
pellit, syncopes delet, & languentem
excuscat calorem, valetque pluri-
mum tam in curatione, quam in præ-
servatione. Dosis 3. j. ad ij. in vehi-
culis appropriatis.

Sunt nonnulli medicastris, qui in
alexipharmacis, & bezoarticis calo-
rem timent, & eò magis si cum vini
spiritu conficiantur, perhorrescunt,
ne febribus intendatur calor, verum
si hic intenditur, malignitas enerva-
tur. Saltem ad alexipharmacorum, &
bezoardicorum efficaciam extrahen-
dam vino utantur, nam in aquâ nulla
fit extractio, undè sequens nostra
Aqua alexipharmaca optima erit:

*℞. Rad. tormentilla,
bardana,
enula campana,
angelica,
gentiana,
pimpinella,
Zedoaria ana 3. ʒ.
fol. betonica,
scabiosa,
hyssopi,
ruta,
centaur. min.*

*cort. median. fraxini ana p. ʒ.
Incidenda incidantur, contundenda
contundantur, & infundantur in
vini alb. opt. ℔. iij.
adbe theriaca opt.
mithridatij ana 3. ʒ.
pulv. terre sigillat.*

*santal. citrinor. ana 3. iij.
misce, stent in loco calido per v. dies,
deinde destilla omnia in alembico, len-
to igne ad remanentiam duarum par-
tium, & usui serva.*

Vel saltem, si vini spiritum, quia
igneus est, timent, illum aquâ fonta-
nâ diluant, ut ejus æstus temperetur,
qua de re sequentem *Aquam bezoar-
dicam* componimus:

*℞. Rad. carlina exsiccata ℔. ʒ.
petasit.*

*contrayerva,
vincetoxici ana 3. ij.
fol. scordij.
flor. hyperic.
absynth. ana 3. iij.
m. f. pulvis, cujus.*

℞. 3. xii.

aqua fontis ℔. ij.

spiritus vini rectificat. ℔. j.

*misce, & post quatuor, vel quinque di-
gestionis dies destilla per vesicam ad
medietatem. Dosis pro præservati one*

cochlear j. pro curatione iij. reit-
rando semel post quinque horas de-
super sudando, quousque meliorari
sentiatur æger.

Plura alexipharmaca ex Vegetabi-
lium Regno descripsimus, sed quia
his plena sunt omnia opera medica,
merito præmittimus. Præterea ex
aliorum, & his nostris receptis
quantum conjicere potuimus plantas
alexipharmacas vertiginoso cursu, &
vitio o circulo ferri, & varia alexi-
pharmaca diversimodè combinata fie-
ri: eodem ferè modo ac ex viginti literis
latinis diverso concursu, ordine, & po-
situ diversa complentur volumina, &
tamen eadem sunt literæ, figuræ tan-
tùm differentes; vel ut ex atomis
diversimodè combinatis, & situatis
Universum constat; non aliter ac in
eodem chartæ folio agyræ facere so-
lent, cum quo rerum mille figuras,
modò has, modò illas repræsentant
plicarum seriebus momento mutatis.

Theriaca innumeras in omnibus
ferè morbis obtinet virtutes, nec est
morbus, cui non competat, & præ-
cipuè expertum est alexiterium ad-
versus venena, & venenatos morbos,
in specie ex vegetabilibus, & anima-
libus, non verò mineralibus; undè in
pestilentibus constitutionibus, ipsi-
simâ peste, ac eò magis in febre
malignâ, quæ est peste mitior, ale-
xipharmaca est non tantum ad præ-
servationem, quantum ad curatio-
nem. Hinc merito omnium medi-
camentorum Reginam nominamus,
& nunquam à sublimi, & pristino
majestatis throno deposita fuit ob
promissionum certitudinem, & actio-
num efficaciam singulari multorum
encomio celebratam, & non nisi in-

terituro orbe deponetur. Antiquitus
solum Imperatoribus, & Regibus
magnis sumptibus simplicia ad ejus
confectionem à diversis orbis parti-
bus comparantibus usui fuisse con-
stat, cujus confectio non nisi medicis
Cæsareis, & Regijs ob fidem pecu-
liari privilegio credebatur. At nunc
simplicia ejus compositionem ingre-
dientia, quasi intra proprios lares
oborirentur, ac proindè multis suc-
cedaneis conspurcata eas non patrat
morborum sanationes, quas olim fe-
liciter moliebatur, quia à pharmaco-
polis tenuissimæ fortunæ, & lucri
cupidine allectis, januis clausis, & à
multis impostoribus clam confici-
tur, & utinam non desiderarentur
aliqua simplicia, quæ essentialia sunt,
ideoque nunc vilis prostat ob ejus
ignaviam, & vilem mercedem, quia
nunquam pretiosæ merces vili pre-
tio comparantur. Tantum Venetijs
optima, præstantissima, & omnibus
absoluta conficitur theriaca, & totam
Italiam, & ultra peragrat, quia provi-
dus, & augustus Senatus in ejus con-
fectione pharmacopolis sapientiores
præficit medicos, & salutis deputa-
tos, ac aperto Jove, undique concur-
rentibus civibus, & exteris, con-
ficitur.

Ex theriacâ aqua theriacalis fit, &
ipsi theriacæ præferenda videtur;
est enim tenuissima, valdè spirituo-
sa, & volatilis, facilius, & citius pe-
netrat, totumque corpus pervadit.
Præstantissima est in febribus mali-
gnis, petechialibus, peste, variolis,
& morbillis. Sudores prolicit, ma-
lignitati, & humorum putredini re-
sistit, lumbricos enecat, & utramque
evacuationis paginam tam sensibilis,
quàm

quàm insensibilis complet. Humores laudabiles conservat, vitiosos corrigit, partes principales roborat, viresque restaurat.

Timent nonnulli theriacæ caliditatem, undè pro eâ temperandâ varios excogitârunt liquores, & succos, quibus theriacæ energiam proliciant. Valdè temperatam *Bauderonij Aquam Theriacalem* nonnulli existimant, quia alium non recipit liquorem, nisi acetum, & succum limonum, à quibus calide ingredientia valdè temperantur; ideoque ab ℥ss. ad ℥j. in aquis, vel decoctis sudoriferis exhibent. *Lazarus Riverius* eodem afflictitatus scrupulo aliam paratu facillimam majori febrem refrigerandi vi præditam, & malignam qualitatem oppugnantem excogitavit, quæ in toto morbi decursu usurpari valet, ejusque compositio talis est:

℥. *Limones recent. & succolent.*
num. XII.

Cortices, & semina eximantur, succus exprimatur, eique adde cortices prædictos, & semina,

succi scordij lib. iij.

acetosa,

card. bened. ana lib. j.

rasura corn. cervi ℥iv.

theriaca veteris ℥vj.

Cortices limonum in tenues laminas decidantur, semina contendantur, & herbae, quæ minus habent succi inter contundendum succo limonum irrorentur, omniaque destillentur in MB. Hujus aquæ detur ℥j. per se, vel cum aliis liquoribus permista.

Nostrates medici eodem theriacæ calore perculsi omnes *Aquam Theriacalem Petri Salij* præscribunt:

℥. *Succ. ruta capraria,*

acetosella,

scordij,

citrij ana lib. j.

theriaca ℥j. ss.

Commista macerentur in B. tepido, deindè destillentur ad siccitatem usque, aquam destillatam serva. Dosis ℥ss. ad ij.

Inepta, & nauseabunda aqua theriacalis est tam *Lazari Riverij*, quàm *Petri Salij*, quæ illorum medicorum libidinem explet, qui aquam theriacalem sine vino, vel vini spiritu exoptant, vel cum reformidant; nam hi succi, nullâ præcedente fermentatione, nil dant, nisi insipidum phlegma omni virtute, & efficaciâ cassum, ignavum mēstruum, & improporcionatum ad omnem extractionem, & theriacâ conspurcatum. His utuntur succis, ut theriacæ calida ingredientia temperent, & vini spiritum aufugiant, quia calidus, sed frustrâ laborant, nam sine vini spiritu nulla fit extractio, neque vini spiritum in dosi exili in hujusmodi febribus timere debent, quia theriacam volatilisat, & vehit, & demus, quod febrem augeat, malignitatem obtundit. Præterea misceri potest eum aquâ *scorzoneræ, ruta caprariæ &c. vel cum syr. de scordolo, acredine citri, cardui sancti &c.*

Sequens aqua Theriacalis est cum spiritu vini,
ut

℥. *Spiritus Vini opt. rectificat.*
lib. j. ss.

theriaca veteris ℥ viij.

myrrh. elect. ℥j. ss.

Croci orient ℥ ss.

misceantur omnia, & infundantur per 24. horas, per cineres in alembico vitreo lentissimo igne destillentur, destilla-

ta circulentur in ventre equino, & iterum destilla, & serva. Erit aqua summe efficax in sudoribus provocandis, in febribus praesertim malignis, pestiferis &c. Dosis 3 ij. in aquis syrupis, julepis &c. appropriatis, jejuno stomacho.

Mithridatium celeberrima est antidotus, quod à Mithridate Ponti, & Bithyniae Rege nomen, & famam accepit; hoc enim adversus venena se praemuniebat, & venenis vitam alebat, tandem ne in Romanorum triumphum raperetur, cum frustra saepius venenum bibisset, concidit suam manu. Mirificum est *Mithridatium* curativum, & praeservativum electuarium pro venenis, unde in debellandis tam exterius morfu, vel alio modo inflatis, vel interius ingestis; in febribus malignis, & peste nullum datur majus remedium: theriacae pares habet vires, & eodem modo morborum miriades curat, & ab illis praeservat. Hinc nonnulli ex hoc electuario unam cum theriacâ *Aquam theriacalem destillatam* conficiunt, ut

*℞. succ. cort. nucum virid. lib. iv.
ruta.*

*cardui sancti,
calendula.*

melissae ana lib. ij.

*Rad. petasit. recent. lib. j. ℞.
bardana lib. j.*

angelica recent.

imperatoriae ana 3 vj.

fol. scordij m. iv.

theriacae veteris,

mithridatij ana 3 viij.

vini generosi lib. xii,

aceti vin. alb. acerrimi lib. vj.

succ. limon. lib. ij.

Infundantur in vas vitreum, quod opti-

mè claudet, & per duos, vel tres dies stent in Balneo, vel in ventre equino, deinde destilla s. a. & servetur ad usus. Dosis 3 j. ad ij. vel iij. Potentissimum est alexiterium contra quaecumque venena, pestem, similesque morbos malignos, & contra omnem aëris infectionem, à quibus praeservat, & curat.

Nostrates medicastrum nunc in febribus malignis *Antidotum Matthioli* magnam energiam, tanquam magnum arcanum in his necessariò depellendis praescribunt, unde qui optimae notae medicus videri exoptat, ad hoc tanquam ad sacram anchoram recurrat oportet: eunt, quò itur, & omnes in eodem libro legere conantur. Optimum quidem Antidotum, nam Theriacen, & Mithridatium excellit, cum ingredientium numero ferè innumero longè superet; imò tantam simplicium congerie Matthiolus hanc suam antidotum saginavit, ut penè trecentis octaginta, & plura congesserit, & hæc octies, septies, quinquies, quater, & ad minus ter, vel bis iterarit, nec his contentus, ut antidotum omnibus humeris absolutum conficeret, ad composita, ut species cordialium temperatarum, diamargariti frigidi, diamoschi dulcis, diambrae, de gemmis frigidis; ad trochiscos de camphorâ, scilliticorum, de viperâ, tandem ne medicamentum tam simplex, quam compositum intactum relinqueret, ad theriacam, & mithridatium recursum habuit, ut magnum, & antidotorum antidotum moliretur. Hujus antidoti auctorem rerum simplicium, & compositarum medicinalium cognitionem potius ostentare, quam medicæ necessitati satisfacere voluisse credi-

credimus. Verùm ex hac tot ingredientium confusione antidotum confecit, cujus vires assignatæ promissis non respondent, nam integræ libræ comestæ neminem à veneno, peste, febre malignâ, aut aliquo alio illorum morborum, in quibus hæc antidotus celebratur, immunem præservare, aut ipsdem infectum liberare potuerunt, undè cum *Horatio in Arte Poeticâ de Antidoto Matthioli* dicere possumus:

amphora cœpit

*Institui: currente rotâ, cur. urceus
exit?*

Cœterum pro Matthioli Antidoto feliciori successu substitui potest Theriaca, vel Mithridatium.

Opiata ad vegetabilium regnum spectant, & in febribus malignis quibuscumque utramque faciunt paginam, nempe vitam sedant, & sudoris excretionem promovent; hinc symptomata leniunt, vigilias, & deliria præcavent, & impetuosos humorum effervescentium motus impediunt, & compescunt, in specie horrendum, ac metuendum sæpius sanguinis per nares profluvium sistunt. Ità sunt *Nepenthes Quercetani*, *laudanum opiatum à nobis in Mantissâ descriptum* &c. Verùm propinari debent pro salutari usu tribus conditionibus, Prima, quòad tempus, nunquam in statu morbi, sed tantum in principio, & præcipue in incremento. Secunda, viribus adhuc constantibus, quas aliàs debiles spiritus sopiendo, magis debilitant, nec dum quando omnia sunt desperata, quia tunc inutilia. Tertia, tunc cum naturæ motus non solum prohibent, sed si crisis immi-

net, propinari non debent. Exhibendi modus est, ne propinentur solitarie, sed semper appropriatis, vel diaphoreticis, vel specificis mista, quia tunc jucundiùs, & feliciùs operantur; undè in febribus malignis semper permisceri debent cum medicamentis bezoarticis, alexipharmacis, cum *bezoartico minerali*, *Joviali*, cum *salibus volatilibus*, ut *viperarum*, *cornu cervi*, &c. quia siquid his subest, facilè corrigitur; eapropter *nostrum laudanum Opiatum* præ omnibus maximopere conducit, quia alexiterijs, & diaphoreticis constat. Undè & *Theriaca*, & *Mithridatium*, & *Diascordium Fracastorij* præferuntur in malignis, quia super basin opij sunt constructa. Notamus tamen, quòd theriaca sola absque acido adjuncto propinata in malignarum principio, præsertim cum fervore excessivo, seu effervescentiâ nimia conjunctarum, non nihil sit suspecta: quoniam per se sola nimiam sanguinis turgescientiam excitare solet: ergò miscenda cum aceto theriacali, aceto rutaceo, &c. quæ sanguinis effervescentiam nimiam blandè compescunt.

In vegetabilium regno non datur potentius alexipharmacum *camphorâ* tam interne, quàm externè, & stupendos præstat effectus in peste, & febribus malignis. Est adeò volatilis, ut in pyxide coërcita, nullo vestigio relicto, exhalet, ut enim conserveatur, & non exhalet, cum aliquot piperis granis, vel lini seminibus confociatur. Est ergò liquor totus oleosus, & volatilis condensatus, vel potius est sal volatile quoddam concentratum cum pinguedine sulphureâ, & oleosâ, ac proinde adeò penetrantis,

& volatilis est naturæ, ut accensa vehementissimè medijs conflagret in undis: ideóque potentissimè penetrat, per totum corpus minutatim se insinuat, & à centro ad corporis peripheriam nutrimentum degeneratum unà cum malignitate per sudorem profusissimè; vel insensiles exhalationes expellit. In febribus malignis miscetur cum sale volatili cornu cervi, vel sale volatili viperarum, addito antimonio diaphoretico, ut

℞. Antimonij diaphoretici ℥j.

*salis volatilis cornu cervi, vel
salis volatilis Viperarum gr. viij.
camphoræ gr. ij. iij. vel iv.*

pro ratione ætatis;

m. f. pulvis pro unâ dosi,

qui singulis octo horis repetendus est.

Solvitur camphora pro eâdem febre malignâ in spiritu theriacali, & fit spiritus theriacalis camphoratus, qui est tertium ingrediens mixturæ simplicis.

Citrus ità totus alexipharmacus est, ut non sine ratione omnibus theriacis, mithridatijs, & confectionibus magistralibus in usu antipestilentiali, & alexipharmaco præponatur. In morbis malignis tam præservandis, quàm curandis, post sudorem nihil melius, quàm succus citri acidus confert, sive assumatur succus in potu, sive super alimenta exprimatur: nam quandò cum sudoribus spiritus deficiunt, & imbecillitas oritur, assumpto citri succo ejus aciditas sanguinem nimis fluxilem moderatè coërcet, & debitam ei consistentiam restituit, simulque malignitati resistit, ne cuniculos agere, & se multiplicare possit. Ex citri semine ordina-

riè fiunt emulsiones in morbis malignis, variolis, morbillis, & petechialibus.

Nux juglans, sive *nux regia* à nocendo dicta fuit, quia gulæ, linguæ, & palato nocent nuges; in nimia namque quantitate comestæ, & præsertim siccæ tussim excitant, cruditates, vertiginem, & sitim inducunt, & certum est versantes, vel ad tempus sub plantæ umbrâ dormientes cephalalgia, & quandòque febre affligi: emit tit enim pravum halitum, qui cerebrum protinùs irrepit, ideóque juxta semitas plantatur, & hac de causâ his dolet carminibus:

*Nux ego juncta via cum sim sine crimine
vita,*

A populo saxi praterente petor.

nec adeò nux noxia, quin in se aliquid boni non coërcet; condidit quandòque natura venenum, in cujus sinu alexipharmacum abstruxit. Conditæ, cum impregnatæ sint aromatis, valdè pro capitis, & stomachi corroboracione internè conducunt, & erigunt etiam membra ad Venerem torpida. Succus ex his putaminibus viridibus expressus, & inspissatus vocatur Robnucum, quod in faucium affectibus, & præcipuè in inflammatione uvulæ, tonsillarum, & in anginâ conducit. Præ omnibus est maximum contra venena præservativum; nota namque est antidotus Mithridatis, qua se præservasse fertur à quocumque veneno, & constat ex aliquibus nucibus juglandibus, aliquot folijs rutæ, & aliquot ficibus, adeò ut ab omnibus semper nucibus juglandibus adscripta fuerit vis contra venena. Hinc in Belgio prostat *Aqua Prophylactica*
contra

contra pestem, & febres malignas, aliosque morbos malignos epidemicè grassantes, cujus primarium ingrediens sunt nuces juglandes; modò non sint basis. Ejus compositio est hæc, nam quia non ubivis est obvia, describere lubet:

℞. Rad. angelica,

Zedoaria ana ℥j.

petasitidis ℥ij.

fol. ruta ℥iv.

melissa,

scabiosa,

flor. calendula ana unc. ij.

nuc. jugland. immatur. concisar. ℔ij.

pomor. citrior. recent. concisor. ℔j.

Contundantur omnia simul, deinde affundatur acetum vini optimi ad tres, quartas partes, ex arenâ in cucurbitâ vitreâ per se destillati lib. vii. Digerantur per noctem, deinde destillentur igne cinerum lento ad siccitatem, idque sine unctione, & acetum hoc usui serva.

Si extractum, & sal tibi placet, affunde destillatum capiti mortuo, si-ve remanentiæ, ac per triduum digere, ad extractionem tincturæ, quam filtra, filtratam destilla in MB. ad extracti consistentiam: caput extrahe. Descriptionem hanc habet *Barbette in praxi lib. 3. cap. 3.* uti etiam in *tractatu de peste.* Compositio est elegans, & frequentis est usus, ut diximus contra pestem, & alios morbos malignos, & epidemicos.

Peragrato Vegetabilium Regno, ex quo eas selegimus plantas, quæ virtute alexipharmacâ, diaphoreticâ, & sudorificâ febres malignas pellere naturæ sunt; nunc Minerale Regnum inquiramus oportet, ut inde ea eruamus medicamenta, quæ fixiori energiâ pravitatem eliminant. Ex mine-

D. Car. Musitan. de Febris.

ralibus duo elicimus medicamenta, sudorifica nempe, & diaphoretica, & ob hanc rationem alexipharmaca sunt, & in omnibus febribus tutissima, & saluberrima censemus; natura namque quamplurimos acutos morbos criticè per sudorem, vel diaphoresim feliciter curat: imò morbi illi qui catharticis, emeticis, & alterantibus curari nequeunt, quia radices altius habent fixas, ut epilepsia, paralyse, contumaces catarrhi, hydropes, arthritides, lues Venerea, &c. sudoribus eradicantur, imò in intermittentibus febribus ordinariò paroxysmum fausto sudore natura finit. Insuper in malignis febribus hoc totum ejus est negotium, ut per cutis poros malignitatem eliminet, cujus vestigia non rarò sunt exanthemata, petechiæ, & pustulæ per corporis superficiem disseminatæ; ideòque nulla febris tuto absque futuræ recidivæ suspitione curari potest, nisi corpus maduerit. Hinc medicus naturæ Simiolus sudorem provocare debet, quia sæpius necessitas indicatur, cum indubitatum sit tertiam morborum partem per sudorem, vel auctam saltem insensilem transpirationem curari posse. Ea propter semper medicum in praxi curare oportet, ut cutis pori conserventur reclusi, ne ijs occlusis, aut præsens augeatur morbus, aut superinducatur ipsi novus. In febribus malignis semper materia morbifica est cruda, idest non separata, sed potiùs in fibris, vel sanguini participata in ipsis fermentat, prius coquatur, i. præcipitetur, & separetur oportet, aliàs enim vel sudor sequitur nullus, vel crudus latex aquosus cum copiosis spiritibus volatilibus exhalat sine ægri levamine,

P

imò

imò potiùs cū summo ejusdem dispendio; tunc ut his casibus occurramus, præcipitantia præmittenda sunt, vel sudoriferis addenda. Imò non raro post præcipitantium usum spontanei sequuntur sudores, sed hoc non est necesse, ut rigorosè adeò observetur in morbis malignis, ubi non est materiæ cruditas. Hæc ergò asseverant ea, quæ alibi dicta sunt aph. Hip. de concoctis evacuandis tam de purgantibus, quàm de diureticis, & sudorificis esse.

Medicamenta sudorificā, & diaphoretica ea censemus, quæ nutrimentum degeneratum, & sanguinem colliquefacere apta sunt: sed cū eorum consistentia sit à subtili eorum acido, omnes particulas in primis nutrientes, cæteris permixtis blandè coagulatis, sicque in debitā unione conservans, patet ex hoc facilè, quia sudorifica operantur, quatenus hoc acidum temperant, vel ejus actionem impediunt; non enim calefaciendi, & attenuandi vim habent, quam ex insipido eorum sapore colligimus, cujus ratione etiam delicatioribus quibusvis ægrotantibus, & ingrata respicientibus medicamenta facilè exhibemus. Sunt hæc diaphoretica in duplici discrimine, prima sunt positivè talia ex. c. spiritus volatiles salini omnes, ut *cornu cervi, urina, sanguinis humani, viperarum* &c. Itè talia fixa, ut cardui benedicti, absynthij, tartari. Itè vegetabilia, ut *angelica, centaurium minus, carduus benedictus* &c. Similiter *camphora* &c. Hæc enim ceu alkalia pura, vel his copiosè imprægnata præcipitant acidum, & sic effectivè sanguinem attenuant, & fun-

dunt. Secunda privativè talia, quæ non constant tali alkali manifesto, sed vel hoc sunt imprægnata occultè, vel sunt talia, ut absorbeant acidum in se, vel alio modo ejus activitatem impediunt, ut *terra sigillata, oculi cancerorum, lapis bezoar, antimonium diaphoreticum, cornu cervi usum, vel philosophicè preparatum* &c. dū enim ab his imbibitur acidum, & hoc ea aggreditur solvendo, sanguis, vel degeneratum nutrimentum attenuatur, & resolvitur, & sic sequitur sudor, & ita etiam perbellè discurret *Etzmüllerus*.

Magnum discrimen est inter sudorifica, & diaphoretica; sudorifica enim ea sunt, quæ sanguinis, vel succum alimentalem post sustentationem attenuant, & fundunt, & in halituosam substantiam convertunt, quæ vapore tenus ad corporis ambitum fertur, & roris instar per glandulas cutis milliares transsudat, & in guttulas concrevit sensim decurrentes; Diaphoretica verò ea sunt, quæ diaphoresim i. insensilem augment evacuationem, & hanc eandem materiam insensibiliter, & perenniter resolvunt, non secus ac afflatus anhelitus æstatis tempore invisibiliter in auram ambientis calidam evanescit; ab externo autem hyemis frigore, mox condensatur in vaporem visibilem crassæ nubeculæ instar. Undè insensilium transpirationum nubecula semper nos ambit, & hæc diaphoresis, seu insensilis transpiratio, teste *Sanctorio in Staticâ Medicinâ* omnes sensiles antecellit evacuationes. Felix ille in morbis curandis medicus, qui optimæ notæ diaphoreticum est assequutus, nam ferè majorum

orum morborum partem absque sensibili, & manifestâ depellet. Sunt nonnulli medentes, qui Mercurio diaphoretico primi ordinis potiri gloriantur, sed ejus operationes nomini non sunt consonæ, nam quandoque per secessum, vel vomitum operatur, & si diu assumatur pryalissimum excitat: Considerate quæso, an sit diaphoreticus?

Ex minerali Regno antimonialia fixa omnibus alijs medicamentis palmam præripiunt, quia antimonij sulphur de naturâ solari nonnihil participat, malignitatem figit, fixatamque per corporis poros nonnihil educit. Hinc bezoartica sive minerale, solare, sive Joviale &c. pro basi antimonium agnoscunt. Placet huc bezoartici mineralis præparationem transferre ex nostrâ Pyrotechnia Sophicâ lib. 4. cap. 4. articulo unico ut

℥. Spum. venenat. duor. Drac. semel rectificat. ℥iv.

his calore resolutis superfunde spiritus salis balsamici uncias totidem guttatim, ne nimia ebullitiones spirituum jacturam faciant. Destilla ex arenâ per cucurbitam cum alembico omnem liquorem ad siccitatem usque, terram exime, & probe tere, eique liquorem destillatum reaffunde cum ℥ij. spiritus recentis balsamici, & destilla ut antea. Huic pulveri trito reaffunde liquorem destillatum cum alijs ℥ij. ut supra, & procede rursus, ut prius. Massam tritam trade Vulcano docimastico examinandam per aliquot horas, materiam continuò agitando rudiculâ ferreâ purâ. Tandem eam, alcohol vini ab eâ aliquoties abstrahendo, rectifica, ut remaneat pulvis siccus, candidus, & dulcis. Singularis est ejus usus in

omnibus affectionibus pestilentibus, & febribus malignis populariter grassantibus; eas enim è centro educit, & evellit, sudores potentissimè movendo. Exhibentur gr. iij. ad. vj. in Diascordio Fracastorij, extracto contrayervæ, camphorâ &c.

Antimonium diaphoreticum in febribus malignis summum est medicamentum; efficacissimè namque coagulatum, degeneratumque nutrimentum per sudorem, & insensilem transpirationem resolvit, somnum conciliat, naturam exaltat, illamque ad crism disponit, absque eo quod vomitum, vel secessum moveat. Ità fit:

℥. Antimonij, &

salis petra ana ℔ij.

Pulverisa, & simul misce, pone in tigillo, deinde adhibito carbone vivo, statim detonabit. Vase frigefacto, materiam exime, abluere, & rursus tere, miscendo ut supra ana salis petra, & eodem modo calcinando, & elaborando, nam non ut prius facile concipiet ignem, tertiâ etiam vice ut supra similiter age. Tandem da ignem liquefactionis modicè ad horæ spatium. Ultimò totum illud, quod remansit, tritum coquatur in aquâ fontis per aliquod horas, postea calens decoctum per filtrum transmittatur, & in loco frigido relinquatur: sic nimirum per ebullitionem id, quod subtilius in aquâ solvitur, & tandem precipitatur in pulverem admodum albicantem, & tenuem, sapius abluendum. Quod si acetum destillatum immittatur in idem decoctum filtratum, facilius, & celerius pulvis iste cadit majorum virtutum, qui dicitur magisterium antimonij diaphoretici, & idem præstat in minori

dosi, quod ipsum antimonium diaphoreticum, sed majori energiâ. Aquarum ablutiones si conservabis, in nitrum concreſcent, & vocatur nitrum antimoniatum. Longa est hæc operatio, verum cum non sit tam longa via, quæ abbreviari non possit, non opus est ternâ istâ detonatione, sed una sufficit, si cum triplo salis nitri detonetur. Quidam parant antimonium diaphoreticum, recipiendo antimonij partem unam, salis nitri partes octo, & procedunt communi modo: cujus antimonij diaphoretici dosiſ erit à granis vi. ad viij. quoniam minimis fortiter est fixatum. Hoc antimonium diaphoreticum si fiat ex Regulo antimonij, est longè perfectius, & nobilius eo, quod fit ex antimonio crudo; nam hoc præterea habet commodi, quod illud, quod fit ex antimonio crudo, temporis successu propter attractionem ex aëre denuò fit vomitivum: quod verò fit ex regulo, non adeò facile alteratur.

Dosiſ antimonij diaphoretici per triplicem detonationem est ℥j. qui vesperi quolibet die ad febris usque extinctionem in cænâ propinari debet, vel

℞. Antimonij diaphoretici ℥j.
salis volatilis card. bened. ℥ss.
syr. de succ. scordij ℥ss.
camphora gr. ij. m.

Vel

℞. Syr. de rutâ caprariâ unc. j.
spiritus theriacalis n. d. ℥j.
stibij diaph. ex Regulo gr. viij.
aqua Scorzonera unc. iij. m.

Vel

℞. Extract. contrayervæ ℥ss.
diascord. fracaster. ℥j.

antimonij diaph. ℥ss.

m. f. pilul. parvæ deaurenda.

Vel

℞. Stibij diaph. ex Regulo gr. vi.
laudani opiatigr. j.
cum aliquot gutt. syr. de scorda.
f. pilul. j. deauranda.

Vel

℞. Theriaca, vel
Mithridatij ℥ss.
Stibij diaphoretici,
ocul. cancr. ana ℥j.
m. fiant pilul. v. & deaurentur.

Magnas habet vires in percurandis febribus malignis, & epidemicis. Sulphur antimonij fixum, nam egregium est sudoriferum. Elicitur hoc ex cinnabari antimonij in collo retortæ collecto post destillationem butyri antimonij, sed non est necesse illud ex cinnabari elici cum ita parari possit:

℞. Antimonij crudi pulverisati q. v.

bulliat in s. q. lixivij fortis ex cineribus clavellatis, tartaro uſto, & calce vivâ parati, coloratum lixivium decanta, cui affunde aceti destillati q. s. & precipitabitur ad fundum, hoc precipitatum sulphur denuò recenti lixivio bulliat, donec coloretur, atque tumnum aceto destillato precipitetur, separa à lixivio per inclinationem, deinde aquâ communi edulcora, & lento igne exsicca.

Hoc antimonij sulphur inflammabilitate destituitur, quia adjuncta sibi habet salia; Sic commune sulphur in se est inflammabile, si verò in alkalico solvatur liquore, & cum acido precipitetur in lac sulphuris, tunc suam amittit inflammabilitatem, propter salia nimirum adjuncta ejus vola-

Volatilitatem figentia, & inflammabilitatem immutantia. Eodem ferè modo sulphuri aurato diaphoretico accidit, quod ex reguli scorijs fit, dùm per acetum destillatum ad fundum petit, qua etiam ratione inflammabilitate caret.

Sulphuris antimonij dosis est à granis viij. ad x. in aquis sudorificis, decocto limaturæ cornu cervi, vel mithridatio, theriacæ, extracto scordij, camphoræ, sale volatili cardui benedicti, vel alijs vehiculis appropriatis, ut aliquid præstare possit.

℞. Sulph. antimonij gr. vij.
salis volat. corn. cervi gr. viij.
bezoartici mineralis gr. v.
magist. ocul. cancr. ℥. ℞.
m. f. pilul. parvæ, quæ deaurentur.
Vel.

℞. Syr. de card. sanct. ℥. j.
sulph. antimonij gr. vj.
bezoartici fovealis gr. iij.
aqua theriacalis cum sp. V. ℥. j.
aqua bardanæ composita ℥. iij.
m. pro unico haustu.

Sulphur auratum diaphoreticum est insigne sudorificum, sanguinisque mundificativum; undè febris malignis, epidemijs, & ipsi pesti aptissimum est medicamentum. Paratur ex facibus Reguli, ut

℞. Fæces Reguli q. v.
easque per digestionem, & ebullitionem reduc cum aquâ communi in lixivium, quod calidum per chartam emporeticam trajice, cui refrigerato injice aceti destillati parum, & sensim fundum petit sulphur. Lixivium per inclinationem separa, & croceum sulphur multis ablutionibus edulcoratum, & exsiccatum collige, & serva.

Dosis, est ℥. j. commodè permis-

cetur alijs alexipharmacis, vel liquoribus appropriatis, ut

℞. Sulph. aurati diaphor.
unicornu fossil. veri ana ℥. ℞.
ocul. cancr. magisterij ℥. j.
corn. cervi sine igne ℥. ℞.
m. f. unicus haustus in jure con-

sumpto.

Vel.

℞. Sulph. aurat. diaph.
stibij diaph. ana ℥. ℞.
salis volat. c. c. gr. Y.
m. cum extract. contrayervæ q. s.
f. pilul. parvæ deaurandæ
pro unâ dosi.

Vel.

℞. Syr. de scordio ℥. j.
sulph. aurat. diaph. gr. xv.
salis volat. card. sancti gr. vj.
terra sigillatæ ℥. ij.
aqua galegæ unc. iij.
m. pro unico haustu.

Cinnabaris antimonij maximum est medicamen sudorificum, ideoque in morbis malignis, febris malignis, & epidemicè grassantibus, ac in ipsâ peste expertum est remedium; ac proindè Poterio fuit suum sudorificum antipestilentialè, quod per sudorem restituit ægros. Cinnabaris antimonij, si retorta ultimo, & urgentiori ignis gradu candeat ad plures horas, sublimabitur ad collum cinnabaris rubicunda firmiter illi adhærens unâ cum mercurio vivo. Constat cinnabaris ista ex antimonij sulphure solo cum mercurio vivo combinato, nec vomitus, nec secessus movet, sed diaphoreticum, & anodynum est: Ceterum unâ, & alterâ sublimatione purificari debet, ut perfectè rubescat, & omnes sordes, superfluumque de se mercurium de-

ponat. Præsentaneum est auxilium in febribus malignis, morbis epidemicè grassantibus, peste, morbillis, variolis cum epilepsiâ, & ubi jam ægri delirant, adjunctis salibus volatilibus, & præsertim cornu cervi, aut succini. Dosis à ℥. ss. ad j.

℥. Cinnabaris antimonij ℥. j.

salis volatilis cornucervi, & succini ana gr. xj.

m. cum extract. contrayervæ q. s.

f. pilul. parva, & deaurentur.

Vel.

℥. Bezoartici mineralis gr. v.

cinnab. antimon. gr. xv.

camphoræ gr. iij.

theriacæ q. s.

f. pilul. iij. deaurandæ.

Præterquamquod hæc cinnabaris malignis conveniat morbis, est etiam singulare in epilepsiâ remedium, ideoque Magnes epilepsiæ vocatur. Hinc omnibus affectibus convulsivis, ut doloribus colicis, nephriticis, abdominis, & in specie hystericæ passioni cum opiat, & camphoratis, item partium nervosarum morbis, ut contracturis, convulsionibus, tremoribus optimum est remedium; similiter capitis erysipelas: scabiem malignam, & luem Veneream provocato sudore cinnabaris antimonij feliciter curat.

Cerussa antimonij est diaphoretica, ac proinde insigne alexipharmacum in febribus malignis censetur. fit ex unâ reguli antimonij parte, & duabus nitri: funditur regulus unâ cum nitro in crucibulo sufficiente ignis quantitate, stent in fusione per unius horæ spatium, post refrigerationem tere, & edulcora materiam, quam lento igne exsicca, & iterum ut supra unâ cum

nitro reverbera, donec in citrinum abeat colorem, deinde ablutionibus edulcora, & sicca, sic evadit diaphoretica, diciturque Diaphoreticum Regulinum. Dosis ℥. ss. ad j. & 3. ss. commiscetur, ut supra, quatuor, vel quinque horis ante cibum. Verum non tantum febris malignæ accommodum est remedium, verum etiam omnibus illis, qui per diaphoresim curantur, & præsertim ulceribus antiquis, scabiei, pustulis curationi obstinatis, item luem Veneream profligat. Cæterum de hac observatum fuit aliquandò, quod mercurij instar moverit salivationem, & rarum hoc, & observatu dignum, aliàs soli mercurio hoc proprium; nec nos admiratione dignum ducimus, constat namque hoc semiminerale i. antimonium ex plurimo mercurio, qui in regulo sub saturni larvâ magis ludit, quam in alijs antimonialibus præparatis, in quibus evanescit in auras.

Nemireris tu hos tantoperè in febribus malignis, alijsque languoribus antimonium diversimodè præparatum supra omnia medicamenta, & alexipharmaca extollere, nam est chymicorum Idolum, & sicut isti inde ad operis majoris perfectionem pervenire exoptant: ita & nos ex hoc solo antimonio ad proximi incolentiam collapsam verum lapidem præparamus. Cæterum quis unquam eximias dotes, & arcanas antimonij vires in quolibet morbo tam diro, & deplorato, quam chronico profligando recensere valebit? facilius est arenas maris, & pelagi aquarum guttas dinumerare, quam hujus inexhaustos exhaurire thesauros. Tot medicamentosas reseat virtutes, quot

mo-

modis in Vulcani sacrario combina-
tur, & pro præparationis, & miscelæ
varietate discrepant pharmaca, ad
sanitatem collapsam in salubriorem
statum reducendam, & ad sartam
rectam conservandam est veluti Dei
dextera. De hoc semiminerali pro-
phetavit *Ovidius*, dùm cecinit *lib.*
2. in Ibin:

*Nàm quoniam variant animi, varia-
bimus artes;*

*Mille mali species, mille salutis
erunt.*

Est omni auro præstantius, & etiam
omni fabuloso Mercurio, qui mor-
tuos ad vitam revocabat, potentius.
Tot ex antimonio parantur medi-
camenta, quot ex nullo alio simplici
in medicinâ, excepto Mercurio, ha-
beri possunt: Nunc purgat, nunc vo-
mitum movet, nunc diaphoresim, nunc
sudorem, nunc urinam promovet,
nunc confortat &c. adeò ut solo an-
timonio tota pharmaceutices suppel-
lex ad omnes morborum sanationes
compleri possit, cùm omnis generis
medicamenta ex eo parari possint.
Hoc est verum Phœbi balneum, fa-
bulantur nàmque poëtæ Vulcanum
in hoc balneo Phœbum spurcum la-
visse, & ab omnibus maculis, &
spurcitijis repurgasse: Phœbus enim
aurum, & balneum antimonium si-
gnificat, solent aurifabri aurum va-
rijs metallis conspurcatum, & adul-
teratum, ut purificetur, & ab illis
liberetur, cum antimonio fundere;
hoc quod operatur antimonium cum
auro conspurcato, idem in humano
corpore evenit, nàm homo impurus,
& digestionum sordibus spurcus
optimè ab antimonio purificatur,

omnesque ejusdem sordes abstergun-
tur.

Inter mineralia terras alexiphar-
macas connumeramus, ita sunt *Bo-
lus Armenus, terra Melitensis, terra
sigillata* &c. Terra Melitensis est, quæ
ex Insulæ Melitâ, seu Maltâ adfertur,
& signata est D. Pauli sigillo, assu-
mitur contra venena, febres mali-
gnas, & epidemicas, quæ sudoris be-
neficio malignitatem exturbat. Terra
sigillata vera (nàm adest adulterina,
quam nos hic Neapoli hisce oculis
fingi, & sigillari vidimus) non tan-
tùm febribus malignis, epidemicis,
petechijs, variolis, & morbillis con-
venit, verùm etiam in peste, morbis
venenatis, dysenteria, diarrhœa ma-
lignis, & contagiosis populariter
grassantibus.

Succinum, ejusque sal volatile sin-
gularissimum est medicamentum,
præsertim ubi nervosum genus à ma-
lignitate simul est affectum, vel le-
thargo corripiatur æger. Dosis à gr.
v. vj. ad scr. ß. admistis alijs appro-
priatis, ut.

℞. Salis volatilis succini scr. ß.

extracti castorei gr. v.

cinnabaris antimonij gr. vj.

m. & cum syr. de galega q. s.

*formetur pilul. iij. & in auren-
tur.*

Multa medicamenta ex succino
parantur, quæ potiùs mulierum affe-
ctus respiciunt, quàm febres malignas,
verùm in nostro proposito facit li-
quor cornu cervi succinatus, qui fit
ex spiritu cornu cervi, & sale vola-
tili succini: Hæc tria invicem mis-
centur, & destillantur. Succinum à
plerisque autoribus maximoperè in
febre malignâ, imò in ipsissimâ peste

com-

commendatur: *Helmontius in tractatu de Peste* narrat de chirurgo in pestis curationibus celebri, qui sese præservavit, affricando succinum septem pulsibus planetarum, idque quotidie semel, qua fricatione ad pulsus præservatus fuit. Sunt autem septem pulsus planetarum, duo temporum, duo corporum, duo tali, & scorbiculi cordis.

Ad hunc nostrum tractatum etiam pertinet Sulphur simplex, quod sulphuris antimonialis locum commodè supplere potest, cum magnam inter se habeant affinitatem, ac proinde internè assumptum in debitâ dosi sudorem producere, & morborum, & febrium malignitati resistere solet, unde lenibus diaphoreticis, & sanguinis massam purificantibus, inter quæ viperata, & antimoniata excellunt, palmam præripit. Solet etiam internè, & externè contra pestem commendari, & valdè in eadem præservandâ, & curandâ commendantur sulphuris medicamenta. Oenopolæ spiritus acidus sulphuris beneficio vina diu conservare solent, in permutatione dolia suffumigandi, ne corrumpantur. Hic spiritus sulphuris acidus, qui sub fuliginis formâ vinum conservat, vocatur ab *Helmontio* Gas sulphureum, quia non est spiritus acidus, sed ex parte sulphureâ oleosâ constat. Hoc Gas clarè nobis ostendit, quod singulari polléat vi in arcendâ putredine à corpore humano, ex eo quia vinum præservat, quod aliàs corrumpereetur. Hoc Gas sulphureum acidum in potui. potus sulphuratus egregium in febribus malignis, & epidemicis, cum sit singulare remedium in earundem curatione. Hinc gutta una, duæ, vel

saltem tres olei sulphuris in jure, aquâ, vel alio liquore sumptæ manè jejuno stomacho sunt arcanum ad vitam longam, & ab omnibus morbis præservativum.

Ex semimineralibus acidulis spiritus mirificè commendamus, ut sunt *spiritus Vitrioli*, *spiritus salis*, qui omnes præstat, *spiritus sulphuris*, qui est egregius, *spiritus vitrioli philosophicus*, qui tunc conducunt, cum sanguinis massa à sale maligno acri, & admodum volatili in febribus malignis est nimis dissoluta, ut propriam amittat consistentiam, ob id cum alexipharmacis, & sudoriferis miscendi sunt, idque eò magis, quò crebrius sudore coguntur ægri, qui in declinatione sudoris perrecti, & post sudorem continuati sanguini debitam restitunt consistentiam, ac ægros debilitatos egregiè refocillant, ut suprà diximus. Miscentur hi spiritus cum julepis malignitati resistentibus, sed ad gratissimam aciditatem, & sic corpus ad diaphoresim blandè disponunt. Præterea cæteris spiritibus quasi præfertur *Spiritus Nitri* nunc solus, nunc quod melius est, cum spiritu vini dulcificatus.

℞. Syr. de aced. citri unc. j.
aque card. sanct. unc. iij.
Spiritus vitrioli q. s.
m. pro gratâ aciditatē.

Vel

℞. Julep. de scorzonera unc. j.
Stibij diaphoretici scr. β.
aque ruta capraria unc. iij.
Spiritus sulph. q. s.
m. ad gratiss. aciditatem.

Vel

℞. Julep. card. sanct. unc. j. β.
Sulph. aurati diaph. gr. viij.

Spiritus

*Spiritus salis dulcis, vel
Spiritus nitri dulcificati q.s.
ad gratam aciditatem.*

Admonitos volumus vulgares, ne hos spiritus tumultuariè simul syrupis, julepiis, aquis &c. immisceant, sed unus eligatur pro medentis libitu, & immisceatur juxta nostri recepti descriptum pro his, vel aliis febribus; nam malignas maligniores, & lethales reddet, & benignas malignas, & perniciosas efficiet, quia permisti in corrosiva, & lethalia transeunt venena, ut fusiùs infrà cap. 26. de febre ex aëris mutatione dicemus.

Inter hæc medicamenta *Nitrum fixum*, seu sal prunellæ recensemus, verum si fuerit antimoniatum i. fixatum cum sulphure antimonij, quod fit in præparatione antimonij diaphoretici, vel in præparatione sulphuris aurati diaphoretici, est eò melius, & sali prunellæ cum sulphure communi præparato præfertur, nam in tali nitro præparato adest adhuc subtilissima pars sulphuris antimonij, adeò ut ratione hujus corpus ad blandam diaphoresim disponitur, & sal vitiosum, undè sitis excitatur, corrigitur. Dosis 3 j. in aquâ hordei, vel in potu ordinario.

Expediti à Mineralium Regno, quorum, quia inexhaustos continet thesauros, minimam recensuimus partem, ad Animalium Regnum tandem devenimus, & ea computabimus, quæ bezoartica, alexipharmaca, diaphoretica, & sudorifica sunt pro harum febrium sanatione, & primò nobis se offert.

Cervus, qui totus est alexipharmacus, & omnia ex eodem parata easdem virtutes obtinent alexipharmacas, &

D. Car. Musitan. de Febris.

sudoriferas. Ex ejusdem cornu multa parantur medicamenta, verum rarissimè crudum usurpatur, quia difficilis est digestionis & æger ægrè cibum digerit, considerate nunc, an cornu digerere possit: usurpatur tamen quandoque in pulverem redactum, & per setam trajectum in affectibus, ubi acidum præcipitandum, & compescendū est. Præparatur cornu cervi pro usu alexipharmaco, & sudorifero duplici modo, nunc cū igne, & nunc sine igne. Id, quod cū igne præparatur, est cornu cervi igne aperto ustum, vel quod post spiritus, olei, & salis volatilis destillationem adustum remanet in fundo retortæ; sed est caput mortuum, sive terra mortua, sive calx mortua omni virtute activâ spoliata, cū ignis sit mors rerum, nullius usus, præter hoc, quod humiditatem absorbeat, & acidum in primis vijs compescat. Quod si quandoque hoc cornu cervi ustum exhibitum sudores moveat, ab aquâ sudoriferâ, ut cardui sancti, &c. vel à stragulis, quibus æger optimè tegitur, provenit, estò in se aliquid salis fixi contineat; sive igne præparatur, cū concoquitur in aquâ, donec mollescat, & aliquantisper evadat friabile, vel quando destillatur aqua ex plantis, tunc imponuntur cornu cervi frustula in alembico, adeò ut ascendens vapor cornu cervi frustula penetret, & exindè fiant mollia, & friabilia, & sic vocatur cornu cervi sine igne s. philosophicè, seu spagyricè præparatum. Hoc cornu cervi sine igne præparatum esse spiritum, oleum, & sale volatili imprægnatum patet ex eo, quod si retortæ indatur, spiritum, oleum, & sal volatile reddit, utut non in tantâ copiâ, ac si cornu cervi

Q

cru-

crudum destilletur, sufficit tamen aliquid partis spirituosæ remanere, ut cornu cervi usto præferatur. Cornu cervi spagyricè præparatum in morbis malignis, ut peste, febre malignâ, morbis epidemicis, &c. pro præcipitatione, & sudorum expulsionem; habet enim vires alexipharmacas, & sudores ciendi ob spiritum, oleum, & sal volatile, quæ continet.

Ex cornu cervi præparatur *Gelatina*, quæ nihil aliud est, quàm sal volatile concentratum ab humiditate roscidâ, & alimentitiâ ejusdem cornu: præparatur hæc ex cornu cervi rasato, quod concoquitur in aquâ satis diu, colaturâ refrigeratâ in frigido, gelatina in summitate liquoris supernatat, & hæc dicitur gelatina simplex, vel fieri potest evaporando decoctum cornu cervi ad gelatinæ concretionem; fit etiam acidulata, quandò scilicet liquor vel in decoctione, vel post filtrationem sufficienti quantitate spiritus vitrioli, vel succi citri imprægnatur. Dissolvitur uncia una cochleari super ignem, soluta injiciatur potius ordinarij lib. j. vel dissolvitur in julepis alexipharmacis, ut de galegâ, carduo sancto, scorzonerâ, vel uti possumus pro reliquorum alexipharmacorum vehiculo. Proficua est Gelatina cornu cervi in febribus malignis, acutis, infantibus pro expellendis variolis, & morbillis, ac morbis malignis, ubi opus est expulsionem, & blandâ corporis ad diaphoresim dispositione, Præterea hæc gelatina valdè convenit in diarrhœâ, & dysenterîâ epidemicâ, & malignâ in potu dissoluta, vel dissolvitur in syrupo cydoniorum, coralliorum, de symphyto, vel myrtino,

quoniam tales adstringunt. Sînt quædam recepta in tyronum gratiam:

℞. *Corn. cerv. spagyr. præp.* 3j.

stibij diaph. 3ß.

perlar. præp. ʒij.

Magist. ocul. cancr. 3j.

m. pro tribus dosibus.

Vel

℞. *C. C. sine igne præp.* ʒij.

cinnab. antimonij ʒß.

magist. corall. ʒj.

camphoræ gr. j.

m. detur in jure pulli.

Vel

℞. *Salis volat C. C.* ʒj.

salis volat. card. sancti scrup. ʒ.

sulph. aurat. diaph. gr. vj.

salis volatil. succini gr. iv.

m. propina in cochleari syr. de galegâ.

Vel

℞. *Bezoart. mineralis gr.* v.

salis volat. c. c. gr. xii.

diascord q. s. m.

f. pilul. j. & deauretur.

Vel

℞. *Spiritus c. c. succinati,*

mistura simplicis ana 3ß.

m. detur in julepi de scorzon ʒj.

Vel

℞. *Spiritus cornu cervi* 3ß.

nitri antimoniat. scr. j.

gelatinæ c. c. ʒij.

spiritus fulig. acidi volatil. 3ß.

m. & exhibe in syr. de card. sancto.

Ebur alexipharmacum est, non minus quàm cornu cervi, præparatur, ut de cornu cervi diximus, aut spagyricè, vel cum igne. Spagyricè præparatum est diaphoreticum, & effervescentias febriles sistit; ideoque febribus ardentibus, & præsertim malignis illud commendamus, ut

℞. *Eboris spagyricè præp.* 3j.

anti-

*antimonij diaphoretici scr. j.
m. & cum syr. de galegâ, vel
card. sancto, & cum
aquis appropriatis propina.*

Ex ebore etiam fit gelatina, spiritus, oleum, & sal volatile, ut de cornu cervi diximus.

Unicornu verum in multo usu est in morbis malignis, peste, febre malignâ, variolis, morbillis, similibusque alijs morbis. Dosis est à scr. ß. ad scr. j. & 3ß. Præbetur magno cum fructu, & præcipitat egregiè, ac sudorem movet.

Unicornu fossile quò ad vires unicornu verum æmulatur, nam cum alijs debitis combinatum in febribus malignis diaphoresi opus habentibus, & præsertim in variolis, morbillis, & petechijs cum cervinis associatum egregium est.

Familiare est nobis unicornu fossile, quia in aliquibus nostris regionibus è terrâ foditur, sed rarissimum est unicornu verum apud nos, cum ex Indiâ asportetur, undè solùm in Regum, & Magnatum domibus reperitur. Hinc nos perpetuò Deo gratias agere debemus, qui in unicornu veri inopiâ, cornu cervinum tanquam optimum quid pro quo, & succedaneum ubertim concedere dignatus est, & eadem potitur virtute.

Lapis Bezoar est summæ virtutis alexipharmacæ; Bezoar enim est vocabulum Persicum, & significat id, quod venenis resistit, & ad hujus imitationem nos appellamus essentiam bezoarticam, tincturam bezoarticam, pulverem bezoarticum &c. non lapidis bezoar ratione, quia nullus ingreditur, sed ob similem virtutem diaphoreticam, & venenis resistendi.

Reperitur hic lapis in primo ventriculo capræcervi, qui vocatur Omasius; dicitur hoc animal Capræcervi ob similitudinem, quam ferè habet cum caprâ magnitudinis, & proprietatum ratione, & partim cum cervâ ratione figuræ. Hæ capræcervi tam in Indiâ Orientali, quam Occidentali inveniuntur, unde lapis bezoar duplex est, unus Orientalis, alter Occidentalis, verum non datur cervorum genus in quo talis lapis non reperiatnr, qui pro lapide bezoar venditur. Lapis bezoar in Indiæ tam orientalis, quam occidentalis capris beneficio fermenti acidi volatilis est substantia mucilaginosâ, & residua in ventriculo. Hic lapis totus alexipharmacus est, potenter venenis resistit, & egregiè per sudorem expellit, has virtutes habet bezoar ex duplici ratione, primâ ob virtutem præcipitantem, secundâ ob alexipharmacam; virtus præcipitans provenit à sale nitroso, alexipharmacâ à plantis, hæ namque capræcervi, quæ lapidem bezoar generant, pro ordinario alimento contrayervâ, alijsque plantis bezoarticis vescuntur. Mirificas habet vires in depellendis venenis ob vim alexipharmacam, sudorificam, vel saltem diaphoreticam, & hinc febribus malignis, petechialibus, variolis, morbillis, cæterisque malignis, & epidemicis morbis appositè convenit. Dosis orientalis à gr. v. ad vj. apud vulgares præscribitur, verum in tam parvâ dosi parùm, aut nihil operari potest. Nos à scr. ß. ad scr. j. præscribimus, & occidentalis dosim semper ingeminamus. Exhibemus Lapidem Bezoar in aquâ scorzonæræ, cardui sancti, bardanæ, &c. Admonitos ta-

men volumus vulgares medicos, ne lapidem bezoarticum alijs medicamentis ex pluribus ingredientibus conflatis immisceant, quia quandoque unum alterius virtutem obtundit, & sic juxta facultatem, qua potiuntur, quòd aliàs evenit, quando medicamenta separatim exhibentur, ac proindè cum *Anselmo Boëtio* dicimus: *Suadeo itaque, ut nobile istud medicamentum* (de lapide bezoar loquitur) *perpetuò solum, si ejus certum commodum desideretur, exhibeatur.*

Cæterùm hodiè ex hujus lapidis exhibitione nullum sensibilem effectum observare potuimus, ac proindè huic lapidi magna fiducia adhiberi non debet, quia cùm sit illius pretium auro carius, quamplurimi propolæ in eo adulterando strenuè student, ut vix alios quàm adulterinos hodiè habere possimus; & inter centum lapides bezoar apud nos vix unus reperiatur, qui sit genuinus, & adeò apud nos Italos sunt copiosiores, & frequentiores, quàm ut non sint in natali solo. Cujus rei testimonium indè elici potest, quod rerum Indicarum scriptores testentur lapidem bezoar apud ipsos Indos rarum, & magni pretij esse; cùm apud nos tamen magna ubertas, & satis vili pretio constet, & hac de causâ in contemptum, vel saltem in maximam suspicionem etiam genuinus devenit. Hinc patet maximam partem adulterari, & falsificari, undè evenit, quòd sæpiùs irritò usu sit præscriptus lapis bezoar.

Tantum est impostorum artificium in adulterando lapidem istum, & tanta in cognitione, & electione difficultas, ut verus à falso vix possit co-

gnosci, & discerni. Varij sunt modi ab auctoribus propositi, quibus hic verus lapis cognoscitur, sed semper formidinem involvunt; unus tamen præ alijs modis minùs mendax videtur: Lapis ponderetur, deindè in aquam communem demergatur, in qua per aliquod temporis spatium relinquatur, post quod eximatur, & optimè abstergetur, si idem pondus, antequàm erat injectus, habeat, pro veraci habendus est; sin verò pondere est auctus ab imbitu, ceu falsus rejiciendus est; lapis enim bezoar ità compactæ consistentiæ est, ut nullo modo humorem imbibere, & nullam ex eo ponderis alterationem acquirere possit: falsus verò non ità compactus est, & propter porositatem in pondere augetur. Verum enimverò hic modus non est tutus, nam omnes lapides humiditatem contrahunt præter sili-ces, quinimis duri, & compactissimæ consistentiæ sunt, modò lapis bezoar tantam duritiem, & densitatem non habet, imò in aquâ degens non solum humiditatem concipit, & consequenter in pondere augetur, sed si diutiùs degat in aquis, dissolvitur, ut *Monardes* observavit. Est & aliud experimentum, quo adulteratus ab ingenuo discriminatur: Parum lapidis abraditur, & supra accensum carbonem projiciatur, si falsus, statim misturæ odor percipitur, si verus, nullum spirat odorem, & hic est germanus tutusque modus lapidis imposturam discernendi. Verùm lapides bezoar non esse opificio ex ructos non sufficit, quia adulterini estò diligenter inspiciantur, genuinos repræsentant, & quantumvis sub experientiæ torturâ ponantur, semper dignoscen-

di modis respondent; non enim de-
sunt paribus notis alij lapilli, qui ta-
men nullis viribus sunt præditi, unde
impossibile impostorum versutias ef-
fugere ducimus. Unum tantum in-
fallibile experimentum habemus,
quod est bonitatis index ad verum la-
pidem bezoar discernendum, & à
Boëtio adducitur his verbis: *Nullum
tamen certius probitatis indicium, quàm
si venenum homini, aut cani detur, &
oblato pulvere evadat.*

Ob tot difficultates, quibus lapis
bezoar involvitur, & verus in natali
solo vix obtineri potest, quia rarus,
& carus, in suspicionem venit, & nun-
quàm à recentioribus præscribitur,
quia si adulteratus, febris crescit eun-
do, vel virus in præcordia serpit, &
æger vanâ lapidis bezoar spe delusus
cum Charonte de naulo paciscitur. Si
verò quandòque factò experimento,
ut suprâ cum *Boëtio* diximus, verus
habeatur, tantum Magnatibus præ-
beatur, quia pretiosus; pauperibus
tamen pro bezoar sufficient cornua
cervina, quæ nobiliora sunt lapide
bezoar, ut apertè testatur *Rulandus*.
Nos ut in portu navigemus, pro be-
zoar utimur bezoartico minerali, sti-
bio diaphoretico, sulphurè aurato
diaphoretico, cinnabari antimonii,
& alijs alexipharmacis suprâ à nobis
descriptis, vel pro infimæ fortis lan-
guentibus, medicamentis ex cornibus
cervi paratis. Itèm pro lapide be-
zoar contrayervam substituimus, hac
enim pro communi alimento capræ-
cervi vescuntur, & bezoar generant.
Similiter pro lapide bezoar exotico
commodè substitui potest calculus
humanus, qui reverà lapis bezoarti-
cus microcosmi est, & egregius in

sudore ciendo, quia non minùs ma-
lignitati resistit, nec minus in febri-
bus malignis, & pestilentibus con-
venit, quàm verus lapis bezoar orien-
talis, imò in ipsâ curandâ peste præ-
fertur etiam lapidi bezoar orientali,
id quod expertum fuit modernorum
Anglicorum experienciâ in ultimâ pe-
ste Londinensi.

*Hadrianus Amynsicht in Arma-
mentario Chymico cui nostram adjun-
ximus Mantissam, Bezoar potabile
per resolutionem, & extractionem
lapidis bezoar describit, quod pro-
ductâ oratione ad febres malignas,
epidemicas, petechiales, pestilentes,
variolas, morbillos, cæterosque
morbos venenatos commendat. Et
p. 28. Magisterium lapidis bezoar per
resolutionem, & præcipationem
designat, quod in omnibus affecti-
bus, & symptomatibus malignis, &
contra omnia venena cordi infesta,
præsertim ubi qualitas calida, & pu-
tredò deprehenditur, adeoque in
alijs omnibus, ubi lapidis bezoar
usus laudatur, extollit. Verum enim
verò magna fuit Hadriani simplicitas,
& credulitas in horum medicamen-
torum præparatione; non enim la-
pidem bezoar in natali solo esse ra-
rum, & cariorem auro, nec impo-
storum fallacias in adulterando be-
zoar, nec alios lapides paribus notis
consideravit; nec prætereâ lapidem
tàm integrum, quàm in pulverem
reductum, tàm in formâ potabilem,
quàm in magisterium præcipitatum
non desinere esse lapidem, & eundem
esse lapidem contemplatus fuit. In-
super Hadrianus, quia bezoar cum
spiritu acido conficit, potius hujus
lapidis vires destruit, quàm exaltat.*

Post lapidem bezoar in Regno animali se tandem offert vipera, quæ, quia tota alexipharmaca, & bezoartica est, insignes obtinet dotes in morbis malignis, & venenatis quibuscumque, tam in febribus malignis, & pestilentialibus, quam in specie quando jam usque eò res devenit, ut pulvis deficere videatur. Ex viperis fiunt salia theriacalia, seu salia volatilia viperarum, quæ sunt magni usus, & efficaciar in morbis malignis, venenatis, febribus malignis, & contagiosis, imò in ipsâ peste egregiè conferunt à gr. v. vj. ad scr.ß. vel sola, vel addito camphoræ grano in aquâ appropriatâ, ubi summa viget malignitas. Item essentia viperina ejusdem, & majoris energiar paratur. Similiter pulveres ex viperis, qui vocantur pulveres bezoartici animales. Nos in febribus malignis jus consumptum ex viperis cum pullo paramus magno cum febrientis juvamine. Sed de Viperis opiparè tractavimus. *De Vulneribus ex venenato morfu inflictis.*

Eximia fit ex Viperis *Tinctura diaphoretica ex tribus principiis chymicis* descripta à celeberrimo nostri temporis *Andreas Battimelli in Auctuario Hadriani à Mynsicht*, cujus receptum huc adducere maximi momenti existimamus ob iteratas experientias:

℞. *Salis volatilis viperarum,*
salis volatilis cornu cervi ana ʒj.
m. & serva. Deindè

℞. *Spiritus Viperarum,*
spiritus cornu cervi ana unc. ij.
m. & serva. Postmodum

℞. *Olei Viperarum,*
olei cornu cervi ana unc. iij. m.

Et his mistis superfunde spiritus vini op-

timi unc. iv. & statim solventur. Hoc peracto, accipe spiritum viperarum, & cornu cervi, & conjunge cum solutione oleorum, & per Retortam destilla, & habebis sulphur cum Mercurio maritatum. His peractis, accipe salia volatilia superius servata, quibus superfunde sulphur, & Mercurium, & clande vas Hermeticè, & digere per mensem chymicum, & jam facta est trium principiorum S. salis, sulphuris, & Mercurij unio, & nostra Tinctura diaphoretica completa est.

Hæc nostra Tinctura diaphoretica summum alexiterium est in febre malignâ, epidemicâ, petechiali, omnibus morbis epidemicè grassantibus, & omnes alios ex dictis malis enascentes, & omnia prava symptomata ex illis promanantia restinguit; variolas, & morbillos cum symptomatum lenimine deturbat. Omnes pestiferas infectiones, auras vehenatas, & cujuscumque generis venena maxime cordi infestas per sudorem, vel insensilem transpirationem eliminat, & principes munit partes. Tandem in omnibus morbis, qui per diaphoresim sunt sanabiles est specificum medicamentum. Reliquas hujus tincturæ vires apud eundem legite. Dosis scr.ß. ad scr. j. in liquore appropriato.

Hæc pauca medicamenta contra febres malignas ex inexhausto naturæ ærario, & triplici ejus Regno hausimus, alia alijs autoribus partim descripta sunt, & alia partim alijs describenda relinquimus. Remanet tantum, descriptis internis, externa describere medicamenta juxta vulgarium medicorum consuetudinem, ita sunt Oleum scorpionis Matthioli, quo

quo tanquam alexipharmaco pulsus temporum, manuum, & pedum liniunt. Unguentum rosaceum, aut refrigerans Galeni, quo renes, superpositis vitium folijs, inungunt ad febrilem temperandum calorem. Epithemata, quibus cor contra pravitatem roborant, & alia hujus farinae describunt quæ omnia recensere ignavum esset opus.

In febre malignâ magna symptomatum habenda est ratio; hæc enim morbum sequuntur, velut umbra corpus, & quandoque adeo atrocita associantur, ut non contemptâ febre, necesse sit his succurrere, cum scilicet ex eorum violentiâ vitæ periculum immineat, ita sunt nimiae virium prostrationes, quæ maximopere urgere dicuntur. Itâ sunt vigilæ, deliria, alvi fluxus, vomitus, cardialgiæ lipothymia, sitis, linguæ ardor, nigredo &c.

Magnæ virium prostrationes confortantia exigunt, quæ in animi defectione ægros reficiunt, & spiritus roborant, vitales; hæc roboratio duplex est, una quæ substantiam morbi diuturnitate, & longâ corporis inediâ exhaustam concernit, & hæc ad succos, & sanguinem regnandos pertinet; altera, quæ repentinam animi defectionem respicit, quæ interdum in plenâ corporis succulentia à venenatis, malignis, & cordi infestis vaporibus irruit, & hæc confortandum docet.

Confortantia, quæ corpus à morbo extenuatum respiciunt, è culina petenda sunt, & æger potius coqui, quam medici operâ indiget: Sed Corpora longo tempore extenuata oportet sensim reficere, brevi verò breviter;

aph. 7. sect. 2. Hinc facilius est potum refici, quam cibo aph. 11. sect. 2. Unde mirificè jura consumpta conducunt, quia confertim, & celeriter nutriunt. Consummatum insigniter confortans Hartmannus describit

℥. Caponem, vel

perdicem solum,

vel cum parte aliquâ carnis vitulinæ, in minutissimas partes conscinde, & ossa in mortario conquassa, & in phialam aptam vitream, vel stanneam inde cum paucis cinnamomo, phialam exactè claudere, & in catinum aquâ fervente plenum pone, ut per tres horas bulliat aqua. Hinc carnem exime, & liquorem exprime, qui est optimi saporis, & odoris, statimque congelatur, caro verò est dura, & insipida, liquoris cochl. j. vel ij. per se vel cum alio jussculo exhibetur.

Vires, quæ repentinâ animi defectione exolvuntur à venenatis, malignis, & infestis cordi vaporibus, roborari debent medicamentis alexipharmacis, cordialibus, & stomachicis, præsertim spirituosiss, & volatilibus, quæ odore tenus, vel adhuc in stomacho degentia cordis arcem, aliasque præcipuas partes, & totum corpus contra malignos, & venenatos insultus roorent, hujusmodi est Vini spiritus, qui summè cordiale, & diaphoreticum existit, in cuius defectu Vinum generosum, quod semper ad manus in domibus paratum habetur, substitui potest. Spiritui vini succedit Aqua cinnamoni lactiginosa, quam pharmacopolæ lactiginosam reddunt benzoës infusione. Vel substituiimus syr. vel julep. de cinnamom. sed maximè ad restaurandas vires, & confortandum confert oleum cinnamomi

ad ij. vel iij guttas in aliquo vehiculo. Itē *Elixir proprietatis Paracelsi* à scr. β. ad scr. j. in conveniente vehiculo. *Hadrianus Amynsicht* multa corroborantia in Armamentario describit, ut *Eleosaccharum citri*, *Gemma vite*, *tinctura coralliorum*, *Diacinamonum Regium*, *Trochisci cordiales*, & quamplurima hujus farinae, quæ omnia sunt medicamenta in forma. Apud vulgares in magno usu est *zulep*. *Gemmatus*, sed reverà magna impostura pro ægrotis, non verò pro pharmacopolis. Apud recentiores decantatur *Tinctura Alkermes*, *Hyacinthi* &c. sed præstat illa, quæ est nostræ descriptionis, ut

℞. *Confect. Alkerm.* vel.
confect. Hyacinthi unc. j.
aquæ ardentis,
pomor. redolentiam,
vel alterius aquæ stillatitiæ ana
 ℥. β.
Spiritus vitrioli ℥. j.
digere, & decanta.

Eodem prorsus modo paramus tincturas ex alijs officinarum electuarijs v. g.

℞. *Confect. Cinnam.* unc. j.
aquæ ardentis ℥. β.
m. omnia in phialâ, quam exactè claudes, & digere, liquorem tincturâ imprægnatum decantatione à fecibus libera, quem syrupis appropriatis admistum exhibe.

Magnarum virium est *Aqua confortativa* usitata, cujus confectio est:

℞. *Aquar. cerasor. nigr.*
rosarum,
boraginis,
buglossi,
flor. violar.
tiliæ ana unc. vj.

cinnam. opt. ℥. β.

margarit. or præp. ℥. ij.

corall. alber præp. ℥. j.

cornu cervi præp. ℥. v.

confect. manus christi perlata ℥. v.
m. ad vitrum pro usu.

In omni virium debilitate, & languore exhibetur, spiritus animales puriores reddit, sensuum internorum, & externorum organa reficit, atque ita generale quasi confortans omni ætati, sexui, & morbo accommodatum existit.

Præ cæteris confortantibus eminent *balsamus sanguinis humani*, & *elixir sanitatis*, quæ in nostrâ *Man-tissa* descripsimus, quam videte.

Inter omnia alia confortantia præstantior non reperitur *spiritus fuliginis* à guttis vj. ad scr. β. *oleum ejusdem* à guttis ij. ad iij. *Sal fuliginis* ejusdem ponderis, & exhibetur in Vino, vel alio conveniente liquore. Est tantæ efficaciam, & energiam, ut si ejus guttæ, vel grana tria in aceto angonizanti exhibeantur, mirificè, & incantamenti instar reparant vires, exsuscitant, quasi illius animam ab inferis revocant: non secus ac lampas propter olei defectum si ad extinctionem ruit, oleum reaffundatur, ad pristinum redit fulgorem. Hinc imminentis mortis, vel futuræ sanitatis experientiam observare licet: Si sudor post exhibitum oleum, vel sal copiosius emanarit, indubitatum erit sanitatis, vel convalescentiæ signum, sin secus mortis.

Spiritus sanguinis humani cum suo sale volatili maximas languentes, & morti proximos restaurandi, & vivificandi vires obtinet; est enim hic spiritus vitæ nostræ spiritui simillimus, quia

quia à sanguine elicitus fuit, in quo nostræ vitæ spiritus residet, & facile spirituum defectum reparat. Verum hodiè propter subdolan impostorum vafritiem vix non dubitabilis reperitur, & hac occasione nobis in mentem venit quidam medicus chymicus, ut ipse dicit, qui ab amico interrogatus, quò peteret? Tabernam carnariam, ad mercandum bovis sanguinem, ut sanguinis humani spiritum efficeret, respondit. Sed hoc est minus, & minus, & tolerandum malum; pharmacopolarum nullus sanguinis humani conficit spiritum, quia proscripita est à chymicis phlebotomia, tum quia laudabilis non profunditur, nec in quantitate peccare potest caritatis gratiâ, tum quia torus temeratus lue Venereâ, vel affectione hypochondiacâ, vel alijs languoribus, & tamen latè reperitur? Sunt nostrates pharmacopolæ sicut diabolus, qui non habet, & vendit lanam. Vendunt isti spiritum ex calce vivâ, sale armoniaco confectum, quem pro sanguinis humani spiritu vulgare medicorum grex internè exhibent, cum tantum externè odoretenus usurpari debeat; est enim spiritus salis armoniaci vitæ nostræ maleficus, & infensus hoc modo confectus.

Vigilia nimia in febris malignis tunc fit, cum febrile fermentum spiritus animales immoderato agitat motu, isti cerebrum implent, nervorum valvulas patulas reddunt, & continuo affluxu in corpus influunt. Immoderatæ itaque vigiliæ medendum est, ne deliria, & virium exolutiones succedant; ea propter nimix vigiliæ succurrit laudanum opiatum, sed

R. Car. Musitan. de Febris.

semper propter malignitatē aliquod alexipharmacum admisceri oportet, ut

℞. Syr. corall. ℥. ℞.

aquæ papav. alb. ℥ij.

Stibij diaphoretici scr. ℞.

sacch. perlati ℥. ii.

laudan. opiat. gr. ij. m.

& cochleatim exhibe singulo horæ quadrante, donec somnus concilietur.

Vel.

℞. Diascord. fracastr. ℥. ℞.

corn. cerv. spagyr. præp. q. s.

f. pilul. iij. & deaurentur.

Cæterum nos nostrum laudanum opiatum præbemus, quia alexipharmacum est simul; Verum enimvero in opiatorum exhibitione maximè cum cautelâ procedendum est, ne soporosa affectio succedat. Præterea opiatum usus dissuadetur ægris nimis debilibus, & impuritate ventriculi laborantibus, & præsertim si crisis imminet, quia plus nocimenti, quàm emolumenti ab hoc expectandum est. Si vigilia non admodum excesserit, emulsionibus ex seminibus frigidis tollitur, ut

℞. Syr. de nymphaea ℥. j.

semin. melonum ℥. ℞.

papav. alb. ℥. j.

lactuca scr. j.

f. emuls. in aqua lactuca ℥. iij.

& exhibe; sanguinis enim æstum, & fermenti febrilis acrimoniam temperant, assiduum spirituum influxum impediunt, & vigilias subindè compescunt.

Ad vigilias refrænandas vulgares Galenici cataplasma applicant plantis pedum ex cucurbitis recentibus contrusis, folijs sedi majoris, lactucæ, & similibus. Item conferre dicunt

R

pe

pedum lotiones ex decocto herbarum refrigerantium; Sic enim frigiditatem per nervos cerebro communicari credunt.

Delirium in febre fit à scorijis sulphureis, acribus, salinis, & acutis in massâ sanguineâ intermixtis, à quibus spirituum varia, & confusa in cerebro agitatio excitatur; subtiliores, & fervidiores redduntur spiritus, agiliores quidem, sed simul confusius, & perturbatiùs in cerebro agitantur, & huic agitationi semper vigiliæ pertinaces præcedunt, & perpetuò in febrium continuarum incremento, aut in principio statim ipsius statûs delirium affligere solet, ubi maxima est massæ sanguineæ effervescentia. Ex inconditâ spirituum agitatione in cerebro varia, & inanis coherentia oritur, & diversa phantasmata ab animâ offeruntur, ut inconditi sermones, fletus, flosculorum, qui nuspiam sunt, collectiones, muscarum venationes, variæ artuum motiones &c. donec aucto, & nimis impetuoso spirituum motu, tandem convulsiones sæpè lethales superveniunt, aut donec spiritibus non tantum absumptis, vel incondito narcoticorum usu fixatis, delirium in lethargum, vel in affectum caroticum mutetur.

Pro delirij curatione scorix sulphuræ, salinæ &c. eliminandæ sunt diaphoreticis, & alexipharmacis; inordinata spirituum agitatio opiatâ sistenda; & sanguinis febrilis incendium compescendum præcipitantibus, vulgò refrigerantibus dictis, vel sanguinis effusione. Hæc medicamina simul maritanda ut plurimum sunt, ut unâ tribus satisfaciamus

indicationibus, & horum maxima pro delirio sedando spes in opiatâ reponenda est, & omnibus alijs frustrâ tentatis, tutius ad opiatâ, tanquàm ad sacram anchoram confugimus, quæ vix penè nunquam fefellerunt; nam diaphoretica sunt, scorias educunt, spiritus animales concitatiores, & inordinato motu furentes ad quietem reducunt, sanguinis massam nimis ebullientem compescunt, & naturam viribus defectam reficiunt, & eadem operâ placidâ quiete restaurant: Verum enim verò tutius est ægrum à delirio præcavere, quàm idem curare, opiatâ itaque vigiliarum tempore adhibeantur præstat, quàm ubi æger delirus evasit. Certum est opiatâ legitimè adhibita esse magna remedia, & optimè commendantur in delirio febrili: verum si tempore non opportuno, aut non legitimè parata adhibeantur, plus obstant, quàm prosunt, & si spiritus furentes non compescant, eorum motum non refrænent, delirium potius pejorant, cum opium somnia turbulenta, & terrifica inducat; Si verò opiatâ spiritus nimium figas, metus est, ne per opiatâ in lethargum delirium convertas. Cum enim spiritus in delirio sint admodum volatiles, & subtiles, & simul propter motum continuum aucti sint pauci, ex auctâ narcoticorum dosi facilè in lethargum, sive carum permutari potest, obstructis nervorum valvulis, per quas spiritus in corpus affluunt, & hæc permutatio est periculosissima.

Delirij itaque curationi hæc præscribere solemus, quæ furentes spiritus animales ad placidam disponunt quietem.

quietem; scorias resolvunt febriles, diaphoresim aperiunt, & sanguinem in citiori motu retardant:

℞. Bezoartici mineral. scr. β.

nitri antimoniatī 5. j.

magist. perlar. or. gr. vi.

tinctura corall. scr. β.

syr. de nymphæâ 3. β.

aqua endivia 3. ij.

laudani opiatī gr. ij. m.

Observe tamen, quod opiata in primâ exhibitione in minori dosi præscribimus, dein sensim ad maiorem progredimur, & cochleatim dissoluta cum alijs medicamentis eundem affectum respicientibus exhibemus.

Vel.

℞. Syr. de papav. alb. 3. β.

tinctura anodyne Zuvelferi 3. j.

essentia hyperici scr. β. m.

Vel.

℞. Stibij diaphoretici,

oculi cancr. ana scr. β.

camphoræ gr. j.

nitri perlatis scr. j.

syr. papav. alb. unc. j.

nepenth. Quercet. gr. ij.

diss. in aqua lactucae unc. ij. m.

Vel.

℞. Syr. papav. errat. unc. j. β.

scordij fracastr. scr. iv.

diamarg. frigid. scr. j.

confect. Hyacinth. 3. j.

magist. corall. 3. β.

aqua anagallidis unc. v.

m. detur cochleatim.

Vel.

℞. Syr. papav. alb. unc. j.

sang. hirci 3. j.

extract. hyperic. scr. j.

laudani opiatī n. d. gr. iv.

tinct. smaragd. scr. β.

aqua anagallidis unc. iv. m.

Exhibemus quandoque emulsiones simplices, vel somniferas ex quatuor seminibus, ut dicunt, frigidis majoribus, semine papaveris albi, lactucae cum anodyno minerali in aqua Nymphææ, anagallidis, vel sonchi, quæ edulcorari possunt cum syrupo de Nymphæâ, vel saccharo perlato.

Interim externa non negligenda sunt epithemata refrigerantia, & præcipitantia, quæ fronti, & sincipiti applicari debent ex herbis recentibus portulacæ, sedi majoris, lactucae, florum rosarum, nymphææ, camomille, meliloti parata. Ridiculum planè fuit, quod in ægrotâ febre malignâ delirante observavimus: Devotus quidam Galenicus abrafo ægræ capiti melonem aqueum per medium dissectum imposuit, delirans ægra unâ risum, & animi angorem suscitabat, hasta in ejus manu deficiebat, & altera Pallas videbatur, & tamen ejus Palladis arcem flammeus Vulcanus urebat. His parùm, aut nihil proficientibus, ad cataplasmata narcotica deveniendum est. A Zacuto Lusitano tanquàm expertum commendatur decoctum radicis mandragoræ, & hyoscyami cum similibus externè applicatum. Mirificè confert succus cancerum fluviatilium vivorum expressus, & fronti applicatus, sed potentiùs operatur idem cancerorum succus cum aquâ spermatis ranarum mistus, & fiat cataplasma, vel

℞. Aqua spermatis Ranar. unc. viij.

succ. cancr. fluvi. contus. express.

unc. ij.

opij aceto correcti 3. β.

camphoræ,

croci ana scr. β.

m. pro epithemate.

R

quod

quod cum duplicatis petijs fronti tepidè admove, nam sic blandum conciliabis somnum.

Apud Galenistas in usu sunt varia animalia, ut anates, palumbes, pulli, galli, catuli &c. viva per pectus dissecta, & calentia statim cum omnibus interraneis sincipiti, aut toti capiti abrafo applicant, & ità applicato animali superponunt lintea, vel culcitram, ne calor cesset, & uno remoto, post hoc subito applicatur aliud, & id aliquoties continuandum. Verùm apud optimæ notæ medicos hæc animalium carnificina in desuetudinem abiit. Mirum, inquit, in modum hæc animalia delirantibus, & phreneticis auxiliari, & reverà horum calor, & vapor blandus, & subtilis exhalat, qui maximè nostris poris est amicus, & convenientissimus ad obstructions in illis facile tollendas. Nonnulli venæ sectionem instituunt, & quò citius, eò melius, verùm quia adest febris maligna, in principio sine tanto discrimine celebrari potest illis cautelis, quas medici sciunt, & quò ad locum notant, quòd si forsan aliqua sanguinis evacuatio suppressa præcesserit, ut in puerperis, in partibus inferioribus in talo, & postmodum in brachio secanda est vena, sed arteriotomia præstat.

Pro affectu lethargico, & comatoso sæpius expergefaciendi sunt ægri, & naribus *nodulus ex camphorâ*, aut *rutâ aceto madidus* obijci potest, vel *succus nasturtij aqua* quodammodum injici, sed præstat *spiritus salis ammoniaci* odore tenuis. *Vesicatoria* quoque pro veflando, & excitando ægroto brachijs, & etiam pedibus applicari possunt. Vel sequens medicamentum

fronti applicandum est, ut

℞. *Thuris*,

bacc. lauri,

piperis nigri ana unc. ʒ.

subigantur probè cum ovorum albumine, & q. s. fronti imponatur, & somnolentiam arcebit. Verùm vanida sunt hæc medicamenta, nisi mala somni radix tollatur, nam comatosus dormit, non quia somno indiget, sed quia malè se habet.

Ad alvi fluxum compescendum præter in nostrâ *Trutinâ lib. 4. cap. 11.* adnotata, ea medicamenta, quæ malignitatem oppugnant, & unâ alvinum fluxum sistunt admiscenda sunt, & præsertim *Diascordium Fracastorij*, & ità unâ fidelitâ duos dealbamus parietes, undè in tyronum gratiam, & eorum, qui juxta proverbium, sine cortice natare non possunt, hæc recepta subnectimus, ut

℞. *Diascord. Fracast. ʒj.*

extract. tormentilla scr. ʒj.

magist. corallior. ʒss.

dulcedi Martis gr. xiiij.

syr. plantag. unc. ʒj.

aqua ejusdem plantag. unc. ij. m. capiatur pro libitu.

Vel

℞. *Syr. de succ. myrtill. unc. ij.*

corn. cerv. spagyricè præp.

stibij diaphoretici ana scr. ss.

philonij Persici ʒj.

margarit. præp. scr. ss.

decoct. tormentilla unc. iij. m.

Vel

℞. *Myracidonior. aromatic. ʒj.*

pulv. tormentilla scr. ss.

nepenth. Quercet. gr. j.

terre sigillatæ,

crystall. montan. præp. ana scr. ʒj.

osul. cancr. styv. scr. ss.

gran.

gran. chermes gr. xii.
 nucis mosch gr. vj.
 elæosacch. citri gr. aliquot.
 sacch. perlati q. s.
 cum syr. de symphyt.
 f. boli pro duabus dosibus.

Vel

℞. Diascord. Fracast. scr. j.
 lacrym. sang. drac. scr. ss.
 essentia croci Martis gr. viij.
 extract. tormentill. scr. j.
 m. & cum syr. cydonior.
 f. pilul. parvæ inaurandæ
 pro una dosi.

Vomitum tollitur, si nimius sit, remedijs in nostrâ *Trutinâ lib. 2. cap. 8. De Nauseâ, & Vomitu* descripta, si verò paucus, & necessarius erit vomitus vel pro febris curatione, vel pro tollendâ cruditate à stomacho febris curationem impediens, promovendus erit nostro *Hippocras emetico*, vel alijs emeticis in hujus capituli initio descriptis.

Cardialgia compescenda est remedijs dictis in nostrâ *Trutinâ Medicâ* quibus ea, quæ malignitatem respiciunt, admiscemus, & absorbentia, & præcipitantia adjungimus, & in alumnorum medicinæ gratiam sequentia in formâ describimus:

℞. Eboris præp. 3ss.
 cinnab. nativ. gr. v.
 margarit. præp. scr. ss.
 diascord. Fracast. 3ss.
 cum mucilag. sem. cydon. q. s.
 f. pilul. parvæ deaurandæ
 pro una dosi.

Vel

℞. Corn. cerv. usti 3ss.
 ocul. cancer fluv. scr. j.
 lapid. benzoar. gr. vj.
 stibij diaphoretici scr. ss.

philonij Romani q. s.
 f. bolus.

Vel

℞. Bezoart. mineral. gr. v.
 magist. corallior. gr. viij.
 terra sigillata scr. j.
 Laudani opiat. n. d. gr. iij.
 confect. alkerm. 3. scr.
 spec. diarrhod. Abb. scr. ss.
 syr. de mucilag. unc. j.
 aqua mentha, unc. ij. m.

Lipothymia in febre malignâ pessimum symptoma est; terribilissimam enim mortis speciem præfert, & facilè in syncopen transit, ac sæpius repetens de medio tollit. Provenit, ut diximus in nostrâ *Trutinâ Medicâ lib. 3. cap. 2. de Lipothymia, & syncope*, à sanguine, qui in corde coagulatur, & ad motum reddit ineptum, vel ab activiori sanguinis parte fixatâ; vel ab aliquâ nimia evacuatione sensili, vel insensili, vel ut plurimum in febre malignâ succedit à vapore maligno, & aurâ venenatâ, qui vitæ spiritus suffocat.

Lipothymia succurrit spiritus vini, citri, cerasorum nigrorum, vel aliquod oleum odoratissimum stillatitium, ut angelica, cinnamoni, citri, caryophyllorum, vel ex eis parata balsama caryophyllorum, cinnamoni, vitæ n. d. quæ naribus illini debent; suavi enim fragantiâ spiritus reficiuntur, & collapsæ recreantur vires, vel aliquot horum guttæ estò in ventriculum non ingerantur, sed palatum tantum attingant, subito hominem vivificant, à Lipothymia liberant, & hilariorem vitam spirare faciunt. Verum lipothymia, vel syncope prout febris malignæ symptoma est, interna cardiaca, & quæ malignitatem obrun-

dunt, requirit medicamenta, ac prop-
tereà, quæ sanguinem in corde coa-
gulatum resolvunt, & motum resti-
tuunt, ac malignum vaporem, au-
ramque venenatam, & vitæ spiritus
suffocantem absument, resolvuntque,
pro qua re eorum, quæ in nostrâ
praxi exhibemus, formulas descri-
bimus, ut

℥. Magist. corall. rosati gr. vj.
salis perlarum or. gr. iij.
tinctura alkermes n. d. ℥ij.
bezoar. orient. gr. v.
salis volatilis succini gr. iij.
spiritus corn. cerv. gutt. viij.
salis sang. hirci ℥℥.
tinctura cinnam. ℥j℥.
syr. flor. borag. vel
exhilarantis Domini Laurentij
℥j℥.
aque melissæ ℥ij. m.

Hujus haustus unum, vel alterum
cochlear per intervalla exhibeatur.
Vel

℥. Tinct. corall. gutt. vij.
spiritus c. c. succinati gutt. viij.
elæosacch. citri gutt. vj.
elixiris Matthioli gutt. ix.
spiritus theriacalis camphorat.
scr. ℥.
salis volatilis viperarum gr. v.
aque perlar. n. d. ℥℥.
syr. rubi Idæi ℥j.
aque pomor. redolent. ℥ij. m.
detur cochleatim.

Vel

℥. Ligni aloës raspati scr. ℥.
os de corde cervi gr. xij.
salis volatilis c. c. gr. vij.
lapidis bezoar. or. gr. v.
magist. perlar. or. scr. ℥.
manus Christi perlata q. s.
ut f. bolus.

Vulgares cordis regioni varia èpi-
themata in formâ applicant, quæ
an profint, in nostrâ *Trutinâ* tru-
tinavimus, & repudiavimus: aliquo
tamen modo prodesse possunt, qua-
tenus mediante respiratione ingre-
dientium odor attrahitur.

Sitis in febribus malignis molè-
stissimum est symptoma, imò di-
rum inferni supplicium, ut de Tan-
talo fabulantur Poëtæ; nam os cum
ejus adjacentibus partibus urit, vis-
cera torret, angit, & evigilare fa-
cit, & nullo medicamine, nisi fon-
te levatur. Fit sitis à corpusculis
salinis exaltatis, & ad fauces pro-
vectis, absumpto latice à vehemen-
tiori sanguineæ massæ æstuatione,
quæ laticem vaporemque sollicitan-
do, particulas exagitat salinas, quas
sub falsi halitus formâ ad os elevat,
undè sitis, & ariditatis illusio ibidem
producitur. In his febribus sitis
symptoma est non contemnend-
um, nocet namque corporis nutri-
tioni, & vires valde dejicit. His
in febribus sequentibus remedijs
restinguitur sitis, attamen mali-
gnitatem respicientibus maritatis, ut

℞. Limatura C. C. crudi unc. iij.
ponantur in pupatellâ, & coque in
aque fontana lib. viij.
ad duorum digitorum transversorum
casum, adde tum
Corticis citri recentis,
contrayeruæ,
rad. scorzonera ana m. j.
obtege vas optimè, remove ab igne, &
probe obtectum frigescat, deinde cola, &
adde
Spiritus vitrioli, vel
Spiritus sulph. ad gratissimam aci-
ditatem, vel

salis

salis prunella 3 iv.m.

& frigide propina.

Vel

R. Aquar. sonchi,

galega,

scorzonera ana unc. iv.

syr. de succ. limon.

de aced. citri

julep. rosati ana unc. j.

nitri antimoniat 3 j. ss. vel

spiritus salis dulcis, vel

spiritus nitri dulcis

m. q. s. ad gratis. aciditatem,

& cochleatim exhibe frigide.

Vel pro divitibus

R. Aquar. borag. unc. iij.

card bened lib. ss.

rosac. unc. j.

Sacch. perlati unc. j.

succ. citri recent repress. q. s. m.

Propinari etiam ad sitim leniendam potest tinctura rosarum, vel violarum, & omnia acida; hæc enim salina corpuscula exaltata, à quibus talis fovetur sitis, abstergunt, & diluunt, & per urinæ ductus expurgant. Hac eadem ratione eundem usum habent seminum frigidorum emulsiones, & præcipuè ubi vigilie molestant, & sitis angit; parari potest emulsio somnifera, ut

R. Amygdal. dulc. excoctæ.

sem. melon. ana unc. j.

papav alb. 3 j.

lactuca 3 j.

f. emuls in aq. lactuca unc. vij.

syr. de papav. albo.

de Nymphaeâ ana unc. j. m.

sumatur frigida hora somni à Cœnâ. Sed qui plura de siti desiderat, legat nostram *Trutinam lib. 3. cap. 6.* ubi ubertim diximus.

Hic admonitos volumus vulgares

medicos, ne nimia siti abstinentiâ, quam nos execramur, suos jugulent febrientes, nihil enim bibere maximus cruciatus, & summa pœna sine juvamine, imò potiùs cum noxâ, quia tunc bibendi necessitas monet, & prodesse, ac nullo modo obesse, atque ad potus sub pœnâ mortis vetitus, & rupta medici obedientiâ millies medenti attulit dedecus: intensam igitur sitim præ omnibus aliis aquea curant, quia salinas particulas diluunt, & ad urinæ vias deducunt. Quot potius usus nostro corpori commoda præstat, quæ etiam juscula, aliaque, liquidiore alimenta præstare possunt, his breviter complectimur; vires namque ex humidi devastatione exolutas reparat. Insuper inservit ad cibos in ventriculo miscendos, liquandos, ad faciliùs undique coctionem suscipiendam, quia coctio fit inhumido, & ad ciborum essentiam per angustos vasorum meatus ferendam. Præterea est sanguinis comes, ne in concretionem abeat, & est deputatus ad partium eluendas sordes. Prohibet tandem, ne volatilis ciborum essentia corpori sustentando destinata, à calore accendatur.

Nigrities in linguâ fit mediântibus vaporibus fuliginosis ferventibus, causticis, & malignis ab æstuante sanguinis massâ cum expirato aëre elevatis, qui per pulmonum spiracula è cordis foco prodeuntes ad palati fornicem alliduntur, & linguam quasi reverberio feriunt, & nigredine quadam imbuunt. In linguæ nigredine ea interna conducunt medicamenta, quæ fervidiorem massæ sanguineæ agitationem benignioribus fixantibus subacidis compescunt, ita sunt

conservari

*conserva citri, syrupus rubi Idai, arc-
num duplicatum, lapides cancrorum,
corallia rubra subtilissime pulverisata.*
Topicè linguam obducimus linimen-
to ex sedo majori, succo cancrorum flu-
viatilium, mucilagine seminum psyllij,
& lapide prunella. Vel aufertur aceto
destillato, & saccharo cando cum aquâ
stillatitiâ rosarum admisto.

Linguae ardor, & fervor fit, quandò
ejus humiditas naturalis non tantum
absumitur, sed acescit, & à torrido ca-
lore velut elixatur, non aliter ac si à
jusculeo fervido elixaretur, & postmo-
dum scabra evadit, finditur quandò-
que à particulis acutis, quæ ejus con-
tinuitatem solvunt. Ardor, fervor, &
fissuræ linguæ curantur medicamen-
tis humectantibus, & lenientibus
linguæ admotis, & in ore detentis,
itâ sunt mucilaginosæ, in primis mu-
cilagines seminum psyllij, cydoniorum,
malvæ, vel mucilago tragacanth. ex-
tracta cum aquis lactucæ, rosarum, se-
di majoris, vel portulacæ, ut

℞. Mucilag. sem. cydon.

psyllij extract. cum aquâ sonchi
ana ʒij. ss.

syr. violar. ʒj. ss. m.

Exhibeatur parum per intervalla, &
in ore detineatur.

Vel

℞. Mucilag. sem. malv. extract.
cum decocto hord.

gelatina cornu cervi ana ʒ. ij.

sacchari perlati ʒj.

succ. centr. fluv. ʒj. ss. m.

Et includantur in serico raro, ligentur
in noduli formam, qui detineatur in
infusione aquæ rosarum, & sæpè lin-
gua liniatur.

Vel

℞. sem. cydon. sine cortice,

cucumeris ana ʒj.

papav. albi ʒij.

gummi tragacanth. ʒj. ʒ.

contundantur,

diamargarit frig ʒj. m.

℞ cum mucilagine seminum psyllij
aquâ rosarum extractâ, & albumine
ovi fiant trochisci in ore detinendi.
Vel

℞. Aquæ hordei,

Sedi majoris ana lb. ʒ.

syr. granator. dulc.

violar. ana ʒj.

diamor. ʒj. ʒ.

Lapid. prunell. ʒj. ʒ.

f. gargarisma.

Sed sale prunellæ in aquâ sedi ma-
joris dissoluto utilissimè lingua, &
fauces abluuntur, ejusque particula
absorberi potest, ut ad œsophagum
simili ardore affectum perveniat. Op-
timum gargarisma erit lac capii-
num, vel emulsio ex quatuor se-
minibus frigidis majoribus facta in
aquâ senicionis, vel gargarisma ex
cremore hordei diluto in aquâ lactu-
cæ utiliter adhibetur.

Si verò nutrimentum degenera-
tum in quantitate non peccet, sed tan-
tum in qualitate, ut in epidemiis, &
pravis aëris constitutionibus accidit,
tunc febres producuntur, quæ ab-
solutè malignæ dici merentur, ex
eo quia medicum decipiunt, nam
primis diebus prava illa qualitas
non manifestatur, resistiturque à
partium solidarum naturâ, quæ
cùm multitudine non graventur,
parvifacere qualitatem demonstrant,
ac pulsus boni erunt, urinæ bo-
næ, principesque facultates con-
stantes apparebunt; tandè in
quarto, vel septimo prava qualitas,
superatâ

superatâ naturæ resistantiâ, in apertum veniet cum perniciosorum symptomatum multitudine.

In huiusmodi febribus eadem erit curationis methodus, quam supra proposuimus; nam eodem modo detergendum est nutrimentum degeneratum siue multum, siue paucum illud sit: unum tantum advertendum est, quod multoties cum à copiâ non gravetur natura, qualitate prava illam stimulante, in furorem, calores vehementes, & excandescantias adigitur, undè sanguis in vasis vehementer fermentescens cor angit, & laceffit, additque afflictiones afflictæ naturæ; in hoc casu inter quartum, & septimum diem bis brachij vena secari potest, & vice qualibet dimidiam sanguinis libram detrahare, dummodò ad id concurrant corporis habitus plethoricus, urinæ rubræ, calor vehemens per universum corporis habitum, sitis, & virium robur. Harum febrium malitiam occultam præcognoscere medicus potest, si in principio in infirmo omnia benè se habeant, leviter febricitet, & tamen omnia corporis membra ita sint ad motum pigra, ut ad motus corporis se vires non habere fateatur infirmus.

Verùm si nutrimentum degeneratum quantitate sit multum, & pravam tamen qualitatem non habeat, reumaticam cum miti calore pariet febrem cum raucedine, thoracis angustia, inappetentiâ, nausæâ, oris amarâ limositate, absque vehemēti siti, urinæ crassis, & pallidis, pulsibus contractis, sed pressis vehementer assurgentibus; his signis apparentibus existimandum est febrem in

degenerati nutrimenti copiâ sine prava qualitate fomitem habere, quæ solâ coctione curatur, ac propterea neque medicamentum purgans, neque sanguinis missio huic convenit febri; utendum tamen est frictionibus, cucurbitulis, inunctionibus ex oleo amygdalino, oleo nucis moschatae per expressionem vigorato, vel ex vino sublimato. Victus debet esse tenuis, & paucus, potus parcissimus, ambiens aër calidus, præterea diaphoretica sunt exhibenda, quæ supra præscripsimus; hæc namque materiæ coctionem promovebunt, illamque disponent, ut naturæ motibus pareat: cum verò coctionis signa apparuerint, tunc tutò purgans medicamentum exhiberi potest ad materiæ expulsionem.

Demum si nutrimentum degeneratum neque multum in quantitate erit, neque qualitatem adeò pravam habeat, vehementiorem excitabit febrem; quippè cum natura materiam illam præter naturam circa se sentiat, & neque ab ejus qualitate, neque quantitate opprimitur, furere incipit, excandescit, calorem intensissimum excitat, sitim accedit, urinæ subrufo colore saturat, alvum stringit, in accessionum incrementis vehementissimè pulsatur; tandem peiores sunt affectus, quos suis inordinatis motibus causat, quàm qui à primitivâ febris materiâ producuntur: his tamen furoribus apparentibus, non adeò timendum est medico, quippè motus naturæ vehementes irritamentum arguunt, non autem urgentis materiæ dominium, & superioritatem, quod si medicus benè se gerat in sedando naturæ furorem, sine dubio morbi

victoriam consequetur ; contrà verò semper pejora sunt timenda , ubi natura torpet, & pigrè se movet, tunc enim dominantem sibi febris materiam arguit: in furiosis ergò febribus sanguinem mittere saluberrimum erit, ut Galenus scripsit.

Aperienda ergò ex vena in his febribus bis, & ter pro infirmi robore, & febris impetu, nunquàm tamen ultra mediam libram pro qualibet vice detrahi sanguis debet, & hoc post quantum diem, cum sanguis vehementius effervesceat.

Verùm cum radix hujus febris etiam in nutrimento degenerato consistat, iisdem remedijs curanda est hæc febris, quæ diaphoretica efficaciam prædita suprà fuerunt descripta; fugiendumque est à purgante medicamento, si coctionis signa non appareant. Demùm pro continuis febribus generalem regulam tradamus oportet, scilicet quòd si furiosæ illæ sint, siticulosæ, & vehementi calore conjunctæ, venæ sectione quisque uti poterit pro ægri temperie, & virium robore; si contrà torpidæ sint febres istæ, pigræ, atque tepidæ, tunc ipsis nullo modo convenit venæ sectio; in principio, & non ultra secundam diem tùm purgans medicamentum, tùm vomitum excitans convenit, sed ultra secundam diem neutrum exhiberi debet, nisi signa coctionis appareant: medicamenta demùm diaphoretica, quæ à centro ad circumferentiam movent vel sudorem, vel insensilem transpirationem, omnibus his febribus conveniunt, & omni tempore, & semper prodesse possunt, & nocere nunquàm.

C A P U T X X V I.

De Febribus ex Aëris mutatione.

Post febrium malignarum tractationem non incongruum erit laconicè de febribus ex aëris mutatione aliquid libare, cum etiam hæc ex nutrimento degenerato genesim trahant; eapropter multùm primò perpendere conducit, cur in quibusdam nostræ Italiæ regionibus quodam annitempore perniciosæ, & lethales ex aëris mutatione contingant febres, quæ si in principio ab accurato medico non exstinguantur per minerale emeticum, quarto transacto die in malignas degenerant, optima quæque respuunt medicamenta, & intra decimum quartum ut plurimùm interficiunt? Quod negotium auxit, in harum vestigandis causis, est quod nullibi in Europâ, nisi in quibusdam Italiæ regionibus dictæ contingant febres; undè nec laboriosum iter, nec fervidus solis calor, nec eduliorum, nec aquarum, nec tandèm cœli mutatio sunt causæ, ità nostris regionibus, ceu alijs communes, ut jure merito institui potuissent harum febrium effectrices, nisi dicere velimus hoc maximum præjudicium à vulgaribus medicis fuisse introductum hæc in nostras regiones, & non in alias; cum omni tempore, & latè iter facientibus mali moris febres contingant, propter labores, mærores, cibi & potus ingurgitationes, incommoditates in itinere toleratas, aliasque occasiones eveniant: sed quicquid sit de hoc.

Primum considerare oportet ejusmodi febres, quæ ex aëris mutatione fieri censentur, potissimum grassari solere sub æstatis finem, atque inter autumnii initia, quo tempore fervefacta tellus halitus, expirationesque emittit: sed illud etiam animadvertere oportet, quòd ex argillâ excoctâ, & ex terrâ valdè exsiccata copiosius expirationes educuntur, quotiescumque aliquis accedit humor, ut vel maximè ex odore manifestum esse potest. Præterea nosse oportet non omnes terræ regiones ita esse dispositas, ut prædictarum febrium generationem admittant ex aëris, cælique mutatione, sed illas potissimum esse his febribus obnoxias, in quibus adsunt frequentes rerum mineralium fodinæ, præsertim salis nitri, sulphuris, chalcanti, aluminis, salis communis, & similium, cujusmodi sunt aliqua Italiae regiones, quarum tellus inter paucamilliaria diversis est referta fodinis: at non ita Insulæ, Gallia, Germaniæ, Hispaniarum &c. provinciis, in quibus perpetuò homogenea, & uniformis iter facientibus sese offert, & quia Hungaria multas in suo sinu mineralium fodinas fovet, suas quoque patitur clades, grassatur enim ibi febris, quam ex loci nomine Hungaricam dixerunt, undè qui prope incolunt fodinas, metallorum fumum, idest virus arsenicale inspirant, (vocatur namque arsenicum fumus metallorum) & juxta exaltationum gradus varijs cladibus sunt obnoxij. Tandem illud quoque considerandum est, quòd tum vitrioli spiritus, tum salis nitri, sulphuris, salis communis &c. Salubriter in paucâ dosi dilutus intrinsecus in multis assumitur morbis,

sed hos memoratos spiritus simul permistos esse omninò corrosiva, & lethalia venena. Hinc capite præcedenti vulgares admonuimus medicos, ne suis ægrotis hos spiritus permistos præbeant, quia febrem ex aëris mutatione excitarent non absimilem.

Quibus rebus perspectis, facile harum febrium causæ intelligi possunt; quamobrem per varia telluris loca iter facientes circa autumnii initium spiritu hauriunt perspirationes modò vitriolatas, modò nitrosas, modò aluminosas, modò sulphureas &c: quæ intra corpus assumptæ, atquæ permistæ procreare valent substantiam quandam venenatam, & humanæ vitæ insensam, undè ex aëris mutatione febres excitari queunt, quæ à perspirationum heterogenearum producto sustentantur, quod in stomachi convexo, vel thoracis cavitate coagulatur, ex quo tot malignorum symptomatum varietates emergunt. Imò cunctis nostris regionibus tanta est telluris heterogeneitas, & horum salium ubertas, ut in unâ, eademque terræ parte diversa mineralium miscela congeratur, & ubique aër diversis conglomeretur, & vitietur expirationibus, præsertim primis succedentibus autumnii pluvijs. Undè si quis unâ nocte, vel die extra proprios lares ad aliquot horas somno indulgeat, statim febris ex aëris mutatione victimam se exponit, quia in somno expirationes, & inspirationes raræ sunt, & particulæ salinæ, vitriolatæ, sulphureæ, nitrosæ &c. permistæ diutius nobiscum, & intra nos morantur, & magis se insinuant, somno. Eapropter quis itineretur, extra lecta moretur, in aëre magis conspurcato versetur,

ibique non dormiat, immunis erit à tam diræ febris suspicione. Quapropter post Sirij ardorem nemo tam facile itineri se committit, ne febre ex aëris mutatione corripiatur, & hoc anni tempore qui alibi reperitur ibi ad frigidam usque aëris temperiem moratur, & inde in proprias prope rat sedes. Verum enim verò comper tum habuimus quòd quandò autum nus est siccus, hæ febres iter facienti bus non succedunt.

Has febres, quas ex aëris mutatio ne vocant, endemicas, non verò epi demicas esse arbitramur, quia licet utraque sit communis, endemica ta men semper statis periodis aliquas no stræ Italiæ regiones infestat, atque ita quasi patritia, & vernacula est, qua de re plura endemica provincias red didere desertas.

Signa.

Hæ febres quemlibet bardum me dicum fallere non possunt, & facile cognoscuntur; sufficit enim, ut aëris mutatio præcesserit: tunc febris ac cessionem lassitudines, artuum dolo res, inquietitudines, capitis potissi mum dolor prægrediuntur, deinde febris cum totius corporis frigore, ca pitis, & artuum dolore, somnolentiâ, ventriculi nausæ, & quandoque vo mitu, pulsuum contractione succedit, post frigus debilis subit calor cum vi giliâ, siti, aliisque symptomatibus. Primæ accessioni evenit secunda im perceptibili cum frigore, deinde ca lor cum ingrato quodam sopore, pul sus erunt languidi, frequentes, & inæ quales, nox vigil, inquietitudinum omnium genera, & symptomata ve-

xantia partim ingravescunt, & par tim denuò patefcunt, Secundæ tertiæ accedit accessio absque ullo frigore, incalescit, & omnia, vel aliqua signa, quæ capite præcedenti recensuimus, cum pravis symptomatibus palam fe brem ex aëris mutatione ostentant continuam.

Causæ occasionales.

Sunt harum febrium causæ occa sionales particulæ vitriolatæ, sulphu reæ, aluminosæ &c. permixtæ in ter ræ fodinis post caniculares dies me diante pluviâ fermentescentes, & ele vatae, quæ per aëris attractionem in stomachi convexo, vel thoracis ca vitate propter moram congeruntur. & coagulantur, & in virus degene rant corrosivum, quod nutrimentum in suis partibus conspurcat, & à pro priâ indole degenerare facit: dege neratum tanquam exoticum, hostile, & venenatum renuitur à fibris sper maticis, à quibus regitur, & fibrarum, & consequenter arteriarum motus depravatur à principio motûs ipsis inhærente, qui cordi impertitus fe brem excitat pessimi moris; Imò ip sæ particulæ nitrosæ, aluminosæ, vi triolatæ &c. permixtæ, quia totum pervadunt corpus, sanguinem in ficiunt, & contaminant, qui in aliquibus partibus in grumulos abit, unde palpitationes, lipothymias, syn copes, & alios cardiacos pariunt af fectus; ac inflammationes internæ, parotides, & variæ exituræ protube rant, & cætera prava emergunt sym ptomata. Eodem ferè modo febrium malignarum genesim esse dicimus, hoc tamen cum discrimine, quòd hæ

cau-

cāusam occasionalem abintrā cognoscunt, illæ, ut epidemicæ, endemicæ, castrenses, alijque morbi populariter grassantes, ab extrā.

Prognosis.

Febres ex aëris mutatione pessimi ominis sunt, & si quartum tetigerint diem, & opportuno non restinctæ fuerint emetico, vel decimo quarto enecant, vel producuntur, & tandem interimunt, vel chronicam intermittentem post se relinquunt, quæ nisi specificis eradicetur febrifugis, attingit tempora veris.

Curatio.

In curatione febrium ex aëris mutatione magna sedulitas adhibenda est, & nisi primis diebus statim suo extirpetur emetico, de ægri vitâ ferè jam conclamatum est; Undè statim ac accersitus fuerit medicus, non de sanguinis missione cogitet, nam febris venenata est, & in morbis venenatis sanguinis missio est ipso veneno nocentior; non de medicamento purgante, nam hoc à circumferentiâ ad centrum trahit, quod in venenatis est venenum ad corporis penetralia impellere, nec purgans habemus, quo per sedes venenum extrudimus. Unum tantum superest medicamentum, quod est emeticum, his enim febribus semper nausea, & quandoque imperfectus vomitus accedit, & quasi digito vomitorium natura designat, & hoc uno tantum medicamento venenum per illud ostium per quod se in corpus intrusit, ut in membri à viperâ demorsi scarificatione, & sanguinis

per cucurbitulam educatione veneni educio feliciter contingit. Optimum inter omnia emetica nostrum Hippocras eminet, & ex eo tempore, quo illud in lucem protulimus, neminem peremit, sed omnes è mortis angone redemit; hoc enim omnem saburrā in stomacho, & duodeno stagnantem per vomitum rejectat, & plures movet secessus, omnemque pravam materiam in qualibet corporis parte delitescentem exturbat, & omnem auram in penitiores partes intrusam, & præsertim in thoracis cavitatem potentissimè evocat, & per proxima emunctoria transpirare facit. Postmodum regatur æger alexipharmacis propter alicujus malignitatis relictæ suspicionem: ad hujus effectum summo perè commendamus mineralia diaphoretica, hujusmodi enim febres vegetabilium medicamentis reluctantur, verum ex his proficiam *aquam alexipharmacam, bezoarticam, & antidotum bezoarticum* in nostrâ Mantissâ experti sumus in resolvendo nutrimentum degeneratum per corporis circumferentiam. In reliquis gubernetur febriens, ut capite antecedenti diximus.

CAPUT XXVII.

De Febrium curatione, quæ ex prohibita Transpiratione originem ducunt.

Nutrimentum à cibis, & facibus separatam, dum per fibras solidas ad meliorem usum in cerebrum, & spinalem medullam fertur, semper magis, atque magis perficitur per se-

parationem aliquarum superfluitatum ferofarum, quæ illi impedimento essent superfluitates istæ à calore naturali, qui à sanguinis effluvijs producitur, versus cutem in halitus insensiles resolvuntur, & perenniter à cute effluunt. Constat ista cutis triplici exilissimorum vasculorum capillarium genere, tanquam tot filamentis artificiosè constructa, ex capillaribus scilicet vasculis, quæ ob exilitatem fibræ vocari possunt, venarum, arteriarum, & nervorum, quæ ita inter se contexuntur, ut quoddam rete mirabile totum corpus investiens constituent. Sub istâ texturâ reticulari copiosæ constitutæ sunt glandulæ miliares suis excretorijs vasculis exteriora cuticulam versus spectantibus instructæ, quorum orificiola cutis poros constituunt. Hi pori inconspicui sunt, attamen hyberno tempore tantum conspicui fiunt, cum corpus derepentè denudatur, ac propterea cutis totâ porosa est, veluti cribrum, præter foramina conspicua varijs in locis ad necessariorum introitum, & exitum, ut os, aures, nares &c. Hæ cutis glandulæ è sanguine per capillaria vasa emulgent, & copiosè separant ejus partem aquosam superfluam salibus oleosis superfluis, aliisque particulis inutilibus, tum primario massæ sanguineæ, tum etiam partium continentium imprægnatam, quæ sub halitum per se invisibilium formâ per vascula earum excretoria expirant, adjuvante non parùm calore tum ipsius corporis expirantis, tum etiam corporis ambientis, & hæc insensilis transpiratio appellatur. Per hanc corporis porosam cutem, & insensilem transpirationem magis sub-

levamur, quàm omnibus sensibilibus simul unitis, & per hanc ex arte Staticâ *Sanctorius* triginta annorum experientiâ deprehendit, pluribus unicâ die naturali tantum evacuari, quantum per alvum quindicem dierum cursu. Hinc etiam observavit evacuationes insensiles, & quæ perspiratione fiunt, esse longè pleniores omnibus sensibilibus simul unitis: Observavit ipse cibi, & potûs unius diei octo librarum pondere, transpirationem insensilem ascendere ad libras quinque, quæ quidem transpiratio longior est in calidis temporibus, & in ijs, qui vestibus utuntur densioribus. Tanta est hujus insensilis transpirationis necessitas, ut ex impeditâ multi oriantur morbi, & liberâ, vel artificiosè promotâ præserventur, vel iidem curentur.

Signa.

Siquis dùm vehementer calet, & dicta effluvia in vehementi sunt motu, actutum frigescat, illicò densatur cutis, & materia, quæ fluebat à frigore reperiussa concrevit, obstruitque porositates, per quas, cumque intus moventur effluvia, effluere non possint, in ipso corpore detinentur partium naturam agitant, febremque excitant, quam ex prohibitâ transpiratione originem ducere medici asserunt; in his febribus, accessionum principio horror totius corporis concitatur, lassitudo, capitis dolor, pulsuum languor, inappetentia, sitis intolerabilis, urinæ, confusæ, sunt harum febrium signa conjuncta.

Causæ

Causæ occasionales.

Si sanguinis massa à quacumque causâ crebris motibus, & validis agitur, insigniùs effervesceat, nimis incalcescit, indeque nimium attenuatur, & quasi liquefit, ut in magnis corporis exercitationibus videre est: tunc superfluitates serosæ salinis oleosis, & alijs particulis inutilibus imbutæ, in sanguinis massâ, & partibus continentibus stagnantes, ita una agitantur, & in habitus attenuantur, ut transpiratio in maximam copiam augeatur, & ubertim versus cutem propellantur, & à glandulis imbibitæ per poros vel sub halituum insensibilium, vel sub guttularum minutissimarum formâ erumpunt; eadem enim est sensilis transudationis, ac insensibilis transpirationis materia.

Si corpus, dum vehementer à causâ occasionali incalcescit, & effluvia in vehemente sunt motu, vel affatim erumpunt, protinùs frigescat, densatur cutis à frigore reperiçssa, & impeditâ transpiratione, retinentur effluvia, agitantur, & partium naturam laceffunt, sanguinis fermentatio turbatur, & immediatè febris ex prohibita transpiratione progignitur cum omnibus illis signis, quæ recensuimus.

Prognosis.

Per se febres ex prohibita transpiratione periculo vacant, vehementia symptomata non pariunt, nisi retentorum effluviolorum agitatio nutrimentum ita agitet, ut degener fiat, & in hoc casu febres in aliam speciem transibunt, de qua præcedenti capite egi-

mus, & sic per accidens vitæ periculum præferre possunt. Finiuntur feliciter auctâ insensibili transpiratione, vel fausto sudore.

Curatio.

Indicatio curativa harum febrium erit cutis porositates aperire, & retenta effluvia per eas ad exitum sollicitare; eapropter in hujusmodi febribus tum venæ sectio, tum purgans nullo modo conveniunt, cum neutrum sit indicatum, imò potius detrimentum afferre possent.

Lenienda est primò alvus injectionibus per sedem. Victus debet esse tenuis, & rarus, ut natura ejus mole non gravetur, & pororum apertioni vacare valeat: Exerceri debet corpus frequentibus frictionibus, & cucurbitulis, post quas junctio olei amygdalini unguento nucis moschatæ roborati fovendum.

Si his frictionibus insensibilis transpiratio non eveniat, ad interna medicamenta recurrendum est, quæ insensibilem transpirationem, & quandoque sudorem concitent, ac proinde sanguis & continentes partes purificantur, absterguntur, & una aquositates superflue retentæ excrementis salinis, alijsque exoticis particulis vitiosè fermentantibus imbibitæ funduntur, attenuantur, & per cutis poros insensibiliter, vel per fuliginem accretionem evacuantur. Hujus conditionis medicamenta sunt diaphoretica, vel sudorifica; hæc enim sanguinem fluxiorem reddunt, qui celerius effervesceat, insigniter incalcescit, & omnes corporis meatus laxantur, & referantur, unde superflue aquosita-

tes unâ cum particulis salinis, aliisque heterogeneis excrementis rarefactæ in sanguinis massa ocys circulantes per insensilem, sive sensilem transpirationem foras secernuntur. His foras eductis, cessat sanguinis fluor, & iterum debitam adipiscitur consistentiam, fermentatio placidior fit, circulatio secundum naturam redit, calor sensim remittitur, & pori debitam servant apertionem.

Ad poros itaque aperiendos, & ad retenta effluvia foras sollicitanda his, & alijs uti possumus, ut

℞. *Antimonij diaphoretici* ℥β,

Corn. cerv. spagyricæ præp. 3β.

m. & detur cum syr. card. sanct. cochl.

Vel

℞. *Sulph. aurati diaph.* gr. viij.

salis volat. corn. cerv. gr. vj.

m. cum syr. de rutâ caprariâ.

Vel

℞. *Cinnab. antimonij,*

salis volat. card. sancti, ana ℥β.

m. cum theriacâ, formentur

pilulæ iij. & deaurentur.

Vel

℞. *Salis ammoniaci volat.* gr. viij.

camphoræ gr. ij.

diascord. fracastr. q. l.

formentur pilulæ iij.

& deaurentur.

Maximæ efficaciam nostrum *Antidotum Bezoarticum* in nostra *Mantissâ* descriptum ad 3j. experti sumus: deinde æger stragulis reclusus insensilem transpirationem expectet. Hinc medicos hortatos volumus, ut in omnibus morbis, & præsertim in febribus passim diaphoreticis exhibitis cutis pori servantur aperti, ne ijs occlusis, aut augeatur præsens morbus, aut novus ipsi superinducatur.

Antiqui medici, & præsertim Galenus balnei tepidi ulu has febres felicissimo successu curabant, & nos, qui id multoties experti sumus, uno, vel altero balneo febres ex prohibitâ transpiratione curavimus; quippe integram indicationem curativam balnei usus complet, poros enim aperit, & retentas fuligines resolvit, & educit, caloremque corporis ad naturalem temperiem reducit: usus iste balneorum in his febribus nunc recessit ab aulâ medicorum, sicut antiquorum medicamenta quàm plurima nobilissima, nam medici venerari cupiunt ut veterum medicorum sectatores, præcepta autem illorum in medendo veluti rancida, & exoleta repudiant.

Si his non cesserit febris ad diaphoretica supra descripta veluti ad sacram anchoram recurrendum est; illa enim ex integro indicationi curativæ faciunt satis.

CAPUT XXVIII.

De Februm curatione, quæ ex Humido Radicali fibrarum partium solidarum degenerato originem ducunt.

Nutritum à cibis separatum per interstitia fibrarum in spinalem medullam, & cerebrum fertur, in illis medullis indole animali acquisitâ, fit materia apta, ut substituatur in humidum radicale partium solidarum; descendit enim per solidum fibrarum partes solidas constituentium, recreatque illas

Illas suâ glutinosâ, purissimâque humiditate, qua omnes albæ corporis partes assiduo perfunduntur, & in vitâ sanguinis auxilio conservantur.

Duplici modo depravari potest humidum hoc radicale partium solidarum, uno cum transit in causam febris acutæ; altero cum transit in febris hæcticæ, vel tabidæ causam, quam vocant. Hinc primò de hoc acutæ febris genere, deindè de hæcticâ febre agimus.

CAPUT XXIX.

De Februm acutarum ex humido radicali depravato curatione.

UNo modo depravatûr humidum radicale fibrarum partium solidarum, cum ex vehementi causâ temperies substantiæ medullaris tum cerebri, tum spinalis medullæ dissolvitur, quod faciliter evenit hominibus vehementissimis animi passionibus afflictis; Imaginativa enim hominis cum in medullari substantiâ subiectetur, si vehementissimis Idæis melancholicis imbuatur, medullaris substantiæ temperiem corrumpit, simulque corrumpitur humidi radicalis temperies, eò magis si malæ dispositiones in corpore præcesserint; humido radicali ita depravato, ruit illicò homo, vires extemplò amittit, delirio corripitur, vel saltem mente non constat, vel non advertit; pulsus vix percipitur, friget potius, quàm calet, faciem efficit Hippocraticam, non sitit, non appetit, per intervalla furit, per alia quiescit, respiratio rara,

D. Car. Mustan. de Febris,

& suspiriosa, tandè mors in quarto, vel septimo evenit. Assignatis causis his supervenientibus symptomatibus, infirmo spes vitæ nulla superest, & medico nihil agendum, præter mortis præsagium.

Depravari, corrumpique potest humidum radicale sensibiliiori nobis modo, eandemque mortis speciem producere, cum scilicet pars aliqua corporis externa, vel interna gangrenâ, vel sphacelo corrumpitur; corrupto enim humido radicali fibrarum spermaticarum in parte gangrenatâ, communicatur ejus fermentum, in humido radicali adjacentium fibrarum successivè, continuòque serpens, efficit, ut totius corporis humidum cadavericum fiat, corrumpaturque homo, priusquam integrè moriatur. Cæterum cum sphacelus nullum penitus aliud admittat remedium præter abscissionem jam sphacelati à vivo, & integro, neque febres, quæ ex depravato nutrimento ob dissolutam temperiem substantiæ medullaris producuntur, remedium nullum admittere possunt, cum nequeat in illis abscissio corrupti à sano reparari, quæ aliquandò in partium externarum gangræhis mortem impedire solet.

CAPUT XXX.

De Febre Hæcticâ.

Miserabile febris genus est Hæctica, quæ cunctis terrorem incutit; non est de aliarum februm indole, quæ vel febrientem paucis diebus extinguunt, vel per crism ad

T pristi-

pristinam reducunt incolumitatem. Est ipsissima peste horribilior; nam grassante peste, plurimi infecti servantur. Est Venerea savior lue, quæ ubi primum innotuit, adeo sæva, & formidabilis fuit, ut ferè semper perniciofa, & lethalis extiterit, & licet hanc luem natura non curet, quia nunquam in hac crisi molitur, atamen nunc temporis mitius, & amabilius nobiscum se gerit, nam exquisita adinvenimus medicamina, quibus infallibiliter, & radicitus illam extirpamus. Sola hectica febris nec arte, nec crisi reparabilis est, sed vanâ medicaminum ope necessario longo post tempore necat, & tamdiu persistit, quousque facies appareat Hippocratica, & ossa, assumptâ carne, tantum tegantur. Est adeo contagiosa, ut non tantum viventes, verum etiam ædes inficiat, ac proinde ab amicis, & sanguine junctis vitatur. Hecticus perpetuò mortem ante oculos habet, & omni futura salutis spe cassus à febris initio ad finem usque vivendo moritur, & moriendo vivit.

Est febris hectica, sive habitualis dispositio singularum universum corpus componentium particularum à naturali statu recedens ob læsionem substantiæ alicujus membri principalis, quod ratione sui muneris aliquid cunctis ipsis totius corporis particulis distribuit.

Non obliti sumus caloris in hectica febris definitione, cum in communi medicorum vulgari sententiâ ad constituendam febris essentiam calor necessario requiratur; ceterum nos supra docuimus affectionem illam viventium corporum, quam fe-

brem medici appellant, in caloris excessu non consistere, sed in depravato cordis motu, quem multoties exorbitans naturalis calor comitatur, multoties verò non. Hanc sanè doctrinam in hecticâ nunc ulterius confirmamus, cum sæpissimè experti simus contabescencia corpora pullo prorsus exorbitanti calore exuri, vel siccare, imò tactu frigido, potius, vel teporis sensu illorum marcidum habitum repleri. Præterea concipere non possumus, quomodo in hectica febre apud vulgares, velut nuda qualitas, absque causâ fovente in solidis corporis partibus sit radicatus?

Dividunt febrem hecticam in *primariam*, quæ à principio invadit, & in *secundariam*, quæ alijs succedit febribus. Dividunt deinde in *simplicem*, quæ sola, & ab alijs separata affligit, & in *compositam*, quæ simul cum alijs, ut cum febre putridâ, ut dicunt, complicatur.

Partem affectam, seu hujus febris subjectum esse solidas corporis partes putavit antiquitas. Alij pro adequato subjecto cor, vel potius solidas cordis partes credunt, quia plus æquo ejus partibus irritatis primò, & deinde exsiccatis, cor non bene sanguificat, & per consequens corpus non bene nutritur; putant enim cor sanguificare, & partes solidas, scilicet spermaticas sanguine nutrire, eâ decepti larvâ, quia consumptio, & emaciatio in partibus solidis, & præcipuè carnosiss apparet: sed enim sanguis non per se, quia malè generatus fuit, at per accidens unâ cumulative à substantiæ membri principalis læsione inficitur, ut infra docebimus.

Tres

Tres hujus febris gradus vulgò assignantur. In primo alteratio, & extenuatio adeò exigua est, ut vix ab ægro percipiatur, & vix à medico cognoscatur, & interea hanc curandi febrem occasio præcepti labitur. Secundo in gradu evidentior est corporis consumptio, & calor intensiusculus, præsertim unâ, vel alterâ horâ post cibû elapsa, quo calor tunc quoque in malis, & manuum volis se manifestat. In tertio gradu absimitur humidum radicale unâ cum partium nutrimento, pinguedine, & etiam ipsâ ossium medullâ, ac ipsa partium stamina, seu ipsæ fibræ arescunt, & tandem exsiccantur: tunc apparet facies Hippocratica, & æger vix habet tenuem, quæ tégat ossa cutem, cum urinâ oleaginosâ, & sudoribus colliquativis, qui gradus appellatur *Hætica Marasmodies*, seu *tabes*.

Marasmus in tres species secundum veteres Græcos dividimus; enimverò cum ab eo, quod ad corporis particulas advenit, jam contaminatum est; vel ab eo, quod ab ipsis particulis malè affectis contaminatur; vel tandem ab eo, quod contaminatum advenit, & in ipsis ultrò corrumpitur, affectionem habitualement produci necesse sit. Primo modo atrophiam dici debere, secundo cachexiam, & tertio phthisim congruenter existimatum fuit.

Producitur atrophia vel cum nullus assumitur cibus, vel cum licet assumatur, nullam penitus patitur alterationem. Utroque modo singulæ corporis particulæ alimento prorsus destitutæ in atrophiam, & tandem mortem properant. Secundo modo producitur atrophia, cum læsa ventriculi, vel cordis substantia, adjacentiumque his

visceribus principalium membrorum liquores, qui ab ipsis generantur, & ad cunctas corporis particulas fluunt, ab ijs non admittuntur, neque assimilantur ob pravam illam impressionem, quam à læsâ viscerum substantiâ receperunt; tunc non solum inducitur habitualis affectio, ex eo quod particulæ nutrimento privantur, sed universum corpus celerrimè contabescit ob recursum repudiatorum liquorum versus naturales, spiritalesque partes.

Secunda marasmi species dicitur *cachexia*, produciturque cum conservantibus adhuc ventriculo, corde, adjacentibusque; membris eorum temperiem, atque producentibus adhuc toti corpori liquores non pravos; quia tamen natura insita singularum particularum à sanâ dispositione recessit, advenientes illos liquores non solum in earum habitu non apponit, sed eos corrumpit universumque corporis habitum mucidum reddit ex languore, qui *cachexia* dicitur.

Phthisis verò ferè semper *cachexiæ* succedit; fit enim cum contaminati, vitiosi; liquores à particulis solidis non admissi, in mesenterium, vel thoracem recurrunt, produciturque in visceribus naturalibus, vel spiritualibus apostemata, abscessus, inflammationes, erysipelata, similesque affectus, quos necessario exulceratio consequitur, eosque secuta *cachexia* jam in *phthisim* degeneravit, quæ incurabilis ab omnibus existimatur, cum in ipsâ non solum requiratur medicamentum, quod à principali aliquo membro vitium contractum abstergat, sed ei naturalem temperiem restituat, quod munus vix naturæ permittitur, & arti omnino negatur.

Signa.

Febris hectica admodum lento graditur in cessu, & ægro vix est sensibilis, & crescit eundo, & æger cum tanto pernicioso intra lares hoste versatur, quem non advertit, & sic de eo eliminando non cogitat, imò cum tam insidioso hoste placidè dormit, & de tanto hoste admonitus admonentem obtrectat, rixatur, & inimicitias contrahit. Est velut insensibilis favilla, quæ tecta serpit, & dum clara dat incendia, inextinguibiliter cuncta succendit. Hecticæ calor nimis lenis, & occultus est, & vix primo attactu perceptibilis, at si diutius ægri manus attrahatur, aliquantulum se prodit. Febris non recurrit per accessiones, attamen post cibum duabus, vel tribus horis se manifestat calor non nihil, & exacerbatur cum genarum rubedine: deinde corpus sensim, & insensibiliter emaciatur, in primis autem caro musculosa inter pollicem, & indicem evanesceat, paulatimque omnis carnea pars, ut suræ, & ubicumque ea sit, perit, ut saltem ossa cute obtecta remaneant, & tunc dicitur hectica marasmodies; nam hectica incipiens conjunctam non habet emaciationem, ubi verò contumacior est, ut corpus emaciatur, vocatur hectica marasmodies.

Pulsus est frequentior solito, parvus tamen, debilis, & in dies minor cum successivâ, & clandestinâ virium prostratione, caput, & universum corpus dolet, ægri sunt segnes, sicuti aliquando cum tussiculâ siccâ, temporis cursu humidâ cum multo

excreatu, quandoque copioso sputo carent. Sunt tristes, sæpius morosi, urina ferè naturalis, & sanis similis, sed postmodum in progressu in illâ oleum supernatare videtur, quod non est ipsa solidarum partium pinguedo, ut plurimi bardè judicant; sed sunt particulæ pingues oleosæ in sanguinis massâ existentes, quæ unâ cum sero mediante fermentatione, & circulationis lege ad urinæ vasa transeunt. Circa appetitum, & somnum mediocriter se gerunt, nihilominus indies emarcescunt. Hecticâ laborantes sudore præsertim nocturno infestantur molestissimo, qui vires insigniter prosternit, quia colliquativus est, undè totius corporis consumptio; & facies Hippocratica sequitur.

Tribus assignatis marasmi speciebus sua correspondent signa, undè:

Atrophicæ signa sunt pallor, macies, labiorum retractio, narium acuminatio, unguium excessus supra carnem, rugæ cutis, ipsius exsiccatio, sitis sine linguæ siccitate, alvi excretio, vigilia, pulsus frequens, & exilis, extremorum refrigeratio, respiratio anxiosa, & rara sine tussi; his apparentibus atrophiam infirmum laborare judicabis à totali ciborum defectu, vel à prorsus destitutâ ventriculi facultate dependente.

Cachexiâ infirmum laborare conicies, si cutis universæ colorem non simpliciter pallidum, sed fœdum animadvertes, si in eâ non simplicem siccitatem, sed squalorem observabis, furfuribus, alijsque spurcitijs horridum, pediculorumque multitudinem, hujus ungues sunt aduncæ, ut etiam

etiam narēs, os lividum ostendet, & limosum, non multum sitit, cibum stomachatur, sæpè diarrhœa laborat, pulsus habet frequentes, inæquales, exiles cum acuto quodam, sed paucocalore, quovis corporis motu, licet leni, spiritus anxietatem patitur, tussiculâ cruciatur siccâ. His apparentibus signis cachexiâ laborare infirmum tibi suaseris à vitiosis humoribus enascente, sive à principalis alicujus membri læsione, sive à causâ externâ vitium contraxerit.

Notare hîc convenit, quod cachexia, quæ neque ab externâ causâ, neque à læsione alicujus visceris, vel regionis naturalis, vel spiritalis originem ducit, necessariò à substantiâ medullari cerebri vitiatâ movetur, cujus signa sunt: Aridus totius corporis habitus, præceps, & inexpectata macies, pulsus parum à naturali statu recedens, artuum contractio, & abbreviatio, aspectus mutatio, acutus calor, falsa fames, excrementorum copia, & hujusmodi cachexia facillimè in phthisim degenerat.

Phthisis signa sunt extrema macies, cutis squalor, calor acutus, & exurens infirmo non sensibilis, pulsus frequens, & durus, spirandi difficultas, tussis profunda, purulentæ materiæ excreatio cruori commista, vigilia, anxietas, ciborum desiderium, frequens diarrhœa, cui mors imminet.

Hoc est signum omnibus dictis tribus marasmi speciebus, malus habitus, qui in deteriorem semper abit, depravatio motuum pulsus absque sensibili accessione, vel declinatione, symptomatum exacerbatio

post prandium, & cœnam.

Præterea cum dictæ marasmi species à læsione substantiæ cujuscumque principalis membri originem ducere possint, unumquodque ipsorum membrorum læsum propria, & patognomonica signa in suo marasmo patefacit.

Undè primò à ventriculo producti marasmi signa sunt: durities, & tensio in situ orificij superioris ipsius ventriculi, tussis tenax cum excretionē tenacis pituitæ, per intervalla spirandi difficultas, pulsus frequens, & inæqualis, extremorum tactus tepidus, & ad frigiditatem potius vergens.

Intestinorum marasmi signa sunt durities circa mesenterium, assidua diarrhœa cum cruentâ, & mucosâ excretionē.

Lienis marasmi signa sunt scorbuticæ affectiones, scilicet anhelitus fætor, marcidus cruor è gingivis effluens, excretio cruentæ materiæ, ipsius lienis durities, ulcera fœtida in cruribus, urina paucâ, rubra, & quæ statim corrumpitur,

Marasmi hepatici signa erunt: fœdus color totius cutis, ejusdem hepatitis tumor, & durities, mesenterij omnimoda exsiccatio, diarrhœa cruenta, continua sitis, & calor acutus.

Renum marasmi signa sunt: anhelitus nidorosus, corporis macies, urina purulenta, putrida, & pessimè olens, calor acutus, sitis, & à cibo febris incrementum.

Pulmonis marasmi signa sunt: tussis perennis, purulenta excreatio, spirandi difficultas, vocis rauco, sanguinis arterialis excretio, genarum rubor, calor acutus, plu-

pulsus frèquens, tenuis, & durus.

Cordis marasmi signa sunt: calor exurens, pulsus frequentissimus, & parvus; labiorum rubor, anxietas, & circa costas ejusdem cordis inæqualis pulsatio, quibus reliqua, quæ de pulmone diximus, succedunt, ac tandem mors.

Cerebri marasmi signa sunt: repentina totius corporis macies, cui nulla præcesserit tussis, nulla spirandi difficultas, nullus vehemens calor, & nulla pulsus depravatio: sed hæc omnia illam sequuntur usque in phthisis productionem. Hæc sunt signa marasmi comitantia, quæ certum præstant argumentum membri principalis læsi marasmi productionis primò, & per se; nam reliqua membra deinde per accidens concurrunt, unumquodque pro sui muneris functione per accidens læsa.

Causa occasioales.

Febrem habitualem in corporis habitu consistere vulgares Galenici credunt, ita ut sit quidam calor, uti vocant, in partibus solidis, & continentibus residens, ac proinde nudum calorem solidis corporis partibus inhaerentem absque foco, & fomite conservari supponunt, & hac de causa in curatione intemperiem calidam, & siccam refrigerantibus, & humectantibus corrigere conantur, quam sententiam prorsus ineptam existimamus.

Ad percipiendam habitualem corporis dispositionem, omnes nervos intendere debemus, ut clarè, distinctèque cognoscamus primum illud, quo hæc affectio suum nata fuerit

principium; non enim habitualis affectio produci potest, nisi principale aliquod membrum non per accidens, sed essentialiter in propriam substantiam læsionem contraxerit: supponit itaque principalium membrorum læsionem vel omnium, vel quamplurium, vel saltem eorum unius, sufficit enim unius principalis membri læsio, ut reliqua deinde lædantur, quippè principalia membra mutuo gaudent influxu, nec potest eorum unum malè se habere, quin reliqua, & ipsum universum corpus malè se non habeat.

Principalia membra sunt ventriculus, cor, & cerebrum, quæ principaliores habent influxus. Primus est nutrimenti, quod à ventriculo, & intestinis toti corpori suppeditatur. Secundus est sanguinis, & caloris, qui in corde perficitur, & per universum corpus distribuitur. Tertius tandem est roris, & cambij, quod in solidas totius corporis partes dispergitur, & à substantia medullari cerebri, & spinali medullâ elaboratur.

Præter principalia membra, quæ mutuo gaudent influxu, dantur alia membra minus principalia dicta, & ministrantia vocamus, ita sunt intestina tum pro munere, quod commune cum ventriculo habent, tum pro excrementorum transmutatione, & expulsionem ex superioribus intestinis ad inferiora. Lien ob serositates, quas à ventriculo sugit, & in venas transmittit. Renes, qui serum ab humano corpore sugunt, & in vesicam deponunt. Hepar, quod sanguinem colat, & volatilem facit ad vivificandum corpus. Pulmones, quorum ope aer intra corpus recipitur

ad

ad diversos fines necessarius.

Membrum principale ratione sui muneris aliquid cunctis ipsis totius corporis particulis distribuit, unde substantiæ illius principalis membri læsio habitualement inducit affectum; cum verò animal suas exercet functiones, ob quas cunctis corporis particulis præparatur, in bono habitu conservatur: etenim licet oculi sint viventis animalis principalissimæ partes, ut etiam sunt testes, quia tamen istæ partes functiones non exercent, quarum ope aliquid cunctis corporis particulis præparatur, si oculi extrahantur, si testes abscindantur, vel quomodolibet istæ partes corrumpantur, non proinde habitualis affectio inducitur, quod non sic evenit, si hepar, lien, intestina, ventriculus, cor, pulmo, & cerebrum in earum lædantur substantijs, vel à corporibus extrahantur: nam omnes corporis particulae, quæ ab his aliquid recipiunt, vel depravatè recipiunt, à naturali habitu recedere coguntur.

Fit febris hæctica, si inter membri principalis partes spermaticas liquor nutritivus à cerebro, & spinali medullâ elaboratus in propria indole depravetur propter causas pro-catharticas, scilicet sex res nonnaturales ex partium discrasia, illarum fibræ naturalem amittant ordinem, positum, & figuram. Hæ partes ob læsionem, & compressum vitium liquorem alimentitium regere non possunt, & dispositiones præter naturam adipiscitur, qua de re ad spermaticarum partium sustentationem redditur ineptus, & principium morbi depravatè in fibris movetur à

causâ occasionali ipsis inexistente, ac proinde lenta accenditur febris, nec sanguis in venis, & arterijs laudabilis generatur, cum hujus liquor iste sit causa proxima, & immediata, quæ de re corpus emaciari oportet.

Si humidum istud partium radicale ita disponatur à substantijs medullaribus, ut in partibus solidis suum esse glutinosum amittat, sed celeri motu in effluvia à corpore evolet calore exurente, & semper æquali infirmo insensibili producto, efficit, ut corpus paulatim areseat, & tandem in totalem consumptionem, idest marasum properet hac itaque ratione evenit hæctica febris à nimio corporis motu, & defatigatione, à vigilis, & curis productis, irâ, invidia, nam

Invidus alterius rebus macrescit opimis.

à febris continuis cum copioso sudore, diariâ, synochâ, acurâ, vel chronica, Zelotypiâ, nimia Veneris palæstrâ, aliisque animi passionibus. Prætereâ quandòque humidum istud radicale suum esse glutinosum amittit, & celeri motu sensibilibiter à corpore effluit, unde corpus sensim contabescit, ut ex vulnere aliquo cum synoviae fluxu, de quo egimus, abscessu cum humorum affluxu, vel ex ulcere aliquo maligno in aliquâ corporis parte existente, vitium fermentale huic humido radicale communicatur, ob contractum illud vitium fit fibris solidis sustentandis ineptum, efficit, ut corpus paulatim tabescens temporis cursu totum marcidum fiat.

Observavimus nos mulierem hæcticâ

fe-

febre laborantem ex fonticulorum multitudine, qui omnem rorem nutrimentitium absumpserant, quam, clausis, & curatis istis fonticulis, curavimus. Hæc hectica febris, quæ à causâ externâ, ut ab ulcere, vel à lue Venereâ originem ducit, curationem admittit, quia tam ex ulcere, quàm ex lue Venereâ proveniente membra principalia non per se, sed per accidens sunt læsa; nam corporis liquores à dictis causis externis contaminati, dum ad principalia membra accedunt, necessariò illa inficiunt, ac illorum unumquodque in sui muneris functione depravatur: hinc confusa oriuntur signa, & non minùs unius membri læsi, quàm aliorum præstant argumenta, fieri tamén potest, ut cum principalia membra roboris æqualitate non gaudeant, eorum imbecillimum faciliùs vitiatorum liquorum recipit influxum, & reliqua in illud jam debile factum se exonerant, quod cum illi tolerabilis non sit, ejus substantiæ læsionem faciliter contrahere potest, atque tunc licèt vitium ab externâ causâ productum efficacibus remedijs curetur, marasmus tamen non cessat, nam à læsione substantiæ membra postea ab externâ causâ contaminata foveantur.

Excitatur frequenter febris hectica non tantùm alicujus visceris principalis læsione; læso enim hoc vel illo ob mutuum influxum, consensum, conspirationem, & circulationis legem omnes partes lædantur oportet; eapropter in visceribus animalibus, vitalibus, vel naturalibus inflammationes, abscessus, tumores erysipelata similesque affectus, quos exulceratio, & pus sequitur, oboriantur, febrem

habitualement copulari necesse est, ut ex sanguinis sputo ex pulmonibus, pulmonis inflammatione, pleuritide non repurgatâ, septi transversî, hepatis, lienis, mesenterij, renum &c. Inflammatione suppuratâ talium viscerum substantia læditur, humidum radicale degener fit, & ineptum ad solidas corporis partes sustentandum redditur, sanguis, & succus alibilis ad carnosarum corporis partium nutritionem destinatus à pure conspurcatus, & depravatus renuitur, & inde necessariò contabescunt.

Oritur ut plurimum habitualis febris ex viscerum minùs principalium obstructionibus, ut ventriculi, intestinorum, mesenterij, hepatis lienis, uteri &c. Si enim ventriculus depravatè, vel diminutè assumpta alimenta concoquat, & in reliquum corporis non diffundantur; Intestina suo non fungantur munere; Mesenterium in glandulis visciditate, vel materiâ argillaceâ obsideatur, & quandòque pulmones etiam sabulosâ cretæ instar per totum obritos observavimus, & quandòque ex succos, & aridos; Hepar sanguinem venosum rectè non colet, & volatiliorem non reddat; lien sanguinem arteriosum jam effectum non spiritualizet, & fiunt in his partibus obstructiones rebelles, & chronicæ, & suo munere orbatae, nutrimenti succus, & sanguinis massa tum in proprio foco, & sede depravatur, inquinatur, & particulis nimis salinis, & acris remorâ saturatur, & æquali circulo ineptus non solum non redditur, sed non assimilatur, & à propriâ indole degener fit. Undè alicujus membri tam principalis, quàm inservientis propter

imbecillitatem functio primò, deinde substantia vitatur, depravatur, læditur, & nutrimentum partibus spermaticis talis membri non solum non apponitur, sed degenerat, & à cæteris partibus renuitur tanquam ineptum, & habitualis exoritur affectio.

Huic affectioni magnam ansam præbet ventriculus, si diminutè, vel depravatè concoquat, ac propterea ex depravato succo alibili depravatum sanguinem fieri necesse est, ut ex depravato sanguine partes opipare nutriri non possunt, imò humidum radicale in solidis corporis partibus cum principalis membri substantiâ quandòque depravatur, corrumpitur, nec eas sustentat, & unà omnes partes contabescere oportet. Undè febrem hæcticam sua primordia in ventriculo ex vitiosâ digestionem habere clare patet; exacerbatur enim, & exasperatur singulis ventriculi digestionibus, & à pastu excrescit, quod causa materialis ex digestionem depravatâ augetur; febris proinde hæctica, quæ aliis non supervenerit morbis, ut plurimum alimentorum vitio in stomacho inducitur, ac prosternitur appetitus, superveniente nonnunquam ipsorum alimentorum fastidio: Non negamus tamen in hujus febris initio inculpatam coctionem in ventriculo aliquando celebrari, adveniente tamen tempore compatitur ventriculus, & depravatè concoquit.

Proprium, & inseparabile hæcticæ febris indicium, imò signum pathognomonicum est, allato cibo, post aliquot horas febrem accendi, ac pulsum solito majorem, celeriore, & frequentiore percipi, in facie rubo-

D. Car. Musitan. de Febris.

rem levem, & in cute calorem blandum ita excitari, ut nova invasio videatur, quam neque horror, neque extremarum partium refrigeratio, neque quædam veluti dormitatio, neque alia insignis segnities, aut omnino inæqualitas aliqua, vel in caliditate, vel pulsu comitatur: & tamdiu hoc caloris augmentum durat, donec cibus fuerit digestus, & distributus, quo peracto ad pristinum habitum redit, in quo antequam cibus assumeretur, conspiciebatur.

Qui hoc eveniat, facile deducitur ab his, qui hæcticæ causam in depravatâ, & læsâ ventriculi coctione stabilunt; inquiunt enim ex depravatâ coctione depravatum generari chylum, qui descendens ad intestina, ad venas lacteas, deinde in Pecqueti sacculum, postmodum per thoracicas ad cor ascendens, sanguini commistus ipsum perturbat, & febrem solito majorem accendit: sed has chyli nævias fusissimè in nostrâ *Trutinâ Medicâ c. De Ventriculi actione* refutavimus. Non negamus tamen calorem solito majorem in obstructis à digestionem ob substantiæ nutritiæ remoram in obstructis ventriculi canaliculis augeri.

Ineptus *Galenus* hujus rei causam tradens, ineptum affert exemplum, & docet eâ ratione accidere, qua calci superposita aqua fervorem, & ebullitionem excitat; si enim intra manus quis calcis glebam recipiat, ejusdem parvifaciat caliditatem, quam neque sentiet; quòd si ad terram deponat, atque aquâ perfundat, videbit quamprimum vehementer calefactam, atque ita ferventem, sicut lebes, quandò ingenti adhæserit flammæ, vapores

V

etiam

etiam non paucos ab eâ efferri conspiciet, quod si etiam tangere ausus fuerit, facile ex hoc deuri continget. Optimum quidem exemplum sed idiotissimum sapit: Verum *Galenus* barado calcis exemplo utitur ad facilitatem hujus rei intelligentiam, quia aliam rationem adinvenire non potuit, & quia ipse rudis rudibus suis loquitur alumniis: nam quemadmodum ab aquâ calci superpositâ fervor excitatur, eo quod genitis ex calce vaporibus â superpositâ aquâ cavitates obstruente denegatur, & prohibetur transitus, undè recenti in calce fervorem excitant. Et hinc notat *Mercurialis*, quod si acetum, vel vinum calci superfundatur, fervor qualis ab effusâ quâ non excitatur. Idem contingit hecicis ab assumpto cibo; nam tunc ab hecico calore cibum pariter cal fieri necesse est, & sic in vapores, & halitus plurimos dissolutus augmentum illud caloris efficiat extensive saltem calore adaucto, quemadmodum augetur ignis combustibili adauctâ materiâ.

Porrò ut nostram adducamus sententiam, ea notemus oportet, quæ in nostrâ *Trutina* li. 3. cap. 1. *De Ventriculi actione* fusiùs tractavimus: Quæque ciborum genera ventriculum attingentia actutum digeri, nutritionem incipere, & languentes reficere artus in sano ventriculo, in imbecilli autem nequaquam contingere patefecimus, quia *Siquis febricitanti cibum præbeat, quem sano exhibet, valenti robur, agrotanti morbus fit, aph. 55. sect. 7.* Eapropter cum hecicorum ventriculus vel hecicæ febris ansam det, vel unâ patiat propter membri principalis consensum, & conspirationem, non

potest in hecico ventriculus sanas peragere functiones, ac proinde nutritionem depravatam fieri, & depravatam motum à motûs principio oriri necesse est: eapropter essentialis ciborum substantia acido-salina, & acris evadit, ac se sanguini, vel nutrimento ejusdem farinæ commiscens, vel aliqujus principalis membri lasi substantiam attingens, aciditatem salinam, & acorem intendit, efficitque illud, quod materia combustibilis leni igni injecta facere apta est.

Fit in hac febre pulsus celer, & frequens non à sanguinis visciditate, ut plures perperam autumant, sed à fibris consumptis, & resolutis in sanguine à particulis acido-salinis, & acris; has enim fibras clarè conspici datur in sanguine è venâ pedis educto intra calentem aquam, quæ ad vasis fundum delapsæ in mucosam concrescunt substantiam, & manu, vel assere agitatae albam quasi nebulam repræsentent, has pro animalis nutritione inservire credidit noster *Thomas Cornelius in Progymnas. 6.* sed nos sanguini pro fræno in *Trutinâ* diximus, ne his expers dissolutus, & effrænate in gyrum verteretur. Caret his fibris hecicorum sanguis, ideo eorum pulsus celer, & frequens observatur, & ideo circa arteriarum loca calor lentus manifestior, & magis perceptibilis sentitur, quàm in partibus venosis & carnosiss.

Temporis cursu hæ particulæ acido-salinæ, & acres in sanguine congeruntur, ac proinde intenduntur, exaltantur, & solventem nanciscuntur indolem, undè non tantum in sanguine serum solvunt, verum etiam rorem, nutrimentum, & carnes colliquant

liquant, relictis fibrarum texturis, in sudorem, qui colliquativus appellatur, præsertim nocturno tempore infestans, & hinc consumptio, & facies Hippocratica subsequitur.

Prognosis.

Febris hectica dicitur habitualis, non quia sit in habitu corporis, sed quia difficilè à subjecto removeretur, id est curatur; unde eventum valdè incertum habet, & ferè semper lethalis est. Tres habet gradus, seu tempora, principium, medium, & finem, in primo gradu, scilicet in principio non admodum difficilis est curationis, attamen eam cognoscere difficile est; clàm enim ità serpit, & cuniculis agit, ut indies incurabilior reddatur: quæ verò magis chronica, eò difficilius curari potest, id est quò propinquior primo gradui eò facilius, quo propinquior tertio, id est tabi accedat, eò curatu magis impossibilis, ac proindè primus, & secundus gradus curatu facilius, quàm tertius, quæ enim cum tabe conjuncta est, & profundas egit radices, lethalis est; Cum humidum illud radicale absumptum, & exsiccatum sit, partesque similes absumptæ refici non possint. Si viscus aliquod principale, aliudque minus principale essentialiter læsum sit, ut vix, ac ne vix refici, vel reparari possit, lethalissima. Quæ putridæ, ut dicunt, febri, intermittenti, vel continuæ conjungitur hectica, curatu difficillima est, & plerumque lethalis. Tabidis in aquam marinam expuentibus, si pus fundum petit, celerem perniciem denunciat, sit autem marina aqua in vase æneo. Qui

tabe vexantur, si sputum, quod ex-tussiunt, carbonibus injectum graviter olet, perniciosum signum. Si lienteria, aut alvi fluxus, capillorum defluvium, tiliarum inflatio, sudor colliquativus, aut facies Hippocratica accedat, mors præ foribus adest.

Nullus eorum, qui habitu corporis præditi sunt humidiori, statim ab initio hujusce modi febre correptus fuit, sed quicumque sunt naturâ sicciore, ac præsertim si unà calidam habuerint corporis constitutionem, vitamque elegerint in laboribus, vigilijs, curis, victuque paucio, hos statim ab initio hectica febris invadere solet, ex irâ, vel tristitiâ, ac magis æstate, statuque temporis calido, & sicco, ac loco prætereà consimili.

Febres hecticæ ut plurimum ab anno decimo quarto ad trigésimum quintum affligere solent, & ægri in hisce annis constituti difficillimè evadunt, qui autem ante hanc ætatem, vel paulo post hecticâ corripuntur, sæpè curantur, vel saltem longo post tempore palliatiâ curâ vitam protrahere possunt, & præcipuè mulieres.

Curatio.

Habitualis febris curationem à dietetico fonte exordimur, qui in rectâ sex rerum nonnaturalium administratione consistit, ex qua remediorum materia desumitur, & primò se nobis offert.

Aër, qui secundum vulgares ad frigidum, & humidum vergere debet, si vel admodum calidus sit, vel admodum frigidus corrigatur. Pro calido inducendus est arte contrarius, subterraneis inventis domibus, quæ

frigidissimæ sint, & maximè ad Septentrionem veris; quapropter *Gal. I. meth. cap. 8* Æstatis tempore aëre existente calidiori, ægrum in loco subterraneo degere præcipit, qui frigidissimus sit, & maximè perflatus, & hoc unico remedio *L. Riverius* hæticum extremâ confectum macie intra mensem restitutum vidit. Optimum quidè remedium, quod hujus febris indicationi respondet; putavit enim caliditatem, & siccitatem in solidis partibus radicatam, & à nullâ causa totam febrem hæticam consistere ac proindè hujus medicamentum esse per contraria, scilicet frigidum, & humidum. Vel aëris caliditatem in conclavi assiduè aquâ, quæ prorsus frigidissima sit, de vase in vas transfusâ temperant, cujus strepitu etiam somnus conciliatur; tum etiam pavimentum frigida indè aspergunt, & floribus ex herbis refrigerantibus, tum ipsis herbis refrigerantibus plurimis frequenter illud disseminant, turbâ quoque hominum ingredi prohibitâ, hæc namque domum calfacere potest. Cæterum de hoc minimè ambigendum est, nam hujusmodi morbus contagiosus est, ac propterea à sanguine junctis, & amicis etiam charis declinatur ægrotus. Frigidissimum aërem admittendum præcipit Galenus, quatenus respirando attrahitur, ut qui calorem, qui est in corde admodum refrigeret, quamvis minimè conferat, quatenus extrinsecus ægrum contingit, quippè id densat, cogitque cutem, ac humorum, qui comburuntur, effluxum transpirare prohibeat. Attamen majus fore ex frigidâ inspiratione commodum affirmat, quàm ex cute con-

densatâ, præsertim illud vitari possit operimentis corpus probè muniendo; porro utendum maximè ejusmodi aëre in ijs hæticis, quibus primum, quod afficitur, ipsum est cor. Verùm si hætica febris ex pulmonis ulcere fuerit, aërem frigidum ulceris ratione non convenire, quia frigidum est ulceribus inimicum, putant, sed temperatum in activis ad calidum vergentem, in passivis siccum. Qua ratione Galenus phthysicos ad Stabias è Græciâ mittebat, ubi aër siccior erat, sed illi in Græciam non revertebantur, sed per proximum Vesevi orificium ad Averni fauces descendebant; non enim deperdita pulmonis pars ab aëre cujuscumque optimæ notæ reparabilis erit.

Aër secundum nostram sententiam debet esse temperatus, nullis inquinatus expirationibus, ac alkalicis refertus particulis, qui particulas acido-salinas, & acres inspiratu castiget; quadere unius loci aër magis salutaris est, quàm alterius: contra verò particulis salinis, acidis, & acribus conspurcatus sanguinem inspiratu acriorem reddit, qui pulmonum vesiculas erodit, scindit, secat, & ulcus in eorum substantiâ producit, ut in aliquibus observamus regionibus, in quibus vel phthisis generatur, vel generata ad ultimam morbi periodum terminat. Multum conferre aëris salubris mutationem in febre habituali experimur, attamen in primo, & secundo gradu, in tertio verò nulla salutis spes remanet, ut in quo gradu nostrates medici cum magnâ æris, & totalis valetudinis jacturâ suis ægrotis tandem aëris mutationem suadent. Hic Neapoli Stabiarum aërem saluberr-

berrimum esse prædicant, quia alkalinis particulis è Vesevo monte est imbutus. At Stabiæ everſæ fuere à L. Syllâ, extat nunc ex earum ruderibus, ut fertur, Civitas, quæ *Castrum ad mare* vocatur, vulgò *Castello à Mare di Stabia*, cujus aër ita nunc depravatus, & conspurcatus est à magna stagnantium aquarum, & putridarum copiâ, ut quotannis adventante autumno epidemicæ grassantur febres, imò inibi fluviolus est, quem ex fœtore *Aquam fœtidam* appellant, cujus energiam odoretenus in cephalalgia incolæ extollunt, mirum est ex viro alexipharmacum elicere cephalicum inèptè credere.

A Stabijs Neapolim versus multi extabant pagi, ut *Pompejanum*, ex cujus ruderibus nunc visitur *Turris Annunciata*, sed hujus aër à Sarno flumine aliquibus in locis stagnante pestifer redditur, & quotannis ejus putrida effluvia dant incolis pœnas.

Extabat olim *Herculanum*, cujus ruderibus novum superinductum est oppidum, vulgò *la Torre del Greco*: Hic extat celebre Nosocomium, ad quod Phthifici pro incolumitate recuperandâ confugiunt sed miselli pro vitâ mortem subeunt. Multos hos phthificos huc misimus, sed nullus regressus est, imò omnes perierunt, & nullus, quem hominum memoria scire potest, evasit, & reverà est hujus languoris laniena, &

Una salus victis nullam sperare salutem.

Sunt hujus Nosocomij tecta, ut cætera taceamus, adeò effluvijs, & excrementis, quæ ab ægrotis excernuntur, conspurcata, ut sanos inficiant, &

malè affectos interimant. Sunt in hoc tractu multi Pagi, ut *Resina*, *Leucopetra*, *Portici*, &c. in quorum privatis domibus faciliùs redimitur salus, attamen adventante autumno, has sedes tanquàm lethiferas fugiant oportet, tum ob paludum vicinias, quum ob fermentantes immunditias, quibus Neapolitani ad olerum ubertatem hortos stercoreant. Olim his in locis triumphali amictu natura ambulare, & ludere solebat, at nunc squallida, & discerpta vestem aëris insalubritatem deplorat.

Parem, imò nequiores sortitus est tractus *Puteolanus*, *Bajanus*, & *Cumani* sortem, erat olim adeò jucundissima plaga, & saluberrima, aëris temperis, maris tranquillitate, loci amœnitate, & soli fertilitate gaudebat, ut nec Cæsares, & Proceres Romani fuerint, nec ferè Romanus Civis, qui in hoc tractu suam non habuerint Villam, imò hortulum, villulam, ne dicamus ruguriolum, in quam à laboribus, forensibus curis, & exactis prælijs non se conferrent ad ocia, voluptates, solatia, pompas, ludos, luxus, commestationes, Bacchi, & Veneris delicias, tandem videbatur altera Roma. At nunc solitudine, loci squalore, aëris gravitate, & retris Mephitis totus inhabitabilis marcescit, pauci visuntur habitatores, & ruguriolâ potiùs, quàm domos illic aspicias, ac littus à paucis, & pauperri- mis piscatoribus tenui cymbâ percurrì. Guncta temporis voracitas attrivit:

*Quantum potuit mutare vetustes,
Et nunc horridior nullus in orbe locus.*

Sat aëris ratione digressi sumus, regrediamur nunc ad fontem diætericum.

Cibi laudantur à vulgaribus refrigerantes, & humectantes, quia hujus febris causam in calore, & siccitate consistere fatentur, verum non conveniunt, quatenus refrigerant, & humectant; nos verò juxta nostra principia eos convenire cibos dicimus, qui sanguinem, cæterosque succos acidos, falsos, & acres temperant, & dulcificant, insuper qui laudabilem producunt succum, faciliè concoquuntur, citò nutriunt, & quam minima generant excrementa, hujusmodi sunt juscula pullorum, gallinarum, caponis, ovorum vitelli, &c. Profunt carnes hædi, vituli, vervecis, porcelli, phasiani, perdicis, lepusculi, &c. sed elixæ assis præferuntur. In jusculis incoquunt varias herbas hortenses, ut portulacam, endiviam, lactucam, boraginem, cichoreum, acetosam, &c. Verum hæc olera parùm nutriunt, & in febre habituali laborantium stomachis faciliè ob diminutam, vel depravatam digestionem corrumpuntur, & in acidum degenerant, illudque adaugent. Pisces concedi possunt, sed saxatiles eligendi sunt, in puris nantes aquis, qui tenera sunt præditi carne. Inter fructus comedantur poma, pyra, pruna damascena, cerasa, passulæ, & ficus; hæc enim succum alimentitium dulcem producant.

Putant vulgares hæcticos infixum solidis partibus habere calorem, quo alimenta faciliè, promptèque depopulantur, ac proindè illis alimenta solida, & viscosa præscribere solent, ut animalium extremitates, carnes limacum, cancrorum, testudinum, ranarum illæ carnes viscosæ sint, & humidæ, faciliè partibus agglutinantur, nec faciliè à calore febrili absumuntur,

& sic partium solidarum siccitatem remorantur. Verum animalium extremitates pauci nutrimenti, & difficilis sunt coctionis, in stomacho immutantur, & mediante fermentatione ex ipsis pars subtilis, & spirituosæ elicitur, non viscosa, quæ ad partes solidas nec pervenire, nec apponi potest pro illarum nutritione. Concedimus nos in hoc affectu animalium extremitates quatenus acidum absorbent, quia alkali occulto constant.

Limaces montanæ valdè pro hæcticâ commendamus, non quia viscosæ, & humidæ sunt, & faciliè partibus adherent solidis, sed quatenus in se sal volatile admodum temperatum habent, sicuti habetur in plantis, quas refrigerantes appellant vulgares. Undè vel præparatæ ad esum, vel distillatæ imprimis si post plurium dierum diætam nutriantur saccharo, & farinâ: postmodum aquâ, & paucò sale coquantur, postremò abjecto cortice optimo pulli jure ad esum præparentur, egregium dant remedium contra hæcticam.

Cancris non marini, vel palustres, sed fluviatiles eximium nutrimentum potius medicamentosum, quàm simplex nutrimentum præbent, & optimè conducunt in febre hæcticâ, vel pulmonum, vel renum exulceratione; totus namque cancer, quantus est, vulnerarius est, & occulto sale volatili alkali vulnerario saturatus, ut *de vulneribus* diximus, & alibi; quæ ratione conveniunt pro eliciendo acido excrementitio partium in hæcticâ, ac etiam pro expurgandâ acrimoniâ, sive fermento corruptivo acido ulcerum renum, & pulmonum in phthisi, ac proindè in hæcticâ, phthisi, tabe, & atro-

Atrophîa sunt magni usûs. *Butyrum cancerorum* in phthisi singulare est remedium, quod paratur, miscendo butyrum non salitum cum canceris fluviatilibus contusis, & invicem exprimendo, & ad humiditatis consumptionem inspissando, vocaturque butyrum anti-hecticum. *Lapilli cancerorum* in hecticâ magnum habent usum. Item *pulvis cancerorum*, cujus præparationem in nostrâ *Pyrotechicâ sôphicâ* docuimus, in supra dictis affectibus magni momenti est. Prostat in officinis *Syrupus cancerorum fluviatilium* pro hecticâ, & phthisi.

Testudo terrestris magnæ efficacîæ est in hecticâ, & phthisi, ex hac paratur à vulgaribus syrupus. Sunt, qui ex testudine singulari artificio *magisterium ex testudinibus* pro tabidis parant. Medicorum vulgus his in affectibus jura consumpta testudinis præscribit. Pro esu prius nutrirî debent saccharo, & farinâ, deinde coquantur, & abjecto cortice tandem coquantur in gallinarum jure non admodum salito.

Ptisanam hordeaceam, & præsertim ipsius cremorem optimum pro his alimentum esse credunt vulgares, quia frigidum, & humidum censent, & non temperato sale alkali saturatum: verum est hordeum decorticatum, equorum potius quàm hominum alimentum. Frequentius farra præscribunt, quæ æger stomachus non facilè concoquit, cum vis digestiva laboret, & actualis ignis non nisi post octo, vel decem horarum spatium concoquit; hæc enim emaciata, & consumpta corpora multum nutrire, & incrassare credunt. Qui infimum habent ventriculum, vel de-

licatiores sunt, alimentis facilioris coctionis uti debent, ut sunt variæ panatellæ, jura consumpta, vel jura restaurantiâ, carniû destillationes per descensum, quæ verò per ascensum fiunt, non nisi meras aquas inspidas reddunt, & minimè nutriunt. Optimè nutrit, imò nutrimentum medicatum est *Pasta Regalis*, ad hujusmodi ægrotos restaurandos idonea, cujus confectio talis est:

℥. *Pulpa caponis,*

vel perdicis elixata ℥. iij.

amygd. d. in aq. ros. macerat. ℥. iv.

pinearum ℥j. ℞.

sem. papav. alb. ℥. ij.

gummi Arabici,

tragacanth. ana ℥. j. ℞.

cum aq. ros. paucâ f. pasta

regalis auro obducta.

Passulae sunt egregiæ in phthisi, & *Riverius* in *Cent. 4. obs. 43.* phthificam passulis curatam narrat: *Puella phthifica, & ad extremam maciem perducta, & consilio medici solis passulis vitavit cum pane comestis, & pro potu utebatur decocto hordei, & liquiritiæ, sicque intra octo menses restituta est, & optimè, ac probè impinguata.* Joël commendat passulas ad corpus pinguefaciendum, & incrassandum: & aliàs in discrasia sanguinis temperandâ, & corrigendâ passulæ blandæ, ac temperatæ insigniter conveniunt. Reverâ passulæ nil aliud sunt, nisi mustum coagulatum, in quo blandus vini spiritus asservatur.

Optimè conveniunt *nuclei pinearum, pistachiorum, amygdalarum dulcium, quatuor semina majora* vulgò frigida dicta, *papaver album, & similia;* hæc enim suo lentore mucilaginoso humores acido-salinos, & acres ob-

obtundunt, dulcificant, & per urinæ ductus educunt.

Sunt, qui commendant *ostreas* in hecticâ, de quibus *Lindanus* habet exemplum de hecticâ ostrearum usu curatâ: Dicit namque *Fuit Amstelodami virgo xx. annorum, quæ ex ulcere pulmonum in hecticam inciderat, & jam desperata per aliquot annos decubuerat: huic ægra obveniebat voluptas comedendi ostreas, undè cum ipsi gratificaretur, vigintiquinque parata fuere ostrea, quas avidissimè comederat: postero die cum sentiret, quod se haberet melius, plures fuere oblata, & ita in totum ab hectica liberata fuit.* Sed hoc credat Judæus Apella.

Dulcia, ut *mel*, & *saccharum* maximè vitanda sunt, ex eo quod propter aciditatem latentem stomacho infensissima sunt, & hecticam deteriore reddunt. Mel destillatum dat spiritum acidum volatilem corrosivum Saccharum per se destillatum subministrat spiritum acidum, & corrosivum, qui corallia, perlas, & similia subjecta, ut spiritus aceti, corrodit. Imò si saccharum cum antimonio optimè permisceatur, & per retortam destilletur, prodit liquor antimoniatum, sive oleum antimonij, dùm saccharum corrodit antimonium, & corrosivum per retortam secum vehit. Saccharum rafinatum fit per aquam, in qua soluta fuit calx viva, quæ aqua dùm purificatur saccharum, fit, ut illi communicetur acredo corrosiva, & quò magis rafinetur, eò magis evadat corrosivum, & noceat pulmonibus, & partibus internis Undè in phthisi, alijsque exulcerationibus internis ulcera sordida, pulmones, aliasque partes ad

putrilaginem disponit, paret ex eo; quia si carnes recentes saccharo aspergantur, subito putrescunt. Quapropter saccharum ob vim fermentativam maximè nocet; hanc propter effervescentiam periculosum est syrupos, conservas, & similia medicamenta saccharo parata præscribere in febribus sive intermittentibus, sive continuis: ac propterea discite, quod multi ægroti divites in febribus interire solent propter syruporum, & medicamentorum dulcium, vel saccharatorum usum, quæ nimium exasperant febres: cum contrà pauperiores, qui non semper sint solvendo medicamenta saccharata, nudis decoctis, & simplicibus feliciter curentur propter sacchari defectum.

Potus sit decoctum hordei, vel seminum emulsiones, vel optimum erit decoctum china cum passulis. Gal. 10, meth. cap. 5. & 6. aquam frigidam exhibet, eaque se multos à marasmo præservasse gloriatur; verum si corpus valdè extenuatum est, periculum minatur, ne pusillus calor exstinguatur. Si ventriculus admodum debilis fuerit, & æger vino sit assuetus, concedi potest vinum aquosum, & valdè dilutum, quod coctionem, & distributionem juvat. Vel admodum elegans potus erit vinum ex passulis malvatici instar. Vel optimum erit decoctum chinæ cum passulis. Omnia potulenta spirituosissima maximè nocent, & sæpè huic malo occasionem præbent. Item potulenta, quæ diaphoretica, & sudorifica sunt, cane, & angue pejus videntur, quia vires prosternerent, sudorem excitarent colliquativum, & corpus absumerent.

Motus non convenit, sed quies potius imperanda est, estò ante cibum, si vires ferant, leve aliquod exercitium conferre possit, aut ejus loco leves frictiones institui possunt.

Somnus nec longior, nec brevior sit; nam longior viscerum calorem adauget, & corpus magis exsiccat, attamen minus incommodi ex longiori, quàm ex breviori oritur, quia somnus magis humectat, quod in febre maximè expetendum est. Dormiant hectici in molli strato laqueo, non plumeo, commodamque latitudinem habente, lintea sæpè mutantur, quæ aquâ rosarum antea irrorata fuerint. Vigiliæ immoderate spiritus resolvunt, vires dissolvunt, corpus calefaciunt, humores acriores reddunt, & totum emaciant, ideòque *Somnus*, & *vigilia*, utraque si modum excefferint, malum.

Alvus pigrior proritetur glande, aut clystere ex jusculo pulli cum hordeo, malvâ, & violariâ parato, addendo mèl violaceum, butyrum, & ovorum vitellos. Excretiones reliquæ solitæ, & præsertim naturales in suo tono servantur, ne ægrum debilitent, si segniùs procedant, promoveantur, reliquæ verò omnes fugiantur, quales sunt sanguinis excretiones. Si alvi fluxus superveniat, ægrum ad interitum comitatur, ideòque refrænandus est.

Animus in tranquillitate, & hilaritate detineatur, ac spe, quæ alit afflictos, demulceatur; vehementes animi passionēs: ut ira, tristitia, & metus, ex quibus sæpius hecticam productam vidimus, quantum fieri potest, vitentur. Venus, ex qua etiam hecticam partem observavimus, fu-

D. Car. Musitan. de Febris.

gienda est, quia corpus valde resolvit, & absumit.

His præmissis, curationem pharmaceuticam instituamus oportet, & primò secundum rancidæ medicinæ sectatores curam proponimus, quam internam, & externam instituunt. Inter interna primum locum sibi vendicant medicamenta purgantia, & præcipuè si prima regio excrementis scateat propter cruditates à debili ventriculo productas, ita sunt *Manna*, *cassia*, *syrupus rosarum solutivarum*, & si vires non sint prostratæ, exhibent *infusum rhabarbaricum decocto prunorum, tamarindorum, myrobolanorum, buglossi, & violarum*. Cæterum purgantia etiam lenia tuta non sunt, & vires in hoc affectu conservari debent, nam non curatur in primo, quia tunc non percipitur, nec actiones lædit, sed tantum in secundo, vel tertio gradu, & in his si diarrhœa superveniat, malum, ac proinde irritari non debet. Præterea solutiva corpus emaciant, calorem adaugent, & febrem intendunt, unde malum exasperatur, & nos multos hecticos purgatos mortuos fuisse observavimus.

Postmodum refrigerantia, & humectantia medicamenta in formam juleporum, jusculorum, & emulsionum redigunt in hunc modum, ut

℞. Aquar. endivia,

lactuca,

acetosa ana ℥b. β.

syr. violacei,

nymphae,

pomorum ana ʒ. j.

m. f. julep pro tribus dosibus

bis in die sumendis, & per plures dies continuandis.

Vel

℞. Hord. integri p. j.

fol. endivia,

cichorij,

lactuca,

pimpinella ana m. j.

flor. borag.

buglossi,

violarum,

nymphæ ana p. j.

prunor. damasc. par. iij.

coquantur ad lb. j. ℞.

in colat. diss. syr. de cich. simpl.

de nymphæ ana ℥ij.

f. julep. pro iv. dosibus.

Ex iisdem simplicibus cum pullo gallinaceo, vel gallinâ juniori decoctis parant jusculum ad eundem usum, ut

℞. Radic. chinæ ℥. j. ℞.

hordei integri p. ij.

quat. sem. frig. mai. ℥. j. ℞.

contundantur, iisque impleatur venter capi, aut pulli junioris. fiat jusculum, cui adde

sacchari rosæ. ℥. ℞.

capiat æger per longum tempus; reficit enim, & impinguat.

Præscribunt radicis chinæ decoctum cum simplicibus refrigerantibus, & humectantibus, quod per diuturnum tempus propinant; hoc enim hecticos nutrirî, & pingue fieri credunt. Verùm corpora impura quò magis nutries, eò magis lades, & sit cibus quantumvis optimus (medicamentum namque non nutrit) nunquam nutrire potest, nisi morbi causa tollatur; prætereà china sudores movet, quod periculosum est in hoc morbo. Perperam vulgares indicationem curativam à macie, & calore, qui sunt effectus, & symptomata, & non à

malo habitu ex succorum impuritate, & membri principalis læsione contractâ, desumunt.

Ad sidera extollunt, & in frequenti habenti usu pro febre hecticâ hîc nostri medici vulgares *Aquam Capcephali*, cujus nomen ab authore derivatum est, qui Capocephalus cognominabatur, Medicus Neapolitanus, cujus conficiendi modus talis est,

℞. Fol. borag.

buglossi,

endivia,

melissæ,

cichorij,

ceterach,

capill. Ven.

plantag.

betonica,

sampsuci,

fumaria,

acetosella,

scabiosa,

ling. cervina,

hepatica,

rad. gramin. ana m. vij.

pomor. appier. n. x.

mica panis albi m. j.

gallinæ n. j.

serpent. vulgè Cervone n. j.

testudinum num. iij.

Ex his omnibus hoc modo fit aqua. Panis infunditur in aquâ florum myrtillorum, herba cum carnibus minutim conteruntur, & omnia destillantur per alembicum vitreum moderato ignis regimine. Propinant hanc aquam per quadraginta assiduos dies ad trium unciarum pondus in aurorâ, & in sistendis destillationibus, & contra febrem hecticam sine pari celebrant.

Optima quidè aqua, quæ passim à quopiam mediculo in hecticâ febre præ-

præ-

præscribitur, sed sine fructu, & nullam à febre habituali, & destillatione, quam vocant, ereptum vidimus, & nos pluries præscripsimus, ut ejus vires experiremur, & nunquam effectus famæ respondit, ac proinde tantum futilem examine rejicimus, & primò, herbæ, nullâ præcedente fermentatione, nil reddunt, nisi sudores, qui potius in aquam elementarem, quam in singulares virtutes combinantur, potioribus partibus earum essentialibus in residuo concreto remanentibus. Secundò, carnes gallinæ, serpentis, & testudinum in destillatione dant vapores omni virtute carentes, qui in capitello, & inde in recipiens in aquam elementarem coagulantur. Nemo famelicus vapore è carnibus ebullientibus exhalante saturare, aut collapsas vires restaurare potest. Considerate quæso, an tabidos hæc aqua restaurare possit? Eadem habebit vires, ac aqua elementaris, imò nisi recentissima sit, cadavericum spirat odorem, & ægrum inficit potius, quam reficit, & malum pejorat.

In summâ emaciatione non tantum per os, verum etiam per podicem hæcticum restaurant; frequenter namque nutrientes ex pulli, vel capitis vervicis juscule cum saccharo, & vitellis ovorum clysteres injiciunt. Cæterum clysteres cujuscumque generis in habituali febre, & in quacumque aliâ, sunt podicis remedia, & periculo pleni, ac proinde semper fuerunt hostiles, diarrhœam enim in hæcticâ concitate possunt, & ægrum in mortis agone constituunt. Præterea neminem, quem scimas, per anum nutritum fuisse observavi-

mus. Sed quis credet alimenta per clysteres in intestina crassa, loca fetida, injecta, & stercoribus admista nutrire posse? Deberent alimenta in his intestinis per ipsos in chylum mutari, quod nullatenus evenire potest; nam in ventriculi cruditate assumpta alimenta non mutata, neque ullo modo cocta ab alvo defluunt per tortuosos intestinorum gyros, & ante excretionem in putatitium chylum mutarentur, quod non succedit. Unum tantum in hoc, repudiata chylicatione in nostrâ *Trutinâ*, fluctuando credere possumus secundum nostram sententiam, spirituosam ciborum portionem ab intestinis crassis elevari, & aliquo modo vitam sustentare, non verò restaurare.

Inter optima remedia hæcticis opportuna *lac* censent vulgares, cum eorum indicationi correspondeat, & utramque compleat paginam; est enim accommodatissimum hæcticis alimentum, & medicamen, quod maximè refrigerat, & humectat, quia non solum accidentaliter, & qualitative, sed etiam substantifacè, & facile distribuitur. Quatuor de idoneo lactis usu notant, scilicet ipsius speciem, exhibendi tempus, quantitatem, & denique modum.

Primò, varia sunt lactis genera, omnium tamen optimum muliebre fore censent ob substantiæ familiaritatem, quam cum nostris generationis primordiis habet, & utilius erit, si ex ipso ubere sugatur: sed quia morbus contagiosus est, nulla mulier etiam paupercula tanto se vitæ periculo exponit.

Post *humanum lac* secundas vices obtinet *asininum*, & usitatus est; ini-

ta itaque prius multorum vulgarium medicorum consultatione, lac asininum præscribunt ad multos dies, & menses, sed advertunt, quod multum confert asina nigra, & in otio refrigerantibus herbis est nutrienda, & quolibet mane pectenda: at non absque sale asina nigra esse debet, ab illâ medicinæ parte edocti, quæ analogismo morbos curat, nam cum nostrâ in hac urbe observârint, quibus nigri pallij est usus, non rustico, sed nobiliori, & delicatiori sanguine natos, moribusque similiter urbanis studere, sic pariter de asinâ nigrâ crediderunt. His imposturis pinguioribus vulgares, & asinæ nigræ evadunt, & miselli hæctici, & phthifici in sceleti formam redacti magnæ vitæ, & fortunarum dispendio ad æris permutationem tandem instigantur.

Post *asininum* succedit *lac caprinum*, quod licet minus refrigeret, magis tamen ad alendum valet. Unum de lacte asinino, & caprino ex nostrâ observatione dicere possumus, quod si aliqui hæctici, vel phthifici evaserunt, mores asininos, vel caprinos induerunt, id etiam in infantibus à capra pastis ob pauperularum matrum lactis inopiam observavimus. Lac autem recentissimè mulctum, & adhuc calens hauriatur, ne alteretur ab aëre; idcirco inductâ prope cubiculum asinâ, vel caprâ, in vas calefactum mulgeatur.

Tempus exhibendi magis idoneum sine dubio est matutinum, cum scilicet ventriculus vacuus invenitur ab assumpto cibo; assumitur tamen quatuor, vel quinque horarum spatium ante prandium. Post assumptum lac

æger quiescat, & non solum à corporis, & animi motu, verum etiam à loquelâ, & somno absteineat, ni tamen ob ventriculi languorem sit illi somnus concedendus; si verò vires ferant, levi deambulatione per cubiculum se exerceat. Non prandeat, donec lac benè digestum, & à ventriculo secessum animadverterit, & æger fame provocetur ad cibum. Vulgò lac sumitur semel tantum in die, sed præstat bis in die sumere, & adhuc præstat, si æger solo nutriatur lacte; nam præterquam quod in majori copiâ sumptum majores exerit effectus, & magnum vitatur incommodum, quod ex jusculis, & carnibus cum lacte permistis exoritur, facile enim putrescunt.

Quantitas ab eorum Antesignano *Gal. 7. & 10. meth. med.* præscribitur, ut scilicet ex eo assumatur cyatus, verum ejus mancipia docent, ut primâ vice à duabus, vel tribus uncijis exordientes ad quinque progrediamur, ut ventriculus illi assuescat, illius quantitatem sensim augendo usque ad uncias octo, decem, & libram unam, diligenter observantes, ne lac in ventriculo accescat, coaguletur, vel corrumpatur; quadere saccharum ei permiscet eâ proportionem, ut ad lactis uncias octo sit sacchari uncia una.

Ut tandem lac commodè usurpetur, quidpiam in contrarium, quod ejus usum perturbet, vel inhibeat, adesse non debet, ut magna febris, aut capitis dolor, aut hypochondriorum tumor, aut biliosus alvi fluxus, ut *Hip. sect. 5. aph. 64.* notat. Illius usus ad quadraginta dierum spatium producendus est.

Quantum ad ea medicamenta, quæ
exte-

exteriùs adhibent, omnium accom-
modatissimum, & hæcticis utilissi-
mum præsidium aquæ dulcis Balneum
censent vulgares, ut 10. meth. cap. 10.
latè prosequitur Galenus. Hoc plu-
rimùm valet ad hæcticum calorem
extinguendum, siccitatem humectan-
dam, & omnia viscera temperanda;
ægrotos itaque in Balneum aquæ dul-
cis moderatè calidum conjiciunt ma-
nè depositâ alvo naturâ, vel arte, dua-
bus, vel tribus horis post assumptum
jusculum, vel lac, vel ovorum vitel-
los, in quo tandiù æger immorari
debet, donec spontè tepescat, & tan-
dèm refrigeretur. Quòd si nimis tar-
dè hæ mutationes fiant, ut æger tæ-
dio afficiatur, aquæ frigida affusione
balneum ad libitum tepescat, & re-
frigeretur. Hanc tamen adhibent
cautionem, ut cum triplex qualitas
in eodem balneo haberi possit: æger
in calidâ parùm immoretur, in tepi-
dâ diutiùs, & in frigidâ nimum. A
balneo ægrum linteis calidiusculis
molliter detergunt. Postea verò oleo
violaceo, nymphae, rosaceo, vel amyg-
dalarum dulcium &c. inungunt, &
in thalamo collocant. Verùm nos
per istam unctionem ambigimus,
quin æger nucem Beneventanam
adeat. Postmodùm ubi parùm quie-
verit, jusculum, vel aliud ferculum
propinant.

Zacutus Lusitanus noster balneum
ex hydroleo miris encomijs. evehit
Obser. 35. lib. 3. Praxis admiranda,
& tantæ utilitatis rationem ex eo de-
sumit, quòd balneum ex aquâ dulci
paratum, cui olei copia adjuncta sit,
tensas partes emollit, siccitas, & rare-
factas hum. Atit, & poros obstructos,
ac præ siccitate conniventes aperien-

do, ad extimas, maximèque di-
stantes corporis partes alimentum
attrahit. Alij, balneo aquæ dul-
cis, ut plus humectent, malvam, vio-
lariam, brancam ursinam &c. addunt.
Quidam verò balneum ex lacte dulci
magis exoptant.

Salutiferum præsidium est bal-
neum, sed loca affecta non adit, cir-
cumferentiam lenit, & centrum non
attingit. Extimam siccitatem ad tem-
pus humectare potest, sed hæcticum
calorem extinguere, vel saltem tem-
perare non valet, nisi fomes in suo
foco deleatur, quò balneum perve-
nire non potest.

Quandò æger balneis uti non po-
test, admovent cordi, & hepatis epi-
themata hoc modo concinnata, ut

℞. Aq. rosar.

nymphae,

portulacæ ana ℥iij.

succ. granator. ℥j.

pulv. elect. diamarg. frig. ℥ij.

ossis de corde cervi ℥j.

camphoræ gr. iv.

f. epith. cordi admovendum.

Vel

℞. Aquar. endivia,

lactucæ,

cichorij ana ℥iij.

aceti rosacei ℥j.

trium santal. ℥ij.

spodij ex ebore ℥j.

f. epith. hepatis admovendum.

Sed hæc epithemata Asiaticè in no-
strâ Trutinâ repudiavimus.

Hepatis regionem unguento rosaceo,
vel cerato santalino inungunt: cete-
rùm oleorum, & unguentorum inun-
ctio proscribenda est; nam poros con-
stipat, & obstruit, ac proinde febrem
intendere potest.

Curativa tabescentium corporum indicatio nullo modo à malo habitu desumenda est, ut v. gr. à macie, ut pinguis producat habitus: & à fœdo cutis calore, ut floridus fiat: ab exorbitante calore, ut ad temperiem reducat, & à similibus, quomodo medicorum vulgus hodiè tabidorum curationem aggreditur, nam prædicta sunt effectus, & symptomata potioris causæ, à qua pullulant, tantquam à radice. Ridiculus sanè est medicus, qui tabescentem conatur reddere pinguem, nisi tabis causam prius evellat, imò tantum abest, ut cibus optimi, & plurimi nutrimenti in tabescentis corpore in bonum cedat, ut corruptioni, plusquam alij obnoxius afferat nutrimentum. Erit ergò indicatio curativa omnium marasmodum purificatio liquorum solidas corporis partes irrorantium cum correctione vitij eos contaminantis, sive illud in membrorum principalium substantijs sit impressum, sive à causâ externâ originem ducat; Verum enim verò cum liquores corporis purificationem admittere non possint, usque dum contaminans illos vitium subsistit, & contra correcto vitio, facile sit ipsi naturæ liquorum purificationem moliri, cardo curationis marasmodum omnium in correctione vitij in substantijs membrorum principalium contracti vel ab externâ causâ exorti prorsus innititur: quippè vitio correcto, liquores etiam corriguntur, atque paulatim in bonum habitum corpus adducunt absque medicamento, vel cibi speciali exhibitione, sed sufficit communis, & ordinarius.

Est adeptorum medicorum senten-

tia dari non posse medicamentum, quod membra principalia essentialiter læsa ad pristinum restituere possit, nisi indolem habeat universalem, scilicet ut sit tantæ subtilitatis, perfectionis, & temperiei, ut ipsi naturæ ob symbolum conjungi possit, & membris reddere, quod illis deficit, vel auferre, quod illis præter naturam est additum; cumque ad tale medicamentum obtinendum summa industria, & artificium requiratur, specifica quædam medicamina trademus, quæ instaurationem principalium viscerum summo operè promonent, & marasmo ab ipsis supervenienti succurrunt.

Si itaque in tabidum incideris, qui signa tabis ventriculi supra notata præferat, sitque auxilio capax, vomitu primò illum levabis hoc modo:

℞. Vitrioli albi ℥j.

fiat pulvis.

qui conf. flor. borag. inclusus exhibeatur, & immediatè post jusculi gallinacei uncias tres superbibendum præbe. Verum hoc emeticum non est tutum ob indolem suffocantem.

Si validæ consent infirmi vires:

℞. Merc. Vita opt. præp. gr. iv.

infunde per noctem in vini graci ℥ij.

manè vinum separetur à pulvere,

& infirmo exhibeatur: Sed præstat Hippocras emeticum nostrum alibi descriptum.

Post vomitum usus *Vitrioli Martis* per 40. dies prosequatur curationem, ejus dosis erit gr. vj. quæ augeatur paulatim usque ad gr. xv. manè

in jejuno stomacho. Verum vitrioli Martis usus repudiatur à nobis in nostrâ Trutinâ: præstat *Tinctura Martis* à nobis descripta in *Martis Julepo*, vel *idem julepus*: & quolibet etiam die exhibe *elixiris proprietatis Helmontij* 3j. duabus horis ante prandium, totidemque dosim ante cœnam in *syrupo de corticibus citri*, & *oleo sacchari citri* gr. v. Vel exhibe *pulveres stomachicos Quercetani sine saccharo* per mensem. Exteriùs ventriculi regioni summo cum juvamine applicatur *Scutum stomachicum*, quod in *Auduario Andree Battimelli in Hadriani A Mynsicht Armamentarij* descriptum reperitur. Si opus fuerit, vomitus repetatur, & à solutivis abhorre.

Verum si signa tabis intestinorum tibi occurrant, à vomitivis, & solutivis abstine, & curationem cum *sero lactis caprini* institue:

℞. *Seri lactis* ℥ij.

sensim augendo ad ℥ij.

syr. de succ. Viol. 3ij. m.

Quod si serum per alvum reddatur, per xx. dies ejus usum prosequere, nam curationem integram complebit; nisi serum per alvum reddatur, post secundam vicem ab eo abstine, & per 40. dies sequentibus utere pilulis:

℞. *Myrrh. opt.* 3j.

alos 3ij.

f. pulvis utriusque

Et cum *terebinthinâ Venetâ redit in massam*, pro quibus dosis à ʒj. ad ʒij. quolibet mane. Vel *pilulis nostris familiaribus* in nostrâ *Mantissâ* descriptis ad ʒj. quem in duas redige pilulas, unâ ante prandium, & alterâ ante cœnam utere.

Si tabes à liene, sive scorbuto signa se manifestaverint, deobstruentibus, & diureticis curatio tentanda est, purgato prius corpore, quam ita consequeris:

℞. *Seri lactis caprini* ℥ij.

ferveat in igne, & dum fervere incipit, injice

fol. sen. or. 3℔.

cinnam. contus. 3ij.

vas illicò cooperiatur, & auferatur ab igne, frige factum serum coletur, & infirmo exhibeatur per quatuor dies eadem dosi. Hoc levissimo purgante corpus à crassis humoribus liberetur, tunc

℞. *Vitrioli Martis,*

salis absynthij

tart. vitriolat. ana. 3j.

in pulverem redacta misceantur, hujus mistura recipe ʒj. & infirmo exhibe quolibet mane per 40. dies.

Unicè prodest, & singulare remedium erit. *Tinctura tartari, vel sal volatile tartari* ex descriptione *Andree Battimelli in Auduario, vel sal ammoniacum aperitivum, vel Tinctura Martis aperitiva ejusdem Battimelli.*

Si lien durus, & turgidus apparuerit, dissolve *oleo de Verbenâ* à nobis in *Mantissâ* descripto. Demum lienis substantiam hac inunctione corroborabis:

℞. *Olei laterini* q. s.

quo quolibet mane per 30. dies lienis locum inunge, & hæc est omnium affectionum lienis efficacissima curatio, ita ut obstinatas etiam vincat quartanas.

Scirrhum etiam hepar suam affert tabem cum proprijs signis, ut supra, quam *diarrhoea cruenta* semper per

per comitatúr , hanc hepatis tabem
tutò curabis solo sero caprino ab-
sque ullâ additione, nisi solius syrupi
violarum:

℞. *Seri lactis* lib. ij.

Syrupi viol. ℥ ij. m.

Exhibe per xv. dies quolibet mane.
Nec te terreat cruentus fluxus à feri
usu, quippè causam leniter abstergit
cum partium integrâ mundificatione.
Post feri usum liquore absynthij per
ensem hepatis substantiam roborat-
is, quem ità parabis:

℞. *Absynth fol.* ℥

summitat. q. s.

*Contundantur crasso modo, injiciantur
in vas vitreum amplum absque ullâ ad-
ditione, quod optimè obstruatur, ne ex-
halet, & bulliat in B.M. per 24. horas,
refrigeretur, tunc vas, & aperiatur, li-
quoremque pretiosum absynthij à foliis
separatum remove leni foliorum ex-
pressionem, & serva.*

℥. *Hujus liquoris* ℥ ij.

vini albi generosi ℥ ij. m.

& infirmo exhibe per mensis spa-
tium. Interea hepatis regionem un-
guento ex santalis fovebis.

Corroboranda demùm est hepatis
substantia *rhabarbari essentiâ*, (rha-
barbarum à vulgaribus hepatis anima
vocatur) quam ità parabis:

℥. *Rharbari opt.* ℥ j.

fiat pulvis,

Cui affunde in vase vitreo

Spiritus viri ardenti lib. s.

*sine, ut simul maneant per 12. dies, post
quos spiritum vini intense coloratum à
rhabarbaro per inclinationem separa.
Spiritus hunc tinctum retortæ vitreæ
inde, & lenissimo calore fac, ut vini spi-
ritus pro tertiâ parte destilletur. Quod
remanet in retortâ serva, est rhabar-*

bari genuina tinctura, quæ balsa-
mum est hepatis. Dosis ejus est unius
scrupuli quolibet die perensem.

At si marasmm ex pulmone signa
affirmaverint, & tussis assidua, & spi-
randi difficultas vigilem faciat, ægro-
to somnum pro quiete tussis *Cyno-
glossæ* usu concilia:

℥. *Pilul. de cynogloss.* gr. xii.

& infirmo exhibe post cœnam quarto
quolibet die. Vel exhibe *Laudani opia-
ti* gr. ij. vel. iij. in *Mantissâ* ex nostrâ
inventionem descripti.

Verùm si ex sanguinis rejectione
periculum immineat, sequenti utere
arcano, quod nunquàm te deseret in
sanguinis ex pulmone dejectione:

℥. *Ranas palustres integras, uti sunt,*
q. v.

*atque viventes in ollâ cum suo operculo
in calidissimum furnum immitte, ibi-
que exsiccentur, usque dùm in pulve-
rém redigi possint, fiat earum pulvis, cu-
jus infirmo exhibe in syr. de Papavere
℥ j. Cessabit illicò sanguinis ejectio,
induciturque lacerato vasi cicatrix,
ità ut novâ laceratione opus sit ad
novi sanguinis ejectionem. Pulmo-
nem deindè elixire proprietatis in no-
strâ *Pyrotechinâ* descripto roborat:*

℥. *Elixiris propriet. destill* ℥ s.

Syr. de papavere ℥ j s. m.

Hæc dosis per 24. horas ægro suffi-
ciat per vices ad modum lambitivi.
Vel roborabis *balsamo nostro catholico,*
*vel balsamo sanguinis humani in Man-
tissâ* descriptis, vel *balsamo Peruvia-
no liquido* in eodem syrupo.

Porrò si tabes ex corde tibi signa
apparuerint, potiùs mortis prædictio-
nem, quàm salutem ex medicamentis
præponere poteritis; incipienti tibi
ex corde *Lac perlarum* mederi tan-

tum poterit, quod absque industriâ, & artificio haberi non potest, aliquod tamen perlæ promittunt, si aceto stillatio solvantur, oleo tartari p.d. præcipitentur, à sale abludentur, & residuus earum pulvis per 60. dies infirmo exhibeatur quolibet mane pondere unius scrupuli. Verum quia hodiè in magno sunt pretio, potius ad pulchrum mulierum vultum, quam ad morborum sanationes valere credimus; undè insulse ab hecticis, & phthisicis assumuntur cum magno æris dispendio, & absque salutis spe. Conducunt perlæ, sed sub lactis, scilicet primigenij liquoris formâ, & non à menstruis acidis solutæ, & præcipitatæ, quia his saturatæ nullam vim obtinent. Præscribant vulgares medici has perlas solutas, & præcipitatas divitibus tantum, & tenuioris fortunæ hominibus pro perlis matrem perlarum præparatam, quia majores dotes in matre, quam in filiâ experientur. Eximium medicamentum est in marasmo ex corde *Aqua Perlarum* nostræ descriptionis in *Mantissâ*. Vel *elixir cordiale*, vel *magisterium cordiale* à *Battimelli* in *Anctuario* descripta. Tribuunt medentes vim cordialem perlis, sed quâ ratione nescimus, cum tantum præcipitandi vim habeant. Multum præstat tabidis ex corde *cinis cancrorum fluviatilium* loco, & tempore haustus pondere ʒß. Demum liquore ex cornu cervino tanquam magno remedio in tabe ex corde utere, quem ita parabis:

℞. *Limatura C.C.* ʒ j.

aqua comm. lib j.ß.

bulliat ad duarum partium consumptionem, quod remanet aquæ à limatura separa, & serva.

D. Car. Musitan. de Febris

℞. *Dicta aqua* ʒ j.

lactis perlarum ʒ j.

vel magist. cordialis ʒ j.

vel elixiris cordialis cochl. j.m.

& ægro propina per 40 dies.

Hanc etiam curationem adhibere poteritis tabi ex cerebro, quæ nunquam ferè auxiliis capax invenitur, & hæc de marasmodum curatione, qui ex substantiæ principalium membrorum læsione ducunt originem.

Verum si ab externâ causâ corporis liquores contagium susceperint, ac propterea tabidum produxerit habitum prudenti medico ut plurimum salutis spes relinquitur, at si ex ulcere ab externâ causâ producto tabes aliquem invasit, hoc modo illum curabis. Solutiva sunt fugienda, ut etiam vomitum cuncta, corpus, si opus fuerit, aloë, vel rhabarbaro tantum leniendum, deinde tota spes in vulnerariis reponenda est, inter quæ hoc, quod tradimus, efficacissimum experti sumus:

℞. *limatura eboris,*

cornu cervi,

lign. guajaci ana ʒ ij.

ponantur in pupatella, deinde

℞. *Betonice,*

sampsuci,

santal. rubr.

ros. incomplet. ana ʒ j.ß.

aq. font. lib. j.ß.

Ponantur hæc omnia simul cum pupatellâ in vas vitreum altum, quod optimè obstrue, ne quid exhalet, & bulliant in MB. per quatuor horas, sine deinde, ut omnia frigescant, & à pulveribus, & pupatellâ decoctum exprime,

℞. *Hujus decocti* ʒ v.

quas infirmo exhibe mane, & vesperi duabus horis ante cibum, quo vulnerario

Y

rario

rario utere per 40 dies; nàm paulatim æger bonum adipiscetur habitum cum ulceris curatione.

Egimus hucusque de febris habitualis curatione à membrorum principalium substantiæ vitio, vel læsione genesis ducente; cognito enim membro principali affecto, facilius hectica, quàm quartana febris curatur. Medicamenta, quæ descripsimus, non secundum vulgarium opinamentum, scilicet ad calorem refrigerandum, & siccitatem humectandam (sunt hi affectus, non causæ) adduximus, sed quatenus membri principalis partium spermaticarum humidum radicale læsum ab acido-salino, & acri à causis procatharticis excitato, vel inducto corrigunt, temperant, edulcorant, vel si obstructio adsit, deobstruunt; hæc nàmque omnia medicamenta à nobis allata sale alkali, vel volatili, blandiori, & temperato abundant, & acrimoniam acido-salinam destruant. Agendum nunc superest tam de illis medicamentis indolem ferè universalem habentibus, quæ humidum radicale in membro principali deturpatum, & hujus partes spermaticas, & solidas rectificant, quàm quæ sanguinis massam, nutrimentum, lympham, aliosque succos conspurcantes corrigunt, emendant, repurgant; uno nàmque membro principali læso, reliqua, ipsum universum corpus lædi, ac circulates & irrorantes succos coinquinari, ac malum corporis habitum produci certum est. Quandoque sanguinis massa, nutrimentum, & lymphæ à causis procatharticis acido-salinam nanciscuntur acrimoniam, & dùm in vertiginem aguntur, ad aliquod princi-

pale membrum imbecillum appellentes, illud sensim, & insensibiliter lædunt, & habitualem febrem gigni necesse est. Hæc medicamenta, ut suum sortiantur effectum, sale alkali, vel volatili blandiori, & temperato prædita esse debent, & hinc succus alimentitius, sanguis, & ipse latex temperatur, corrigitur, emendatur, dulcescit, & ab omni acrimonia, & acore salino vindicatur, & focus, undè aliquod acre succis subministratur, extinguitur. His ritè administratis, sanguis in suum naturalem redit circuitum, & succus alimentitius, qui antè à ob-acorem à partibus respuebatur, fit illis gratus, & genialis: qua de re consumptæ, & extenuatæ corporis partes avidè nutriuntur, reficiuntur, pinguescunt, humidum radicale restauratur, & pristinae sanitati hecticus restituitur.

Summoperè commendatur *Lac perlarum*, *magisterium perlarum*, *aqua perlata*, & *manus christi perlata* & *Helmont*. inquit: *perla in suum primum concretum lacteum soluta, sunt absolutaphthiseos, & hectica cura*: Sed nunc solutæ cum menstruis corrosivis (non patet alius modus) parum, aut nihil conducunt, & decantatis encomijs non respondent, imò potius obfuisse, quàm profuisse observavimus: porro qui primogenium perlarum liquorem habent, magno pro hectica, & phthiseos curatione potiuntur arcano, sed primogenio perlarum liquore carentes substituere possunt *perlas preparatas*, vel *lapides cancerorum fluviatilium* simpliciter in pulveres reductos. *Pulveres cancerorum fluviatilium* valdè commendamus, & cum magno fructu exhibuimus; sunt enim

in acrimoniâ salinâ destruenda planè egregij.

Eximium medicamentum est *Manna*, seu *Saccharum aluminis*, cujus descriptionem habet *Andreas Battimelli in Auctuario*. *Doleus Dulcedinem aluminosam* commendat, quam ità parare potest, qui vult: *Alumen pulv. in calore arena igne phlegma destillatum suo corpori reddat, denique hanc destillationem septies repetat, donec totum phlegma in ejus corpore maneat: paratum alumen tritum solvatur in liquorem in loco humido p. d. Hunc liquorem deindè balneo per 12. vel 15. dies digere, postea separatim fœcibus liquorem purum filtratum lento igne coagula. Dosis gr. x. ad xv. in liquore convenienti.*

Petrus Poterius salutare *Antihecticum* (ità appellatum ab usu contra hecticam) describit, quod nos pluries exhibuimus, & multos hecticâ febre correptos à Libitinâ subtraximus, & nihil est, nisi *Regulus Antimonij*, & *Jovis compositus cum triplo nitri perfecte fixatus*: sed magna adhibenda est solertia, qua Joviale sulphur auferatur, at hæc non omnibus est nota. Communiter prostat colore cœruleo, qui tamen imposturam olet; nam color cœruleus est adhuc de sulphure Jovis inflammabili, ratione cujus interdum movet vomitus. In ejus itaque præparatione secernendum est sulphur, ut præstantissimum habeatur hoc anti-hecticum, cujus dosis à gr. vj. ad viij. Verùm hodie propter pseudo-chymicorum imposturam decantatos non præstat effectus. Nonnulli putant hoc anti-hecticum ex alumine fieri, quod de *Lue Venereâ* in febris habitualis curatione descripsimus ex

Hoffmanni mente, qui perperam ex alumine componi opinatus est, sed reverà est quædam operatio quæ cum aluminis dulcedine, mannâ, & saccharo coincidit. Qui hoc caret anti-hectico, vel aluminis saccharo, uti potest antimonio diaphoretico ritè fixato, vel ebore sine igne præparato.

Magnarum virium, & felicitis successus *Aquam Anti-hecticam* in nostrâ *Mantissâ* descriptam semper experti sumus contra hecticam febrem; In phthisi verò *Decoctum Anti-phthysicum* etiam in nostrâ *Mantissâ* descriptum nunquam satis laudare possumus ob stupendos effectus, quos præstat; phthisis namque inchoata, & pulmonis ulcus, ex quo pus toti sanguinis massæ impertitur, undè lenta febris suam agnoscit genesim eliminatur, & tabes profligatur, ac propterea ulcus mundificat, consolidat, sanat, & sanguinem pure conspurcatum abstergit.

Non omittenda sunt *Viperarum jara consumpta*, quæ tabidos ex quavis causâ summoperè restaurant; vires enim reficiunt, ut infirmo difficile non sit validioribus non uti medicamentis, quæ alioquin ferre non posset.

℞. *Viperas* ij.

à senectâ denudatas, abscissis capitibus, caudis, & abjectis extis, minutissimè contere, ac in vitrum amplum injice, quibus adde

Vini generosi ℥j.

aquæ card. bened. ℥jss.

santalor. rubr.

cinnam. contus. ana ℥j.

Vas optimè claudere, & bulliat in MB. trium horarum spatium. Post refrigerationem vasis fiat juris expressio, quod

propinetur infirmo bis in die per 40. dies, & hujus magni remedij admirabimini effectus; valdè enim sanguinis massam renovant, & humidum radicale reparant.

Lactis usum non omninò improbamus, & primò lac humanum maximè appropriatum homini est alimentum, cum ab infantiâ accòmodatissimum, & primum fuerit, utpotè infans in utero ipso jam dudum alluefactus, ac proindè laudari solet in phthisi, in primis quidè si æger nutricis mammæ adhibeatur, ut ipsemet mammam exugatur, vel calidè emunctum propinetur, si nutrix infici perhorrescat; est namque phthisis morbus contagiosus. Refert *Forestus* in suis observationibus, quòd *Aliquando juvenis quidam phthisi, & tabe desperatâ laborans fuit curatus per lac humanum, dum necesse habuit, ut sibi conducere nutricem, ex qua singulis matutinis, & vespertinis horis exhauriret lac, undè factum est, ut non tantum fuit restitutus à tabe, sed etiam nutricem postmodum impregnavit. Nam lac mulierum armat in Venerem, ut eidem sine lassitudine, & debilitate virium possimus operam navare.* Verum aliquandò lac humanum fallit in phthisi. Secundò lac asininum potum potenter nutrit, ac valdè commendatur in hecticâ, phthisi, & atrophîâ, in quibus expertissimum celebrari solet, cujus vis in sale volatili temperato consistit, ac propterea optimè nutrit. Tertiò lac caprinum omnibus reliquis lactis speciebus præfertur propter feri, & salis volatilis copiam, quia capra est animal spirituosum, & agile, & hinc parum dat lac, quod minus præ reliquis lactis speciebus in se continet

materiæ caseosæ; nam in lactæ, quò minus est talis substantia caseosa, èò elegantius, & efficacius est; omnes enim noxæ à caseosâ materiâ proveniunt. Quartò lac bubulum etiam magni æstimatur.

Lac genericè est elegans nutrimentum medicamentosum, & ejus bonitas non æstimanda est ex proprijs qualitibus, sed ex bestiæ qualitibus, ejus sanitate, longævitate, & salubritate; nam quò longævius, *Helmontio* auctore, & salubrius est animal, èò convenientius est lac ad vitam longam. In genere notum est, quòd animalia quò salubriores comedunt herbas, èò salubrius dant lac. Undè in hecticâ si herbis humectantibus, & refrigerantibus secundum vulgares, secundum verò recentiores sale volatili temperato, & blandiori abundantibus; ut sunt borago, buglossa, endivia, cichorium, lactuca, acetosa, &c. pascantur bestię, lac ipsum, quod hecticis prodest, èò magis erit appropriatum pro hecticæ curatione.

Lac tribus constat substantijs, prima est aquosa, & dicitur serum lactis; secunda pinguis, & unctiosa, quæ butyrum vocatur; tertia crassa, viscida, & terrestris, & appellatur caseus. Lac ratione partis oleosæ, pinguis, & butyraceæ, uti etiam ratione salis volatilis nitrosi convenit in temperandâ quacumque humorum acrimoniâ, undè in hecticâ prodest, in qua peccans acido-salinum, & acre in partibus delet. Dum humorum acrimoniam temperat, in phthisi conducit, ne corrodingo pulmones, malum augeat. Hac eadem ratione in omnibus partium internarum exulce-

ratio-

rationibus, ut renum, hepatis, & similibus conducit ob partem serosam, quæ pus abstergit, & humorum acrimoniam temperat, & partis butyrosæ ratione ulcerum consolidationem adjuvat.

Observandum est in lactis usu, quod calidum assumi debet, & quod citius post bestię emulsionem ex bestia hauritur, eò est melius; facile namque ab aëre alterari potest, ne itaque nimis alteretur, expedit mox calidum bibi. Hujusmodi lactis alteratio patet ex eo, quod facile acescit, & quod postquam emulsum est, pauco interjecto tempore, in vermium propaginem convertitur, & copiosos exhibet vermes, si lac tantillum aëri fuerit expositum. Dùm lacte utitur æger, vitet omnia acida tam in potu, quam in victu, ne lactis coagulationem inducant; lac enim acida coagulant, ac propterea cum lacte permiscetur aliquid sacchari, vel aliquid de spiritu salis ammoniaci, vel simili, ne coagulatio succedat; saccharum enim potenter lactis coagulationem impedit, & præ omnibus menthæ succus, ut alibi diximus. Si sacchari tantillum in lac injiciatur, exinde nec butyrum, nec caseus fieri potest. Pessima omnium est lactis corruptio, quando coagulatur, nam corruptio optimi pessima, & multos producit languores, de quibus alibi.

Lactis diæta hoc modo instituenda est: Tempore matutino, jejuno stomacho assumatur libra una lactis, additâ sacchari candi uncia unâ, post haustum moderatus instituatur motus, & per tres horas jejuset: tempore vespertino tribus horis ante cœnam eadem dosis reiteretur, ut manè eo-

dem modo, & jejunium iterum imperatur, ut fiat distributio. Multa sunt, quæ lactis usum inibent, sed *Non hæc tempus spectacula pascit*. Accomodatissimus erit lactis usus in hecticæ, tabis, atrophiciæ, & phthisis curatione, sed non nimis serotinus, & integris viribus instituendus est, his enim deficientibus, nihil, aut parum prodest.

CAPUT XX XI.

De Curatione febrium, quæ à sanguine vel in motu, vel in substantiâ depravato producuntur.

HUMIDUM radicale in cerebro elaboratum per substantiam fibrarum, venarum, & arteriarum fluens intra ipsos venarum; & arteriarum tubulos destillat, & præexistenti in ijs sanguini commiscetur, & in sanguinem transit, & sanguis spiritus concretus, fibrosus, de naturâ salis volatilis, perenniter se movens, tum quò ad se totum, tum quò ad propriæ substantiæ partes, cum effluvia à se semper emittat, quibus universum corpus calore perfundit.

Sanguini quò ad primum præternaturam accidere potest, est ut vel citiori motu moveatur, quam naturæ convenit, vel omninò à motu moveatur, quam naturæ convenit, vel omninò à motu cesset, & in grumum concreseat, utroque modo fit naturæ intolerabilis, & hostilis, quam ad depravatos provocat motus. Citiori motu cieri potest sanguis, vel in grumum concreescere vel per accidens,

vel per se. Per accidens dicta accidentia patitur sanguis, si ex causis, quas adducemus, vel citatiori motu moveatur, vel concreascit in grumum, & in eo casu curationis scopus respicit causas illas, quarum ope sanguis à naturali suo motu exorbitat, pro quibus abstergendis opportuna remedia per capita tradimus. Per se verò vehementiori motu cietur sanguis, si grumescit, cum absque aliâ causâ præter naturam in corpore existente, ejus substantiæ partes præter naturam moventur. Primò itaque de citatiori motu agimus, deindè cum in grumos transit.

Signa.

Hæc febris citra rigorem, vel horrorem, vel etiam perfrigerationem impetit. Color corporis & faciei rubicundus apparet, arteriæ carotides vehementer pulsant. Oculi, & totius corporis venæ amplæ, & turgidæ conspiciuntur, undè lassitudo tensiva oritur. Adest tensivus capitis dolor, temporum pulsatio, vigilia, inquietudo, pectoris angustia, respiratio anhela, laboriosa, & frequens, æstus præcordiorum vehemens, & sitis Tantalea. Pulsus magnus, plenus, æqualis, & frequens. Urinæ vel apparent laudabiles, vel crassiores, & ad rubedinem tendentes. Arripit frequenter carnosos corporis habitus, & in floridâ ætate constitutos, qui plethoricum præferunt habitum, & verno præsertim tempore promptius excitatur. Hæc febris paroxysmis caret, per accessiones non recurrit, sed semper æqualiter, & uniformiter procedit, quò sanguinis fervor per-

sistit, & eo cessante, omninò quiescit. Dicitur febris continens, synochos à Galeno vocatur, nempe vel in eodem tenore perseverat, vel decrescit paulatim, vel crescit æqualiter. Undè illius tres petuntur differentiæ; quæ enim in eodem tenore persistit, homotonos, seu acmaistica, quæ continuò decrescit, paracmaistica; quæ semper crescit epacmaistica nominatur.

Causa occasionales.

Excitatur à sanguine febris per vehementiorem motum, quàm corpori congruit, atque hinc cor inter angustias versatur, nam sanguis in arterijs præter modum ebulliens rarescit, majorem exigit intercapedinem, quàm ab arterijs exhibetur, ac proindè versus cor regurgitat, & impedit, ne sanguis à sinistro cordis ventriculo recipiatur; interim sanguis venosus ob acceleratum motum, & fervorem magno impetu in dextrum cordis ventriculum illabatur, itaque ventriculum, factò celeri sanguinis accessu, & in sinistro præpeditus ejus transitus, in arterias cor utrinque inter angustias positum exagitari præter modum, & frequentius moveri contingit, producitque febrem synocham, seu continentem, quæ sine ullâ exacerbatione, durante motu, & fervore, à suo principio usque ad ultimam, & integram sui cessationem æqualiter perdurat. Fervoris, & motus occasio non in solidis corporis partibus, sed in ipso sanguine suum habet fomitem; nam cum sanguis per accidens, & non per se æstuat, tunc synocham febrem non producit, sed eam, quæ per accessiones recurrit. Est

sang

sanguis spiritus volatilis falsus se movens, & ob ætheream suæ substantiæ naturam quiescere non potest, sed suo motu per venas, & arterias fertur, ac proindè sanguis in suis vasis semper est in motu, & quicquid intra, vel extra corpus, quod ipso sanguine validius sit, producat, sanguinem ad vehementiorem motum, & calorem excitabit, quia partes æthereæ, & volatiles sanguinis ab extraneo sollicitatæ calore in vehementissimum concitantur motum.

Causæ externæ, quæ citatiorem motum, & ingentem calorem in sanguine excitant, sunt omnia, quæ sanguinis plenitudinem in corpore coæcere possunt, nec sanguinea proritur febris, nisi sanguis in quanto, & multitudine luxuriet: hujusmodi generis causæ sunt plenior ciborum, ac potuum usus, ut sunt ex carnibus cibaria, & vinorum potentium potationes, ebrietates, & crapulæ. Ità etiam nimia quies, vita sedentaria, & consueta exercitia intermissa. Vel consuetæ hæmorrhoides, hæmorrhagiæ, seu menses suppressi, sive per aliam quamvis regionem evacuatio, ex quibus facilè sanguinis plenitudo in corpore aggregatur. Faciunt etiam ad hoc internæ causæ, scilicet calida, & humida corporis constitutio, carnosus, & plethoricus corporis habitus, venarum amplitudo, ætas juvenilis, &c. Proximæ autem, & continentes hujus febris causæ sunt, quæ fervorem, & accessionem in sanguine producere possunt, & eadem, à quibus ephemera excitantur febres, dùm leviores sunt, ab iisdem si paulò validiores fuerint, synochæ oriuntur febres: quin immò plerumque quia plus potest

dispositio, & apparatus corporis, quàm activitas causæ agentis præsentis in corpore sanguinis plenitudine, quævis causa externa quamvis levis hanc poterit febrem excitare. Itè vehementis corporis motus, labores intempestivi, iter per ardentis solis radios, calida cibaria, iræ excandescentiæ, vel aliæ causæ, quæ multum corpus calefaciunt, febrem excitant continentem.

Pro hujus febris causâ assignant vulgares obstructionem; densatis enim, & obstructis cutis porositatibus, præsertim à frigido aëre, hic in frigidis natantes aquis, & in frigido aëre dormientes, facilè hoc febris genere febricitare credunt. Cœterum non in solâ porositatum obstructione hæc febris consistit, tùm hyeme tantum cùm insensilis impeditur transpiratio, hac febre corripiri deberent; sed ità impedita esse debet transpiratio, ut totam sanguinis massam, aquæ instar supra ignem posita continuò in motum vehementem, & validum calorem adigat, quod nullo modo evenire potest, nisi in habitu plethorico, & verno tempore, quo sanguis in corpore magis prædominatur.

Præcedit apud vulgares reliquas febres *Ephmera*, sive *Diaria* omnium simplicissima, & curatu facillima. Dicitur ephmera à duratione, à Græcis *epi*, & *imera*, quasi unico die durans, alij etymon sumpsisse putant ab animali quodam Ephemerone dicto, quod unius diei spatio nascitur, & moritur. Hæc vel brevis est, vel longior vel longissima. Brevis est ephmera; longior synochus simplex; longissima synochus putris. Verùm hæc febres differunt tantum secundum magis

magis, & minus, secundum gradus, & symptomatum rationem, ac in curatione secundum minora, vel majora, & efficacia medicamenta. Putant vulgares ephemeram febrem esse calorem præter naturam in spiritibus primò accensum, deinde horum ope in corde, demùm in toto corpore, actionem lædentem. Cæterùm nos secundum nostram doctrinam dicimus esse motum vehementiorem, & calorem exorbitantem in sanguine excitatum à causis occasionalibus, sed levioribus, quàm in synocho. Ephemeram exquisita tutissima est, nam viginti quatuor horarum spatio finitur, si sit plurium dierum in synochum simplicem transit, & medicis nec lucrum, nec famam parit, cum nunquam, vel rarissimè pro ipsius curatione advocentur.

Duplex febris genus ex sanguine vehementiori motu sollicitato oriri asserunt vulgares Galenici, unum ex ipso citra putredinem accenso; alterum verò ex eodem non solum accenso, sed etiam putrescente; illud synocham simplicem, seu non putrem; hoc verò febrem synocham putrem communiter appellant. Si synochos diutius quàm par est producat, tunc in synocham putridam mutari Galenici censent, quòd majora, & evidentiora in hac febre, quàm in illà apparent putredinis signa, undè sanguinis massam in venis, & arterijs majoribus contentam putrescere credunt, eò quod sectâ venâ sanguis corruptus appareat, quam illusionem planam facit experientia; nos namque multis in optimâ sanitate constitutis verno tempore sanguinem detraximus, & in plerisque variegatus,

& corruptus videbatur, ita ut existimassent vulgares summum in illo putredinis gradum, cui tamen nullum aderat vitium. Opinantur vulgares, quòd si sanguis intra venas, & arterias putrescat, generari, indè febrem synochon putridam, si verò extra venas, phlegmonas, symptomaticè unà febrem excitari, & hæc quidè in temperamento sanguineo, in bilioso verò massam ejusmodi intra venas putrescentem efficere febrem continuam ardentem, seu tertianam continuam; extra autem venas tertianam intermittentem; in phlegmaticâ corporis constitutione produci à massâ sanguinis putrescente intra venas quotidianam continuam, extra eas quotidianam interpolatam; in temperamento verò melancholico hoc modo fieri quartanam continuam, & interpolatam.

Ineptè, & inscitè vulgares medici putredinem in sanguine suadent in continuis febribus, & eam in vasis minoribus sine fundamento insinuant; impossibile namque censemus sanguinem in venis, vel arterijs putrescere, quin profectò putrescendo pergeret tota sanguinis massa, & planè putrefacta, vita amplius persistere non posset, quod autem putrefactum est, nunquam redintegrari, vel renovari, vel in naturæ gratiam redire potest, ut patet in quolibet pomo tantillâ putredinis labe imbuto, putridum enim ejus punctum semper ulteriùs putrefaciendo procedit, donec totum pomum putrefactum sit: quomodò hoc succedat in pomo, Asiaticè de lue Venereâ diximus, ubi vulgatum illud dictum

Etum trutinavimus: *Quod tangitur à putrido, putrescit.* Præterea sanguis putrescere non potest, quin prius à motu desistat, & si tota sanguinis massa in vasis magnis à motu cesset, extemplo moritur animal; cessante enim sanguinis motu, & vita necessario cessat. Si in vasis capillaribus aliqua sanguinis portio stagnet, quo per aliquam obstructionem in venas capillares transire nequit, ibi motum amittit, deinde grumescit, imò tantum abest, ut sanguinis putredo in facto esse sit febrium causa, & febris cesset, integrè completà suppuratione, unde pronunciatum fuit à veteribus: *Dùm pus sit, febres, & dolores accidunt, magis quam jam confecto.* Scilicet in eo actu, quo sanguis motum amittit, & in grumum concrevit, in pus deinde digestum à lædendo cessat.

Secundum nostram sententiam dicimus, quòd synochus à sanguinis commotione, & effervescentiâ nimia dependet, & in sanguine puro nullam superfluitatem, & extraneam admistionem vehemente concitatur, at si sit minor, ephemeram, si major, synochum simplicem constituit. Pro synocho putri, ut vulgarium medicorum æstimationem conservemus, & limitatum eorum iudicium explanemus, quia se explicare nesciunt, dicimus, quòd si motus, & calor accidat sanguini impuro superfluitatem continente, vocatur febris synocha putris, & reverà nullam putredinis sobolem continet, ut probavimus, sed tantum sorditiem, & peccat in quali. Illa æstuatio fit ob materiæ heterogeneæ separationem, pro majori, vel minori ejus quantitate,

D. Car. Muscan. de Febris.

materiæ qualitate vehementior, vel mitior separationis labor à naturâ adhibetur, donec materiam illam heterogeneam sequestret, & vel per suppurationem alicubi institutam, vel per hæmorrhagiam, vel sudorem, vel diarrhœam, vel vomitum, vel urinæ profluvium exturbet, & quamdiù iste naturæ labor durat, tamdiù ardet continua febris, & fiunt in eâ mutationes per septenarios, qui dies critici sunt, vel semiseptenarios, qui judicatorij sunt; si verò vitium non sit in sanguine, sed in partibus coctioni dicatis, in ventriculo nempe, vel mesenterio, vel pancreate, vel felle &c. tunc diversæ febres intermittentes oriuntur, in quibus natura per certos paroxysmos fermentationem instituit, donec materiam degeneratam impediens, vel obstruentem paulatim abigat, vel percoquat.

Præter has continentium febrium species, alia circumfertur, quæ *Ardens* appellatur, græcè *Causos*, & præter synochi simplicis signa, duo pathognomonica, & characteristica adnexa habet, exurentissimum calorem, & sitim inexstinguibilem, ac clamorosa, ita ut quamvis bibant ægri, semper tamen sitis excruciat. His duobus, ardori scilicet, & siti subindè accedit linguæ ariditas, labiorum fissuræ, capitis dolor, delirium, & alia symptomata, subindè concurrit faucium ardor, ac rubor obscurus, & tunc temporis lingua non tantum arida existit, sed etiam colore puniceo nigricante imbuta apparet. Ab iisdem causis occasionalibus supra allatis excitatur; Verum quia in hujusmodi febre urens reperitur calor,

Z

& h.

& sitis incompeſcibilis, propterea à calidiſſimis ſuccis in vaſis magnis ebullientibus originem ſumere, quales ſunt bilioſi, vel ad ipſorum naturam accedentes, imaginantur vulgares, ac proinde ad febres bilioſas continuas reducunt, & à ſyncho putri tantum gradu differre credunt. Febris ardens inter æſtivos morbos numeratur, acutorum morborum naturam ſapit, & quandoque epidemicè graſſatur.

Febris ardētis cauſa, juxta noſtram ſententiam, eſt ſal volatile oleoſum, & acidum, quod tanto conflictu in miſtione vitioſè concurrat, & fermentat, & ſanguinis maſſam in tantam concuſſionem, & motum adigit, ut inde exurentiſſimus æſtus, & efferatus Vulcanius producatur ardor, qui in univerſum diſtribuitur corpus; & quò ſal volatile oleoſum, & acidum abundat, eò inſigniter calor aeris, & acutus obſervatur, & quò magis ſanguinis maſſa eſt oleoſo ſale imprægnata, eò pulſus admodum frequens, & major erit, & urinæ craſſiuſculæ, & colorationes. Sic terebinthinæ ſpiritus ſalinus volatilis oleoſus cum nitri ſpiritu miſtus, ſi ambo ſint rectificati, promptiſſimè efferveſcentiam concipit. Hæc febris corpora juvenilia adoriri ſolet, quorum ſanguinis maſſa copioſo ſale volatile oleoſo eſt reſerta, & hoc verno, & æſtivo tempore contingit, & corpora euſarca, & euſchyma, maſſa quorum ſanguinis nimis pinguis, & oleoſa eſt, & eos ſimiliter, qui crapulis, & ebrietatibus ſunt dediti, arripere aſſueſcit; hæc namque corpora magis ſunt diſpoſita ad tales febres, dummodò cauſæ

externæ, quæ res procatharticas in actum deducant, adjungantur. Igneus ardor ex ſalis volatilis oleoſi turgescentiâ provenit; dum enim ob hoc ſal ſanguinis maſſa turgescit, facillimè ingentes concipit ardores. Pulſus evadit maximus, & neceſſariò frequentior ex maſſâ ſanguineâ ebulliente. Ex lymphâ ſalivali minùs inſipidâ, fauces humectare ſolitâ, ſale volatili oleoſo imprægnatâ, ſitis intolerabiliter excrucians dependet, & ex eâdem ſalivâ eodem ſale infectâ faucium, & linguæ ardor, ariditas, color, & fiſſuræ proveniunt. Ipſa ſanguinis maſſa inſigniter efferveſcens non poteſt non inſigniter animales ſpiritus turbare, & excaſſato cerebro eoſdem agitare, unde tota Palladis domus ardet, & vigiliæ, capitis dolores, & tandem funeſta inſequantur deliria.

Prognosis.

Ephemera febris ex ſuâ naturâ nullum involvit periculum, & curatu facilis eſt, ſæpè abſque medici ope per ſe plerumque intra 24. horas cum madore, aut ſudore deſinit, licèt aliquandò ad tertium extendatur diem, quem ſi tranſgrediatur, in ſynochum ſimplicem, vel ſi nutrimenti degeneratio accedat, in malignam, vel in hecticam degenerat quandoque ob commiſſum in diætâ, vel medicamentis errorem, ac poindè non contemnenda eſt.

Synochus quantum eſt ex ſe leviſſima, & tutiſſima eſt, & brevi quoque tempore terminatur; frequenter enim quatuor, aut ſex dierum ſpatio deſinit, adeò, ut raro ſeptimum attingat,

gat, vel excēdat diem, & tūc hæmor-
rhagiā, vel sudore terminatur, uni-
cum tantūm habet diferimen; facilli-
me enim ex levi quopiam vel medici
curantis, vel ægri errato, imò si ulte-
rius producat, in malignam si nu-
trimentum degener evadat, degener-
rat, vel sicut ephemera, ita synochus
transit in hecticam. Synochus incre-
scens alijs deterior est, & rarò in ip-
sâ fit bonâ crisis. Synochus non ad-
modūm timenda est, nisi aliquod
pessimum symptoma ipsi adiiciatur.

Nulla febris æque citò, ac tutò
per crisin terminatur, quā ardens,
& exquisita die septimo finitur, ali-
ter nono, undecimo, & decimo quar-
to, præsertim si æger febrem non
ægrè ferat, non nimis æstuet, nec ni-
miā crucietur siti, nec graviter vexetur:
Si facilè spiret, si nullam par-
tem internam dolore sentiat, si dor-
miat, si somno sublevetur, si corpus
æqualiter sit calidum, ac molle; si
lingua non sit adeò arida, nigra, vel
aspera; si urina bona: tūc enim fe-
brem brevem significat, & præsertim
si coctionis signa appareant cum vi-
rium robore, in die critico larga è
naribus hymorrhagia accidet, sine du-
bio æger evadet; exquisitæ enim fe-
bres ardentes per sanguinis eruptio-
nem judicantur, & hæc narium hæ-
morrhagia ordinaria est talium fe-
brium crisis. Singulare hæmorrhagiæ
exemplum *Zacutus Lusitanus lib. 1.*
Prax. admirand. obs. 86. affert de fe-
bre ardente ingenti per copiosum
sanguinis affluxum ex dentibus criti-
cè solutâ. Quin & idem *Zacutus Lu-
sitanus lib. 8. Prax. hist. cap. 6. obs. 4.*
febris ardentis crisin per sanguinis
sputum observavit.

Nos mulierem ardentē correptam
febre observavimus, hanc menstrua
retenta concitasse conjectavimus,
nec nos conjectura fefellit, menstrua
proritantia exhibuimus medicamen-
ta, & apparentibus, immunem à fe-
bre reddidimus. Nonnunquā per
sudores judicantur, & *Hildannus*
cent. 6. obs. 77. sudoris critici post fe-
brem ardentem notatu dignam affert
historiam de quodam robusto viro
cum ardentissimâ febre conflictante,
qui septimâ die in sudorem adeò fla-
vum incidit, ac si croco tinctus esset,
& quidē copiosum, ita ut lintea su-
bindè madida, necessum esset remo-
verentur. Quin & interdū alvi flu-
xus superveniens, si sufficiens, &
spontaneus fuerit, hanc febrem tutò
solvit.

Febris quæcumque non intermise-
rit periculo est plena, & quò magis
symptomata sunt vehementiora, eò
febris periculosior est, undè signa
pathognomonica, ut exurentissimus
calor, & sitis incompefcibilis, quò
vehementiora sunt, eò febris pericu-
losior est. Idem periculum minatur,
si lingua sit arida, & sitis absit, deno-
tat enim vel ægrum delirio teneri,
vel appetentem ventriculi faculta-
tem emori. Lingua nigra cum sicci-
tate, scabritie, scissuris, & ustione le-
thalis; ob ardentis enim febris exu-
rentem calorem lingua impensè are-
scit, & adustas fuligines à viscerum
incendio elevatas recipiens, camini
instar, nigredine tingitur. A minori
quidē ustione siccitas, & scabrities
efficitur, à vehementi verò scissuræ
producuntur, quemadmodūm terra
valdè exsiccata æstatis tempore undi-
que & fissuras patitur. Lingua ab ini-

tio exusta significat alicuius visceris inflammationem, quæ ex hypochondriorum dolore, duritie, tumore, aut calore dignoscitur. *Quibus plurimum sicca tusses leviter irritantes in febris ardentibus fiunt, non multum siti instantur. 4 aph. 54. febrem ardentem succedens rigor solvit. 4. aph 58.* Verum statim à principio rigor proprium est pravitatis signum. Urinæ nigrae, ut tenues, & crudæ, vel alia mala indicia habentes, malæ sunt. Si urinæ sanorum similes sint, & cum virium robore, bonum. Si urina antea crassa postmodum attenuetur, malum; significat enim sal volatile oleosum raptum ad cerebrum habere, & delirium excitare, quod lethale signum. Alvi fluxus in principio magnus vires dissolvens, aut ex materia insigniter corrupta est periculosus, & interdum mortem minatur. Periculosior est causus, si vires imbecillæ sint, si itaque quod raro accidit, senex ardente corripiatur febre, lethale, in pueris verò minus est quàm in juvenibus, at adveniens hyeme cæteris paribus deterior est. Tandem si febris ardenti malignitas complicatur, admodum periculosa.

Curatio.

Febres continentes secundum gradum, & symptomatum remissionem, & intensiorem differunt, ac proinde secundum varias horum graduum figuras earum curatio instituenda est; eapropter mitiora febris ephemera, majora synocha simplici, & maxima ardenti conducunt medicamenta, & potissima curatio est sex rebus naturalibus, & primò ex diætetico fon-

te, deinde pharmaceutico, & tandem chirurgico desumuntur.

Aër igitur pro inspiratione sit frigidior, qui si naturâ haberi non potest, arte paretur, ut diximus, attamen ita eligendus est, ne diaphoresi obsit, & cutis porositates obstruat, ac febris intendatur. Videtur aër calidus, aut æstuosus, ne febris causæ fomentum præbeatur.

Cibus tenuis esse debet, quia febris continens morbus acutissimus est, & brevi tempore judicatur. Cum itaque morbus peracutus est, extremos protinus labores habet, summèque tenuissimo victu utendum ex aph. 7. sect. I. & ea antiquorum solertia fuit, ut potissimam totius curationis partem in tenui victu constituerit, & ægris acutissimâ laborantibus febre tenuissimum victum imperaret, Optimum sanè remedium, quod multos curat ægros, & hac de causâ *Celsus* inquit: *Multi magni morbi curantur abstinentiâ, & quiete.* Qui si curari nequeunt, saltè multò leviores redduntur, efficiturque ut ægri cum ijs vivere possint: Sed nostris hisce regionibus adeò est muliercularum contumacia, ut in febris quantumvis acutissimis semper febrientes varijs infarciant edulijs, timent enim, ne propter unius, vel duorum dierum totalem à cibis abstinentiam pereant, sed perperam agunt, nam *Sicut sanis cibus est robur, ita agrotanti morbus: Et corpora impura quò plus nutries, eò magis lades.* Cæterum maximæ sunt medicorum illecebræ, & imposturæ, qui Magnatum curam suscipientes, ex eorum arbitrio operantur, ac ita in cibis ingerendis desideria complent, ut tandem miseros in perniciem

cūem præcipitent, & de Magnatibus commune dictum verificatur:

Vivunt, ut volunt, curantur, ut jubent, & moriuntur, ut debent.

Victus itaque in febribus ardentibus debet esse tenuis, quia appetitus ferè semper jacet consternatus, nec febrientes ad cibum sunt cogendi, ali menta itaque assumpta ob calorem febrilem potius putrescunt, quàm digeruntur, & quicquid non rectè digeritur, in scorias facessit febriles. Præterea in victu errata ferè semper recidivam inducunt, quando scilicet uberiori alimentorum euchymorum ingestione viscera debilitata novum fomitem pro febre ministrant. Alimenta stomachum aggravant, quia abest fermentum digestivum, ac propterea non ita cibandi sunt ægri, ut à morbo pinguescant, sed per aliquot dies ægros jejunare præstat, quia faciliter jejunium ferunt. Abstineant febricitantes à carnibus, quia stomachus unà ægrotat, & cadaverefcunt; vitent etiam omnia ea, quæ stomachum gravant, & tantum juscula tenuia refrigerantibus condita assumant, postmodum panatellis in jure carniū utantur.

Potus sit aqua hordei, vel serum lactis, vel decoctum cornu cervi, cui instillentur aliquot guttæ spiritus salis dulcis, vel spiritus salis nitri dulcis, vel succus citri, sed de potu fusius infra.

Quies magis, quàm motus congruit; sed quis quietem habere poterit cum ardoribus sempiternis? sit decubitus in locis frigidis, qui ad purum patent aërem, ac perflantur. Stratum molle sit, non plumeum, sed laneum, & sæpius renovatum,

vel ex corio ventipleno. Indusia, & linteamina satis gracilia, & non sordida, quæ assiduò mutari debent, sub quibus pelles teneantur, lecto non existente ex corio: lectus sit abundè spaciosus, quò membra excalescentia subindè ad alias, & alias ejus partes transferri possint, & per flabellum aër ignavior concitetur: Interim æger stragulis levibus, & mollibus operiendus est, neque nimis integumentis onerandus est. Per cubiculi pavimentum folia viridia vitis, myrthi, flores rosarum, violarum spargantur, & aqua frigidâ irrorentur, ac frequentè mutantur, hæc enim exsiccata calefaciunt, & aquæ salientes in viciniâ sonum edant; si aliquandò contigerit, ut nimia frigiditas sit, ut hyeme, æger fortiter exuratur à febre, igne sine fumo aliquantulum contemperanda est: sed modicam salutis spem in febriente collocare oportet.

Somnus moderatus juvat, nam febrilem temperat æstum, furentes pacat spiritus, sanguinis motum quodammodò moderatur, vires reficit, & ad sudorem disponit; nimius tamen calorem obruit nativum, & excrementorum evacuationem inhibet. Vigiliæ præcipuè productæ semper noxiæ.

Alvus sit libera, & singulis diebus excrementorum deponat onus, quò si liberè non fluat, clysteribus ex varijs emollientibus, & refrigerantibus proritetur. Danda est opera, ne ea, quæ secundum naturam expelli debent, retineantur, nisi modica adsit evacuatio vires exhauriens, quæ impedienda est.

Animi passiones, & perturbationes, ut

excandescētiæ, mœrores, curæ, terrores eliminantur; hæ enim æstus febrilem intendere possunt.

Febrium continentium curationem in ephemeram, synochum, & causum dispertitur vel per durationis tempus, vel secundum minorem, vel majorem caloris intensiōem, vel symptomatum vehementiam, &

Primo ab ephemeræ febris curatione exordimur, quæ quotiescumque viginti quatuor horarum spatium metitur, nullam medendi rationem præscribimus, quia inutilis est hujus febris species, & ad eam curandam medici rarissimè advocantur nisi unius diei intervallum transcendat, quia per se, & quidè per madorem, vel sudorem, vel aliam excretionem terminare solet. Cæterum quia quandoque accidit, ut Principes, Magnates, & divites, qui majorem suæ salutis curam gerunt, hac corripiantur febre, medicos in consilium advocent, pro ejus curatione quædam instituenda est methodus, vel quia levi datâ occasione in synochum, vel acutas, vel hecticas transit.

Post debitam diætam febrilis cibandus est tenui victu, concoctu facili, humido, & frigido, qui febrium est proprius, & magna solertia adhibenda est, ne in diariæ curâ error patretur; periculum est, ne in hecticam degeneret. Porro quia variæ causæ occasionales diariam inducunt febrem, secundum earum varietatem variam instituemus curationem; Tentare autem oportet, & contrarium semper afferre ei, quod molestat, labori quidè quietem, vigilijs verò somnum, iræ autem, & furori, ac tristitiæ sermonibus, actionibus, sp e-

ctaculis, enarrationibus, animi jucunditatem, sic qui cogitatione laborant, omnino ratiocinationes omitant, & qui ex adenarum inflammatione febricitat, ejus curationi intendat, ac multo prius undè ulceris originem habuit. Hæc quidè febrium ephemerarum indicia, atque remedia sufficiunt.

Prisci medici ephemeræ febris curationem aquæ tepidæ balneo peragebant, quo etiam in statu sano frequentissimè uti solebant. Verum nostris hisce temporibus hujusmodi balnea recesserunt ab aulâ medicorum, in hujusmodi etiam febre obsoleverunt; & reverà balneorum usus minimè tutus habetur propter plethoram, cacochymiam, fluxionem, quæ in talibus corporibus timeri debent, ne accidant. Alterum præsidium, quo utebantur, erat victus refrigerans, & humectans *ex hordei cremore, jusculis refrigerantibus, julepis, syrupis ex succo limonum, violarum, cichorij &c.* Sed pro causarum occasionalium varietate cum variet curatione, secundum earum varietatem curationem adducemus ad Galenistarum mentem.

Si itaque ab *æstu, seu solis ardore* ortum ducat ephemera febris, adhibito victu refrigerante, & humectante, ægrum in locum frigidiorē transferant, & *oxyrrhodinum* fronti, & temporibus applicant, & *syrupum de Nymphaea cum seminum emulsione* propinant.

Si à frigore pendeat febris, præcipue si æger exercitio æstuans in aërem frigidiorē protinus se recipit, tunc sudorem maximè in fine accessiōis variis sudoriferis provocant.

Si à *Cutis densitate*, & *pororum obstructione* originē duxerit: cutis densitas, & pororum obstructio emollientibus, & rarefacientibus præfidiis removenda est, & leves frictiones sæpius repetitæ, & postmodum ex *oleo amygdalarum dulcium*, vel *violaceo* inunctiones, sed præstat ex *vini spiritu* inunctio, nam hæc cutem rarefacit, poros aperit, & sudorem promovet, vel dictus vini spiritus admisceatur cum oleo nucis myristicæ per expressionem, oleum namque amygdalarum, vel violarum unctuositate suâ poros obstruit.

Si à *Labore*, vel *corporis motu* generis sumat ephema febris, quies imperanda est, ut victus uberior, ac concoctu facilis præbendus est, & potu spirituosio spiritus animales refocillandi sunt. Si lassitudo adsit, frictiones celebrandæ sunt.

Si à *vigiliis* oriatur nimis, tunc placidus conciliandus est somnus *emulsione somniferâ*, vel unico, aut altero *laudani opiati* grano.

Si à *crapulâ*, vel *cruditate* procedat febris, aquæ calidæ portione utendum est, quia hoc poculum eximiam corruptos cibos abluendi per alvum, & ejiciendi potentiam habet, præstantissimi enim verò fuerit auxilij vomitus citatus, si ad vomendum æger facilis fuerit, at si ægrè vomat, inedia, vel victu tenuiori ad siccitatem vergente utendum est, & quæ in ventriculo ingesta sunt, per alvum emollienti, & laxante clystere deferantur. Cæterum si corruptio metuatur; vomitus proritandus est, vel purgatio instituatur; attamen si spontaneus vomitus superveniat, febris solutio impromptu est, ut & si alvus sponte

fluat, optimum erit naturæ remedium, ubi verò plus æquo soluta nimium fluxerit, adeò ut vires dejiciantur, reprimentibus medicaminum auxiliis occurrendum est. Interea ventriculus intrinsecus, & extrinsecus roborandus est, sed de hac febris specie, ejusque sanatione cap. 22. egimus.

Si ab *inediâ*, victus euchymus, & refrigerans convenit, sed sensim reficere oportet.

Si à *mœrore* ephemera febris sit, ea medicamenta, quæ succum austerum emendare solent, conducunt.

Qui propter *Curas*, & *cogitationes* diariâ laborant, ad somnum alliciendi sunt: Sic Helena in magnis animi perturbationibus ad Nepenthis usum recurrebat, vel animi solamina recensenda sunt.

Si ex *irâ*, animi tranquillitatem, & hilaritatem conciliare oportet, ac sanguinis fervor cibo, & potu refrigerante temperandus est.

Si *obstructiones*, aut consimiles effectus eadem ephemera febris sequatur, erunt prius affectus prædicti propriis expugnandi præfidiis, nam ad eorum remotionem ipsa quoque eliminabitur febris.

Ejusdem naturæ est febris ephemera ex *bubonibus*, nam *aphorismorum auctor. sect. 4. aph. 55.* habet *Omnes febres ex bubonibus malæ præter ephemerus*. Malæ, inquit, nam quotiescumque bubones febri copulantur, & illa ephemera non est, sunt febrium pestilentium soboles, & symptomata, veneno exonerante sese ad ignobiliorum emunctorij inferioris locum, & ad pestilentia referuntur symptomata, & grassante peste visuntur: cuiusmodi non sunt, si febris adsit epheme-

mèra. In omni itaque febrium ephemerarum curatione ad duo respicere oportet, ad sanguinis scilicet fervorem compescendum, & causis occasionalibus, quæ molestant, oppositum semper afferendum.

Pro synochi simplicis curatione *Galenus* procuratores cum eodem Antesignano *Galenus* duplici præsidiorum genere utuntur, nempe sanguinis evacuatione, & refrigeratione, & hinc duplex præsidium, venæ scilicet sectionem, & frigidaë potionem statuunt; propterea idoneo instituto victu refrigerante, & humectante cum abstinentiâ à vino, calidisque omnibus cibariis, & alvo facibus exoneratâ, statim nullâ interpositâ morulâ ad sanguinis missionem, tanquam ad sacram anchoram properant, nisi ex aliquâ stomachi cruditate tamdiu eam procrastinare cogantur, quamdiu prædicta adesse videbitur. Sanguinem itaque in hac febre liberaliter mittunt, & præsertim si vernum fuerit tempus, adolescentiæ ætas, calida, humidaque temperies, vel suppressa aliqua sanguinis evacuatio præcesserit. *Galenus* sanguinariis sanguinem ad animi deliquium fundendum censet, & hanc sanguificinam in adolescentulo quodam huiusmodi febre correpto exercuit, ex qua subdit illicò febrem quasi jugulasse. Verùm huiusmodi extremæ evacuationes ad animi defectum usque non sunt tutæ, imò perniciosæ, & periculum imminet, ne febrem jugulandi loco, jugulemus ægrotum, ut ipsemet *Gal. lib. de curandi ratione per sanguinis missionem cap. 12.* nonnullis medicis evenisse refert.

Quantum ad frigidaë potionem in

hac febre spectat, eam *Gal.* tantâ in copiâ exhibendam esse præscribit, ut æger palleat, tremat, & toto refrigeretur corpore: sicque asserit eam igneum extinguere calorem, solidas roborare partes, & inutiles per alvum, vel urinas, vel sudorem excernere humores. Magnum quidem remedium ad tantum febrilem æstum temperandum, sed suos patitur manes; nam in tantâ frigidaë ingurgitatione pro præter naturam extinguendo calorem, periculum ingruit, ne natus exstinguatur calor, & sanguis ob repentinam refrigerationem in aliquâ parte stagnet, & inflammationem inducat internam. Prætereâ si post uberrimam frigidaë ingurgitationem, & sanguinis refrigerium neque per vomitum, alvum, urinas, vel sudorem aqua non excernatur, in magno vitæ discrimine versatur febriens; nam vel in anhelitûs difficultatem, hydropem, convulsionem, tremorem, lethargum, vel in alium gravem ruet affectum. In fervido itaque febris ardore cum corpus plurimum æstuat, noxium est illud derepentè frigido potu affatim refrigerare, nam plurimos pravos parere affectus, & non ægrè vita, quæ est mansio caloris in humido exstingui potest; ideòque uberrimam frigidaë potionem absolutè damnamus juxta *aph. 1. sect. 2. Plurimum, atque repente calefacere, vel frigerare, vel quovis alio modo corpus movere, periculosum. Omne enim nimium natura inimicum, sed quod paulatim fit, tutum est.*

Ut impunè uberrimis frigidaë potus assumatur, multas cōditiones proponit *Galenus* ne scilicet intra corpus adsit aliquis crassorum, tenacium-

cūmque humorum apparatus, nec dispositio aliqua inflammatoria, nec etiam particula aliqua imbecilla, ut v. g. ventriculus, lien, hepar &c. nām quamplures à gelidæ potionē in his casibus noxæ succedunt: cūm igitur hæ, & aliæ circumstantiæ ad hujusmodi potum absque noxâ usurpandum requirantur, & illæ in paucissimis reperiantur hominibus, illas observare difficile sit, & ex præpostero usu tot immineant pericula, hoc frigidæ remedium hac nostrâ tempestate declinavit ab usu, quia Galeni doctrina declinare cœpit. Eapropter satius erit alijs remedijs sanguinem & totum corpus refrigerantibus, ijsque tutioribus uti, ut syrupis, julepis, conservarum expressionibus, emulsionibus, epithematibus, linimentis cum aquis ejusdem pariter facultatis & victu omninò refrigerante.

Parant *julapia ex decocto hordei, acetosa, cichorei, vel ex aquis endivia, fumariæ, lactucae, portulacæ, sonchi &c.* Vel exhibent *syrupos de portulacâ, endiviâ, de succo cucurbitæ, lupulorum, fumariâ simplici, vel de soncho cum aquis refrigerantibus*, quibus addunt *diamargarit. frigid. cum modico diatriasantali.* Vel parant emulsiones ex amygdalis dulcibus, & quatuor seminibus majoribus frigidis in aquâ, admiscuntque syrupum de papavere albo, quæ maximè prosunt, si vigiliæ adfuerint. Epithemata in formâ frigida cordi, & hepati applicant, & lumbis *unguentem rosaceum, vel refrigerans Galeni, vel ceratum santalinum* admovent. Potum præscribunt ex decocto hordei, vel ex aquâ panis, quam ita conficiunt: Ponunt panem in aquâ frigidâ, donec probè mollescat,

D. Car. Musitan. de Febris,

deinde colant pro potu ordinario, & sacchari momentum addunt, cūm lubet.

Pro synochi curatione secundum nostram sententiam unica curandi methodus emergit, ut vehementissimus sanguinis motus, ex quo nimia ejus effervescencia dependet, tranquilletur, quem tenui, & humido instituto, ac frigido potu, alijsque medicamentis compescimus. Multum confert *tinctura violarum*, quam ita parabis.

℥. Cons. violar. ℥. iij.

aquæ fontis lb. j.

spiritus vitrioli ℥. j. m.

maneant simul per sex horas, fiat deinde colatura cum expressione, quæ frigida fiat, & infirmo circa vesperras exhibeatur, efficacissima est hæc tinctura ad compescenda omnia interincendia febrilia. Eiusdem energix est rosarum tinctura, quam alibi sic paravimus.

℥. Flor. ros. siccar. mundat. q. v.

inde phiala vitrea, cui infunde olei sulphuris per campanam factum q. s. ad madorem rosarum omnium cum aquæ quantitate, ut sensibilis acoris olei sulphuris sit sapor; phialam probè obturatam lento calori expone per aliquot dies, & per aliquot vices agitabis, ut aqua probè tingatur, tincturam separabis, ac similimodo novum sulphuris oleum, & aquam impone, digere, & decanta toties donec omnem rosarum tincturam elicies, quod fiet ternâ, vel quaternâ infusione; nām manebunt rosæ albæ omni rubro colore privata in fundo, extractam tincturam serva ab omni face residuâ liberam, ut optimè niteat, quam vitreo vasi clauso impones. Dosis est ℥j. ad ij. in syrupis refrigerantibus,

A a

quos

quos in Galenistarum curatione recensuimus.

Sequentem syrupum ad sanguinis fervorem compescendum utiliter experti sumus :

℞. Syr. de succ. viol. ℥. iij.
aqua card. sancti ℥. v.
spiritus vitriol. q. s. ad gratiss. acidit. m.

Pro tenuioris fortunæ hominibus sequentem potionem præscribere solemus :

℞. Succ. limon ℥. ij.
aqua fontis lb. β.
sacchari ℥. β.
m. f. frigida potio.

Ad sanguinis effervescentiam, ejusque citatiorem motum pacandum multum valent emulsiones seminum vulgò frigidorum dictorum, ut.

℞. Semin. melon. ℥. j.
aqua portulacæ ℥. v.
f. emulsio, &
syr. de nymphaea ℥. j. β.
spiritus salis dulcis gutt. xv. m.

Emulsio nostra somnifera nunquam satis laudari potest in sanguinis æstu, & vehementi motu sistendo, præcipuè si laboriosæ fuerint vigilæ, ut.

℞. Amygd. d. à cort. mund. ℥. β.
semin. melon. ℥. j.
papav. alb. ℥. j.
lactuca ℥. j.
f. emulsio in
aqua lactucæ lb. β.
syr. de nymphaea,
papav. alb. ana ℥. j.
anodyn. mineralis ℥. j.
vel flor. nitri ℥. ij. m.

Sumatur frigida horâ somni à cœnâ. Verùm in synocho medicamentum opiatum quantum prodest, credibile non est, nam præterquamquod som-

num conciliat, sistit etiam sanguinis effervescentiam, ac poindè

℞. Syr. de succo cucurbitæ ℥. j.
nepenth. Quercetani gr. ij.
aqua lactucæ ℥. iij. m.

& horâ somni post cœnam propina. Quàm sit efficax Aqua nostra somnifera in Mantissâ descripta ad ℥. β. experientia te docebit.

Aquæ potum in synocho in vulgarium curatione improbavimus, sed eo modo, quo Magister Galenus eum præscribit, attamen in hac admodum necessarium intra convenientiæ limites censemus, porrò hanc febrem solo potu medicinali, ut syrupis, julepis, emulsionibus &c. refrigerantibus, & humectantibus expugnare possemus, cœterum potus simplex, & naturalis remedium est à naturâ institutum, quia aqua naturâ suâ est frigida, & humida, ideòque hujus potus non sit nimis calidus, ne sanguinem ad citatiorem motum concitet, & hac ratione vini potus, ipsiusque spiritus, & omnes potus spirituosi planè exulent, quatenus sanguinem nimis agitant, & in majorem effervescentiam adigunt; neque nimis frigidus, cum corpus maximè calefactum sit, undè enim hic morbus oritur, quia omnes pori subito mutantur, & facilè tunc insensilis transpiratio impeditur, adeò hic morbus semper calidus est, & noster calor natus à duobus validis hostibus extinguere solet, à frigore scilicet extinguente, & calore dissipante: ad sanguinis igitur vehementem motum, & fervorem temperandum potus frigidus ità necessarius est, ut ad aquæ motum, & æstum in lebete supra ignem posito frigida aqua injectio;

Etio ; sed ut absque noxâ sumatur, æger non unâ vice, sed pluribus reiteratis parùm, & frequenter impunè bibet pro citiori sanguinis motu, & effervescentiâ tranquillando, & aqua optimas habeat notas, quas in nostrâ *Trutinâ lib. 3. cap. 6. desiti in-* *tense* recensuimus.

Alterum præsidium in synocho expugnandâ est sanguinis missio, sed antequàm hanc aggrediamur, leniens est venter enematis refrigerantibus, quibus utietiam possumus in toto morbi decursu, ubi necessitas urget, ut

℞. Decocti comm. q. 5.

olei, ℥

mellis viol. ana ℥. iv.

cass. extract. ℥j. m.

& quolibet die secari potest brachiorum venâ, sanguinemque educere ab unc. iv. ad tss. juvat in synocho simplici venæ sectio potius ventilando, quàm evacuando ; sic enim particulæ calidæ nimis agglomeratæ, & incendio jam proximæ ab invicem separantur, & veluti cùm fœnum exardescere aptum, si aperto exponatur aëri, ejus accensio præcavetur : repetitis igitur vicibus ea sanguinis quantitas educenda est, quæ ad ejus motum ; & effervescentiam tranquillandam necessariâ fuerit.

Corporis purgatio in hujusmodi febre per se locum non habet, ut facile ex dictis liquet ; verùm inquiunt vulgares, quòd si ex præcedentibus erratis appareat in naturali viscerum regione humoralis aliqua colluvies, de qua dubitare possunt, ne in putredinem abiens, febrem ad putridam transmutet, ac etiam augeat ; laudant in hoc casu, ut leni aliquo dejectorio

pharmaco colluvies prædicta expurgetur, ut v. g. mannâ, cassiâ, & similibus.

Febris ardentis curationem sub silentio involvit *Galenus* quia eam cum tertianæ continuæ curatione coincidere credit, attamen secundum ejus mancipiorum mentem eadem proponere satius erit, qua positâ, patebit etiam simplicis tertianæ continuæ *Galenistarum* curatio, cùm non multùm inter se per ipsos differant. Cùm autem in causo duo ægros magis excrutient symptomata, calor scilicet exurentissimus, & sitis inexplebilis, circa hæc duo totus curationis cardo volutatur in orbem, ut ambo tranquillentur. Exstingunt incendium summè refrigerantibus, & humectantibus, eapropter in hac febre plusquàm in quavis aliâ refrigerandum, & humectandum, nam dimicandum est adversus Vulcanum. Aër itaque si naturâ non sit frigidus, & humidus, talem arte parant, potissimum si febris ardens fuerit exquisita, & anni tempus æstivum : parant autem excitatis circa cubile, & in angulis domûs salientibus fontibus, & herbas refrigerantes in pavimento sternunt. Vitandæ insuper sunt hominum in febrientis cubiculo frequentia, & quævis alia, quæ aërem calfacere possunt. Victûs rationem pariter refrigerantem, & humectantem præscribunt, quare abstinendum ab omnibus salsis, acribus, pinguibus, frixisque cibarijs, ab aromatum, vini &c. usu. Alvum quotidie sollicitant injectis enematis pariter refrigerandi vim habentibus, ut quæ ex oleo, & melle violaceo parantur, imò *Mercurialis ex Oribasij*, & aliorum

veterum sententiâ in his febribus etiam enematum usum ex aquâ frigidâ probat : Verùm frigidum intestinis inimicum, & tormina gignit, convenientius autem ex lacte, vel sero, decocto hordei, ptisanâ &c. parant.

Pro potu potissimum aquâ hordei utuntur ; simplex namque aqua à *Mercuriali*, & nonnullis in hac febre suspecta censetur, quia in biliosis biliscescit, quod credat Judæus apella. *Averroës* in ardentibus febribus summopere usum aquæ anguriæ probat, *Mercurialis* hujus vice aquis stillatitijs ex solano utitur : Cæterum solanum hortense narcoseos suspectum est, sicut & omnes ejus species. Verùm in hac febre summè refrigerandum, & humectandum putant, & inter hujusmodi præsidia principem extra omne dubium tenet locum aqua frigida, præcipuè si nullum adsit, quod ipsam prohibere dicunt, idcirco liberaliter ægris permittenda, idoneo tamen tempore : sed quia inter alias condiciones optat *Galenus* in urinis coctionem, videtur propterea, donec cruda fuerit affectio, ab aquæ potu abstinendum. Huic tamen *Galenus* sententiæ contradicere *Averroës* quinque rationibus videtur, & ostendere conatur adversus Galenum in ardentibus febribus, etiam coctione non apparente, frigidam propinandam esse, & primò quidè, ob ardentis febris incendium, quod facilè corporis humiditates exhaurire, & sic miseros ægros ad marasimum ducere poterit. Secundò, quia experientiâ sæpè refert innotuisse aquam frigidam ante coctionem in ardentibus febribus exhibitam

profuisse. Tertiò, nam, inquit, bilis ardentis febres excitans cruda dicitur non caloris defectu, sed potius excessu, quia scilicet summè fervida, ac propterea ab aquæ frigore potius coquitur, quàm incrudatur ad temperiem redacta. Quartò, quia, inquit, si noxa attendatur, quæ in frigida potu hujusmodi febribus inferri potest, alia esse non poterit, quàm febris ipsius productio, hæc autem multò levior extat respectu noxæ, quæ à febris incendio ægris ipsis inferri potest, quare major erit utilitas in ipsius usu quàm detrimentum. Tandèm, nam pluries refert se expertum fuisse laborantibus ardente febre servo, & domino, convaluisse dominum largiori aquæ frigida usu, servum autem periisse ob ejusdem gelidæ privationem.

Verùm *Galenus* procuratores rem altius trutinantes, cum ex utràque parte, nisi rectè procedatur, noxam contingere posse meditantes, respondent primò distinguendum esse de potu ; hîc enim vel ad satietatem usque, & largè satis ad febris exstinguendum ardorem exhiberi potest, vel in minimâ quantitate, & dumtaxat ad temperandum febris incendium ; si de primo sit sermo, hunc cum Galeno censent, non nisi coctione apparente, ægris fore propinandum, tunc enim nulla noxa insignis exinde accidere potest, & hoc modo allatam Galeni doctrinam intelligendam esse putant : Secus autem si, crudâ existente ægritudine, exhibeatur, nulli dubium exindè est putridinem facilè posse adaugeri ; si de secundo sit sermo, de quo, ut attenden-

dentī patet, concludunt suprà dictæ *Averrois* rationes, ijs poterit absque dubio etiam coctionis non apparentibus indicijs ægris elargiri, eâ tamen conditione, ut quò magis ad coctionem emergit, eò magis potûs quantitas adaugeatur. Distingunt secundo de febris acutie, & vehementiâ, de anni tempore, & ægrotantis naturâ, calido enim, & sicco tempore, ac vehementi existente febre, & biliosa satis ægri naturâ largiores sunt in potu propriando: secus autem si frigidum fuerit anni tempus, febris non ita vehemens, nec biliosum, sed frigidum fuerit ægri corpus.

Alterum præsidium vehementer refrigerans ex suprà dictis putatur venæ sectio, quare in hac febre summo perè phlebotomandum esse videtur, ut summè refrigerent, & hujus sententiæ fuit *Galenus* 1. aph. comm. 23. ubi habet: *In ardentissimis febribus si usque ad animi defectionem sanguis mittatur, statim totius corporis habitus refrigeratur, & febris exstinguitur, & plurimis etiam alvus citatur, & sudores emanant, & quidam eorum ex his sanitati sunt restituti. Alij adjuti plurimum vehementiam ægritudinis absciderunt.* Sed hoc præsidij genus redditur suspectum, & est noxæ, ac periculi plenum; hujusmodi namque febris biliosissima est, atque ut plurimum tempore anni valdè æstuosum contingere solet, quo à venæ sectione prohibemur, ut docet *Hip.* vi. de morbis vulgaribus aph. 44. *Impeditio in cruenta expuentibus tempus anni, lateralis morbus, bilis.* Quæ verba *Gal. comm.* 3. Sic exponit: *Prohibentur illi, qui cruenta reijciunt, à venæ*

sectione, ob anni tempus, quod adversatur, aut propter affectum lateralem, vel propter redundantem humorem, si is biliosus sit. Quod propter anni tempus parer, nam calidioribus anni temporibus, quemadmodum sub exortu canis, à secandâ venâ abstinemus, & pari etiam pacto, si homo valdè sit biliosus: periculum igitur in hac febre ne sanguine evacuato, bilis potest, magis effervescat; sanguinem namque demere nihil aliud est, nisi auferre frænum bili, juxta *Avicenna*, & *Averrois* consilium. Eapropter *Mercurialis* cum vulgaribus distinguit, vel enim in febre ardenti multa sanguinis copia bili juncta est, vel pauca; si multa, sanguinem mittere licet; si pauca, ab omni venæ sectione prorsus abstinendum est, ne scilicet ipsi bili frænum auferatur. Cognoscitur autem multum sanguinem bili esse conjunctum, & propterea sanguinem largè mittere licere, si urina sit turbida, & crassa, ex ægri temperie distinguitur, & febris ad continentis modum afflictione, quòd si urina sit tenuior, si clara, si flava, signum est aut solam abundare bilem, aut exiguum sanguinem ipsi associari, & consequenter nullam requiri sanguinis missionem. Barda est hæc vulgare de sanguinis missione doctrina, & distinctio de solâ bilis abundantia, vel de sanguine cum paucâ bile, ac propterea ejus explosionem prætermittimus.

Maleferiati vulgares cum de magnis loquuntur morbis, semper in ore habent: *Magnis morbis magna, & exquisita remedia convenire*, & hæc ad duo magna præsidia tantum reducunt, ad sanguinis missionem, & me-

dicamentum purgans, tanquam ad duas medicinæ bases, quibus omnes morborum sanationes supersternunt, & omnes eorum ægroti per hæc duo magna præsidia cadunt. Hæc omnibus morbis tam magnis, quam parvis tanquam medicamenta de communi morborum omnium applicant. Sunt veluti garruli histriones, qui oleum, vel balsamum nacti omnibus morbis convenire, & mederi jurejurando asseverant. Magnum remedium fatemur esse illud, quod magnum curat morbum, & dicitur magnum respectu morbi, non sui ipsius, estò vile, vel nullius sit pretij. Sic aquæ frigida potus febrem curat ardentem; lac est magnum remedium contra haustas cantharides; citri, vel limonum succus magnum medicamentum est pro aquâ Tephaniâ, quæ ad paucas guttas lentam accendit febrem, contra quam adhibita phlebotomia necessario enecat; imò nos experientia edocti sumus, sumptâ hac aquâ, inscium patientem medici opem renuentem convaluisse, quia non phlebotomatus fuit, & hæc aqua vulgò vocatur aqua phlebotomiæ; nam sectâ venâ, etiam ut dicunt, ad ventilandum, spes superest nulla salutis.

Hiscæ vulgaribus adhibitis remedijs, si adhuc febris persistat, quia quatuor modis exquisita ardens per vomitum, vel alvi fluxum, sudorem, aut per sanguinis evacuationem è naribus terminare solet, sedulo naturæ motum, ad quemnam ex his vergat, observant. Si ad vomitum inclinet, hunc usu syrupi acetosi, oxyssacchari cum decocto hordei, raphani, & consimilium adjuvant. Si ad sudorem ver-

gat, hunc linteolis oleo violaceo, rosaceo, amygdalarum dulcium &c. imbutis, calidis tamen procurant. Si ad sanguinis fluxum, scilicet hæmorrhagiam, leviter nares impositis suum pilis perfricare solent, quin immò nonnulli etiam hirudines naribus applicant. Si tandem ad dejectionem propendeat, aut nulla ad excretionem prædictam appareat naturæ urgentia, primò noxios succos præparant syrupis bilem præparantibus; ita sunt syrupi de succo endiviæ, cichorii, portulacæ cum aquis prædictis; præparatos postmodum aliquo leniente extrudunt pharmaco, ad quem usum Hippocrates, & Galenus 4. de acutis text. 7. utebantur asinino lacte, vel etiam caprini lactis sero, ad cujus solutionem adjuvandam syrupum ex rosis solutivis, vel julepum aureum addunt, aut in ipsomet sero dissolvunt mannam Calabrinam. Addunt etiam alij rhabarbari infusionem, prout magis expedire videbitur, quæ lenientia pharmaca ad plures exhibent vires, ut scilicet simul, & semel alvum molliant, & refrigerent, prout febris exposcere videtur.

Et quoniam in hac febre potissimum infestant vigiliæ, omni solertiâ somnum non solum usu syrupi de papavere, sed etiam inunctionibus in plantis manuum, pedum, in temporibus, ac extremis naribus ex unguento populeonis procurant. Laudant etiam ad hunc usum in capite oxyrhodina, abradis prius capillis, vel etiam stillicidia ex decocto foliorum lactucæ, solani, hyoscyami, capitum papaverum, rosarum incompletarum, malvarum, violarum, & consimilium, quæ præcipue observant in exquisitis arden-

ardentibus curandis febribus.

Hæc est vulgarium febris ardentis exquisitæ curatio, in spuriâ, & nothâ, quam à pituitâ falsâ humoristæ fieri gaudiunt, gelidæ aquæ potum, & omnia frigorifica proscribunt; calorificis verò, & tepidis potius utuntur, nec sanguini mittendo indulgent: sed potissimum eorum curatio circa alvi subductionem mollioribus enematibus, & succorum noxiorum præparatione, ac eorundem expurgatione vel per vomitum, si ad hunc natura vergat, vel per alvi dejectionem medicamentis phlegmagogis versatur. Et hæc pro curativâ ardentium tum exquisitarum, cum illegitimarum febrium curatione secundum humoristas sint satis, & quia per eos pura tertiana non differt ab ardente nisi loco, nam hæc in venis cordi proximioribus, illa verò in remotioribus excitatur, liquet proinde eodem ferè pacto curari, solum faciunt discrimen secundum magis, & minus, scilicet non adeò in eâ refrigerant, & humectant, quemadmodum in exquisitâ ardente, quare leviora pro ipsius curatione remedia usurpant.

Pro febris ardentis curatione juxta nostra principia primò sal volatile acre, & oleosum æstuans temperamus, & alteramus, deindè post ejus tranquillitatem ad naturæ vergentiam, in specie per sudorem subindè eliminamus, nisi crisis medicum præoccupet. Verum enim verò ut rectam molimur methodum, sedulum oportet esse medicum, ne pro febre ardente, aut aliâ continuâ malignæ medeatur; accidit enim quandoque, ut primis diebus febris maligna ar-

dentis tantum speciem arguat, & interim insidiosâ malignitate delitescat, & irrepat. Cum itaque interdum causus malignitati copulari soleat, tutius est simul in principio malignitatem oppugnantia adhibere. Undè propinentur in principio bezoartica, vel alexipharmaca, nec æger ad sudorem cogendus est, quia tunc temporis cum omnia sint cruda, nec quicquam secretum, sine usufructu sudor proritatur, imò ægrum debilitaret, malum intenderetur potius, quam inde utilitas exigeretur. Bezoarticis, aut diaphoreticis semper addimus præcipitantia, & sanguinis discrasiam corrigentia, ut corpore ad diaphoresim disposito, suo tempore perfectus, & largus proli- ciatur sudor.

Potus in causo liberalior concedendus est, & præsertim si sitis sit clamosa, & æstus exurentissimus; hinc pessimo peccant consilio medici febrientibus omnem interdicentes potum, equidem ex denegato potu febris ardor sanguinem deprædatur, solidarum partium alimenta absumit, humiditates exhaurit, vires enervat, & viscera exsucca, & arida, imò semiuista reddit, ut multæ præstant ex cadaverum anatome observationes: liberaliorem itaque ægris elargimur potum, ut hæc, & alia detrimento declinemus, & optatus defluat sudor. Atqui præstat, ut crebrò, & parcùs bibant, quàm unâ vice copiosissimum ad omnimodam satietatem haustum ingurgitent, prior bibendi modus successivè alterat, (omnis subitanea mutatio periculum minatur) posterior omnem stomachi œconomiam nimis evertit.

In caufi principio fi alvus ftictica, vel faltem non fatis libera fit, clyfteribus blandis, & lenientibus follicitanda eft, qui folùm lubricam fervent: at fi quotidie fuum deponat onus, nullatenus ftimulanda eft.

Quandò fanguinis miffio neceffaria videtur, primò injiciatur clyfma, deindè, quia pulfus maximus urget in febre ardenti, & periculum imminet, ne ex nimia fanguinis ebullitione, & rarefactione vafa diftenta & nimis repleta liberiozem impediant motum, & fuffocationis, vel faltem vasorum ruptiones evenire, poffint, phlebotomandum eft. Itaque ubi venæ fectione taliter eft neceffaria, ut aliter fieri non poffit, (quia non femper eft neceffaria) in primo principio instituenda eft, five præmiſſo, five neglecto clyſmate, five mane, five vefperi; multi namque fanguinem mittendi tempus matutinum dijudicant, fed ubi neceffitas cogit, quodcumque tempus erit opportunum, quia periculum eft in morâ, & malum crefcit eundo, qui tempus habet, tempus non expectet, nam quandòque occasio eft præceps, & calva, nec tempus, quod præterijt, redire poteft:

*Sed propra, nec te venturas differ
in horas,*

*Qui non eft hodie, cras minus aptus
erit.*

Quandò igitur neceffaria eft, in primo principio celebretur phlebotomia ventilationis gratiâ, fecundum enim, vel tertium expectare diem pro venæ incifione periculofum eft, & præferim fi febris maligna eft, in qua phlebotomia eft ipſâ malignitate malignior.

Medicamentum purgans nullatenus in principio, fed in morbi declinatione expedit, concoctâ jam materiâ, & tranquillatâ maximâ febris efferveſcentiâ ex parte; in morbi verò curſu prorsus omittendum eft, fed tantum alvus blanda fervetur, & hoc præſertim ubi nulla malignitatis ſuſpicio adefi; nam in malignis cauſiſſimi eſſe debemus in alvo aperiendâ, quia nunquam malignitas per anum exturbatur.

Emetica nullo modo convenire arbitramur, attamen fi in principio, & augmento naufea ex bilis in ſtomachum regurgitatione ita urgeat, ut lipothymia, vel cardialgia immineat, vel præcordiorum anxietates exindè concitentur, conſentaneum erit in principio, vel incremento vomitorium; motis enim impedimentis, medicamina deindè facilius operantur.

Si malignitatis fit metus propinari poteſt *Tinctura diaphoretica ex tribus principiis ad ℥. j in Battimelli Auctuario deſcripta*. Vel *miftura ſimplex*, quæ etiam vocatur *Diaphoreticum in peracutis Paracelfi*, & conſtat ex tribus ſpiritibus, nempe ſpiritus theriacalis quinque partibus, ſpiritus tartari tribus partibus, & ſpiritus vitrioli unâ parte miſtis invicem, & ſervatis in vitro optimè obturato, doſis ejus eſt à ℥. ſ. ad ℥. ij, Tyrones, & vulgares medicos admonitos volumus, ne in hujusmodi febre medicamenta ſpirituofa, & volatilia præbeant; hæc namque fanguinem in maximum circulationis motum adigerent, febrile incendium, & veſanam concitarent ſitum, & malum peiorarent, ac febris ex ardente fieret ardentiffima.

Opti-

Optima, & appropriata huic febrī sunt remedia, quæ sal volatile nimis acrē mitigant, & temperant, ex seminibus oleosis parata, cujusmodi sunt *emulsiones ex quatuor vulgò frigidis seminibus majoribus, aut minoribus, semine papaveris albi, lactuca, amygdalis dulcibus, vel ex hordeo ad crepaturam cocto*, quibus salia nitrata addi possunt, ut

℞. Sem. 4. frig. maj. ana 3. ij. ℞.
papaveris albi 3. ij.
lactuca 3. j.
f. emulsio in
aque sedi majoris,
ruta caprarie ana 3. iv.
nitri antimoniatī 3. ℞.
stibij diaphoretici gr. viii.
sacch. alum. ex Battimelli d. 3. ℞.
edulcora cum sacch. perlato q. s.

Hoc sal volatile acre figunt nitrata, ut *nitrum fixum, sive sal prunella, flores nitri, nitrum antimoniatum, vel fixum cum sulphure antimonij*, & hoc fit in præparatione antimonij diaphoretici, & sali prunellæ præfertur cum sulphure præparato, nam adest subtilissima sulphuris antimonij pars, cujus ratione corpus ad lenem diaphoresim disponit, & unā sal vitiosum corrigit: cætera nitrata nimij incendij vires absumunt, salis oleositatem coërcent, & totum ad blandam diaphoresim dirigunt, vel per diuresim deplent. Propinatur ad 3. j. in syrupis, & julepis cum aquā sedi majoris, sonchi, portulacæ, lactucæ, vel in potu ordinario cum dictis aquis, vel decocto hordei assumi potest uncia dimidia per 24. horas, cum sit admodum salutare. Assumitur etiam in formā pulveris cum fixis antimonialibus, ut

D. Car. Musitan. de Febris,

℞. Nitri depurati gr. xv.
sulphuris aurati diaphoretici,
vel antimonij diaphoretici. 3. ℞. m.
& in vehiculo idoneo propina.
Vel.

℞. Nitri antimoniatī 3. j.
antimonij diaph. 3. ℞.
C. C. spagy. præp. 3. ℞. m.

Hæc nitrata medicamenta tam sola, quam maritata omnia acida mineralia superant, quia nimiam salis oleosi volatilitatem figunt, & per transpirationem, vel per urinæ semitas exturbant, & nil magis calorem febrilem compescere, & domare potest, quam ipsam nitrum.

Inter medicamenta, quæ sal volatile oleosum acre figunt, & temperant, & ubi oleosius fuerit, ejus oleositatem nimis volatilem coërcent, obtundunt, concentrant, & ad naturalem tranquillitatem, & diaphoresim graduant, cæteris palmam præripiunt spiritus mineralium acidi, ut *spiritus sulphuris, vitrioli, & salis, vitrioli philosophici, spiritus nitri dulcificatus*, & ex his tincturæ paratæ, ut rosarum, violarum, florum bellidis &c. Permiscemus hos spiritus acidos julepis, vel syrupis refrigerantibus dictis cum aquis ejusdem qualitatis ad gratam aciditatem. Cæterum his spiritibus præferuntur *spiritus dulcificati cum spiritu Vini*, sic spiritus salis dulcis, & spiritus nitri dulcis fit, si spiritui nitri, vel salis spiritus vini ana commisceas, & ter, vel quater ex retortâ vitreâ cum suo recipiente, juncturis optimè clausis, destillabis, uniuntur hi spiritus inseparabiliter, & dulcificantur. Prædicti spiritus dulcificati pro usu interno meliores sunt alijs, qui crudi exhibentur.

B b

Cau-

Causo ex vegetabilibus appropriata sunt remedia, quæ acido sapore sunt imbuta, & citrus primum obtinet locum, & pravitati adversatur succus ejus expressus, itè succus limonum, ribium, granatorum, berberum, & similia acida, ex quibus variae parantur potiones, quæ in morbi decursu propinquantur v. g.

℞. Decoct. cornu cervi lb. j.

succi citri ℥. ij.

syr. de nymphaea ℥. j.

spiritus nitri dulcificati, vel

spiritus salis dulcis q. s.

ad gratiss. aciditatem m.

Vel

℞. Syr. papav. rhæad. ℥. j. ℞.

succi limonum ℥. j.

aqua acetosella lb. ℞.

spiritus salis dulcis q. s.

ad gratiss. acid. m.

Tamarindi in aquâ communi decocti ob acidulum saporem, quo potiuntur, febris incendium restringunt, quia sal volatile acre præcipitant, & insuper alvum sticticam leniter referant; præstat tamen tamarindorum decoctum in lactis sero, quod blandius nitrosi ratione abstergit, & melioris notæ medicamentum evadet, si cum succo citri ad meliorem depurationem aciduletur, tunc enim maximè operè febrilem exstinguit æstum, & alvum blandè relaxat.

Optima remedia in causo sunt opiata, verùm in eorum exhibitione observandæ sunt illæ conditiones, quas in nostræ Trutinæ lib. i. cap. i. de capitis dolore recensuimus, & præter has legitimè explorandum est tempus, quod non est in principio, nec in statu, quandò imminet crisis, sed acceptabile tempus est in au-

gmento; tunc enim non tantum æstuantem calorem febrilem insigniter delinit, sed somnum conciliando delirium præcavet, & humorum orgasmum, seu immanem effervescentiam compescit, & sopit. In causo furibundum motum ad meliorem componit frugem laudanum opiatum, sed eo non perversè uti, sed acceptabili tempore exhibere debemus, nec, quibus desperata est salus, præbeamus oportet; nam præsentissimo medicamini, & laudato, quod multis profuit, multosque servavit, methodi imperitiâ plerique notam inurunt, & perpetuò suspectum reddunt, ut de nepenthe vulgus Italicè fert: *Nepente, non mi pigliar, che ti ne penti*. Opiatis utendi modus est, nunquam sola exhibeantur, sed semper alterantibus sociata, vel alexipharmacis mista, prout necessitas postulaverit, propinentur.

In linguæ, & faucium affectibus ea conducunt medicamenta, quæ de Anginâ in nostrâ Trutinâ diximus.

Causus per madorem, quem natura quandòque digito demonstrat, ut plurimum judicari solet, tunc blanda sudorifica propinanda sunt, & vitentur, quæ febris ardorem intendunt, ut sunt volatilia, & spirituosæ: solum conferunt, quæ insipida, ita sunt omnia medicamenta ex cornu cervi preparata, & præcipuè Gelatina, antimonium diaphoreticum, sulphur auratum diaphoreticum, omnia bezoartica, & præsertim fœviale, verùm hæc semper, præcipitantibus maritanda sunt, ut *Lapide cancerorum anti-hectico Poterij, saccharo aluminis, saccharo perlato, manû christi perlato, diamarg. frigid. &c.* Hæc enim sal

volatile oleosum acre, præterquam-
quod temperant, diluunt, & per cu-
tis poros unâ cum latice in guttas
proscribunt.

CAPUT XXXII.

*De Curatione februm, quæ à Sanguinis
motu intercepto producuntur.*

E Gimus de februm curatione, quæ
ad rapidum sanguinis motum, &
maximum ejus incendium in vasis
magnis ob loci capacitatem eveniunt,
tempus nunc poscit, ut de intercepto
sanguinis motu tractemus: per inter-
ceptum ejus motum intelligimus,
cùm pauca portio in vasis capillari-
bus cessat à motu; si enim tota san-
guinis massa vel in vasis magnis à
motu cessaret, extemplo moreretur
animal, namque cessante sanguinis
motu, & vita necessario cessat. Cùm
itaque in vasis capillaribus præcipuè
arteriosis propter loci angustiam mo-
tus intercipiatur, sanguis seipsum fi-
git, & veluti grumescit, in hoc casu
continentia illum vasa in furorem
adiguntur, producuntque in illâ par-
te tumorem inflammatum cum vehe-
menti dolore, partium internarum
inflammatione, & febre, quæ eun-
dum cum synochâ servat tenorem.
Tumores isti inflammati ex sanguine
coagulato procedentes vel in exti-
mis corporis partibus, vel in visceri-
bus intus conclusis fieri possunt. Qui
in extimis corporis partibus eve-
niunt, usque dùm sanguis in pus con-
coquitur, dolores, & febres conci-
tant, facto pure, dolor, & febris ces-
sat, & per puris absterfionem, & ul-

ceris cicatrizationem integrâ cura
perficitur, & de his passim in nostrâ
Trutinâ Chirurgico-physicâ Tomo.
I. satis egimus. Restat nunc de inter-
nis inflammationibus agamus, quæ
variæ sunt pro partium varietate, &
prout occasio postulat in unum redi-
gimus caput, & sigillatim alibi age-
mus.

Signa.

Quatuor inflammationis signa pa-
thognomonica à Celso supputantur,
calor, rubor, tumor, & dolor, sed
hæc signa in parte externâ, & visibili
per se apparent, in parte verò inter-
nâ, & invisibili alijs indiget admini-
culis. Tumor propter partem affe-
ctam interiùs latentem videri nequit,
ac proindè per alia signa rimemur
oportet: exploratur tumor per ta-
ctum externum, sub quo tensio, reni-
tentia, & quandoque tumor observa-
tur, si pars ossibus non tegatur, si ve-
rò ossibus muniatur, ut thorax, dolor
pungitivus, & acutus sentitur, præ-
cipuè in respirationis motu, qui in
omnibus inflammationibus internis
semper depravatur, accedit inanis tus-
sacula. His signis proprium læsæ par-
tis signum accedit, scilicet læsa ipsius
partis functio, quæ semper inflamma-
tionem secundum partis varietatem
innuit. Sic ex. c. si in hypochondrio
dextro ponderis sensus cum insigni
hujus regionis ardore percipiatur,
pars ad tactum insigniter calet, &
ad renitentiam quandam tuberat,
interiùs pulsationes admodum mole-
stæ sentiuntur; accedit febris aucta
cum difficili quadam respiratione,
quæ est eadem, quam in synochâ

descripsimus, cum tussi leviusculâ, in qua omnis excreandi conatus est inanis, certo certius ex his signis conjunctis hepatis inflammationem vaticinaberis, sic de aliarum internarum partium inflammationibus divinari licet; in mesenterij tamen inflammatione propter sensum obtusum omnia symptomata minùs clara sunt, undè sæpissimè ægros, & medicos fallunt. Fit inflammatio in parte determinatâ, ac proindè non semper eadem profert accidentia morbus, sed ea ex parte, in qua residet, venari oportet: sic læsa deglutitio in anginâ, respiratio difficilis in pleuritide non oriuntur à morbo inflammationis, sed à parte propter inflammationem læsâ. Tandem tanquàm pathognomonicum internæ inflammationis signum febrem synocham itâ adesse oportere fatemur, ut hac absente, & nullo modo inflammatio dici debeat.

Causæ occasionales.

Inflammationis causa est sanguinis grumescencia ex stagnatione, & hæc est vel interna ex sanguinis ad motum ineptitudine per vasa capillaria; vel externa ob quodcumque vitium, quod vias coarctat, easque ad sanguis commearum reddit ineptas. Sanguis redditur ad motum ineptus vel ex nimia visciditate, & crassitie obferi defectum propter aliquam causam absumpti, vel ex sanguine non nihil congrumato, & subsistit. Hæc duo scilicet sanguinis spissitudo, & coagulatio ferè universis inflammationum causæ sunt tam internarum, quàm externarum. Grumescit san-

guis ob acidum sanguini permistum, sive ob lympham nimis acidam, sive ob rem externam, quæ ipsi acorem suggerit. Quod sanguis ob acidum congrumescat, experimentum habemus ex liquore acido per syringam in venam intruso, vel ex sanguine in liquorem acidum immisso. Ex hac sanguinis grumescentiâ internas progigni inflammationes ob vitiosum, & peregrinum acorem pleuritidis exemplo, quæ frequentissimè recurrit, primò demonstramus; sectâ enim pleuriticorum venâ, sanguis, qui educitur, dum fuit semi-coagulatus apparet, quod omnibus febribus cum inflammationibus conjunctis est commune. Secundò, sanguinem crassescere, & coagulari ex medicamentis, quibus optimè internæ curantur inflammationes, demonstramus, talia sunt, quæ sanguinem dissolvunt coagulatum, & per sudorem, aut urinam ejus acorem exturbant, quia acidum corrigunt, & absorbent, itâ sunt lapides cancerorum, sanguis hircinus, syrupus papaveris rheados, dentes apri, stibium diaphoreticum, & cætera, quæ in casu, & percussione ad sanguinis thrombos extravasatos dissolvendos præscribuntur. Itèm *Sperma ceti* internè, & externè, & similia. Occasionalis internarum inflammationum causa est nimia corporis incalescentia à motu nimio, vel ab exercitio violento, ejusque in subitaneum frigus translatio; dum enim sanguis incalescit, attenuatur, & celerius per tubulos fertur; frigefcente corpore, sanguis minùs movetur, crassescit, coagulatur, & vasa capillaria obstruit, moratur, & ob moram acorem contrahit,

hit, qui partibus volatilibus resolutis, individuus corruptionis est comes. Causæ externæ vasa coarctando sanguinis motum inhibent, vel enim vasa comprimunt, vel eadem angustiant, vel adstringunt &c. Sic arctæ ligaturæ, contusiones, casus, & dolorificæ fibrarum nervearum contracturæ levi quasi spasmō fibras nervosās, & musculosas contrahunt, in qua contracturâ unâ vasa capillaria contrahuntur, crispantur, & coarctantur, ac sanguini liberum denegant comitatum, ac proinde subsistit, grumescit, & inflammationem parit.

Prognosis.

Inflammatiō interna vel resolvitur, & hic curationis modus tutissimus est; vel ab acido exuberante, & prædominante coagulatur, & in scirrhū transit, quæ pessima est propter tumorem contumacissimum, & curatū difficillimum, & nisi cautē, & sedulō tractetur, facillimē fermentationem concipit, & in cancerū degenerat, cū cancer occultus, & scirrhū in paucis differant; Vel inflammationis materia in pus concoquitur, & tunc nisi illi vel per asperam arteriam, vel per intestina, vel vesicam aliquis non pateat aditus, non solum ita faciliter non superatur, sed in ipso inflammationis cursu natura succumbit, & in gangrænam abit, ex qua irreparabilis sequitur mors.

Curatio.

Quod diætā spectat, aër non sit nimis calidus, nam spiritus dissipat,

nimis frigidus sanguinem grumescere facit, sit itaque temperatus. Alimenta subministret avara manus, ne nimius sanguinis generetur proventus, & inflammationem augeat, Abstineat à nimis calidis, ut piperatis; hæc enim sanguinem in fluorem, & motum adigunt, & propter angustatās vias dolorem in loco inflammato intenderet. Caveat æger acida, salita, saccharata, frigida, præsertim sic hæc inflammationis causæ fuere. Vinum fugiat ob latentem, quem continet acorem. Potus sit aqua cardui sancti, decoctum cornu cervi, vel aqua papaveris rhæados, vel decoctum herbæ Theæ. Motus nimius vitetur, ne dolorem adaugeat, & magis quiete fruatur. Moderato succumbat somno, & à vigilijs immoderatis declinet. Excernenda excernantur, & retinenda retineantur. Animi passiones, & præcipuè ira, & mœror proscribantur, & animus in tranquillitate detineatur.

Febris ab internâ inflammatione suscitata primò nullum auxilium à medicamento purgante tum ex Galeni auctoritate, cum ex ipsâ ratione; quippè sanguis in loco inflammationis concretus neque separari, neque educi à purgante medicamento potest: affligitur interea à medicamento purgante natura, & citius inflammationis importunitatibus succumbit.

Neque à frigida aquæ potu effervescentiæ extinctio in inflammatione expectari potest, cū fervor ille à simplici sanguinis motu non pendeat, sed à sanguine jam concreto in inflammationis loco, qui dissolutionem, & pristinam fluiditatem requirit, non

autem refrigerationem.

Neque à sanguinis missione curationem expectare possumus, estò ut medicamentum purgans obesse non possit, nam à venæ sectione sanguis fluens educitur, non autem ille, qui concretus inflammationem producit: attamen *Gal. 1. aph. 23.* scribit: *In maximis inflammationibus ad animi deliquium sanguinem detrahendum esse.* Porro ejus procuratores non ad animi deliquium sanguinem mittunt, sed revulsionis, & derivationis gratiâ absque ullo scrupulo, attamen somniatæ revulsionis, & derivationis leges penitus ab Harveano sanguinis motu evertuntur, & cum sanguis vertatur in orbem, impossibile est eum in aliquam partem fluentem ex corde per alium locum evacuandi revelle-re: ex quacumque igitur parte sanguinem mittas, æquè totum corpus sanguine depletur, nec ad peculiarem quandam partem, sed ad universum corpus pertinet. Galenistarum revulsionis, & derivationes tantum operantur, quantum sanguis evacuatur, & quatenus imminuitur; per se enim non sunt necessariae, nisi in insigni plethorâ. Uno modo venæ sectio juvare potest, si scilicet sanguis nimium premens dolorem inferat, & inflammationem auget, quando plus sanguinis circa inflammata partem colligitur, quàm venæ sorbere possunt, & simul ex vehementi illâ pressione membranæ, & vasa extenduntur, ac fibris rupturam minantur: in hoc casu venæ sectio institui potest, quia impetum, & copiam imminuit, & nimius sanguinis motus reprimi-tur, quocumque autem alio fine venæ sectio celebrata semper nocere po-

test. Insuper phlebotomia solum plethoram aufert, & hæc in inflammationis principio aliquibus quandoque est, cum à morbo impetuntur, & non multò post exhaustitur propter assiduam insensilem transpirationem, & ob victum tenuem, qui præscribendus est, sanguis non regeneratur. Præterea omnis noster calor à sanguine suam cognoscit genèsim, & immi-nuto sanguine per venæ sectionem, minuitur quoque calor, vires prosternuntur, vis digestiva, & sanguificativa aufertur, & consequenter si natura resolutionem tentare velit, morbo succumbit. Tandem inflammationes, quæ per venæ sectionem restituntur, facilius ex quacumque levi occasione recurrunt; videmus enim, quòd quando semel in parte facta est inflammatio à causâ internâ, subindè in eadem parte recurrat. Sic quidam quotannis pleuritide laborant, alij tonsillarum inflammatione corripiuntur, alij anginâ afficiuntur. Iis, qui semel erysipelate afflicti fuere, nisi benè curentur, recurrit malum idque in eadem parte. Aliqui remanere in parte inflammationem passâ quandam dispositionem, secundum quam fit inflammatio, inquiunt, sed hæc dispositio quid sit, non intelligitur, quare scrupulosis non satisfacit. Cæterum juxta nostram sententiam dicimus fibras nervosas, & musculosas semel contractas, & coarctatas nunquàm tam benè post primam inflammationem naturalem nancisci positum, sed quodammodò crispatas ex pravâ curatione remanere, & quacumque levi datâ occasione irritatas contrahi, crispari, & coarctari; hinc vasa capillaria sanguinem deferentia

comprimuntur, angustiantur, & liberum sanguini transitum interdicunt, undè sanguis subsistit, in thrombos trāsit, inflammationem iteratò producit. Hinc ex fibris nervosis, & musculosis naturalem situm non servantibus in fracturis, & luxationibus dolores in aliquibus temporum mutationibus sentire coniectamus.

Inertes vulgares in principio inflammationibus repellentia applicare student, quibus sanguinem stagnantem repellere, vel urgere volunt, ut per arterias regrediatur, sed hæc stoliditas ex ignorantia circulationis sanguinis procedit; etenim impossibile est sanguinem, qui per arteriam influxit, per eandem refluere posse. Præterea repellentia valdè suspecta, & noxia censemus, etenim frigida, acida, & austera sunt, & applicata inflammationes pejorant, quia sanguinem antea stagnantem magis coagulant; magisque congruant.

Galenistarum chorus pro instituendâ inflammationis curâ, ad morbum, & causam respiciunt, & unâ fideiâ duos dealbant parietes, quibus ablatis, symptomata faciliè quiescunt. Inter cætera, quæ adhibent medicamenta, venæ sectionem necessariam esse censent, siquidè ex sanguinis effusione, in qua totam curationis spem collocant, renitentia, calor, dolor pulsativus, & febris, qui inflammationem faciebant, necessariò desinunt; sed hanc sanguificinam supra repudiavimus. Ad calorem nimium extinguendū, quia inflammationis curationem inflammatae partis refrigerium esse existimant, & juxta *Galen* doctrinam calida frigidis curanda, refrigerantia adhibent vulgò

dicta medicamenta: sed hæc noxia, & perniciofa sunt, etenim sanguinis motum impediunt, tubulorum obstructions augent, & congruementiam pariunt, imò refrigerando tumorem non tollunt, in scirrhum mutant, vel lenes inflammationes in lethales degenerare faciunt.

Pro nostrâ inflammationis internæ curatione instituendâ, ea præscribimus medicamenta interna, quæ sanguinis visciditatem, & crassitiem attenuare, ejus acorem absorbere, grumos factos resolvere, fientes præcavere, retardatum sanguinem in suo circulo fluxiorem reddere, & stagnanti iterum ejus motum conciliare valent, hujusmodi sunt medicamenta sudorifica blanda, ut *cornu cervi spagyricè preparatum*, *ebur sine igne paratum*, *mandibula lucij piscij*, *dens apris*, *virga tauri*, *os de corde cervi*, *lapides cancerorum fluviatilium*, & cætera, quæ plurimo sale volatili temperato sunt imbuta, cujus ratione sanguinem attenuant, acorem præcipitant, grumos dissolvunt, & fluxionem reddunt, quibus *Sperma Ceti*, quod egregiam in dissolvendo sanguine congrumato vim habet, ac proindè tam in omnibus inflammationibus internis, ut anginâ, pleuritide, peripneumoniâ, hepatis, lienis, renum inflammationibus, & casu ab alto convenit, quàm in omnibus tumoribus externis inflammatoriis ex sanguine congrumato ortis resolvendis, ut mammillarum non tam ex sanguinis grumo, quàm ex lacte congrumato sub emplastri formâ applicatum, in quem usum *Hadrianus à Mynsicht emplastrum de spermate ceti* describit.

Præterea D. O. M. cordatis medicis

cis arcanum revelavit, quo ratione falsi volatilis concretus in vasis sanguis, inflammationis occasio resolvitur, & in naturæ gratiam restituitur, & illico inflammatio, tensio, dolor febris, reliquaquæ concomitantia symptomata remittuntur: est hoc arcanum *sanguis hircinus*, cujus præparatio in hunc modum se habet: *Hircum suspende cornibus, & crura posteriora reflecte ad cornua, testes abscinde, & sanguinem fluentem excipe in vase amplo, & exsicca in sole, si æstas sit, vel retrò, pistoris furnum, ut docet Helmontius tract. pleura furens*, præstat propriâ manu parari, nam in officinis ut plurimum est adulteratus, & ovillum pro hircino accipies:

℞. Sanguinis hirci 3 j.

fiat pulvis,

& infirmo exhibe in syrupo de papavere erratico, vel in jusculo jejuno stomacho bis, vel ter eâdem dosi. Sanguis hirci Sylvestris sanguinem congrumatum potenter resolvit ad grana decem, ut *Lazarus Riverius cap. de Pleuritide* refert, quia uberiori sale volatili scatet, & ideò ejus vires potentiores sunt, verùm quia hîc eo caremus, sanguinem hirci domestici ad 3 j. usurpamus, nam hujus vires infirmiores sunt, attamen tanti remedij effectus, & præsentaneam infirmi salutem mirabimini. Medicamen hoc est pleuritidis specificum Helmontij, & hætenùs à quibusdam magnis viris ad huac morbum exhibitum, & decantatum fuit, attamen nos non solum pleuritidi, sed anginæ, pulmonis, inflammationibus hepatis, lienis, mesenterij, renum, reliquarumque internarum partium, vulneribus, casui ab alto, contusionibus internis, præsen-

taneum, & infallibile remedium convenire propriis experientiis observavimus, imò quamplurimis aliis morbis, & præcipuè in menstruorum tarditate, vel suppressione, mensibus cum dolore fluentibus, vel hystericâ passionem ex viscido, vel sanguine in uteri vasis congrumato; etenim visciditatem, ejusque grumos incidit, attenuat, fluxilem reddit, & per uteri emunctorium exturbat. Insuper puerperis, quibus lochia diminuta, vel prorsus intermissa sunt salutare, & præsentaneum experti sumus remedium. Prætereà in hæmorrhoidum doloribus sanguinem in varicosis venis congrumatum solvit, in naturæ gratiam, & vertiginosum restituit motum, & exanimantem compescit dolorem. Hinc deridendos esse censemus mediculos illos, qui in quavis sanguinis excretionem sistendâ, ut hæmorrhagiâ, sputo, vomitu, nimio mensium fluxu &c. hirci sanguinem propinant, nam sanguinem fluidiorem reddendo, malum adaugent, & excretionem sollicitant: convenit hirci sanguis in illis tantum morbis, qui à sanguinis crassitie, visciditate congrumescentiâ, & non aliter suam agnoscunt genesim.

In omnibus internis inflammationibus conveniunt sulphura metallica fixata, quæ acidum in quacumque corporis parte destruunt, & primum tenent locum *antimonium diaphoreticum, sulphur auratum diaphoreticum, tinctura antimonij Battimelli, & ejusdem Mercurius diaphoreticus*. Itèm *Bezoartica* tam simplicia, quam composita conducunt. Similiter *Mistura simplex, aqua bezoartica n. d. in Mantissâ, magisterium cordiale Battimelli, sal volatile cornu cervi, unicornum ve-*

rum

rum præparatum. , spiritus salis dulcis in aquâ cherefoli; & syrupo de papaver rheados, vel salis armoniaci spiritus tam acidus, quam salinus ex Battimelli descriptione , vel spiritus tartari , qui maximoperè ad sanguinis lentorem dissolvendum profunt. Dùm febris urget, nitrata, ut anodynum minerale, nitrum fixum , nitrum antimoniatum, spiritus nitri dulcis , & alia ex nitro parata remedia conveniunt. Maximoperè conducunt emulsiones ex seminibus cardui Mariae , & cardui sancti , quibus addimus antimonium diaphoreticum, & sperma ceti; Inter vegetabilia eminent in sanguine congruato dissolvendo, & acido absorbendo cherefolium, mentha, carduus Mariae, carduus sanctus, papaver rheados, & bellis minor, ex quibus aqua, syrupi, & salia volatilia parantur.

In internis inflammationibus ea medicamenta salutaria esse diximus, quæ aciditatem obtundunt, sanguinis congruescentiam inhihent, thrombos dissolvunt, fientes præcavent, fluidiorem reddunt, & in circulum adigunt , ac proinde hæc sunt omnibus inflammationibus communia; undè quæ cap. de *Pleuritide* descripsimus, & præter hæc magni æstimamus *utrumq; pulverem* in nostrâ *Mantissâ* descriptum; quæ cap. de *Anginâ*, & ea tandem, quæ cap. de *Echymomate* internè retulimus ; quæ in Casu, ut *Mumiam*, *faculam bryoniae* propinavimus , conducere experientia nos docuit.

CAPUT XXXIII.

De curatione februm , quæ ex sero urinario in massâ sanguinis stagnante originem ducunt.

Natura, ut ad ultimam perfectionem sanguinem adigat , ejus aquosam partem per tot digestiones segregat, fluidâ existente massâ, & per lymphatica deturbat vasa tam partem fluidam , quàm ex digestionum vitio fortè genitam, quæ excrementitia salia, aut alias quascumque sordes, impuritates, & scorias imbibit, abluat, & abstergit, & ex sanguinis massâ per ductus lymphaticos in pelvim , hinc per ureteres ad vesicam urinariam expurgat, non verò ut hætenus à medicis creditum est , per emulgentes, sed de his fusiùs egimus cap. *De Renum Anatome*, Tomo 3. *Physico-chirurgico*, *De Renum Vulneribus*. Et hæc urina quoddam lixivium aqua , & sale salso volatili imprægnatum : sed hoc volatile falsum constat alkali , & acido, ambobus volatilibus , quæ partibus sulphureis oleosis non paucis temperantur , ut ex urinæ anatome constat. Accidit multoties , ut hoc serum urinarium non separetur à vasis lymphaticis, & in pelvim, & renes non deponatur , quia eorum munere non funguntur, vel imperfectè illud exercent, tunc serum illud in sanguinis vasa regurgitans , sanguini commiscetur, ejusque puritatem contaminat , & sanguis hoc sero contaminatus febrem excitat, quæ synochus putris à Galeno dicitur.

Signa.

Continua est ista febris, semper uniformis cum remisso calore, undoso pulsu, oris siccitate, & absque bibendi desiderio & cum corporis gravitudine; his existentibus signis, si in vesicam non descendat urina, quod exploratur immisso cathetere, si nil urinæ excernatur, si nullus vesicæ tumor, nullus in pube dolor, & nulla in perinæo adsit gravitas, febrem à sero urinario in sanguinis vasis stagnante, & ipsi sanguini commisso pendere existimandum est. Non loquimur hîc de Ischuriâ spurîâ, nam hæc nullam habet comitem febrem, & alias agnoscit causas, quas proprio capite adducemus.

Causæ Occasionales.

Febrium ex sero urinario in massâ sanguineâ stagnante causæ vel in ipso sanguine latent, vel in ductibus lymphaticis serum hoc in pelvim non secernentibus, & utrisque semper eadem sunt. In sanguine, cum serum ita mucilaginosum est, ut ab ipso sanguine nec secerni, nec in vasorum lymphaticorum poros invasari possit. Vel quia serum cum sanguine fluens acido-austero peccat, & in ductus non transfunditur ob pororum obstructionem ab ipso acido austero genitam. Vel austera aciditas vasis lymphaticis hæret, quæ obserat, & ita constipat, ut ne gutta quidem in pelvim transcolet, sed stagnans coagmentatur, regurgitat, sanguini commiscetur, ejusque mitionem turbat, salia confundit, & sanguinem con-

spurcat: fit venis, arterijsque hostile, & inimicum, ac in sanguine febris, quam synocham putrim vulgares appellant, concitatur, quæ semper uniformiter recurrit, quousque suam compleat periodum.

Prognosis.

Hoc febris genus necessario suffocabit, si præsertim è naribus fatidus urinæ odor emittatur, nisi vasa lymphatica sanguinis serum in pelvim transcolantia proprio muneri restituantur saltem ante septimum, nam post septimum licet urinam transfundant, raro infirmus liberabitur; attamen si copiosus concurrat sudor, diutius supervivere potest, vel minorem minatur perniciem.

Curatio.

Indicativa harum febrium curatio est, ut seri mucilago in sanguine incidatur, subtilieturque, aciditas austera in ipso sanguine immutetur, obtundatur, cicuretur, & lymphaticorum ductuum constipatio referetur, & tandem sanguis à salium heterogeneorum contaminatione expurgetur: curationem itaque ab hydragogis auspicamur, ea namque seri partem educunt, & reliquum tenuius reddunt, renum facultatem ad suum peragendum excitant munus, & quandoque simul urinæ calcar addunt:

℞. *Conserva flor. Persic.* ℥iv. exhibeantur infirmo immediatè ante prandium.

Expurgato corpore, appropriata medicamenta ea præscribimus, quæ aciditatem austera, & salia tam in san-

sanguine, quam in vasis lymphaticis corrigunt, infringunt, & per urinam expellunt, ita sunt lapides cancerorum fluviatilium, oculi lucij ptiscis, lapides percarum, omnia testacea, & crustacea. Vel manè, & vesperi jejuno stomacho exhibe infirmo qualibet vice sequentem compositionem, ut

℞. Salis prunella,
tart. vitriolati ana 3. j. β.
macis 3. j.

reduc in pulverem. Dosis 3j. in conservâ violarum.

Vel

℞. Semin. urtica scr. ij.
dauci scr. j.

contunde, misce, & propina in vino albo.

Vel

℞. Semin. apij sylvestr.
milij solis,
cynosbat. ana 3. ij.

contunde, misce, & exhibe 3. j. pro dosi in jure cicerum rubrorum, vel petroselini, vel decocto ononidis,

Omnia, quæ diurctica, & anti-nephritica sunt, conveniunt, & præsertim balsamus anti-nephriticus, liquor ad urinæ retentionem, pulvis anti-nephriticus, syrupus pro lithiasi in nostrâ Mantissâ descripti. Itèm quæ volatilia, ut saltartari volatile, spiritus salis ammoniaci salinus, spiritus tartari &c.

Si his adhibitis medicamentis, urina non reddatur, pubis regio capis sub cineribus coctis numero ij. oleo scorpionis subactis calidè foveatur, ut urina proritetur: quod si urinæ proventus non eveniat, ad hoc aliud tanquam ad extremum recurre:

℞. Croci or. 3. ij.
ponantur in pupatellâ, ferveant per di-

medium horæ quadrantem in vase vitreo clauso cum.

vini albi lb. β.

℞. Hujus vini 3. j.

quam infirmo exhibe bis in die.

His, alijsque incassum adhibitis medicamentis, & omni spe salutis ademptâ, tanquam ad sacram anchoram ad diaphoretica, & sudorifica confugimus, quia hæc serum crassum subtiliant, & salia heterogenea turbata per pororum hiatum unâ eliminant, etenim idem serum urinæ, & sudoris materia est; æstate namque ubi diaphoresis, vel sudor magis augetur, urinam parcius, hyeme vero ob utriusque diminutionem, affatim transcolari experimur.

Unum tandem advertendum volumus, ut æger strictam servet dietam, & parcius, vel nullatenus bibat, ne aucto feri cumulo, malum pejo-retur absque ullâ salutis spe.

CAPUT XXXIV.

De Curatione februm, quæ ex liquore felleo fermentescente suscitantur.

Liquor felleus sive in vesicâ felleâ, sive in vasis bilarijs hepatis excrementum non est, ut vulgares perperam opinantur, sed ibi à naturâ producitur, ut ad diversos deserviat usus, quos fusiùs in nostrâ Trutinâ Medicâ l. 3. de Ictero, & in Trutinâ Chirurgico-Physicâ cap. de hepatis Anatomie retulimus, ubi de ejus generatione, & usu quamplurima notatu non indigna adnotavimus. Liquor iste vehementissimos continet spiritus, qui facillimè moventur, & febrem,

quam Tertianam vocamus, progignunt,

Signa.

Juvenis vehementis naturæ si æstivo tempore intempestivè se exercuerit, multum vini, vel aquæ potaverit, aliaque in cibis errata commiserit, febrem tertianam illi imminere judicare poteris, cum extrema refrigerantur, vehementi totum corpus concutitur frigore, dentes quatunt, pulsus contrahuntur, capitis dolor accidit, sitis excruciat, principium accessionis tertianæ febris jam esse judicabis; adveniet deinde calor quandoque pro corporis constitutione diversus, nunc vehemens, nunc remissior, modò longior, modò brevior cum varijs anxietatibus, siti intensâ, vomitu bilioso, urinâ croceâ, quæ omnia 24. horarum spatio non solum remittuntur, sed omninò cessant; jam tertianâ laborare febre infirmum pronuntiabis: nam post 24. horas, quas omninò quietas infirmus habebit, secunda insurget accessio eadem symptomata proferens, & sic deinceps de tertio in tertium procedet febris, quæ tertianæ exquisitæ nomine indigitatur, vulgò tertiana simplex appellatur, nam duplex datur tertiana, in qua paroxysmi singulis diebus recurrunt, quandoque in tertiana duplici duo paroxysmi eadem die apparent, alterâ die remanente liberâ, quam nonnulli duas appellant tertianas, & à tertianâ duplici distinguunt, quæ distinctio nullius est ferè momenti.

Infestat in tertianâ ut plurimum amarorum humorum vomitus, hic

oritur ex effervescente humore felleo in ventriculum regurgitante, eumque spasmodicâ vellicatione ad vomitum irritante, undè tertianarij fellis effluvio succum alimentitium amarescentem vomere coguntur, quem perperam vulgares febris causam putant, cum potius sit effectus.

Associatur huic feбри oris amarities, hæc vel è sero ob effluviū felleum amarescente per glandulas salivales, vel è stomacho fellei liquoris halitu ad fauces delato provenit, & hinc ad linguam, undè gustûs organum ita amarore inficit, ut febrientes cibum, potum, & ipsum saccharum tanquam amaritie imbutum falsò imaginantur, & non aliter ac amarum respuunt.

Hanc febrem tum capitis, tum lumborum dolor comitatur, quia in hujus calore arteriarum pori valdè explicantur, & particule salinæ, & sulphureæ scindentes, & pungentes per illos expressæ nunc in lumborum regionem deponuntur, nunc ad caput deferuntur, & ob aculeata, & scindencia corpuscula pungunt, convellunt, crispant horum partes, & sensim dolores producunt.

Sitis intensa tanquam hujus febris ordinarius comes ortum ducit à salinis, & sulphureis corpusculis amaris exaltatis, & in ventriculum, ejusque orificiū, œsophagum, laryngem, & linguam delatis.

In febre tertianâ totum corpus ingenti concutitur horrore, & frigore, quod à materiæ nitro-sulphureæ acrimoniâ concitatur, quæ dum à vesicâ felleâ, & vasis cholidochis diffunditur, ventriculum, intestina, abdomen, cæterasque nervosas primò vellicat partes, deindè totum corpus suo
motu

motu spasmodico quatit.

Urina ob insignem salis, & sulphuris succi fellei rapidum motum croceo saturatur colore; ob alios succos, corpuscula à renibus segregata, ac terrestres moleculas, quas secum rapit, redditur turbida.

Hac febre laborantes de dolore sub hypochondrio dextro queruntur, quia bilarii ductus ibi intestino duodeno infiguntur, & hinc febrientes ob sal acre oleosum de æstu, & ardore in abdomine conqueruntur. A depravatâ succorum fermentatione sæpe sæpius flatus excitantur, & ex his subsistentibus præcordiorum anxietates commoventur, & si unâ stomachus afficiatur, & infletur, difficilis respiratio, ingentes angustiae, & dolores sub costis nothis suscitantur. Difficilis respiratio quandòque à sanguinis effervescentiâ, eoque in pulmones stagnante, & ebulliente ortum ducit. A sale oleoso acri volatili rapidius in sanguine moto spirituum animalium perturbatio provenit, & hinc pertinaces vigiliae, & si hoc sal Minervæ arcem petat, ibique exaltetur, ut facile ex urinis est conjicere, deliria febrientes sollicitant.

Solet aliquandò febris tertiana non adeò vehementia præferre symptomata, & prolixiorum suarum declinationis terminum habere ob concitantis eam liquoris fellei lentorem, & visciditatem, & hujusmodi tertianam spuriam, seu notham appellare solent, ex eo quia septem accessionibus terminari non evenit, ut exquisita tertiana.

Causæ Occasionales.

Duplicis generis tertianæ febris causam accusant *Galen*i mancipia, intrinsecam, & extrinsecam; intrinseca est calidum, & siccum hepatis temperamentum, ejusdem succi biliosi suppressa aliqua evacuatio, qualis nonnullis per vomitum præsertim fieri solet; extrinseca est aër calidus, & siccus, motus citati, labores nimij, iræ, inedia, vigiliae, calidus, & siccus victus, ac omnia, quæ humorem biliosum progignere, & coacervare possunt. Verum errant male feriati humoristæ cum eorum Antesignano Galeno; magnum namque inter bilem, & liquorem felleum intercedit discrimen, & estò synonyma esse credant, & incautis succum felleum pro bile, & contra venditent, quid pro quo accipiunt.

Tertianæ febris causæ sunt omnia illa, quæ liquorem felleum plus justo augere, agitare, vel in fermentationem adigere possunt, ita sunt calidior aëris constitutio, validi motus, exercitia immoderata, improbi labores, productæ vigiliæ, curæ graves, longæ inediae, iræ excandescentiæ, crapulae, ciborum calidorum usus, & aromatum, vinorum generosorum potationes, &c. Itè dulcia non tam augent, quam turbant liquorem felleum, & vitiosam cum ipso effervescentiam excitant, undè vulgò dulcia bilescere fertur. Liquor iste felleus constat ex particulis ita spirituosissimis, & volatilibus, nempe sale volatili oleoso, ut faciliter moveatur, qui si fermentationis motum concipiat, totam massam in vehementem concitat effervescentiam; undè ex vehementi im-

petu in hepar ipsum regurgitare, tùm in intestinum duodenum, & ventriculum erumpere evenit: vasa ergò hepatica, intestinum, & ventriculus cùm fermentantis bilis impetum tollerare non possint; in motûs depravationem adiguntur, & illam pariunt febrem, quæ de tertio in tertium per accessiones recurrit.

Prognosis.

Febris tertiana intermittens omnium censenda est brevissima, & tutissima, ut habetur *sect. 4. aph. Febres quocunque modo intermiserint, periculum abesse significant.* Et *aph. 59. ejusdem sect. Tertiana exquisita septem circuitibus ad summum judicantur.* Imò vulgares hanc febrem, etiam notham febrientibus salutare præbere suppetias credunt, ut potè qua sanguis depuratur, non minus ac multa vina generosa, quæ aliquoties fermentando, generosiora evadunt, hinc illis hæc febris sanguipurgium dicitur, cùm per hanc sanguis quasi depuratur. Cæterùm in magno versantur errore; hæc namque febris, in eorum sententiâ, potiùs sanguinem conspurcat, quàm purgat, & quandòque obstructions, aliaque post se relinquit incommoda. Præterea si vina generosa primâ vice fermentant, non generosa evadunt, sed in acerrima transeunt aceta, ut experienciâ constat. Febris itaque tertiana tùm exquisita, cùm notha per se periculo vacat, sicut quælibet febris, quæ intermittit; succumbere enim natura non potest, ubi per intervalla ipsa suorum motuum libertatem acquirit: Verùm hæc doctrina sub duplici conditione

intelligenda est, prima scilicet, ut febris ad exactam, & completam deveniat intermittentiam, adeò ut in pulsibus nulla præcedentis febris supersint indicia; altera, ut paroxysmus ipsius semper cum sudore per totum corpus erumpente terminetur, nam si hæ duæ conditiones, vel saltem ex ipsis unica desit, non omninò fidendum. Multa febris tertianæ supervenire possunt, quæ vitæ periculum inferunt, licet febris ex se periculosa non sit; ac propterea est advertendum, quòd si quis specificum obtinuerit remedium pro tertianæ curatione, expectare non debet, ut tertiana sponte cesset, quia faciliter ob ægri errores degenerare potest, neque conveniens est nisi post quartam accessionem aggredi, postquam quodammodò natura humoris qualitatem, & quantitatem domuit. Non rarò febris tertiana ex unâ fit duplex, ex exquisitâ fit notha, vel ex intermittente in continuam, & ex benignâ in mali moris febrem degenerat. Multoties dantur tertianæ malignæ, & pestilentes, quæ estò evidentes habeant intermissiones, ægrotantes tamen non rarò de medio tollunt.

Icterus, vel alvi fluxus tertianæ febris superveniens eam solvit, materiâ jam concoctâ. Et hæc est unica via compendiaria, qua hujusmodi febres perfectè judicantur, cùm enim illarum focus in cistide felleâ, vel hepate, intestino duodeno, vel mesenterio, alijsque partibus primæ regionis contineatur: etiam si qua singulis accessionibus effertur exhalatio, in corporis habitum irrumpens, vel sudoribus, vel insensibili transpiratione,

tionem, vel papulis expurgetur: manet tamen crassamentum, quod nisi naturæ beneficio, vel medicamento-
rum ope per alvum expurgetur, aut febris diuturnæ, aut obstructionum, aut recidivæ, aut aliorum morborum contumacium causa esse solet. Tertianæ laborantibus si pustulæ, aut ulcera in labijs, & naribus erumpant, febris finem prælagire potest medicus; est enim veluti quædam crisis, quæ ad illas partes fit, verum quandoque cum labijs ulcerosis pertinaciter insistit.

Ordinariò hæc febris intra septem, vel decem periodos cessare solet, & hîc notandum est semper præstare. in tertianis, ut paroxysmi postponantur, quam anticipent, & causa quidem facilis est, nam ubi paroxysmi seriùs adveniunt, signum est vel fermentum febrile diminui, vel saltem tardiùs è suo foco moveri, quod utrumque in morbis bonum est signum, præsertim in febribus: si anticipet, diutius produci certum est, & si ulterius serpit febris, tunc difficilior est curatu, & notha, atque extensa nominatur ob longitudinem, quam habet, ita ut si autumno incæperit, ad verum usque tempus producit, propterea semper de eâ dubitandum, cum faciliùs in continuam faciat transitum, quæ si non adeò diuturna sit, periculosa tamen est censenda, licet nunc minùs secundum quod modò majora, modò minora secum associet symptomata, verum si diù perseveret, in hepatis tumorem, cachexiam, hydropein, & cætera facile deducet.

Curatio.

Febris tertianæ curatio desumen-

da est ex sex rebus nonnaturalibus dictis, quarum usus rectè administratus, comite naturâ, febrem curat, & primò se nobis offert.

Aër, qui temperatus, sèrenus, & purus esse debet, ne febris calorem intendat. Cibus sit refrigerans, & humectans, quia in Galenistarum opinamento bilis est humor aridissimus, & calidissimus, quam ignis elemento correspondere fatentur, ideòque vitentur alimenta calida, fumo indurata, aromatica, salita, melita, & dulcia. Cibus sit moderatè capiendus, quantitas sit, ut benè concoqui possit, attamen non in ipso paroxysmo; natura enim tunc cibi coctione avocatur ab humorum febriferorum coctione, sed assumi debet. quinque, vel sex horis ante paroxysmum. Addimus & nos in accessione terro halitu totum corpus perfundi, ac propterea cibum recens assumptum labefectari, maximâ ex parte corrumpi, & in occasionalem febris causam transire; eapropter tùm in tertianâ, tùm in alijs febribus intermittentibus æger ante paroxysmum, nec in ipso neque cibum, neque potum capiat, nec somno succumbat. Potus sit ex aquâ acidulatâ sulphuris oleo, spiritu vitrioli, vel salis, vel utatur æger *tincturâ rosarum, vel violarum, ribium, limonum vel succo citri*. Vinum prorsùs exulet, donec febrilis coquatur materia, at ubi concoqui incæperit, dandum est paucum, tenue, & aquosum. *Quies* magis confert, quàm motus. *Vigilia* maximoperè nocet, ideòque somnus conciliari debet medicamentis opiatissimis suo febrifugo maritatis, vel emulsione nostrâ somniferâ, vel amygd-

amygdalatis, vel seminum melonum, papaverum, & lactucæ emulsionibus.

Alvus stictica clysteribus, vel glandibus proriretur. *Animi* passiones & præsertim iræ, excandescentiæ, & mœror fugiantur, & animus hilaritate fruatur.

Pro febris tertianæ curatione ea usurpamus medicamenta, quæ fellei liquoris acre sal volatile oleosum temperant, invertunt, leniunt, & ità sanè disponunt, ut faciliùs, priusquam ad specifica deveniatur, deturbetur. Felleus humor austeris, ut *omphacij*, *berberum*, *limonum*, & *granatorum succo* mirificè temperatur. Acida, ut *spiritus vitrioli*, *sulphuris*, *salis dulcificati*, *spiritus vitrioli Philosophicus*, vel *salis ammoniaci n. d.* in *Pyrotechniâ*, fellei liquoris acrimoniam potenter infringunt, verùm diluuntur in aquis appropriatis, vel sero lactis ad gratissimam aciditatem, vel fiunt ex his tincturæ, ut *absynthij n. d.* *rosarum rubrarum*, *violarum*, *boraginis* &c. vel syrupis admisceri possunt, ut

℞. *Syr. de succ. Viol.* ℥℞.

aquæ card. sancti ℥iv.

spiritus vitrioli, vel *sulph. q. s.*

ad gratiss. aciditatem m.

Ejusdem fellis turgentiam liniunt, & corrigunt emulsionem ex oleosis seminibus paratæ, &

℞. *Sem. melon.* ℥j.

f. emulsio in aquæ card. ben. ℥iv.

syr. de nymphaea ℥j℞. m.

Salia vegetabilium fixa per incinerationem parata non solum humoris fellei effervescentiam compescunt, sed tertianam tollunt, ità sunt *sal absynthii*, *cardui benedicti*, *centaurij minoris* &c. imò his si adjungantur

antimonium diaphoreticum, vel *ocul. cancrorum preparati*, raro fallunt, ut

℞. *Salis absynth. fixi*,

ocul. cancr. præp. ana ℥℞.

stibij diaphoretici ℔℞. m.

Et in aquæ cardui benedicti s. q. exhibe.

Succus deindè felleus ità temperatus promptiùs volatilitate suâ per superiora eliminatur, si præsertim æger sit nauseabundus cum oris amaritie, & ad vomitum facilis, tunc bilem dictam ad stomachum repere, ibique turgere, sursùm affectare viam, & exitum querere manifestum est argumentum: sic ventriculus ab acris salis volatilis oleosi scorijs expiatur, prima coctio faciliùs peragitur, & febrilis paroxysmus imminuitur, & quandoque tollitur. Undè relictis dejectivis, ad vomitum cientiâ in tertianæ curatione confungiendum est.

Pro specifico emetico in tertianis commendant vulgares medici *Vitriolum album*, ut

℞. *Vitrioli alb.* à ℔j. ad ℥℞.

fiat pulvis,

quem in jusculo propinant, vel in aliqujus conservæ, ut *boraginis*, *violarum*, vel *rosarum cochleare* exhibent cum jusculi superpotatione. Sed nos tale vomitivum repudiamus, quia strangulanti indole, & exulcerante potitur, & aliquid subindè, quod in totum ventriculum destruit, remanet. Ea itaque conducunt emetica, quæ blandiori prædita sunt energiâ, ità est *decoctum ex foliis asari in aquâ cardui benedicti factum*, vel *decocti nicotianæ uncia dimidia*. Itèm *tartarus emeticus Mynsicht* à gr. iv. ad vj. Sed omnibus emeticis palmam præripit in blanditiæ nostrum *Hippo-*
cras

cras emeticum ad cohleare unum, ut nobiscum plures pluries experti sunt. Unum tantum notamus vomitoria ex antimonio parata, ut *aquam benedictam Rulandi, crocum metallorum, vitrum antimonij hyacinthinum, infusionem reguli antimonij, flores antimonij, melleurium vite*, & alia ex antimonio petita, stabulantem in primis vijs materiam feliciter exturbare: Verum hæc sicut solertem spagyricum, ita peritum, qui ea exhibeat, medicum requirunt, aliter sunt velut culter acutus in manu infantis, aut gladius in manu furiosi, ut multa passim funesta observantur exempla, ideoque in naturis debilioribus observatis omnibus legibus, quas in propinandis vomitorijs recensuimus, exhibenda censemus. Blandiora itaque emetica (estò in paroxysmo non facile aliquid præbendum) ita necessitate urgente, in ipso paroxysmo exhibemus, quia tunc bilis dicta ventriculum repit, undè & in accessionis initio angustia, & dolores circa præcordia sentiuntur, & ægri quandoque lipothymiâ corripiuntur, ac proindè tunc vomitoria exhibere licet: eapropter non solum anxietates illæ tolluntur, verum etiam paroxysmus imminuitur, & interdum febris aufertur.

Si verò bilis dicta ad inferiora vergat, quò vergit, eò ducere oportet, eodem modo per intestinorum excretionem deturbetur necesse est, & tum præcipuè quatenus bilem è duodeno, meatu cholidocho, & ipso fellis folliculo turgescientem exprimendo evacuat medicamentum purgans, & hæc quidè evacuatio sponte quandoque contingere solet in tertianis exquisitis, & exquisitè judicantur: ex tor-

minibus autem, & anxietatibus imum sollicitantibus ventrem cognoscitur medicamentum catharticum requiri, & hæc est via commodior; natura enim ipsa viam hanc per intestina ad excrementorum excretionem sibi stravit, imò à corpore universo ad intestina commodior, & magis usitata est. Medicamentum purgans intermissionis die exhiberi debet, idque matutinis horis, ut vulgò fieri solet, dummodò intermissio in eas incidat horas, & non die paroxysmi, quia tunc est afflicta natura, & afflictæ non est addenda afflictio. Insuper medicamentum purgans à circumferentiâ ad centrum trahere dicunt, & natura in paroxysmo à centro ad circumferentiam exturbat, & ita duo instituerentur motus, unus alteri contrarius, quos non sine damno tolerare posset. Præterea si natura die paroxysmi per sudorem evacuationem moliri velit, sudor per medicamentum purgans magno cum detrimento inhiaberetur. Vel si natura purgationem per alvum institueret, & medicus eodem die purgans exhiberet medicamentum, metuedum, nè ex utroque motu immoderata succederet evacuatio magno cum ægri detrimento. Intermissionis itaque die exhibendum est medicamentum purgans: Cæterum hæc medicamenta blandiora esse oportet, & à diagrydiatis, antimoniatis, cæterisque pharmacis, quæ vehementer solvunt ventrem, omninò cavendum, nam hæc exhibere est sulphur igni addere, & febrè in duplicem, vel continuam, vel alterius moris reddere, ac proindè levioribus acquiescere licet, & quæ bilem dictam evacuare apta sunt, ita est

Manna potabilis n. d. extractum rhabbarbari, vel ejus infusio cum decocto senne, vel cassia in bolum redacta, ut

℞. Cass. recens extract. per setam ℥. ij. rhabbarbari opt. ℥. j.

m. & cum sacch. f. bolus.

Vel syr. rosar. solut. de Cichor. Nicolai, diaprimum lenitivum, & ex his potio in hunc modum parari potest :

℞. Fol. sen. or.

tart. vin. alb. ana ℥. j.

rhabbarbari opt. ℥. j.

pulpa tamarind. ℥. ℞.

f. decoct in aqua fumar.

& in suff. q. diff.

syr. de cichor. Nic.

ros. solut. ana ℥. iij.

diapr. lenit. ℥. ℞.

m. f. p.

Vel conf. ros. pers. vel flor. pers. vel earum expressionis exhiberi possunt.

Alij non intermissionis die medicamentum purgans, sed instante paroxysmo propinandum esse censent, his suasi rationibus : Natura utiliter paroxysmi die evacuationes molitur, ac eodem ferè die semper crisin instituit : itaque cum medicus sit naturæ minister, eam æmulari debet, & quidem jure, nam tunc humores moventur, & agitantur, ac natura tum humorum motu, tum onere irritata facilius evacuationem adjuvabit : & reverà tali curandi methodo plures longissimis febribus laborantes multò citius quàm aliàs ereptos observavimus.

Cæterum quæ suprà adduximus, faciliè hanc dirimunt litem ; si enim materia, instante paroxysmo, ad ventriculum repat, in ipsâ accessione vomitorium præbendum ; sed lene, ut diximus ; si verò ad inferiora incli-

net loca, die paroxysmi lenem purgationem instituere oportet, præsertim si multa humorum congeries in primis stagnet vijs, ità ut ante initium purgationis motus sit absolutus.

In debilibus, & delicatulis remedia podicis, scilicet clysteres conducere inquirunt vulgares in principio, & fine paroxysmi, & felici cum eventu in praxi experiuntur, quia non dubium est, quin materia quædam separata, & ad intestina detrusa per clysteres educatur, & hinc paroxysmus imminuitur.

Evacuata alvo, inter se rixantur *Galen*i discipuli, an venæ sectio in tertianâ simplici conducat ? Et rixandi ansam è magistro *Galeno*. 1. ad *Glauc.* cap. 9. desumunt, ubi in tertianæ exquisitæ curatione nullam de venæ sectione mentionem facit, cum tamen in curatione tertianæ nothæ postea ejus meminerit. Eapropter in maximâ animi afflictione versantes, in *Galen*i mentem interpretando insudant, & varias adducunt causas. Undè aliqui *Galen*i autoritate innixi, venæ sectionem in tertianâ intermittente omittendam arbitrantur, quia ipse non dixit. Alij verò, qui eam admittunt, varias afferunt conjecturas, cur *Galenus* de venæ sectione mentionem non fecerit. Nonnulli putant eum venæ sectionem omisisse, quòd eam, tanquàm quiddam clarum, & extra omne dubium præsupposuerit, vel brevitas studio omiserit ; quod tamen vix locum habet, cum adeò clarum non sit, à quo indicetur venæ sectio in hac febre tertianâ exquisitâ, & postea in tertianâ nothâ ejus mentionem fecerit, neque necessaria præ-

lidia brevitatis gratiâ omittenda sunt. Alij censent, ideò eum omisisse, quòd in febre id, quod maximè ad venæ sectionem desideratur, non adsit, virium scilicèt robur. In tertianâ enim exquisitâ omnia, ætas, anni tempus, regio, temperamentum, ad calidum, & siccum vergunt, & proindè tale corpus viribus valentibus esse non potest.

Isti medici vulgares, capita cucurbitina, *Galen*i doctrinam tanquàm ex tripode, imò ex quadrupede dictatam venerantur, de umbrâ asini, & lanâ caprinâ rixantur. Cæterùm nos juxta nostra principia in tertianâ exquisitâ nullo modo venæ sectionem esse necessariam dicimus, & præcipuè cum aliquot mille absque venæ sectione esse sanatos constet, præsertim his in nostris regionibus, & cum experienciâ quotidianâ pateat illos, qui frequentius educi sibi sanguinem patiuntur, satis proclives ad febres fieri, & porrò nos doceat, quòd febris tertiana simplex per venæ sectionem in duplicem mutatur, vel saltem producit, nec venæ sectio quòd ad primas vias aliquid auxilij afferre potest, imò sanguis ex vulgarium opinamento cum sit frænum bilis, isto destituta fræno effrænate defertur.

His ritè peractis, ad febrifuga, ut febris omninò exstinguatur, recurrendum est medicamenta, quæ non præsentem febre, sed dùm instat ante paroxysmum exhibeantur, imò unâ, vel duabus horis ante, & repetantur, & sæpiùs in duobus, tribus vel quatuor paroxysmis, licet non redierint suo tempore, ut sic junctis viribus cum naturâ operentur, & aliquæ semini febrilis particulæ sopitæ perfectè exstinguuntur.

Helmontius ad febres intermittentes *salia volatilia ex plantis cephalicis, ut sampsuco, salviâ, betonicâ, rore marino &c.* commendat. *Anti febrile Crollij* nos felici cum successu usurpamus, cujus descriptio est:

℞ *Spiritus Vitrioli* ℥. j.

Salis absynth. 3. ℔.

aque cichor. 3. ij. m.

Propinatur instante paroxysmo, & ad febris extinctionem reiterari debet. *Antimonium diaphoreticum* est insigne anti-febrile, non nisi quartâ febris transactâ die, & præsertim si in declinatione sudor effluat, tunc diaphoretica præcipitantibus, vel sudoriferâ sociata felicissimè febris seminio supremam imponunt manum; hæc enim, alkalia cum sint, febrile fermentum præcipitant, effervescentiam exstinguunt, & febrem tollunt.

Omnia amara fellei liquoris acrisal volatile oleosum invertunt, obtundunt, corrigunt, ejusque fermentationem inhibent, & ad naturalem reducunt temperiem: amara itaque in hac febre sunt veluti anti-febrilia, ac proindè nos plures à febribus intermittentibus solo *electuarij hieræ picræ* usu eripuimus. Hac etiam ratione *absynthium*, quia amarum est, ejus succus condensatus ad 3. j. assumitur in vino horâ unâ ante paroxysmum, vel ejus extractum in formâ pilulari, & idem dicimus de *cardus sancto*. Sed *Centaurium minus* in febribus intermittentibus insigne est febrifugum; est enim amaritie amarior, undè fel terræ vocatur, & inter vegetabilia totum anti-febrile nominare meruit: eapropter herbæ, & florum in formâ pulveris 3. j. in haustu vini propinatur, vel ejus extractum

in pilulari formâ. Hæc vegetabilia superat *Gentiana radix* in fugandis febribus intermittentibus; pulveris-
ta enim à ʒß. ad ʒj. in vehiculo ap-
propriato, antè febris invasionem, re-
petito usu, elicitò sudore, febres fu-
gat. Rustici ejus succum inspissatum
contra febres intermittentes assumunt
felici cum successu. Recentiores ex
gentianâ extractum febrifugum cum
spiritu vini conficiunt, quod aliis
commiscent, & pilulas formant an-
tifebriles, ut

℞ *Extract. gentianæ, centaur. min.*
absynthij ana ʒß. m. f. pilul. ix. & de-
aurentur.

Dosis pilul. iij. horâ unâ ante fe-
bris accessionem assumendæ.

Egregium febrifugum, & magis
modernum est, *Cortex Peruvianus*,
vulgò dictus *China China* saporis
amarissimi, quem Hispani *Palos de*
calentura appellant, qui primùm ex-
pertus est contra febres intermitten-
tes quascumque, etiam chronicas.
Adhibetur in tertianâ unâ, vel dua-
bus horis ante paroxysmum, & in-
funditur in vino albo generoso ad ʒj.
vel ij. vel formari possunt pilulæ: sed
de hoc cortice, alijsque febrifugis fu-
sius in quartanæ curatione egimus.
Verumenimverò hic cortex ob mer-
catorum fraudem facilè adulteratur,
& vix legitimus reperitur, ideoque
gentianæ radix, quia insigne febrifu-
gum est, *corticis Peruviani* loco ad-
hibeatur hortamur.

Hæc febrifuga operantur præcipi-
tando fermenta febrilia, & efferves-
centias mitigando febriles. Vulga-
res medici primò purgant, deindè fe-
brifuga propinant, & post rursus pur-
gant: sed perperam faciunt, nam
frustrâ sunt per plura, quæ possunt fieri

per pauciora. Aliqui primò purgant,
& postmodum febrifuga exhibent:
cæterum malè operantur, nam in his
febribus relinquuntur aliquæ parti-
culæ fermentabiles sopitæ, & non to-
taliter præcipitatæ, quæ postmodum
vires ex levi aliquâ occasione assu-
munt, & recidivam faciunt. Nos
verò évacuata fellei liquoris saburrâ
per vomitum ad specifica devenimus,
sed ubi vomitui non est locus, ad
quæ succum felleum invertunt, &
obtundunt medicamenta, & deindè
febrifuga confugimus. His specificis
anti-febrilibus extinctâ febre, pur-
gamus, nam materiam præcipitatum
purgante exterminamus, & sic reci-
divam vitamus, quod utique non
eveniret, si primò purgaremus,
& deindè febrifugis febrem extin-
gueremus; posset enim ex his, quæ
relinquuntur, febris exsuscitari, ni-
si reiteratò purgaremus, quod utique
supervacaneum existimamus.

Allatis specificis non solum tercia-
na, & quartana citò, tutò, & ju-
cundè curantur; sed febres omnes,
quæ ab extremorum refrigeratione
accessionum initium habent, licet ad
perfectam infebricitationem non de-
venerint, profligantur. Discite nunc
Tyrones, & vos patres barbati, *Ga-*
leni procuratores, quàm falsa sit hu-
morum quaternarij doctrina, cum
unum, idemque remedium quoti-
dianam, tertianam, & quartanam in-
fallibiliter curet, quas ab humoribus
inter se contrarijs pendere mendaci-
ter sectariorum medicorum armenta
fatentur: Huiusmodi remedia si co-
gnovisset *Galenus*, quia Vir erat in-
genius, certè libros suos Vulcano
consecrasset.

CAPUT ULTIMUM.

De Curatione februm, quæ ab aquâ Pericardii ortum habent.

AQua in pericardio sicut quotidiè cordis calore absumitur, ita perenniter reproducitur, necessaria erat hæc, ut cordis æstus temperaret, extrinsecus humectaret, nimiam siccitatem inhiheret, ejus motum lubricaret, & ut cor innatando minùs grave fieret, & in nullam impingeret partem: ita hæc aqua cordi est necessaria, sicut quælibet alia pisci, & sicut piscis extra aquam vivere nequit, ita aquâ pericardii diminutum tabem, & tali liquore privatum, mali moris febrem inducit, de qua nunc agimus. Putârunt nonnulli *Galenî* discipuli majorem istius liquoris copiam cordis palpitationem facere: Cæterum autopsiâ comprobatum est omnes, quorum post mortem pericardium majori hujus liquoris copiâ confertum fuit inventum (estò morbo si viverent) in nullam cordis palpitationem incurrisse, sed tantum, dum vivebant, pulsus languidum, & rariorem habuisse. Neque ab istius liquoris copiâ tanta pericardij angustia fieri potest, ut cor in eo se movere nequeat, & hinc palpitet, sed contrâ magis dilatatur, & laxatur, undè faciliùs in eo multò movetur.

Signa.

In hac febre vires languent, pulsus sunt inæquales, & intermittentes, æger frequentibus animi defectibus, & lipothymiis corripitur, faciliter in delirium incidit, & spirandi difficultate laborat.

Causa.

Aqua Pericardij à vehementissimis animi perturbationibus, & quandoque à tali veneno, quod tacemus, in

suo statu naturali immutatur, & suos immittendo halitus, cor versus absumitur, & ipsum vehementer lædunt, illius motum depravant, & febrem in eo accendunt continuam, pusillam, uniformem, mali moris, & frequentibus animi deliquijs comitatum.

Prognosis.

Talis febris curatio difficillima est, & rarò ab hac eripiuntur egroti, quippe remedijs in pericardium undeque præclusus est aditus, tantum hoc receptum ab *Agrippâ de Vanitate scientiarum descriptum multum prodesse potest:*

℞. Tabellionem unum, testes numero vij. adde Sacerdotem cum aquâ, & oleo benedicto, & dispone &c.

Curatio.

Hujusmodi febres nequè sanguinis missione, neque medicamento purgante remitti possunt, remotis itaque his duobus magnis medicamentis à vulgaribus tam decantatis, est nè derelinquendus æger in faucibus orci: minimè quidè, si quæ tamen suppætiæ suppeditari possunt, à cardiacis tantum petendæ sunt, hujusmodi erunt *Aqua perlarum, balsamus sanguinis humani, elixir sanitatis à nobis in Mantissâ descriptum. Vel Aqua cordialis, elixir cordiale, magisterium cordiale, tinctura corallorum à Battimelli descripta*, attamen hæc cum liquoribus appropriatis cochleatim per brevissima intervalla usurpanda sunt. Sed utinam hæc optimæ notæ medicamenta, sicut alijs cordis passionibus auxiliarentur, ita pericardium, cui undeque præclusus est aditus, irreperent, ejusque absumptam repararent aquam! Arcem, cui interdicta est aqua, diù hosti obsistere, & manus non dare impossibile judicamus.

E I N I S.

I N D E X

RERUM, ET MATERIARUM.

Quæ in TRACTATU DE FEBRIBUS
Continentur.

A			
A Bsynth. intermittentes febres curat	64	Cinnabaris antimonij sudorificum est	117
Amuleta contra quartanam	66	Citrus alexipharmacus est	112
Angelica Venenis resistit	104	Conserua prunorum	73
Antidotum Matthioli proscribitur	110	Consummatum confortans Hartmanni	127
Anti-febrifugum Crollij	211	Contraierua alexipharmaca est	104
Antifebrifugum Riverij	65	Cordis marasmi signa	150
Antimonij diaphoretici compositio	115	Corpus animale ex diuersis componitur orga- nis, & omnia in unum diriguntur	11
Aqua foetida ad Stabias cephalalgiam cu- rat.	157	Corporis viventis diuisio in continentia, con- tenta, & impetum facientia ab Hippocr.	2
Aqua Pericardij est febrium occasio	30	Cortex ramorum visci quercini in febribus	63
Aqua Æsculapij	42	Curatio febrium à cibis, & potu quantitate, vel qualitate peccantibus	40
Alexipharmaca Authoris	107	Signa	41
Angelica, seu manna potabilis	96	Causa occasionales	ibid.
Bezoartica Authoris	107	Prognosis	ibid.
Capocephali	162	Curatio	ibid.
Confortativa usitata	128	Curatio febrium ex degeneratione serositatum provenientium, & qua à ventriculo per vasa brevia à Liene alliciuntur	43
Prophylactica contra pestem	113	Signa	ibid.
Theriacaalis Bauderonij	109	Causa occasionales	44
Destillata	110	Prognosis	45
Petri Salij	109	Curatio	46
Cum spiritu vini	ibid.	Curatio Febrium, qua ab excrementis gene- rari solent	67
Tuphania febrem inducit	96	Signa	ibid.
Asarum febrifugum est	54	Causa occasionales	68
Atrophia signa.	148	Prognosis	70
B		Curatio	71
Bezoarticum minerale.	115	Curatio febrium, qua à degenerato partium nutrimento foventur	75
C		Signa	76
Cachexia signa	148	Causa occasionales	78
Camphora alexipharmaca est	111	Prognosis	79
Cancro fluviales in febre hectica	158	Curatio	87
Carduus benedictus alexipharmacus est	104	Curatio febrium ex aëris mutatione	130
Causa omnium motionum in vivente corpore Vitam, Animam, & Naturam plerique appellant, & Hippocrates impetum facien- tem dixit	5	Signa	140
Cerebri marasmi signa	150	Causa occasiones	ibid.
Centaur. minus in febribus intermitt.	64	Prognosis	141
Cerussa antimonij diaphoretica est	118	Curatio	ibid.
Cervus alexipharmacus est	128	Curatio febrium, qua ex prohibitâ transpi- ratione	
China china descriptio	57. & seq.		
Chylostagma diaphor. ticum Minderi	105		
Cinis cancerorum fluvialium	169		

I N D E X

<i>ratione originem ducunt.</i>	141	<i>Signa</i>	140
<i>Signa</i>	142	<i>Causa occasionales</i>	ibid.
<i>Causa occasionales</i>	ibid.	<i>Prognosis</i>	141
<i>Prognosis</i>	ibid.	<i>Curatio</i>	ibid.
<i>Curatio</i>	ibid.	<i>Februm curatio, quæ ex humido radicali de-</i>	
<i>Curatio februm, quæ à sanguine depravato</i>		<i>generato originem ducunt</i>	144
<i>producuntur</i>	173	<i>Februm acutarum curatio, quæ ex humido</i>	
<i>Signa</i>	174	<i>radicali depravato originem ducunt</i>	145
<i>Causa occasionales</i>	ibid.	<i>Febris hectica quid</i>	145
<i>Prognosis</i>	178	<i>Pars affecta</i>	146
<i>Curatio</i>	180	<i>Signa</i>	148
<i>Curatio februm, quæ à sanguinis motu inter-</i>		<i>Causa occasionales</i>	150
<i>cepto producuntur</i>	195	<i>Prognosis</i>	155
<i>Signa</i>	ibid.	<i>Curatio.</i>	ibid.
<i>Causa</i>	196		
<i>Prognosis</i>	197	G	
<i>Curatio</i>	ibid.	<i>Galega contra vipera morsum</i>	104
<i>Curatio februm, quæ ex sero urinario in massa</i>		<i>Galenus Platonem, & Aristotelem irridet</i>	5
<i>sanguinis stagnante originem ducunt</i>	201	<i>Gelatina C.C. in febris malignis</i>	122
<i>Signa</i>	202	<i>Gentiana radix in febris intermittenti-</i>	
<i>Causa occasionales</i>	ibid.	<i>bus.</i>	64
<i>Prognosis</i>	ibid.	H	
<i>Curatio</i>	ibid.	<i>Hepatici marasmi signa.</i>	149
<i>Curatio februm, quæ ex liquore felleo fer-</i>		<i>Hippocras emeticum.</i>	99
<i>mentefcente produntur</i>	203	I	
<i>Signa</i>	204	<i>Id, quod vita, anima, sive natura in viven-</i>	
<i>Causa occasionales</i>	205	<i>tibus corporibus functiones exercet, est sub-</i>	
<i>Prognosis</i>	206	<i>stantia simplex per cuncta corporis organa</i>	
<i>Curatio</i>	207	<i>aqualiter diffusa.</i>	11
<i>Curatio februm, quæ ab aqua pericardij or-</i>		<i>Imperatoria venenis resistit</i>	104
<i>tum habent.</i>	213	<i>Contra febres intermittentes</i>	64
<i>Signa</i>	ibid.	<i>In chylo homogeneo sunt commista quatuor</i>	
<i>Causa</i>	ibid.	<i>elementa</i>	9
<i>Prognosis</i>	ibid.	<i>Intestinorum marasmi signa</i>	149
<i>Curatio.</i>	ibid.	<i>Iura consumpta viperarum</i>	171
D		L	
<i>Decoctum Authoris in hectica febre</i>	169	<i>Lac Asininum confutatur</i>	164
<i>De iis, quæ Medicus animadvertere debet in</i>		<i>Caprinum</i>	ibid.
<i>februm curatione suscipiendâ</i>	39	<i>Humanum in hectica febre</i>	163. 172
<i>Diatartarus in formâ pulveris.</i>	71	<i>Perlarum in hectica febre</i>	169
E		<i>Lapis Bezoar alexipharmacus est</i>	123
<i>Ebur alexipharmacum est</i>	122	<i>Lienis marasmi signa</i>	149
<i>Electuarii Diascordij Fracastorij compo-</i>		<i>Limaces montana in hectica febre</i>	158
<i>sitio.</i>	103	<i>Liquor absynthij</i>	168
<i>Emplastrum in quartanâ Helmontij</i>	61	<i>Felleus est causa occasionalis februm</i>	30
<i>Emulsiones in hectica febre</i>	161. 162	<i>Nutritivius febres producere valet</i>	27
<i>Emulsio Somnifera Authoris</i>	186	M	
<i>Extractum febrifugum Authoris.</i>	63	<i>Marasmus in tres species dividitur</i>	147
F		<i>Mel vitetur in hectica febre</i>	160
<i>Febris definitio juxta Authorem</i>	18	<i>Monachus festinus pro arcendâ quartanâ</i>	
<i>Febres ex aëris mutatione.</i>	138	<i>schedulam vetula consignat</i>	67
		<i>Morsus Diaboli malignis febris resistit</i>	105
		<i>Motus</i>	

I N D E X

<i>Motus definitio ab Aristotele.</i>	14	<i>Quomodo nutrimentum possit esse februm occasio.</i>	23
N			
<i>Natura definitur ab Aristotele</i>	11	<i>Quomodo sanguis in venis, & arteriis contentus possit esse februm occasio.</i>	28
<i>Nicotiana decoctum</i>	54	<i>Quomodo serum possit esse februm occasio.</i>	19
<i>Nitrum fixum diaphoreticum est</i>	121	R	
<i>Nux juglans à veneno præservat.</i>	112	<i>Rhabarbari essentia.</i>	168
O		<i>Ros quomodo febres producat.</i>	27
<i>Oleum verbena obstructiones delet</i>	56	S	
<i>Ostrea laudantur à Lindano in hectica febre.</i>	160	<i>Saccharum vitetur in hectica febre</i>	160
<i>Ova forbilia alvum movent.</i>	72	<i>Salia Chymica</i>	42
P		<i>Scordium alexipharmacum est</i>	103
<i>Partes corporis, quæ continentur ab Hippocrate appellatae fuere, quomodo possunt esse occasiones motus depravati</i>	16	<i>Species, siue differentia contentorum in viventium corpore esse possunt februm occasiones.</i>	19
<i>Passula sunt egregia in phthisi</i>	159	<i>Spiritus impetum faciens spermaticis partibus inexistens, movendo eos pro organi dispositione, ad quod constitutum est, exercitium functionis organi causat</i>	13
<i>Pasta Regalis</i>	ibid.	<i>Spiritus alexipharmacus</i>	103
<i>Periodorum in febribus investigatur causa</i>	35	<i>Succinum à malignitate præservat</i>	119
<i>Phthisis succedit cachexia</i>	147	<i>Succisa. Vide Morsus Diaboli.</i>	
<i>Signa</i>	149	<i>Sulphur antimonij fixum</i>	116
<i>Ptisana hordeacea hecticis commendatur</i>	159	<i>Auratum diaphoreticum</i>	117
<i>Pulmonis marasmi signa</i>	149	<i>Syrupus authoris ad sanguinis fervorem compescendum.</i>	186
<i>Pulvis cachecticus simplex</i>	55	T	
Q		<i>Tamarindi febris incendium restringunt</i>	194
<i>Quomodo aqua pericardij possit esse februm occasio.</i>	30	<i>Terra sigillata adulterina</i>	119
<i>Quomodo causa occasionales febres producant.</i>	31	<i>Testudo terrestris in hectica febre</i>	159
<i>Quomodo excrementa possint esse februm occasiones.</i>	22	<i>Tinctura Alkermes, & Hyacinthi Authoris.</i>	128
<i>Quomodo humida superfluitates possint esse februm occasiones</i>	ibid.	<i>Chin. China</i>	62
<i>Quomodo ingesta in ventriculum possint esse morbi occasiones</i>	21	<i>Diaphoretica Battimelli, vel melius Musitani.</i>	126
<i>Quomodo intelligi debeat spiritum impetum facientem, siue vitam libere moveri debere, ut inculpatam sanitatem producat in vivente corpore</i>	15	<i>Rosarum</i>	185
<i>Quomodo liquor felleus possit esse causa occasionalis februm</i>	30	<i>Violarum</i>	ibid.
<i>Quomodo nutrimenti pars possit esse februm occasio</i>	26	<i>Tormentilla sudorem movet.</i>	72
		V	
		<i>Ventriculi marasmi signa</i>	149
		<i>Vinum passulatum alvum movet</i>	72
		<i>Vnicornu alexipharmacum est.</i>	123

F I N I S.

